

OPVSCVLES

DE DIVERS AV-
THEVRS ME-
DECINS,

*

Redigez ensemble pour le prou-
fit & vtilité des Chirurgiens.

*Reueuz & corrigez de nouveau,
avec leur Indice.*



A LYON,
PAR JEAN DE TOURNES.

M. D. C. C. L.

38932

L I M P R I M E V R
A V L E C T E V R

62



Alien restaurateur de la Medecine demontre trois manieres de Medeciner: La premiere, par diete. Lautre par medecines & drogues prises par dedens le corps, ou appliquees par dehors. La troisieme, par la Chirurgie, cestadire, qui se fait par le moyen de la main. Laquelle il ha descrit en plusieurs liures, non sans grande louenge, comme il est manifeste par celui quil ha intitulé DES PROPRES LIVRES. Mais tant de lui que des autres les labeurs sont peris, par la malice du temps, en sorte que pour le iourdhui il ne reste rien de la Chirurgie de tant d'escrivans Grecs Medecins; sinon le v l. de Paulus Aegineta. Ce que considerant ay fait vn Recueil de plusieurs Auteurs, & les ay mis en vn Tome, à fin que les Chirurgiens & Barbiers ayent tout ce qui leur est plus necessaire, pour paruenir à la perfection de leur art. En premier

lieu est le Prologue & chapitre singulier du tres excellent docteur en Medecine & Chirurgie maistre Guidon de Cauliac, traduit & illustré de Commentaires par M. Iean Canappe, qui est comme le Sommaire de ce que doit sauoir vn Chirurgiẽ. Et pource que cest chose fort vtile de congnoltre les simples qui entrent dens les medicamens & emplatres, ensemble à quoy tout le composé sert, & ou il le faut appliquer, ie l'ay mis l'Epitome des trois premiers liures de Galien de la composition des medicamens en general, par M. Martin Gregoire, avec vn petit Traité des poix & mesures pour l'intelligence dudit liure: apres lequel suit la maniere de preparer le brunage de la racine du bois nommé Lesquine, sa nature, vertu & faculté. Il n'est besoin de mettre en auant à qui appartient la phlebotomie: car iournellement on void vn chacun auoir recours touchant cest affaire aux Chirurgiens, laquelle leur est totalement laissée pour exercer: parquoy iay adiouté le liure de Galien, de la Curation par mission de sang, & par Sangsues, reuulsion, cornettes, & scarification, aussi des Tumeurs outre le coutumier de nature, traduits par M. Pierre Tollet. Outre par ce que souuent aduiant, quil faut inciser

fer quelque membre du corps humain, & que cest vn grand danger de couper les nerfs, tendons, muscles ou veines, vous auez ici le liure de Galien du mouuement des muscles, duquel la congnoissance est fort necessaire, pour euitier vn tel inconuenient. Reste à congnoitre quand il fault appliquer la main aux personnes, & quand il sen fault deporter, & en quelle equité & purité il fault cheminer en exerçant son office, pour lesquelles choses à la fin sont adiouttez la Protestation & iurement d'Hippocrates, avec deux liures des Presages dice-lui mesmes, translatez par ledit M. Jean Canappe. Et le tout ay imprimé ensemble pour ton vtilité, proufit & commodité : parquoy tu prendras en gré nostre labour, & Adieu.

De Lyon ce 1111. Avril

1552.



6

M. IEAN CANAP.
PE AV CHIRVR.
GIEN SALVT.



Our te faire plaisir, & chose
aggreable, aussi pour mexer-
citer en ma profession, ie me
suis ingeré de mettre en lu-
miere quelques annotations
sus le prologue, & chapitre singulier de lex-
cellent Docteur en Medecine, & Chirurgie
(pour son temps) M. Guidon de Cauliac.
Non pas par faulte de notables, & assez am-
ples gloses composees sus icelui, mais pour en-
cores le mieux illustrer : en declairant & re-
stituant aucuns lieux, principalement sus le
Chapitre singulier. Iasoit que ie nignore pas,
que telles annotations ne soient estimees si
vulgaires, & de si petite reputation, quelles
pourront à l'aduenture fascher quelqu'un, qui
demanderoit autre chose plus ardue. Neant-
moins ce n'est pas si petite chose, de donner
Plin. li.i. nouveauté au choses anciennes, autorité aux
nat. hist. choses nouvelles, & lumiere aux choses obscu-
res, grace aux choses fascheuses, foy aux cho-
ses douteuses, nature à toutes choses, & toutes
choses

choses à leur propre nature. Laquelle chose se
 ie ne puis mettre en effect, à tout le moins le
 bon vouloir doit estre estimé. Ioint que ie
 ne scris pas, sinon pour les rudes, & nouveaux
 apprentis en Chirurgie. Or iay bien voulu al-
 leguer les Auteurs; desquelz iay en partie
 prins ces presentes annotations. Car cest vne
 chose benigne, & pleine dune honte franche,
 & libere, de confesser, par qui on ha proufi-
 té. Non pas comme auourd'hui plusieurs
 font, lesquelz transcrivent les Auteurs de
 mot à mot, sans les nommer. Ce que ne faisoit
 pas Cicero: lequel es livres de la Republique
 allegue Platon, & aux Offices Panetius.
 Aussi Galien en ses Commentaires allegue
 souuent le Diuin Hippocrates, Platon, Aristote,
 & autres innombrables. Aussi fait Paulus
 Aegineta, lequel confesse auoir imité Oribasius,
 & Aëtius. Car il appartient à vn lasche
 courage, & à vn engin rempli dinfelicité,
 daymer mieulx estre surprins en larrecin, que
 de confesser la debte, & rendre ce, quil ha
 prins dautrui. Certes nous nauons pas ap-
 prins (si peu, que nous sauons) des Muses, ne
 en songeant, mais par continuelle exercitation
 de voir les labeurs dautrui: & ce avec bon
 iugement. Car aucunefois il est expedient,
 pour maintenir verité, de contredire aux dits

Galien
 therap.

de noz predecesseurs: tout ainsi que ceux, qui viendront apres nous pourront contredire aux nostres. Pour vray il ny ha ne Socrates, ne Platon, ne autre (sinon que leur doctrine soit vraye) qu'on doine approuuer. Iouxte la sentence de Senegue, disant, que l'autorité, & le nom de Lantheur ne te doit point esmouuoir, mais ce, quil dit: à quoy il te fault estre attentif, sil est vray, ou non. Car ce, qui est escrit en beaucoup de liures,

Maria. nest pas tousiours conforme à verité. *Toutel.* *li. 1. epigr.* fois cest mal fait destre ingenieux au liure dautrui, cest adire de reprendre à tout propos les Oeuures dautrui, sans iugement. Comme auiourdhuï font plusieurs, qui ne laissent rien à vituperer les autres: iacoit quilx seroient bien empeschex den faire autant. En sorte, *Iuuent.* que bien souuent le boïteux se moque de ce- *li. 1. saty. 2.* lui, qui chemine bien droit: & le Maure, ou Ethiopien se moque de celui, qui est blanc. Ce que i en dy, nest point pour mexcuser enuers eux: car ie say bien que à grand peine pourray ie eschapper la commune condition de ceux, qui escriuent, cest que ie seray estimé daucuns trop proluxe: des autres trop brief: & autres semblables reprehensions de moy seront mises en auant. Neantmoins ie suis prest de les endurer volontiers, voire plus grandes:

grandes: mais quil en aduienne quelque prou-
fit à noz disciples, & à tous autres Lecteurs
studieux, & de bon vouloir. Considerant que *Cic. 1. offi.*
tout homme de bonne affection, ne se repnte
point estre né, pour soy seul, mais aussi pour
son país, & pour ses amis: en postposant sa
propre, & priuee vtilité à la commune. Par-
quoy, pource que ie nay pas entrepris cest
Oeuure de mon propre motif, sil en aduient *Galen. de*
aucune reprehension, ceux là en porteront la *phlebot.*
coulpe, qui m'ont enhorté, & quasi con-
traint de prendre ceste charge. Aussi
sil se trouue vtile, & digne de
bonne réputation, ie leur
en quitte toute la
louenge.

*



PROLOGVE
DE GVIDON
DE CAVLIAC,
docteur tresexcellent
en Medecine, &
Chirurgie.

*



*PRES, que iauray
premierement ren-
du graces à Dieu,
qui donne vie per-
petuelle aux Ames,
& santé au corps, medecinant les
maladies, par la grace quil ha don-
nee à tout corps, & ce par les ver-
tus conseruantes la santé, & deffen-
dantes de maladie, lequel ausi ha
donné à entendre l'art de Medeci-
ne, & l'engin de santé, aux diuins
de courage, & bien entendans, ie
mettray peine de faire quelque com-
ment*

mentation, & somme en l'art de
Chirurgie.

LEXPOSITEUR.

GUIDON, comme vn homme
de bien, & bon Chrestien, re-
connoissant, que tout bien, &
perfection vient de Dieu, pre-
mierement & deuât toutes choses lui rend
graces : nous donnant vn tres bon exemple.
Car action de graces est vne imitation à
plus grand benefice. Au contraire ingra-
titude est le plus grand peché qui soit : dau-
tant quelle est contraire à la plus grande de
toutes les vertus, qui est Charité. Or nous
lui deuons rendre graces (avec Guidon)
de ce, quil nous ha donné vne ame raison-
nable, & immortelle, nous créât à son ima-
ge, & similitude : & de la santé corporelle:
lesquelles deux choses principalement nous
loy deuõs requerrir: cest auoir santé d'ame, *Iuuenalis*
& de corps : sans lesquelles toutes les autres *Satyra 10*
choses ne sont que infelicité. Item ha don-
né à l'ame ses vertus : aussi ha il au corps, &
à chacune partie du corps : par lesquelles
vertus les actions, ou operations sont par-
faites. Car l'ame, qui est comme vn ouurier, *Gale. 1. de*
& le corps, qui est comme instrument de *usu part.*
lame

l'ame, accordét si bien ensemble, quil fault,
que les moeurs de l'ame ensuiuent la tem-

Galen. 1. simpl. ca. x. perature du corps. Et pour mieux entendre
ceci tu noteras, que vertu n'est autre chose,
sinon vne certaine cause efficiënte, ou vn
principe d'opération. Or il y ha trois vertus
(selon les Medecins) lesquelles gouernent
nostre corps. C'est auoir la vertu animale,
qui est au cerueau. La vertu vitale, qui est au
cœur. Et la vertu naturelle, qui est au foye.
Desquelles la substance cōsiste en la quanti-
té, & qualité moderee, tant de l'esprit, que
de la substâce solide. Car quand l'esprit, &
la substance solide sont bien contemperez,
& cōmoderez, il est necessaire, que les ver-
tus soient fortes. Mais au contraire, quand
l'esprit, & la substâce solide, sont alterez, ou
corrompus, il est necessaire, que les vertus
defaillent. Lesquelles vertus sont recōgnues
par leurs actions. Et pource, que Guidon ha
fait mention de santé, & de maladie, nous
en dirons aussi quelque mot, en passant : at-
tendu, que l'office dun Medecin ne consiste,
qu'en ces deux fins : cest auoir à garder la
santé, & à oster la maladie. Santé est vne
affection, cest adire disposition selon Natu-
re : laquelle est cause des actions. Au con-
traire maladie est vne affection contre Na-
ture : laquelle blesse les actions premierement,

& de par soy: cest adire sans que autre chose interuiene. A la differēce de la cause de maladie, & de l'accidēt: qui sont aussi deux affections contre nature, qui blessent l'action. Mais cest par accident, & non pas premierement, & principalement, ne de par soy. Quant à ce, quil dit, que Dieu ha donné à entendre l'art de Medecine aux diuins de courage. Cestē sentēce est cōforme à l'écriture, disant qu'ēvn ame maligne, & de mauuaise volunté n'entrera point de sapience: laquelle n'est autre chose, que la science des choses diuines, & humaines. Aussi Guidon au chapitre singulier veult, que le Chirurgien, entre autres conditiōs, soit bien moriginé, & quil soit de bonne nature: ioint, quil soit biē institué, & imbu en bōne doctrine, & quil y mette si grande diligence, quil ne cesse d'estudier iour, & nuict: qui sont les moyens pour paruenir à la fin pretendue. Laquelle Dieu donne à ceux, qui sont de bonnaires & de bonne volunté. Ce sont les diuins de courage.

G V I D O N.

Premieremēt donq au commencement de ma commentation, ou collection de l'art de Chirurgie, ie rends
grac

graces à Dieu viuant, & Vray: qui donne estre, ou essence à toutes choses: sans lequel nul exorde, ou commencement nest bien fondé. En recourant tresdeuotement vers lui: & en le suppliant de toutes les Vertus de mon cœur, quil menuoye ayde du ciel en cest œuvre, & en tous autres: & quil me garde de sa sainte forteresse de Sion: en me donnant bon commencement & meilleur moyen: en sorte, quil lui plaise, que iaccomplisse ce, qui sera Vtile, & proufitable: en me conduisant à bonne fin.

L E X P O S I T E V R.

*Arist. 2.
Ethic.*

Si ainsi est, que nous ne cherchons pas que cest de vertu, à celle fin seulement, que nous soyons sauans, mais plustot à fin, que nous soyons bons, & vertueux, qui est la fin de tout sauoir: certes ie ne puis trop estimer, & auoir en bonne reputation le bon Guidon: ie di bon, car (selon mon iugement) il estoit homme vertueux, & de bonne vie. Pource, que de labondance du cœur
la

la bouche parle, ses bonnes, & gracieuses paroles signifient, quil estoit homme rempli de la grace de Dieu. Car vn bon seruiteur, qui est bien en la grace de son maistre, dit volontiers beaucoup de bien de lui, & le remercie de ses biens faits. Ainsi fait Guidon, suppliant Dieu, quil lui vueille donner ayde, & le garder, tellement quil soit son commencement, & sa fin. Car cest Dieu, qui est, *α, & ω*. Lequel nous admonnest de auoir recours vers lui, quand il dit. Venez vers moy vous, qui auez labour & charge, & ie vous refocilleray. Lequel, par sa grace, nous vueille si bien refociller, & illustrer noz esprits, que nous puissions si bien exercer nostre art envers nostre prochain, que nous nen ayons reprehension aucune ny deuant les hommes, ny deuant lui.

GUIDON.

La cause de ceste commentation, ou collection, n'a pas esté faulx de liures: mais plustot vnitè, & prouffit. Car chacun ne peut pas auoir tous les liures. Et quand il les auroit, il se fâcherait de les lire. Et dauantage ce seroit chose diuine de les retenir
tous.

tous en sa memoire. Outre plus iacoit, que diuerse leçon soit delectable, & plaisante : toutesfois Vne certaine leçon est plus proufitable. Ioint, que es constructions, ou compositions, les choses se racoutrent tousiours de mieux en mieux. Aussi les sciences sont faites par additions. Car il nest pas possible, quun mesme homme puisse commencer Vne science, & la finir. Pour certain nous sommes, comme les enfans, qui sont au col dun Geant, dautant que nous pouuons Voir autant, que le Geant, & vn peu plus. Il y ha doncques Vnité, & proufit aux constructions, & commentations, ou sommaires, & briues collections.

L E X P O S I T E V R.

Guido rend cinq causes, & raisons, pour lesquelles il ha composé son ceuvre : lesquelles sont assez manifestes au texte : & principalemēt les trois premieres. Quant à la quatrieme, ou il dit, iacoit, que diuerse
leçon

leçon soit delectable, & plaisante, toutes-
 fois vne certaine leçon est plus proufitable:
 la chose peult facilement estre demontree.
 Car la leçon est proufitable, laquelle on
 entend bien, & met on en memoire. Or la
 leçon certaine, & frequentee, est mieux en-
 tendue, & dautant qu'on y pense plus, est
 mieux insculpee, ou gräuee en la memoire,
 que n'est vne diuersité de leçons, ou nous
 nauons nul arrest. Parquoy ie conseille ä
 tous ceux, qui voudront proufiter en leur
 estude, quilz choisissent premieremēt quel-
 que bon liure (car cest folie de consumer
 le temps en choses inutiles: attendu, que
 l'art est long, & la vie brieue) & quilz ne
 le laissent point, quilz ne layent veu, &
 reueu plusieurs fois. Pource, que la con-
 gnoissance des choses sensibles est confer-
 mee, en les frequentant, & voyant sou-
 uentefois. Comme vn homme, que nous
 nauons iamais veu, que vne fois, dici ä
 vn temps si nous le rencontrons, nous ne
 le recongnoissons non plus, que si iamais
 nous ne lauons veu. Mais si nous lauons
 souuentefois veu, & frequentē, il n'est pos-
 sible iamais de le mescongnoitre. Ainsi est
 il des liures, que nous lisons. En apres-dit
 Guidon, que les sciēces sont faites par addi-
 tion: car il n'est possible, qu'un mesme hōme
 puisse

*Galen. 2.
de motu
muscul.*

*Galen. 6.
simpl.
Gal. 3. ca-
tageni.*

*Galen. in
Hyp. lib.
1 apho. 1*

puisse commencer vne science, & la finir. Et principalement la science, ou art de Medecine, laquelle est si grande, quelle excède la vie de l'homme, quelque diligēt, & laborieux quil soit : en sorte, que nul ne la peult commencer, & mener iusques à la fin. Parquoy il est expedient de faire des commētations, lesquelles interpretent en brieſ, & cler langage toute la nature des choses, qu'on veult enseigner. Car la terre est bien sterile, qui ne peult produire aucun fruit : aussi l'engin est bien miserable, qui vse tousiours des inuentions d'autrui, & ne peult rien inuenter de soymesmes. Pourtant dit bien Galien, que de iour en iour lon trouue beaucoup de choses, que les anciēs nont pas inuentees. Et cest ce, que inferē Guidon, quand il dit, que nous sommes cōme les enfans, qui sont au col dan Geant.

*Gale. 14
therap.*

G V I D O N.

Toutefois (comme dit l'excellent Platon) pource, que les choses, qui sont escrites plus briuement, quil ne conuient, sont diminuees, & obscures: & les choses, qui sont escrites trop prolixement, faschent ceux qui les voyent.


voient, & lisent : il est bien difficile, qu'un liure soit sans aucune reprehension. A ceste cause, pour le soulas de ma vieillesse, & pour l'exercice de mon entendement seulement, à vous mes Seigneurs les Medecins de Montpeslier, de Boulongne, de Paris, & d'Avignon, & principalement à ceux du Pape, qui auez esté mes Compaignons au service des saints Peres, avec lequelz iay esté nourri, en oyant, en lisant, & en ouurant : ie redigeray par escrit les principaux dits des Sages, quilz ont traite en diuers liures de Chirurgie : en observant vne compendiosité, & briueté moderee. Pourquoy ce present liure sera intitulé, & nommé l'inuentoire, ou le collectoire de Chirurgie. Or ie nay rien adioute du mien propre, sinon bien peu, que iay reputé vtile, iouxte la mediocrité de mon engin. Toutefois sil

y ha quelque chose imparfaite, douteuse, superflue, ou obscure, ie la sub-mets à vostre correction, vous suppliant pardonner à mon petit savoir.

L E X P O S I T E V R.

Galen. 7. Galien dit, qu'il ne fit iamais oeuvre, *therap.* pour vne ambition, & contention dhonneur : laquelle (comme Cicero certifie) est du tout miserable. Mais pour faire plaisir à ses amis, ou pour exercer son esperit, ou pour obuier à l'oubliance de vieillesse (comme disoit Platon) il ha composé ses Commentaires, & liures. Ainsi ha fait Guidon, en obseruant vne mediocrité descrire. Car vn Oeuure, qui est bref, il est obscur, en omettant beaucoup de choses vtils. Et celui, qui est long, est ennuyeux & fascheux, & aucunesfois y ha quelques redites. Parquoy il est bien difficile de faire quelque Oeuure sans reprehension : attendu que ce n'est pas chose facile de garder mediocrité, sans decliner çà ou là. Consequemment il nous montre les moyens pour paruenir à la perfection de Chirurgie : lesquels sont trois. C'est auoir ouïr les gens de bon sa- uoir. Lire les bons liures, en faisant tout deuoir de les bien entendre. Et se exercer dilig

diligemment aux Oeuures de l'art. Finalement pour couter toute arrogance, & presumption, considerant quil est homme, & par consequent, quil peult errer, il se submet à la correction de ceux, qui liront son liure : filz y trouuent aucune imperfection, doute, superfluité, ou obscurité.



CHAPITRE SINGV- lier, auquel sont premises aucunes choses fort necessaires à vn chacun, qui veult proufiter en l'art de Chirurgie.



*Reschers Seigneurs,
ce present liure, ou
Commentaire est fait
en maniere dinuen-
toire de ciuile here-*

*dité. Car tout ainsi, quen vn inuen-
toire ciuil, les choses plus communes,
& plus dignes de tout lheritage,
sont premierement escrites: sembla-*

blemēt en ce present œuvre, est premis le chapitre Singulier : auquel sont contenues aucunes choses communes, bien necessaires à Vn chacun, desirant proufiter en l'art de Chirurgie. Et cest ce, que le Philosophe nous demontre au premier de Physique, disant quil nous est naturellement donnee Vne Voie de proceder des choses plus communes, aux speciales.

LEXPOSITEUR.

Arist. li. 1 Aristote Prince des Philosophes, & pour
Phys. c. 1 tant nommé le Philosophe, par vne excellence, dit au premier liure de Physique: Puis quea toutes doctrines, lesquelles ont leurs principes, ou causes, ou elemens, la congnoissance, & science est acquise, quand on congnoit lesdits principes, ou causes, ou elemens (car nous estimons sauoir vne chascune chose, quand nous congnoissons les causes premieres, & les premiers principes, iusques aux elemens) il appert donq, quil fault premierement determiner des choses, qui appartiennēt aux principes de la science naturelle. Or nous auons vne voye, & methode

chose ordonnee de nature, de proceder des choses, qui nous sont plus notoires, & plus manifestes, aux choses plus notoires à nature. Car ce n'est pas tout vn des choses, qui nous sont manifestes, & des choses manifestes simplement, ou à nature. Parquoy il est necessaire, que nous procediōs en ceste maniere, cest auoir des choses moins manifestes à nature, que à nous, aux choses plus manifestes à nature. Or les choses confuses, ou composees, premieremēt nous sont plus manifestes. Mais les elemens, & principes nous sont manifestes en apres, par lescdites choses confuses, ou composees : & ce par la diuision dicelles choses composees. Pourtant il fault proceder des choses vniuerselles, aux choses particulieres, & singulieres. Car vn tout est plus notoire au sens : & ce, qui est vniuersel est vn tout, d'autant quil contient plusieurs choses, comme ses parties. Ainsi sont les noms aucunemēt au regard de leur diffinition : car ilz signifient vn tout confus, & indistinct, cōme ce nom Cercle. Mais sa diffinition fait vne diuision en toutes ses parties. Semblablement les petits enfans appellēt premieremēt tous hommes leurs peres, & toutes femmes leurs meres : mais puis apres ilz discernent, & connoissent distinctement leur pere, & leur

mere. En ceste maniere procede Guidon: cestasauoir en traitant premierement des choses vniuerselles, ou generales, & commune en ce present chapitre singulier: lequel est ainsi nommé, à cause de l'excellence, & singularité, qui est en lui, sus tous autres chapitres: car en peu de paroles il comprend toute la somme de Chirurgie. Et consequemment il procede aux choses speciales, ou particulieres, & singulieres.

G V I D O N.

Disons donques premierement, que cest de Chirurgie: car iacoit, que plusieurs layët diffinie en plusieurs manieres, toutefois ilz ont tous prins leur fondement de nostre pere Galien, en l'introduëtoire de medecine, ou il dit ainsi, Chirurgie est vne partie de therapeutique: laquelle guarit les hommes, par incision, par vñtion, & articulation d'os.

L E X P O S I T E V R.

Cic. 1. off. Cicero Prince de loquence Latine, dit au premier liure des Offices. Toute institution,

tion, & propos de quelque chose que ce soit, laquelle est prise de raison, doit commencer par diffinition : à celle fin, qu'on entende la matiere de laquelle on doit disputer & tenir propos. Or diffinitio (comme dit Quintilian au septieme liure de l'institution Oratoire) nest autre chose sinon vne enunciation (cestadire oraison, ou explication) propre, clere, & briene, de la chose proposée. Or il y ha deux manieres de diffinition. Lune est essentielle, & lautre accidentale. Diffinition essentielle, cest celle, qui est composée du genre, & de la difference. Comme la diffinition essentielle de lhomme, cest animant raisonnable. Lautre diffinition est accidentale, appelée description : laquelle est composée du genre, & du propre, ou autres, qui sont mis au lieu diceux. Comme la diffinition accidentale de lhomme, cest animant risible, ou né à rire. Aussi Guidon apres auoir declairé la singularité & excellence de ce chapitre, & lordre de sa doctrine, cest de proceder des choses vniuerselles aux particulieres, & singulieres, pour entendre, que cest de Chirurgie, il commence à la diffinition, ou plus-tot description de Chirurgie. Toutefois pource, que ceste matiere appartient plus aux Dialecticiens, que aux Chirurgiens, ie

me deporteray den parler plus outre. Reste d'interpreter ladite diffinition, cestasauoir partie de therapeutique. Car la therapeutique (cestadire art curatiue) est diuisee en trois parties, qui sont Diete, Pharmacie, & Chirurgie. Diete, cest la maniere & raison de viure, ou regime. Pharmacie gist, & consiste es medicamens. Et Chirurgie en operation manuelle. Or nous appellons medicament tout ce, qui peult alterer nature, & est prins des plantes, ou des animaux, ou des metaux. Tout ainsi, que nous appelons nourrissement, tout ce, qui peult augmenter la substance du corps. En apres sensuit : Laquelle guerit par incision, vstion, & articulation. Ce sont trois operations manuelles, comme sera declare cy apres plus amplement.

G V I D O N.

A laquelle diffinition il adioute, au Comment du premier liure de la Diete es maladies agues. Et par les autres operations manuelles. Et ainsi Chirurgie est descrite complectement, & entierement (selon quelle est confiderce

*fideree estroitement) en tant quelle
est le tiers instrument de medecine.*

LEXPOSITEUR.

Qui assemblera ce, que Guidon ha de-
vant dit, avec ce, quil dit maintenant, il
aura vne diffinition complete, ou pro-
pre & estroite, de Chirurgie : qui est tel-
le. Partie de therapeutique, laquelle gua-
rit les hommes par incision, par vstion, &
articulation dos, & autres operations ma-
nuelles. Neantmoins le texte de Galien, que
Guidon pretend dalleguer tant de lintro-
ductoire, que du premier liure de la Diete
es maladies agues, est de telle sentence.
Premierement de lintroductoire. Chirur-
gie (en parlant proprement) est ablation
de la chose estrange, par incisions, & par
compositions (cestadire coniections) la-
quelle est faite par methode, & voye ratio-
nale. Item aussi est curation des playes, &
vlceres, qui aduiennent au corps humain.
Quant au texte du premier liure de la Die-
te des maladies agues, le sens est tel. La ma-
niere de curer est diuisee en trois parties:
cestasauoir, Diete, Chirurgie, & Pharma-
cie. Diete est faite par la maniere accoutu-
mee. Chirurgie par incisions, & adustions,

*De man-
iere de
curer
les maladies
agues
Galien. in
Hip. 1. de
rat. vict.
in morbis
acut.*

& toutes autres operations manuelles accoustumees. Pharmacie est la tierce partie de Medecine, laquelle est parfaite par medicamens. Ce texte ha esté dessus assez declairé.

G V I D O N.

Mais en considerant Chirurgie plus largement, selon quelle est science de curer les maladies, esquelles eschet, & est pretendue operation manuelle, sans exclure les deux autres instrumens de Medecine, cest asauoir potion, & Diete, telle description est assignee selon les dits de tous, cest asauoir : Science, qui enseigne la maniere & qualité d'ouurer, principalement en consolidant, & incisant, & exerçant les autres operations manuelles: laquelle guarit les hommes, selon quil est possible.

L E X P O S I T E V R.

Guidon baille ici vne autre diffinition de Chirurgie : laquelle est plus ample, & plus

plus large que la premiere. Car la premiere exclud diete, & pharmacie : tellemēt quelle ne pretend curer seulement, que par operations manuelles accoutumees : comme Galien lha descrit au premier liure de la Diete es maladies agues. Mais ceste seconde diffinition est si ample, quelle pretend curer, non seulement par operations manuelles, mais aussi par diete, & pharmacie. Vray est, que principalement par operations manuelles, sans exclure toutefois les deux autres. Et me semble, que ce, que Guidon appelle potion, seroit mieux dit pharmacie. Laquelle ne consiste pas seulement en potions, ou bruages, mais en tous genres de medicamens. Or nous auons dessus declairé, que cest, que medicament.

G V I D O N.

Science est ici mise au lieu du genre. Et ne vault largument, ou obiection, qu'on pourroit faire : en disant, que Chirurgie en plusieurs lieux est appelée art. Car ici le nom de science est prins largement, & non pas proprement. Car les habits,
ou

ou qualitez de l'ame, ont si grande colligance, & affinité ensemble, que souuent lune est mise pour l'autre. Toutefois la verité est telle, que Chirurgie est de deux manieres : C'est auoir lune, qui enseigne, laquelle propremēt est nommee science : & icelle aucun peut auoir, combien quil nait iamais ouuré. L'autre est vsuale, ou experimētale : laquelle proprement est nommee art : & icelle nul ne peut auoir sans ouurer. Laquelle Aristote ha numbree entre les arts mechaniques. Et cest ce, que Galien disoit au premier liure des Alimens. Cest que nul ne peut deuenir gouuerneur, ne ouurier en aucun art, par liure seulement. Car les ouuriers ouurent tant seulement par la seule doctrine, laquelle est acquise en soy exercitant.

L E X P O S I T E V R.

En la diffinition de Chirurgie, ce nom science est genre, au regard de Chirurgie, qui est espece. Et pour entendre ceste matiere, il fault sauoir, que cest de genre, & d'espece. Genre est vn nom, qui peult estre dit de plusieurs choses, differentes en espece. Exemple : comme science, ou art, peult estre dit de Chirurgie, & de toutes autres sciences, ou arts. Autre exemple : ce nom cy animât, ou animal, peult estre dit de l'homme & de toute beste, qui different en espece. Mais espece est vn nom, qui peult estre dit de plusieurs choses, differentes en nôbre seulement, & non en espece. Exemple : comme Chirurgie est vne espece, au regard de science, ou art. Autre exemple : ce nom cy homme, peult estre dit de Pierre, & de Iean, & de tous hommes : lesquelz different en nombre seulement, & non en espece. Car toute Chirurgie est science, ou art : & non pas au cōtraire. Aussi tout homme est animant, ou animal, & non pas au contraire. Or pour sauoir si Chirurgie est science, ou art, il fault noter, que science proprement prinse, est vne certaine congnoissance de quelque chose, par sa cause. Laquelle consiste seulement en speculation sans requerir
aucun

*Porphyr-
ius pra-
dicab.c.2.*

*Idē pra-
dicab.c.2.*

aucun acte, ou œuvre. Mais art consiste en acte, ou œuvre. Toutefois ceste difference n'est pas tousiours obseruee : Car les medecins confondent souuentefois les noms : comme dit Galien au premier liure des differences des fieures. Exemple : quand on appelle vne fieure grande, cest parler improprement. Car on abuse du nom de quantité, pour le nom de qualité. Pareillement quand Galien diffinit medecine, au liure dit Techne, disant que cest science des choses salubres, insalubres, & neutres, il dit, quil faut prendre le nom de science communement, & non pas proprement. Ainsi nous pouuons dire, que Chirurgie theorique (cestadire speculative) est science. Et que Chirurgie pratique, cestadire actiue, ou operatiue, est art. Quant au texte de Galien, au premier liure des alimens, cestadire nourrissemens, le sens est tel. La seule exercitation, qui est frequentee par ample enarration, & solide doctrine des maistres, nous peult redre ouuriers. Parquoy ce, quon dit communement, est bien dit. Cest, que vne doctrine est tresbonne, laquelle est apprinse dune viue voix. Car nul ne peult deuenir bon marinier, ou bon capitaine, ou bõ maistre, & ouurier, de quelque art que ce soit, par liures seulement. La

senten

sentence de Galien me semble consonante au prouerbe, qu'on dit communement: Il en parle, comme clerc d'armes.

G V I D O N.

Les autres noms sont mis pour difference. Mais pource, que cest matiere de logique, ie m'en deporte.

L E X P O S I T E V R.

Quand Guidon diffinit Chirurgie, que cest science de curer les maladies, &c. Science, comme nous auons dit, est genre: & tout ce qui sensuit, est differéce. Or pour entendre, que cest difference, il fault noter, c'est selon Porphyre il y ha trois manieres de difference. C'est auoir commune, propre, & encores plus propre. Difference commune, cest quand vne chose differe dauec vne autre, ou dauec soy mesme, par vn accident separable: en quelque maniere, que ce soit. Exemple: quand iefais quelque chose, ie differe dauec ceux, qui se reposent, ou dauec moy mesme, si ie me repose. Difference propre, cest quand vne chose differe dauec vne autre, par vn accident inseparable. Exemple: si iay vn nez aquilin, ou

*Porphy-
rius ca. 3.
pradicab.*

crochu, ie differe dauec vn autre, qui est camus. Mais difference plus propre, cest quand vne chose differe dauec vne autre, par vne difference specifique. Exemple: vn homme differe dauec vn cheual, par vne difference specifique, cest auoir par qualite raisonnable. Laquelle s'appelle difference specifique, pource quelle fait lespece: cest adire quelle, avec le genre, diffinit lespece. Comme ceste difference ci, raisonnable, avec ce genre animal, fait, & diffinit ceste espece homme. Car si on demande. Quest ce qu'un homme? On respondra animant, ou animal raisonnable. Or ie presuppse, que nous auons assez declaire, que cest de genre, espece, & difference. Et pource, que iouuentefois on fait mention en Chirurgie, de ces deux noms, propre, & accident: ce ne sera point hors de propos de les donner a entendre. Propre est dit en quatre manieres. Premièrement, quand il conuient a quelque espece seule, & non pas a toute lespece. Exemple: Estre Medecin, ou Geometrien conuient a l'homme seul, & non pas a tout homme. Secondement, quand il conuient a toute lespece, & non pas a elle seule. Exemple: Avoir deux pieds, conuient a tout homme, & non pas a l'homme seul. Tiercement, quand il conuient a toute lespece,

pece, & à elle seule, mais non pas en tout temps. Exemple: Estre chenu; conuient à tout homme, & au seul homme, mais non pas en tout aage. Quartement, quand il conuient à toute lespece, & à elle seule, & tousiours. Exemple: Estre risible, cest adire estre né, & apte à rire; conuient à tout homme, & au seul hōme, & en tout temps. Mais accident, cest ce, qui aduient à quelque subiet, & en peult estre separé, sans la corruption dudit subiet. Et est de deux manieres: cest auoir separable, & inseparable. Accident separable, comme dormir. Accident inseparable, comme la couleur noire; au regard dun corbeau, ou dun Ethiopien. Iasoit quon puisse entendre, ou imaginer, quilz soient blancs, sans la corruption du subiet. Voila les cinq voix, ou predicables; dont la congnoissance est necessaire à tous Chirurgiens. Cest auoir genre, espece, difference, propre, & accident. Car quiconque nentend les termes de lart, qui pretend sauoir, il sabuse: aussi bien, que celui qui veult bastir quelque edifice sans fondemens. Non pas, que ie vueille louer les Sophistes: lesquels croiēt, que Logique & Philosophie, ne peuuent estre acquises sans leur Sophisterie. Certes ilz sont semblables à ceux, qui voudroient

c 2

dire,

dire, quil seroit impossible, que les champs, & terres fussent fertiles, sinon quil y eust abondance des pines, de chardons, & autres meschantes plantes. Mais ie veux dire avec

*Gal. 1. de
elemen.*

Galien, que la Medecine est plus facile, & beaucoup mieux congneue à ceux, qui sont exercitez en Logique. Et que ceux, qui ny entendent rien, le plus souuent sont contentieux, & quereux : estimans, quon leur fait grand tort, si on les veult reduire en quelque antre meilleure opinion, que nest celle, quilz tiennent. Ie veux dire outre plus, que nul ne peult exactement constituer aucune doctrine, sans la speculation

*Gal. 1. ar-
tis. curat.
ad Glau.*

de Logique. Item que la premiere, & principale cause des erreurs, qui aduiennent aux autres institutions, & arts, & mesme-ment ceux, que les Medecins commettent, en la cure des malades, cest faulte de bonne diuision. Car aucuns sarrestent aux premiers, & supremes genres : & prennent seulement indications diceux. Les autres font leur diuision plus outre, toutefois ilz ne paruiennent pas iusques à la fin. Les autres vsent de diuisions vicieuses, & mauuaises. Et tout ce aduient par ignorance de logique. Cest doncq vne chose assez demon-
tree, que tous Medecins, qui ignorent les methodes de logique, errent souuent.

*Galien. 2.
simpl.*

G V I D O N.

À la fin de la diffinition de Chirurgie, est mis, laquelle guarit les hommes, selon quil est possible. Car comme disoit mon maistre Raymond, docteur de Montpeslier, Toutes choses ne sont pas en vn homme: mais vn ha quelque sauoir, que lautre nha pas. Dautre part il nest pas possible au Medecin, de tousiours guarir le malade.

L E X P O S I T E V R.

Guidon montrant limperfection de lhomme, dit, que tout sauoir nest pas en vn homme. Mesmement le Poëte Ethnique ha démontré, que nous tous ne pouuons pas toutes choses. Car comme en vn corps il y ha plusieurs membres, lesquelz nont pas vne mesme action: aussi nous sommes tous differens selon le don de grace, que Dieu nous ha donné: à lun plus, à lautre moins. Dont ie mesbahi aujourdhui grandement de linconstance, folie, & peruersité dau- cuns, qui se pensent, & publient saoir tou-

Virgil.
eglog. 2.

tes choses : & n'estiment les autres rien sa-
 uoir. Et à ce propos me souuient d'une fa-
 cetieuse responce d'Esop. Lequel (vn au-
 tre soy disant tout sauoir faire) respondit,
 quil ne sauoit rien faire. Pareillement ceux
 ci peuuent bien conclure, que les autres ne
 sauent rien, si ainsi est, quilz sachent tout:
 ce que ie ne croy pas. Car quiconque se
 pense saoir quelque chose, il ne scet pas
 encore comment il fault saoir: iouxte la

Socrates. Sentence de Socrates disant, ie say seule-
 ment vne chose, cest que ie ne say rien.
 Voila la cause, pourquoy aujourd'hui plu-
 sieurs Scioles ne daignent plus estudier.

Cicero de Senectute. Certes ilz ne font pas comme Solon le-
Solon. gislateur des Atheniens:lequel se glorifioit
 de denenir vieux, en apprenant tous les
 iours quelque chose. Ne comme le sage

Cato. Caton, lequel en son vieil aage aprint les
 lettres Grecques. Il fault donc que chacun
 estime tout saoir n'estre pas en vn hom-
 me & que lun scet ce, que lautre ne scet pas.
 Outreplus il ne fault pas faire tant de pro-
 messes folles, & temeraires, de guerir à
 tout propos: comme font ce iourdhui plu-
 sieurs erratiques, & coureurs: qui abusent
 le monde par leurs plaquarts, promettans
 guerir de toutes maladies, & plusieurs au-
 tres, quon appelle Empiriques, & mal:

Car

Car ilz ne meritent pas ce nom : mais doi-
 uent estre appelez circulateurs, ou baste-
 leurs, ou theriacopoles, vulgairement tria-
 cleurs, ou imposteurs & abuseurs. Ausquelz
 ie ne souhaite autre mal, sinon que en tou-
 tes les villes de France on leur fist tel hon-
 neur, & si triomphante entree, comme à
 Montpessier. Il fault donq tousiours auoir
 la sentence de Hippocrates en memoire. *Hippo. I.*
 Cest que en preuoyant les maladies futu- *prædict.*
 res, la curation succede mieux : iacoit quil
 nest pas possible, que tous malades soient
 reduits en santé. Laquelle chose seroit
 beaucoup meilleure, que de preuoir, & pre-
 dire les choses à aduenir. Et Ouide dit, il *Ouidius*
 nest pas possible à vn Medecin guarir *lib. I. de*
 tousiours le malade : car aucunesfois la ma- *Ponto.*
 ladie est plus forte, que l'art.

G V I D O N.

*Demander demonstration à Vn
 Medecin, cest demander sermocina-
 tion, ou eloquence à Vn Traule : car
 Vn chacun des deux n'ha pas les in-
 strumens. Mais comme disoit le do-
 cteur subtil, il suffit de faire ce, que
 l'art commande.*

LEXPOSITIVR.

Galen. in Hip. aph. 32. lib. 6. Traule cest vn nom Grec, signifiant autant, comme balbutiant, ou begue. Cest quand la langue ne peut exquisement prononcer, & dearticuler les voix, ou vocables, qui sont proferez par t, & r. Or tout ainsi quun Traule ne peut pas si bien prononcer, comme vn autre: semblablement vn Chirurgien, qui nha que la Chirurgie pratique, nest pas exercité en demonstration, cestadire en syllogisme scientifique, en Grec epistemonicos. Toutefois celui, qui y est exercité, demontre par raisons peremptoires, & inuincibles, comment il doit proceder en son art. Et cest ce, que dit

Gal. 1. aliment. Galien. Cest vne chose iniuste, de croire plus à lun que à lautre, sans demonstration: veu que les principes de demonstration procedent ou du sens, ou dune euidente notice. Le docteur subtil (cest Auerrois) disoit, quil suffit de faire ce, que lart com-

Quintil. libr. 2. in- sit. Orat. mande. Tout ainsi, que dit Quintilian, quun bon Orateur, ou Aduocat, ne gaigne pas toutes causes, & ne persuade pastoujours: mais il suffit, quil nomette rien de ce, qui est requis à persuader ainsi, que son art le commande. Ainsi est il dun Chirurgien.

GVIDON.

Or il fault entendre, quen toutes maladies l'art commande la propre cure: exceptez trois cas, esquelz suffit la cure large, preseruatine, ou palliatine. Le premier cas est, quand la maladie est simplement, & de soy incurable, comme lepre. Le second cas est, quand la maladie est curable de soy: toute fois elle est en vn patient desobeissant, & qui ne peult pas souffrir la peine: comme vn cancer, en quelque membre particulier. Le troisieme cas est, quand la curation de ceste maladie engendreroit vne plus grande maladie. Comme guarir mal mort inueteré, ou hemorroïdes inueterées, si quelquune nest gardee, il y ha danger d'hydropisie, ou de manie: comme dit Hippocrates. Et cest ce, que pretend Galien au neuuieme de la Therapeutique.

Hip. li. 6.
apho. 11.

L E X P O S I T E V R.

Galen. in Galien dit, quil y ha deux manieres de
Hip. li.6. curation. La premiere est de faire toutes
apho.38 choses requises, à celle fin, que la partie ma-
 lade soit reduite en santé. Lautre est duser
 de telle prouidence, comme il conuient à
 la maladie: cest auoir damollir, & de miti-
 guer la maladie. La premiere est appellee
 vraye, & propre cure. Lautre est cure im-
 propre, preseruatiue, ou palliative. De la-
 quelle on vse en trois cas, que met Guidon.
 Le premier cas est, quand la maladie est in-
 curable de soy, comme lepre: cest adire Ele-
 phantie. De laquelle parle Paulus Aegineta
 en ceste maniere. Aëtius ha tresbien dit,
Aegineta quil fault, que la vertu des remedes soit
lib.4. ca.1 plus forte que les maladies. Et pour ceste
 cause Elephantie est incurable: dautant
 quon ne trouue nulle medecine plus forte
 que elle. Car si cancer (qui est comme vne
 Elephantie particuliere, cest adire, qui ad-
 uient à vne partie) est mis entre les mala-
 dies incurables, mesmement selon Hippo-
 crates: par plus forte raison Elephantie (qui
 est, comme vn cancer vniuersel, cest adire de
 tout le corps) sera sans aucun remede. Car
 veu, que atra bilis, ou si tu veux dire la bile
 noire (de laquelle est causee ceste maladie)
 est engédree en deux manieres, cest auoir
 de

de sang melancolique & feculent, cestadire, qui est comme la lie, & le limon du sang: ou de la flaue bile, ou cholere, ientens par trop grande adustion des deux, il sensuit, que la premiere difference de atra bilis engendre lelephantie rouge: laquelle est aucunement plus douce, cestadire moins maligne. Lautre difference de bilis atra, cestasauoir, qui est faite par adustion de cholere, engendre lautre espee delephantie, qui est plus maligne, & qui gaste, & diffame tout le corps, avec vlcetes, & red la superficie du corps aspre, & squameuse. Parquoy à ceux, q sont desia vaincus de ceste maladie, il ny fault plus mettre la main. Mais si la maladie est encores recete, tellemet quil ne soit encores rien tombé de la superficie, & quil ny ayt nulle vlceratiō, ne tumeurs fort eminētes, & q seulesmet la face soit de trop grosse couleur, ou trop rouge, en sorte toutefois, quelle ne soit pas fort difforme, alors nous experimenterons la cure. Or ce nest pas ici le lieu de deschiffrer, & dexliquer la cure des maladies. Quant au second cas, que met Guidō, cest que la maladie est curable de soy, toutefois elle est envn patiēt desobeissant, & qui ne peult souffrir les remedes, cōme vn cancer en quelque membre exterieur, ou manifeste. Ou pour bien entendre

tendre ce secōd cas, il fault alleguer lapho-
Hipp.li.6 risme de Hippocrates disant. Il est meilleur
aphor.38 de non pas curer les cancrs occultes: car les
 patiens, quon pretend curer, meurent incon-
 tinent. Mais ceux, quon ne cure point, viuēt
Gal. ibid. plus long temps. Galien exposant cest apho-
 risme, dit, que Hippocrates ha appellé can-
 cres occultes ceux, qui sont sans vlcération
 ou ceux, qui sont cachez, cestadire non ap-
 parens: comme sil disoit, qui sont en la pro-
 fondité du corps. Item dit, quil y ha deux
 manieres de curation, comme dessus ha esté
 declairé. Dit dauantage, que la seconde ma-
 niere (qui est palliatine) conuient aux can-
 cres vlcerez. Car il est nécessaire (si nous
 ny faisons autre chose) à tout le moins,
 que nous mondifions la sanie, en vsant de
 quelque medicament humide, non pas tel
 quel, mais inuenté ou par experience, ou
 par indication: lequel de sa nature ne pour-
 ra putrefier, ne irriter la partie patiente. Il ne
 conuient donq pas se deporter de ceste cu-
 ration, de laquelle les cancrs sans vlcera-
 tion nont que faire. Quant à lautre curatiō,
 laquelle est faite par incisiō, ou vstion, cest-
 adire cauterization (qui sont les seulz ré-
 medes de cancrs) Hippocrates conseille,
 que nous ne les appliquons point aux can-
 cres occultes, Or que les cancrs, qui sont
 aux

aux parties profondes, ne desirét point telz remedes, l'experience le montre. Car ie say pour certain, que tous ceux, qui se sont essayez de curer telz cancrs, les ont plus irritez, & en brief temps ont tué les patients. Aussi ceux, qui ont cauterizé, ou incizé vn cancer situé au palais, & au siege, & en la matrice, n'ont peucicatrizer les vlcères: & ont amené les pources patients affligez de cure, & macerez, iusques à la mort. Lesquelz filz ny eussent appliqué aucune cure, ilz eussent vescu plus longuement, & avec moindre moleste, & peine. Ne tentons donc nullement de curer telz cancrs. Mais quant à ceux, qui sont à la sommité, & superficielle partie du corps, nous essayerons de curer seulement ceux, que nous pouuons resequer, & extirper, avec leurs racines, par maniere de dire. Car ce n'est pas mal nommer, comme racines des cancrs, les veines, qui sont pleines de sang melancolique: & qui sont distendues iusques aux lieux circonstants. Parquoy me semble, que la, ou Guidon dit membre particulier, qui vaudroit mieux dire membre exterieur, ou manifeste. Le troisieme cas est, quand la curation de ceste maladie engendreroit vne plus grande maladie. Comme guerir mal mort inueteré, qui n'est autre chose sinon vne vlcération crucif

teuse

teuse, & seiche, laquelle infecte les bras, & les iambes principalement: les Grecs appellent Vlcas escharodes. Item guerir hemorroïdes inueterées, si quelque vne nest gardée, il y ha danger d'hydropisie, ou de manie, cōme dit Hippocrates. Là ou Guidon dit manie, il y ha au texte d'Hippocrates, tabes. Pour entendre ce passage, il faut noter, quil est impossible (comme dit Galien) que les hemorroïdes aduiennent sans ce, que les orifices daucunes veines, qui sont au siege, soient ouuerts, à cause de la quantité, & grosseur du sang: pource, que le foye y enuoye ce sang melancolique. Or si quelquun lui clot ce chemin, il fera vne dureté au foye: & qui plus est, à cause de la multitude & crassitude du sang, le foye en sera grené tellement, que sa chaleur naturelle sera estainte. Tout ainsi, quil aduient es flammes exterieures, esquelles si lon y met trop de bois, le feu en est estaint. Si donc le sang est fait par la chaleur naturelle, il est manifeste, si elle est estainte, que le sang ne sera plus engendré. Or hydropisie se fait, quand il ny ha plus de generation de sang. Et si quelquefois le foye peult repoulsier la multitude du sang melancolique, iusques aux veines du poulmon, adonc les patients deuenient tabides, ou phthisiques: à cause

de quelque vaisseau rompu au poulmon. Parquoy Hippocrates conseille (& non sans cause) à tout le moins de garder vne hemorroïde. A celle fin, que par icelle soit euacuee la feculente, & vicieuse matiere du foye : & principalement, quand elle ha accoutumé de long temps destre euacuee par telles veines.

G V I D O N.

Curation ha vne maniere doper sans douleur, & sans fallace. Car il appartient à vn bon Medecin de sauuer le corps, & non pas de loccire 12. Therapeutique. Et cela cest faire ce, qui est possible. Et ne fault point promettre choses impossibles, pour auoir argent. Item garde toy bien dentreprendre males cures, ne de faire faulses promesses, de peur dencourir le nom dun mauuais Medecin. Et nentreprends point, à guerir sus ta vie, ou à tes perils.

LEXPOSITER.

Galen. 14 Apres (dit Galien) auoir consideré les
Therap. raisons , & manieres , par lesquelles la chose se doit faire , il fault tousiours eslire les meilleures. Or les meilleures raisons sont iugees en trois manieres. Cest auoir en curant en brief temps. Et sans douleur. Et le plus seurement, que possible sera. De rechef pour cuter seurement, il y ha trois conditions propres , lesquelles tu dois bien considerer. La premiere, que tu paruiennes parfaitement à la fin de l'oeuvre. La seconde, si dauenture il n'est possible de paruenir à ceste fin , à tout le moins , que tu ne domages point le malade. La tierce condition est , que la maladie ne retourne point facilement. Si tu iuges la meilleure voye , & maniere de cuter , par ces considerations dessusdites, tu trouueras en toutes ces choses proposees , quand il faudra vser de Chirurgie , ou quand plustot il faudra vser de pharmacie. Et ne fault point promettre les montaignes dor , ou la mer : & les montaignes (comme lon dit en vn. commun proverbe) ainsi que font aujourdhui plusieurs donneurs de bons iours , qui promettent merueilles, & ne font rien, ou bien peu. Desquelz nous auons cy dessus assez parlé.

G V I D O N.

Chirurgie est dite de chiros, id est manus, & gios, id est operario, quasi science de manuelle operation.

L E X P O S I T E V R.

Guidon donne l'Etimologie, cestadire l'interpretation, ou diffinition du nom de Chirurgie; laquelle seroit plus vraye en ceste maniere. Chirurgie est dite de char, id est manus, & ergon, id est opus, ou ergia, id est operatio quasi manuelle operation.

G V I D O N.

Il appert des propos dessusdits, que le corps humain egrotable, & sanable par la science de Chirurgie, est le subiet de Chirurgie. Et que oster la maladie, & garder la santé (selon, quil est possible, par la science de Chirurgie) cest la fin, & intention de ceste science.

L E X P O S I T E V R.

Le subiet dune science, cest la chose, laquelle principalement est confideree en la
d . dite

dite science : comme le corps humain est le subiet de Medecine. Car toutes les considerations dicelle sont reduites, & exercees au corps humain. Tesinoien Galien, qui dit : *Galen. i* Il y ha vn art desdie à garder le corps hu-
sani. tuéd. main. Lequel art est diuise en deux parties premieres, & principales. Lune est pour garder la santé. Lautre est pour curer la maladie.

GVIDON.

Les parties de Chirurgie, selon Ioannice, sont deux en general : Cest asauoir ouurer en membres mols : & ouurer en membres durs. Mais en especial sont cinq : cest asauoir ouurer en playes, ouurer en restaurations, & en autres choses, ou il eschet operation manuelle.

LEXPOSITEUR.

Ioannice dit, que Chirurgie est de deux manieres : Cest asauoir en chair, & en os. En chair, comme incizer, coudre, & bruler. En os, comme consolider, conioindre, ourazer.

GVID

G V I D O N.

Les operations des Chirurgiens es parties deuant dites, sont trois : C'estasauoir separer le continu, comme en phlebotomant, & en scalpellant. Ioin-dre le separé, comme en consolidant les playes, & en reduisant les dislo-cations. Et oster le superflu, comme en curant les apostemes, & en extir-pant les glandules.

L E X P O S I T E V R.

Toutes les operations manuelles sont reduites à trois : cestasauoir separer le con-tenu, ioin-dre le separé, & oster le superflu. Lesquelles sont suffisamment declairees par Guidon.

G V I D O N.

Les instrumens des Chirurgiens, par lesquels lesdites operations sont accomplies, sont de diuerses manie-res. Les Vns sont communs. Les au-tres sont propres. Les instrumens

communs sont de deux manieres. Les Vns sont mediceinaux. Les autres sont de fer. Les instrumens mediceinaux sont comme regimes, ou dietes, potions, saginations, onguens, emplatres, poudres, & semblables. Les instrumens de fer sont de diverses manieres. Les Vns pour inciser, comme cizeaux, razoirs, & lancettes. Les autres pour cauterizer, comme olivaires, & cultellaires. Les autres pour extraire, ou tirer hors, comme tenailles, & pinsettes. Les autres à essrouuer, comme essrouuettes, & intromissoires. Les autres à coudre, comme aiguilles, & cannulles. Les instrumens propres sont comme trepane, qui est propre à la teste: & faucille au siege, ou fondement.

LEXPOSITEUR.

Pour entendre la difference des instrumens

mens de Chirurgie, il fault presupposer, & entendre, que cestadire, commun, & propre. Item que cestadire medicament. Lesquelles matieres ont deuant esté assez declairees. Parquoy ne fault ici multiplier paroles. Quant aux instrumens de fer, qui en vouldra auoir plus grande congnoissance, lize Albucrafis.

G V I D O N.

Dont il appert, qu'un Chirurgien ouurant artificiellement, doit porter avec soy cinq onguens. Cestasauior Vng. Basilicum, à maturer. Vng. Apostolorum, à mondifier. Vng. Album, à consolider. Vng. Aureum, à incarner. Et Vng. Dialthea, à dulcorer.

L E X P O S I T E V R.

Pource, que le Chirurgien doit aucunesfois vser de medicamens suppuratifs, ou maturatifs : & principalement aux tumeurs, qu'on ne peult resouldre. Et d'abstersifs, ou mondificatifs, en Grec, sarcotiques, comme aux vlcères sordides. Et dagglutinatifs, en Grec colletiques, nommez impropre-

ment incarnatifs, quand il fault ioindre les labies ensemble. Et de consolidatifs, ou cicatrizatifs, ou figillatifs, en Grec epulotiques, ou synulotiques, quand il y ha deperdition de cuir. Item de remollitifs, en Grec malactique, comme es scyrrhes, & autres duresses : Guidon nous en donne plusieurs exemples. Et premierement pour suppurer, ou maturer, donne le Basilicum : duquel la composition est telle, selon Mesue,

R. ceræ albæ, resinæ, seui vaccini, naualis, thuris, myrrhæ ana. Olei, quantum sufficit. Vel sic. *R.* ceræ. ℥. vj. picis. ℥. iij. resinæ, seui vaccini, thuris, myrrhæ, ana. ℥. j. & s. Olei quantum sufficit.

Cest onguent est nommé basilicum maius, cestadire Royal. Lequel toutefois (selon ledit Mesue) mondifie, & consolide les playes nerueuses, ou il ny ha point de mauuaise complexion chaude. Il y en ha vn autre, qui est nommé basilicum minus, duquel la composition est telle,

R. resinæ, picis, ceræ, ana. Olei quantum sufficit.

Il est de moindre absterfion, & consolidation, que lautre. Le second onguent est Vng. Apostolorū, pour mondifier ; duquel

la composition est prise de Auicenne, & est telle,

R. terebinthinæ, ceræ albæ, resinæ, ana.

3. xiiij. opopanacis, floris æris, ana. 3.

ij. ammoniaci 3. xiiij. aristolochiæ

longæ, thuris masculi, ana. 3. vj. myr-

rhæ, galbani ana. 3. iij. or. bdellii. 3. vj.

lithargyri. 3. ix. Infundatur bdellium

in aceto vini. Et decoquantur omnia

in æstate, cum laudibus libris olei : &

in hyeme, cum tribus.

Auicenne dit, que cest onguent rectifie les fistules difficiles, & les petites scrofules: tellement, quil ny ha remede semblable à lui. Et mondifie les playes, ou il y ha chair morte, & pus, & les consolide. Et dit on, que cest la medecine des douze Apostres. Item Vng. album, à consolider : duquel la composition est telle,

R. cerusæ. ℥. ij. olei rosacei quantū suffi-
cit. Fiat vnguentum in mortario.

Aucuns y adioutent vn peu de vinaigre, les autres y adioutent aussi vne once de litharge. Mais le premier, qui est sans vinaigre, & sans litharge, est sans mordication: & principalement si la ceruse est léeue avec eau rose. La premiere description est con-

uenable à toutes males complexions chaudes, comme faites de la chaleur du Soleil; ou quand vn foulier est trop estroit, ou quand on s'est trop gratté, & escorché: comme aussi à vne excoriation de la partie honteuse. La seconde description, ou il y entre vn peu de vinaigre, conuient aussi à telles dispositions: pourueu quelles ne soient fort profondes, ne en membres nerveux. La tierce description est encore plus desiccatiue, avec telles vertus, en infrigissant & consolidant, & figillant les vlcères, ou il y ha excès de male complexion chaude, & humide. Cest onguent est en vsage, seulement souz le nom de longuent de cerusa, ad phlegma salsum. Mais quand le Medecin ordonne longuent de cerusa simplement, on entend vn autre onguent: lequel communement est dispensé des Apotiquaires, souz le nom emplastri de cerusa. Et est fait dhuile rosat, & de ceruse, autant dun, que dautre: en les faisant bouillir ensemble, tant quilz soient reduits en forme de paste: de laquelle on fait des magdaleons. Item Vng. Aureum, à incarner: duquel la description est telle selon Mesue,

R. ceræ citrinæ. ℥.vj. olei boni lib.ij. &
s. terebinthinæ. ℥.ij. resinæ pinæ, Co-
laph

sera bien pisté, quil soit mis, l'espace de trois iours, en sept liures deaue. Le quatrieme iour il le fault faire bouillir sus le feu, tant quil commence destre espais. En apres il le fault mettre dedens quelque sac, ou estamine. Et quand tu le voudras exprimer, il y fault adiouter vn peu deaue bouillante, pour extraire le suc visqueux, quon appelle mucilage. Tu prédras deux liures de ce suc visqueux, & les feras bouillir avec lhuile, iusques à la consommation du suc. Puts tu y adiouteras la cire. Et quand la cire sera liquefice, tu y adiouteras la terebinthine, & le galbanum, & la gomme de lierre. A la fin tu y mettras la poudre de resine, & de la Colophonie. Et quand il sera assez cuit (ce que tu congnoistras, quand vne goutte mise sus quelque marbre, s'espessira) adonq il le fault oster du feu, & le laisser refroidir, & le garder diligemment. Et note, que si lon y adioutoit des racines de Acte, cest adire, Sambucus, & de ciclaminus, vulgairement dit panis porcinus, il seroit bon à la consolidation des playes. Aucuns y adioutent du beurre.

G V I D O N.

Le Chirurgien doit porter en son estui cinq, ou six instrumens, cest a sa-

noir cizeaux, pinsettes, essprouettes,
raZoirs, lancettes, & aiguilles. Et tel
Chirugien ainsi muni, peult exercer
Vtilemēt lesdites operations au corps
humain : mais que seulement il soit
bien & deüement informé des in-
tentions curatiues. Or il en sera bien
informé selon Galien, par toute la
therapeutique : en prenant indica-
tions premierement des choses contre
nature : secondement des choses na-
turelles, & consequemment des cho-
ses non naturelles, & leurs anne-
xees. Car selon le dit Galien, au second
de la therapeutique, il fault comen-
cer aux premieres indicatios : & puis
venir aux autres, qui sensuiuent. Et
en ce faisant, ne cesser, iusques qu'on
soit paruenü à la fin de la chose pre-
tendue, qui est la curation de cha-
cune maladie. Or la premiere chose,
qui nous adresse à ceste voye, cest
la

la congnoissance de la maladie.

LEXPOSITEVR.

*Galen. 2.
therap.*

Après, que Guidon ha garni, & muni le Chirurgien tant dinstrumens medicaux, que de fer, consequemment il linforme des indications curatiues. A la difference des Empiriques, lesquelz procedent par seule experience, sans aucune raison, ne indication. Et pour mieux entendre ceste matiere, il fault noter, que indication nest autre chose, sinon vne insinuation, cestadire vne ostension, ou demonstrence de la chose, qui sensuit, & de ce, quon doit faire. Et combien quon trouue bien par experience ce, qui est consequent, & ce, quil fault faire, neantmoins si nest il point insinué, ne designé par quelque autre chose precedente. Parquoy les Empiriques ne disent pas, que ceste chose soit indiquee, ou insinuee par vne autre : iacoit quilz dient bien, que ceste chose ensuit lautre, & que vne chose precede lautre, & que vne chose consiste avec lautre. Et finablement disent, que tout lart nest autre chose, sinon vne obseruation, & memoire de telles choses. Cestafanoir de voir souuent vne chose avec lautre, ou deuant lautre, ou apres lautre. Parquoy de commencer à la nature de la chose, & par icelle

icelle trouuer ce, qui sensuit, sans aucune experience, quest ce autre chose, que de trouuer, & inuenter par indication? Or apres auoir defini ceste chose, & derechef apres auoir reduit en memoire, que toute methode curatiue est separee d'experience, & que ceux ne font pas bien, & deliement, qui meslent ensemble, & confondent les deux doctrines : cest auoir L'empirique, & la Logique, ou rationale, ou dogmatique, ou methodique, venõs au reste. Et declairons premierement, que toute methode curatiue est faite par indication. Car tout ce, qui est separé d'experience, est nommé indication. Parquoy quicõque veult bien faire vne methode curatiue, il fault quil commence aux premieres indications, & consequemment doit proceder par ordre à toutes les autres, tant quil paruienne iusques à la fin: laquelle fin n'est autre chose, que de trouuer les remedes de chacune maladie. Qui sera donq le commencement de la voye, laquelle meine à ceste fin? Certes ce sera la notice de la maladie, cest auoir, quelle elle est de sa nature. Car d'autāt que ce, qui reçoit curation, n'est autre chose, sinon la maladie, cest bien raison, que les premieres indications soient prises de ladite maladie. Il fault donq premierement trouuer, qui est la generale, & comm

commune indication de toutes maladies,
Et puis descendre spécialement aux autres.

*Galen. 3.
meth.*

Or la generale indication de toutes maladies, cest de les oster: & ce par leur contraire: d'autât que toute maladie est contre nature. Tout ainsi, que toute chose naturelle se doit garder: & ce par son semblable. Quant aux autres indications speciales, & particulieres, ce n'est pas ici le lieu commode den traiter. Veu quen ce chapitre Singulier nous auôs proposé de determiner principalement des choses vniuerselles, communes, & generales. Et si quelque fois nous venons à parler de quelque chose en particulier, cest à cause d'exemple: pour mieux declarer les matieres. Finablement pour interpreter le texte de Guidon, il fault premierement sauoir, qui sont les choses contre nature. Secondement les choses naturelles. Et consequemment les choses non naturelles, & leurs annexes. Premierement il y ha trois choses contre nature: cest auoir la maladie, la cause de la maladie, & les symptomes, ou accidens, qui ensuiuent la maladie. Secôdemét il y ha sept choses naturelles: cest auoir les elemens, les tēperamens, (quon appelle cōmunement complexions, ou commixtions) les humeurs, ou compositions, les mēbres, ou particules, les vertes

les operations, ou actions, & les esprits. Quant aux choses annexees, il y en ha quatre : cest auoir les aages, les couleurs, les figures, ou habitudes, & la difference entre le sexe masculin, & feminin. Tiercement il y ha six choses non naturelles : cest auoir l'air : le boire, & manger : le mouuement, & repos : le dormir, & veiller : l'excretion, & retention : & les passions, ou affections, ou accidens de l'ame. Quant aux choses annexees, il y en ha cinq : cest auoir le temps, la region, le coït, ou acte venerien, l'art, ou industrie, le baing, & la coutume. Et fault entendre, que les choses cōtre nature sont celles, qui blessent les actions de nature. Et les choses naturelles, sont celles, qui sont necessaires à la santé, & sans lesquelles le corps ne peult estre sain, ny en sa nature. Mais les choses non naturelles, sont celles qui sont neutres : car si elles sont appliquees au corps, qui en ha besoing, en duee & iuste quantité, & qualité, elles sont causes de santé : sinon elles sont causes de maladie. Par ainsi santé est comprinse souz les choses naturelles. Et maladie souz les choses contre nature. Et neutralité, qui est en partie naturelle, & en partie contre nature, est cōprinse souz les choses non naturelles. Or de traiter toutes ces matieres par le menu, nous naurions
iamais

Quin. li. 1. i jamais fait : car comme dit Quintilian, *Si Orat. inst.* l'on disoit de chacune chose, tout ce, qu'on en pourroit dire, il ny auroit i jamais fin à l'œuvre.

G V I D O N.

Consequemment apres avoir trouué les indications, il fault enquerir (comme dit Galien) qui sont les intentions possibles à parfaire : & celles, qui ne sont pas possibles. Et finalement il fault trouuer les moyes, par lesquelles, & comment il est possible de les parfaire, & accomplir.

L E X P O S I T E V R.

Guidon touche trois points, esquelz consiste toute la methode Therapeutique. Le premier quest ce, quil fault faire : ce que montre la maladie. Le secôd est il possible de le faire, ou non : ce que montre la nature de la partie, & la vertu du patient, & semblables choses. Le tiers est, par quelz moyes & remedes est il possible de ce faire/ Et ce consiste en la qualité, & quantité des remedes, & en la maniere den vsier, & loccasion, ou opportunité du temps.

Gal. li. 2.
artis cu-
rat : ad
Glanc.

GVIDON.

Or il fault considerer (comme dit Galien. Vers la fin du second liure de la Methode) que sil y ha peu dintentions , & concordantes , comme en Vn Vlcere , ou playe simple, la chose est facile. Mais sil y en ha plusieurs , & contraires , comme en Vn Vlcere concaue, sordide, & apostemeux , iouxte Vn membre noble, adonq il fault enquerir en telles complications , premierement la chose, de laquelle depend le plus grand danger à lhomme. Secondement la disposition , qui est cause efficiente, ou conseruante. Tiercement la disposition , laquelle il est impossible de curer deuant les autres. Car quand la disposition est telle , quil en depend grand danger , lintention est prinse , comme de la chose la plus vrgente , & hastiue. Et quand la

c disp

disposition est efficiente , ou conser-
uatiue des autres, l'intention est prin-
se comme de la cause. Mais quand
il n'est possible de curer vne disposi-
tion deuant l'autre , l'intention est
prinse de lordre , comme en lexem-
ple dessusdit. Galien le declare eui-
demment , au 3. 4. & 7. de la The-
rapentique. Et pource disoit Galien
au 3. que ce n'est pas tout vn de con-
siderer vne chose comme cause , ou
comme celle , de qui la cure doit
preceder , ou comme celle , qui est
la plus hastiue , & plus pressiue.
Car aucunesfois la chose est si pressi-
ue , & si dangereuse , quelle con-
traint de laisser la particule sans
curation : comme en piqueures de
nerfs , & hemorrhagies de veines,
& en percussions de muscles , & en
articulations , qui sont faites avec
Vlcere.

LEXPOSITIVR.

Il semble, que Guidon allegue le second liure de la Methode, pour le tiers : & quil prend lun pour lautre ; ce quil fait. Car au second, Galien ne fait aucune mention des indications contraires. Mesmement dit Guidon vn peu apres. Comme en lexemple dessusdit Galien le declare euidemment, au 3. 4. & 7. de la Therap. &c. Or le texte de Galien est tel à la fin du 3. de la Methode : Quand vn vlcere est caue, & sordide ensemble, il y ha trois affections, ou dispositions contre nature. Cest auoir, lulcere, la cavitè, & la sordicie. Toutefois lordre de curation doit commencer à expurger, ou absterger la sordicie. Pource que nul vlcere ne peult estre agglutiné, ne rempli de chair, sil nest premierement pur, & net. Secondement il fault remplir la cavitè. Car si nous agglutinons, ou cicatrizonns ou (pour le dire en somme) si nous curons lulcere, nous ne pourrons remplir la cavitè. A cause de briueté ie delaisse ce, qui sensuit. Pource que vous auez ledit liure traduit en François, long temps ha, par vn homme bien sauant, & fidele interpreteur (selon mon iugement) qui le voudra lire, & relire, il ne perdra pas son temps. Quant

*Gal. 3.
Meth.*

à ce , que dit Guidon à la fin , cest , que la chose est aucunesfois si pressive , & si dangereuse, quelle contraint de laisser la particule sans curation , comme en piqueure de nerfs , &c. Il l'a prins du texte de Galien, qui est tel. La disposition, dont le premier, & principal danger pend à l'homme , doit estre la premiere curee. Et aucunesfois non seulement premiere , mais doit estre curee seule. Comme si la teste du muscle estant piquee, il survient vne convulsion, laquelle ne peut estre allegée par la vertu des medicamens à ce convenables , en couppant tout le muscle transversalement, il est vray, que tu gueriras la convulsion, toutefois tu gasteras aucun des mouvemens de la particule. Semblablement quand il y a vn grand flux de sang d'une veine, ou artere, si tu coppes tout le vaisseau transversalement, tu ne pourras puis apres curer l'ulcere dudit vaisseau: toutefois tu auras osté le danger, lequel pendoit à cause du flux de sang. Item souvent nous sommes contrains de couper transversalement vn nerf poingt, ou piqué, toutefois & quantes, que nous voyons apres la playe survenir ou convulsions, ou delires , cestadire alienations, & resueries: ou tous deux ensemble, grans, & difficiles à guerir. Item quand il aduient

luxat

luxation, cest adire dislocation, avec vlcere, en aucun des grans articles, nous curons bien l'ulcere: mais nous laissons la luxation incurable. Car si nous nous efforcions de la curer, il y suruiendrait conuulsion. Et ainsi la troisieme fin proposee pour guerir, cest celle, qui entend, & ha regard à ce, qui est vrgent, & pressif: laquelle est differente aux deux autres maintenāt dites. Car ce n'est pas tout vn de considerer vne chose comme cause, ou comme ce, sans lequel l'autre ne se peult faire, ou comme ce, qui est vrgent, & dangereux. Dauantage nous auons dit, que ce, qui est vrgent, est aucunefois tel, quil delaisse vne autre disposition incurable. Outreplus nous auons dit, que aucunefois nous faisons vne nouuelle disposition, ou maladie comme en vn nerf piqué, ou en vn tendon, ou en vn flux de sang de quelque vaisseau, ou au chef dun muscle nauré. Car quand il y ha luxation, & vlcere ensemble, alors nous ne faisons pas vne nouuelle disposition, mais seulement nous ne guerissons pas celle, qui est faite: cest a sauoir la luxation. Parquoy il me semble, que là ou Guidon dit hemorrhagies de veines, lon y doit adiouter veines, & arteres: mesmement, que les hemorrhagies (cest adire les flux de sang) des arteres,

sont plus dangereuses, que des veines: comme lon void de iour en iour par experience: & aussi la raison le demontre assez. Item là, ou il dit, & en percussions de muscles, mieux vaudroit dire en percussions, ou playes, ou piqueures faites en la teste, ou chef du muscle, ou aux tendons. Car au ventre, cest adire au milieu du muscle, il ny ha pas grand danger de conuulsion: dautant quil nest pas si nerueux. Item là ou il dit, & en articulations, qui sont faites avec vlcere, mieux vaudroit dire en luxations, ou dislocations, ou desarticulations, qui sont faites avec vlcere, en quelque grand article.

G V I D O N.

La maniere, & forme doperer avec lesdits instrumens est prise (selon Arnould) de quatre considerations. Premièrement le Chirurgien ouurant artificiellement, doit considerer, qui est loperation, quil doit exercer au corps humain. Secondement pourquoy elle est appliquee. Tiercement asauoir si elle est necess

nécessaire, & possible. Quartement il doit considerer la droite maniere de l'appliquer. La premiere consideration est congneue par la diuision, & subdivision des operations de Chirurgie : comme cy dessus ha esté dit. La seconde est congneue par la generale intention des Chirurgiens : laquelle commande , que leurs operations au corps humain doiuent estre faites selon Vtilité, avec fiance , & seureté. La tierce est congneue en considerant les effects de l'œuure, & des choses particulieres, qui aduiennent au corps. La quarte est congneue , quand toutes choses conuenables au corps, sont bien, & deüement exercees : selon que telle operation lui est appliquee, & selon quil y est subiet. Et ce , deuant l'appliquacion, & en l'acte de l'appliquacion, & apres l'acte de l'appliquacion.

L E X P O S I T E V R.

Le texte de Guidon ha esté cy deuant assez declaré, la ou nous auons dit, quil y ha trois poincts, esquelz consiste toute la methode Therapeutique. Le premier est, quest ce quil fault faire. Le second, est il possible de le faire, ou non. Le tiers, par quelz moyens, & remedes est il possible de le faire. Maintenant il y adioute (selon Arnould de Ville neuue) que le Chirurgien doit considerer, pourquoy telle operation est appliquee, ou exercee: laquelle cōsideration est assez presuppōsee sans l'exprimer, pource que rien ne se fait sans cause. Et que tout ce, qu'on fait, cest pour paruenir à la fin qu'on pretend: cest auoir garder la santé, & guerir la maladie, sil est possible: ou l'allegier.

G V I D O N.

Exemple. Si nous voulons tirer hors leau des hydropiques, premierement nous deuons considerer, quelle est telle operation. Laquelle chose nous sauons par la diuision des
oper

operations de Chirurgie : cest quil faut faire solution de continuité, avec vn razeoir. Secondement nous deuons considerer, pourquoy se fait telle operation : laquelle chose nous sauons par la generale intention des Chirurgiens : cest auoir, à celle fin, que l'hydropisie soit curee, ou allgee, à tout le moins. Tiercement nous deuons considerer, si telle operation est necessaire, & possible. Or nous sauons, quelle est necessaire, d'autant que hydropisie consermee ne peult estre guerie autrement. Parquoy si le patient est debile, l'operation ne sera pas possible. Mais si le patient est fort, il faudra euacuer leau petit à petit. Quartement nous deuons considerer la droite maniere de leuacuer : laquelle est telle. Le patient doit estre situé en figure supine, cest adire à la

e s renuer

renuërse. Et fault tirer en hault la
peau du ventre, laquelle est deßous
lombilic. Cest auoir vers le costé
dextre, si la passion vient du senestre :
ou au contraire, cest adire, vers le
costé senestre, si la passion vient du
dextre. En apres fault inciſer ladite
peau, avec vn razoir, iusques au lieu
vuide. Et en y appliquant vne cannule,
fault tirer de leaue, selon la force, &
tolerance du patient. Cela fait, on
doit retirer la cannule, & laisser
descendre ladite peau, ou cuir du
ventre, qui clorra la playe du mi-
rach : & leaue nen sortira point.
Et quand tu voudras derechef eua-
cuer ladite eaue, tu retireras en
hault la peau, & y mettras la
cannule, comme deuant : & adon-
ques en sortira de leaue, tant que tu
voudras, & selon, que le patient
pourra

pourra supporter. Et ainsi est manifeste l'operation.

L E X P O S I T E V R.

Ce n'est pas ici le lieu de declarer, que cest de hydropisie, & combien il y en ha de differences. Item les causes, & les signes. Mais il suffira (selon le propos de Guidon) de demonstrier, quil y ha seulement vne espece d'hydropisie, dite ascites (cest quand il y ha grâde quantité deau amassée entre le peritoine, & les intestins) qui requiert l'operation manuelle. Car les deux autres, cest a sauoir tympanites, & anasarca, ou hyposarca, ou leucophlegmatia, requierent seulement la diete, & la pharmacie. Quant à l'operation manuelle en ascites, Paulus Aegineta l'ha pratiquée en ceste maniere. Le patient doit estre situé tout droit: ou sinõ, doit estre assis. Et si ne se peut tenir ne droit, ne assis, on ne lai doit point toucher; mais le fault laisser, attendu quil est si debile. Si donques il se peut tenir droit, il faudra, quil y ayt des ministres, qui assistent par derriere. Et lui commanderons, quil presse avec les doigts, & quil abaisse la tumeur, ou inflation, iusques au peril, ou pecten,

*Aegineta
li. 6. ca. 30*

pecten, ou pubes. Si la passion vient des parties situees iouxté les intestins, nous inciserons le mirach, ou abdomen, ou epigastriion, souz l'ombilic, à trois doigts interposez, iusques à la subtile membrane, appelée peritoneũ. Mais si la passion procede principalement du foye, nous ferons l'incision de la senestre partie de l'ombilic. Et si elle procede de la ratelle, nous ferons l'incision en la partie dextre. Car nous ne inciserons pas en la partie, dou vient la passion. Apres auoir excorié le cuir superiacent, avec le trenchant de l'instrument, nous diuiserons la membrane dite peritoneos, laquelle finit abdomen: iusques à ce, que le rasoïr ayt penetré l'espace vuide. Et puis par le pertuis de ceste membrane nous mettrons vne fistule darain, ayant la pointe comme vne plume pour escrire. Par laquelle fistule l'humeur sera euacuee, selon la vertu du patient. Laquelle nous cõgnoitrons à l'attouchement du poulx. En apres la fistule ostee, il fault arrester l'humeur: laquelle sera arrestee seuremēt, en y mettant quelque tente, par la diuision de abdomen: en couchant le patient, & lui recreant sa vertu. Le iour ensuiuant derechef nous euacuerons vn peu de ladite humeur, par ladite fistule, selon que la vertu le requerra. Et

ainsi conséquemment fault faire, iusques à tant, quil ny ayt quasi plus dhumeur : en sorte toutefois, que nous eussions tousiours euacuation subite, & vniuerselle. Car aucuns Chirurgiens ont mis la main à plusieurs follement, & par ignorance : tellement que en euacuant lesperit vital, avec lhumeur, ilz les ont tuez. Mais ceux, qui besongnent plus seuremēt, apres auoir euacué vn peu de lhumeur, à celle fin, que la vertu fust allegée dun grand faix, ont consumé le reste par medicamēs euacuans leaue nommez hydragoga par saburration en sablon, ou arene : par la chaleur du Soleil : par soif, & viandes desiccatiues. Les vns ont vsé de vstion, ou cautere, sus lestomach, sus le foye, sus la ratelle, sus le petit ventre ; & sus l'ombilic, faisans cinq crustes ou eschares. Les autres ont esté gueris avec vn fer subtil, tout ardent : sans experimēter aucune ponction, quon appelle en Grec paracentesis.

G V I D O N.

Il est expedient de mettre, & rediger par ordre en vn catalogue les Auteurs, & ouuriers de cest art :
desq

desquelz iay en la notice, & doctrine : desquelz aussi les dits seront trouueez en cest œuure. A celle fin, quon sache, qui ha le mieux dit. Le premier de tous ha esté Hippocrates : lequel (comme on lit en l'introduction de Medecine) les ha tous surmontez : & ha premier amené en parfaite lumiere la Medecine en Grece. Car (comme dit Macrobe, & Isidore au quatrieme liure des Etymologies : ce qui est aussi recité au Prologue de tout contenant) la Medecine auoit esté en silence deuant Hippocrates, par l'espace de cinq cens ans, depuis le temps d'Apollo, & d'Esculapius. Lesquelz en ont esté les premiers inuenteurs. Ledit Hippocrates ha vescu 95. ans, & ha escrit beaucoup de liures en Chirurgie : comme tesmoigne Galien au quatrieme de la Therapeut, & en plusieurs autres lieux

lieux. Mais ie croy, que pour le bon ordre des liures de Galien, qu'on ha delaisé les liures d'Hippocrates, & de beaucoup d'autres.

L E X P O S I T E V R.

La Medecine ha esté plus frequentee, & exercée des Grecs, que des autres nations: de laquelle les plus anciens Autheurs ont esté Apollo, & Esculapius. Lesquelz, pour ce quilz ont exercé ceste science (qui estoit pour lors encores rude, & vulgaire) vn peu plus subtilement, & ingenieusement, que les autres, ilz ont esté receuz au nombre des Dieux. En apres deux des filz de Esculapius, cestasauoir Podalirius, & Machaon, suiuaus Agamemnon Roy des Grecs, à la guerre de Troye, ont donné grande ayde, & secours à leurs compaignons: lesquelz toutefois (comme dit Homete) nont donné aucun remede contre la pestilence, ne plusieurs autres genres de maladies: mais seulement ont gueri les playes par fer, & medicamens. Dont il appert, que ceste partie de Medecine, cestasauoir Chirurgie, ha seulement esté experimentee par eux, & quelle est fort ancienne. Et premierement la science de Medecine estoit estimée vne partie de

Philo

Philosophie: tellement que la curation des maladies, & la contemplation des choses naturelles, estoit traitée ensemble, par mesmes Autheurs. Car ceux, qui auoient diminué, & extenué les forces de leurs corps, en cogitation, estude, & contemplation, veillans iour, & nuict, requeroient grandement la Medecine: Parquoy plusieurs Philosophes ont esté sauans, & excellens en Medecine: comme Pythagoras, Empedocles, & Democritus. Mais Hippocrates Cous, qui estoit disciple de Democritus (comme aucuns ont dit) ha esté le premier entre tous, digne de memoire, qui ha séparé la Medecine, de Philosophie: homme insigne, & excellent tant en art, quen faconde, & eloquence. De la louenge duquel

Plin. 26. nat. hist. cap. 2 parle Pline, en ceste maniere. Hippocrates ha esté le premier, qui ha clerelement donné les preceptes, & ensei gnemens de Medecine. Et Lautheur du liure intitulé Introductio, seu Medicus, qu'on attribue à Galien, dit que Hippocrates Cous, cestadire narif de lisle appelée Cos, pres de Rhodes ha esté Lautheur, & prince de la secte rationale. Et Galien en plusieurs lieux dit, que Hippocrates est Autheur de tous les biens, que nous auons, & quil nha iamais rien écrit, quil ne fust bien. Parquoy me semble, qu'on

ne doit point delaisser les liures d'Hippocrates. Je ne di pas, qu'on ne doive lire les autres, & principalement Galien: sans lequel il est bien difficile d'entendre Hippocrates.

G V I D O N.

Après Hippocrates est venu Galien: lequel comme vn bon agricole, ou laboureur, ha cultivé, & augmenté ce, que Hippocrates auoit semé. Dont il ha escrit plusieurs liures, esquelz il ha meslé beaucoup de propos en Chirurgie: & principalement le liure des Tumeurs contre Nature. Item les six premiers liures de la Therapeutique, ou il traite des playes, & Vlcères. Item les deux derniers liures de la Therapeuti. ou il traite des apostemes, & de plusieurs autres maladies: esquelles consiste l'operation manuelle. Item il ha composé sept liures cata geni. Iacoit, que nous nen ayons, que la somme. Pour Vray il ha esté tresgrand en la science de-

f monst

monſtrative. Et ha eſté du temps de Antonius Empereur, quaſi 150. ans apres Ieſus Chriſt. Il ha veſcu leſpace de 80. ans, comme il eſt recité en la Vie & mœurs des Philoſophes. Entre Hippocrates, & Galien, il y ha eu merueilleux eſpace de temps (comme dit Auicenne au quatrieme des Fractures,) Ceſtaſauoir 300. & 25. ans, Comme dit la gloſe. Mais ſelon la Verité, il y ha eu 586. ans.

LEXPOSITEUR.

Jacobus Silius li. 1. de Compo. medicament. Laçoit, que ce ſoit choſe facile à l'homme d'errer, comme nous voyons, que Archigenes ha reprins les erreurs des anciens, & Galien ha reprins ceux de Archigenes, neantmoins ie oſe bié dire de Galien, quoy qu'on le cuide calumnier, ce que ſouuent il dit d'Hippocrates : ceſtaſauoir, quil n'ha rien eſcrit, qui ne ſoit bien, & ſans reprehention. Lequel ha eſté ſi grand, & ſi excellent en toutes parties de Medecine, que le plus ſauant Medecin, que ie ſache aiourd'hui, à grand peine ha il l'ombre du ſauoir de Galien.

lien. Dont il ha anobli son païs (cest la ville de Pergame) & son siecle, & ha induit vne obscurité, par la grande clarté, & lumiere de son nom, à plusieurs grans Medecins, qu'on estimoit deuant lui auoir inuenté, ou fort augmenté l'art de Medecine, excepté le non pareil Hippocrates, que Galien seul nous ha gardé sauue, en partie par son interpretation, & en partie par sa commendation, & louenge. Car neust esté, que la grande, & delectable clarté, & perspicuité de Galien nous y ha aydé, certes iamais nous neussions entendu la doctrine d'Hippocrates: ains nen eussions tenu aucun conte. Quant à ceux, qui sont venus apres Galien, il leur ha osté toute matiere de louenge en Medecine, tellement, quil ne leur ha rien laissé, pour estre louez; comme bien declairent leurs ceuures: en sorte, que si tu retires ce, quilz ont desrobé (ou à tout le moins emprunté) de Galien, tu trouueras le demeurant si petit, & de si peu de grace, que tu ne te pourras tenir de rire: comme de lexemple de la Corneille de Horace. Et *Horat. epist. 3.* à la mienne volonté, que cela ne fust, que pour rire seulement, & quil ny eust nulle iuste indignatiō en leurs ceuures, ou il y ha plusieurs choses pernicieuses, nō seulement dangereuses. Ilē plusieurs choses mal escri-

tes, tellement que presque le tout est si ambigu, & si obscur; quilz ont fatigué, & fort lassé beaucoup d'interpreteurs bien prolixes, & abondans en paroles. Certes leurs livres sont si obscurs, & quasi enigmatiques, quilz auroient encores besoin de quelque Oedipus, ou Apollo. Parquoy ce n'est pas de merueilles, si ceux, qui sont venus apres Galien, ont eu si grande enuie contre lui de forte, que leurs grans engins ont estimé auoir aucun remede de leur douleur, & enuie, silz pouuoient taxer, & reprendre quelques menues choses, de tout ce, quil ha escript tant copieusement. Toutefois si ha il surmonté, & surmonte de iour en iour toute leur enuie: tellement que ceux la mesmes, qui ont osé, & osent de present reprendre en lui aucune chose, sont contrains de le louer premierement, pour mieux dissimuler leur enuie. Et plusieurs Medecins de nostre temps, ayans vn remors, & scrupule de conscience, dauoir mal employé (ie ne di pas perdu) leur temps en autre doctrine, se retirent à l'enseigne de Galien: lesquels ie loue grandement, car il vault mieux tard, que iamais: ou pour le mieux dire, cest assez tost,

Quintil. si cest assez bien, come disoit Cato. Et pour
libr. orat. conclusion, ie di de Galien, ce que *Quin-*
institu. tilian dit de Cicero. Celui, qui prend plaisir
en

en Galien , doit sauoir , quil proufite assez. Quant à ce, que Guidon dit, que Galien ha traité des playes, & vlceres aux six premiers liures de la Therapeutique, vray est, quil en ha traité bien à plein au 3. 4. 5. & 6. en faisant aussi mention des fractures : toutefois au premier , & au second il nen traite rien. Car au premier il fait inuectiues contre Theffalus, & Olympicus : puis il declaire, que cest dinuenter quelque chose par Methode : & finablement propose quatre choses : lesquelles sentresuiuent par ordre. Cest asauoir la cause, laffection, ou disposition, laction, & le symptome. Au second liure il met la difference entre maladie , & ce que les Grecs appellent Pathos : cestadire passion. Item il prouue cõtre Erasistratus, que les parties solides sont souuent alterees par intemperature. Et finablement montre, que cest indication , sans faire aucune mention des playes & vlceres, en ces deux liures.

G V I D O N.

*Après Galien sensuit Paulus Aegineta : lequel (comme resmoigne Rasius en tout contenant : & Haliab-
bas en son liure de la disposition Roya-
le)*

le) ha fait beaucoup dœuvres en Chirurgie. Toutefois ie nay pas trouué les six liures de sa Chirurgie.

I E X P O S I T E V R.

Paulus Aegineta ha esté excellent Medecin: lequel ha escrit se liures avec vne vne grande briueté, ordre, artifice, perspicuité, & singuliere doctrine: dont le sixieme expose toute la Chirurgie. Dont suis esbahi, de ce, que Guidon dit, quil ha fait six liures en Chirurgie: sinon quil entende pour six liures, le sixieme liure: lequel toutefois nous auons tout entier, avec les autres six. Il ha fort imité Oribase, & Aëlius, comme il tesmoigne lui mesmes au proëme de son œuvre.

G V I D O N.

En apres ensuit Rasis, Albucrasis, & Azaram: lesquelz silz ont esté plusieurs, ou vn seul, se sont tresbien portez. Et principalement es liures de Almanzor, & des diuisions, & en la Chirurgie intitulee au nom de Albucrasis. Et comme dit Halyabbas

abbas, il ont mis les choses speciales esdits liures. Toutefois Rasis en son liure tout contenant, quon appelle en Arabic Helban, il ha reedit, & re-
pliqué, ce, quil auoit desia dit. Et ha amassé & aggregé les dits de tous ses predecesseurs. Toutefois pource quil les ha escrit sans election, & quil ha esté long, & sans rien determiner, il en ha esté moins prisé.

LEXPOSITEUR.

Après que Guidon ha loué les Medecins Grecs, cestasauior Hippocrates, Galien, & Paulus Aegineta, il vient consequemment à mettre en son catalogue les Arabes. Et commence à Rasis : duquel ie doute sil en dit plus de bien, que de mal: & ainsi ien laisse le iugemét aux autres. Et si nous en voulons croire Ambrosius Leo, il nous dit, que les Arabes, esperans par leurs grans efforts de parfaire lart de Medecine, ont perdu peine, & huile, comme lon dit en vn commun prouerbe. Car en leurs liures il ny ha nulle resolution, ny ordre: mais plustot vne grande confusion, & profonde obscurité,

sentence incertaine, & beaucoup de faulseté. Et ce n'est pas chose merueilleuse. Car les Arabes, autant Philosophes, que Medecins, faisans toute diligence à redire les sentences de Galien, & des autres, ont mesprisé la vertu de traiter les matieres, & la prudence de l'art. Comme Rasis, qui ha amassé vni grand liure, rescrivant tant seulement les preceptes des autres.

G V I D O N.

Haliabbas ha esté grand maistre: lequel outre la semination des liures de la disposition royale ha ordonné la neuuieme partie du second sermon de Chirurgie.

L E X P O S I T E V R.

Haliabbas ha si fort adheré aux recitations des dits de Galien, quil ha esté appelé le singe de Galien.

G V I D O N.

Auicenne illustre, & noble prince, ha suivi Haliabbas. Et ha traité de la Chirurgie au quatrieme liure,
avec

avec bon ordre : comme aussi en toutes autres matieres il ha fait. Et iusques au temps d' Auicenne, lon trouue, que tous ont esté Physiciens, & Chirurgiẽs ensemble. Mais apres lui, ou à cause dune lasciueté, & plaisir, ou pour euiter trop grande occupation, & cure, Chirurgie ha esté separée de Physique, & delaissee entre les mains des mechaniques.

L E X P O S I T E V R.

Auicenne outre ce, quil ha esté transcrip-
 teur de Haliabbas, & de Rasis, il ha aussi
 confessé, quil est interpreteur de Galien.
 Car vn interpreteur dit cela mesme, qui ha
 esté deuant dit, par celui, quil interprete.
 Ainsi ha fait Isaac, & les autres Arabes. Par-
 quoy il sensuit, que tout ainsi, quilz sem-
 blent estre bien sauans, selon le iugement,
 & tesmoignage des ignorans, au contraire
 ilz sont iugez indoctes, de ceux, qui sont
 vraiment doctes. Certainement en rescri-
 uant les dits dautrui, il semble, quilz ayent
 eu grand sauoir. Mais quãd ilz veulent de-
 mōtrer de leur propre engin quelque cho-

se (laquelle parauant nauoit point esté traitée des autres) on congnoit manifestement leur ignorance. Car toute leur maniere de traiter est insulfe, & sans sauoir. Dauantage quand Auicéne sefforce traiter de son propre engia, les choses naturelles, & diuines, il en dispute si grossièrement, que pour vne gloire, quil espere, il en rapporte le nom dun mauuais Philosophe. Et quand tout est dit, on rapportera beaucoup plus de solide doctrine de la leçon de Galien, en deux ans, quon ne fera du Canon (ie n'ose dire du Chaos) d'Auicenne, en dix ans. Je ne di pas (apres auoir leu diligemment les œuvres d'Hippocrates, Galien, Paulus Aegineta, Aëtius, & semblables) quon ne puisse lire les œuvres des Arabes. Car il ny a liure si meschant, qui ne puisse aucunement proufiter, comme dit Pline. Toutefois si

Plin. li. i. faut il faire, comme les abeilles, qui choisissent les bonnes fleurs pour faire du miel.
nat. hist. & laissent les mauuaises. Cest quil faut lire avec bon iugemēt: lequel doit estre acquis, & cōfermé, par la leçon des bons Autheurs.

G V I D O N.

Et moy Guidon de Cauliac, Chirurgien, & maistre en Medecine,
 des

des parties d'Auvergne, du diocese de Mendes Medecin, & Chapellain, commensal de nostre saint pere le Pape : iay veu plusieurs operations, & beaucoup descriptures des Autheurs dessusdits, & principalement de Galien. Car autant que iay peu trouuer de ses liures, en vne & autre translation, ie les ay eu, & les ay leu avec la plus grande diligence, quil mha esté possible. Et par long temps ay ouuré en plusieurs pais. Et à present iestoye en Auignon, lan 1 4 6 3. Le premier an du Pontificat de nostre saint pere Urbain, cinquieme de ce nom. Ou iay compilé, & aggregé, par la grace de Dieu, cest œuvre des dits des Autheurs deuant nommez, & de mes experiences, avec layde de mes compaignons.

LEXPOSITEVR.

Iay voulu tronquer (tout à escient) les noms dun tas de nouueaux Autheurs en
Chir

Chirurgie, considérât la commemoration
 diceux nestre pas de grande vtilité. Et suis
 venu sus le propos, ou Guidon fait mētion
 de son estat, & qualité : de son païs, & son
 sauoir : lequel est fondé tant en raison, que
 experience : à lexemple de Galien, auquel
 principalement Guidon prenoit plus de
 plaisir, & de proufit, quen tous autres. Dont
 ie suis grandement esmerueillé daucuns,
 lesquelz auioirdhui pour louer Guidon,
 meispisent Galien. Je ne say, ou ilz ont le
 sens commun. Ne voyent ilz pas, que Gui-
 don lestime tant, quand il lappelle nostre
 pere, quād il lappelle la lumiere des Mede-
 cins, quād il dit, quil ha esté curieux dauoir
 tous ses liures, & de les lire le plus dili-
 gemment, quil ha peu, quand il lallegue
 tant de fois, & à tous propos ? Le te prie
 respons à ces raisons, ô toy Galenomastix,
 cestadire detracteur de Galien. Guidon en
 dit tant de bien, & tu en diras mal ? Guidon
 en fait vne clere lumiere, & tu en feras des
 tenebres ? Guidon se dit estre filz de Ga-
 lien, & tu en seras bastard ? Guidon dit, quil
 y ha tant proufité, & tu diras que lon y
 perd temps ? Certes ie croy, que tu y perd
 ton temps vrayement : ausi fais tu bien en
 Guidon : car tu nha pas lesperit dentendre
 la parfaite doctrine, laquelle est semee de-
 dens

*Galeno-
mastix.*

dens Guidon, en tant de lieux. Et pour tout payement, ie te veux contenter de ce mot: cest, quil test impossible de bien entendre Guidon, sans auoir veu Galien. Finablement Guidon fait mention du lieu, ou il ha composé, ou à tout le moins commencé ce present Oeuvre.

G V I D O N.

Les sectes, qui couroient de mon temps, entre les ouuriers de cest art, ont esté plusieurs, outre deux generales, qui sont encores en vigueur: cest auoir la secte des Logiciens, & la secte des Empiriques: que Galien reprend au liure des sectes, & par toute la Therapeutique.

L E X P O S I T E V R.

Galien reprend trois sectes de Medecins: cest auoir des Empiriques, Dogmatiques, & Methodiques. Les Empiriques disent, que l'usage, & l'experience seule, est suffisante à l'art. Les Dogmatiques, ou Logiciens, ou Rationaux, reprouuent l'experience, comme inconstante, & imparfaite: & affermet, que l'inuention des remedes est trouuee par
raison,

raison, & indication. Mais les Methodiques (cestadire, qui se disoient Methodiques, lesquels nestoient rien moins) disent que la partie malade ne proufite de rien à l'indication de la cure, ne la cause de la maladie, ne laage, ne le temps, ne la region, ne la vertu du patient, ne la nature, ou temperament, ne l'habitude, ne la coutume (lesquelles choses enquierent les Dogmatiques) ains sont contés de l'indication prise de la seule affection, ou maladie : disans quil ny ha, que trois genres de maladies : cestasauoir astriction, fluxion, & la tierce, qui est meslee des deux. Ces trois sectes sont reprobuees de Galien, & principalement la tierce, qui est celle des Methodiques, sans methode, cestadire sans voye, ne raison : laquelle maintenoit Theffalus, promettant en six mois montrer tout l'art de Medecine : selon lequel la vie estoit longue, & l'art brief, contre laphorisme, & oracle d'Hippocrates. Mais Hippocrates, & Galien ont tenu vne autre secte : laquelle procede par raison, & par experiéce. Car il fault qu'un bon, & parfait Medecin chemine avec deux iambes : cestadire, quil vse de raison, & d'experience : joint quil ny ha que ces deux instrumens, pour l'inuention de tous arts. Ainsi

Guidon comme vray imitateur, & disciple d'Hipp

*Galen, in
Hip. aph.
1. lib. 1.*

d'Hippocrates, & Galien, s'est fondé en tous deux, que nous appellons communement theorique, & pratique. Veu que lun sans lautre n'est suffisant.

G V I D O N.

La premiere secte ha esté de Roger, & de Roland, & des quatre maistres : lesquelz indifferemment en toutes playes, & apostemes procuroient sanie, avec leurs pultes : soy fondans sus l'Aphorisme, *Laxa bona: cruda Verò mala.*

L E X P O S I T E V R.

Guidon reprend ceux, qui vsent de maturatifs, ou suppuratifs, en toutes playes, & apostemes : lesquelz ont tresmal entendu l'aphorisme d'Hippocrates, duquel le sens est tel. Toutes tumeurs molles sont bonnes : au cōtraire toutes tumeurs dures sont mauvaises. Car proprement dur, & renitent, est contraire au mol. Toutefois Hippocrates ha appellé crud, ce quil deuoit appeller dur proprement. Pource, quil est impossible, que vne tumeur soit renitente, ou dure, quand la nature du membre cuit, ou digere bien.

Hip. aph.
67. lib. 5.

bien les humeurs confluentes en icelui membre. Ainsi là ou Guidon dit laxa, il vault mieux dire mollia. Car tout ainsi, que dur, & mol, sont opposites, & contraires: semblablement lasche, & tendu, sont opposites. Item là ou Guidon entend des apostemes, Hippocrates parle de toutes tumeurs contre Nature.

G V I D O N.

La seconde secte ha esté de Brun, & de Theodoriq: lesquelz indifféremment dessechoient toutes playes, avec Vin seulement. Et se fondoient sus ce passage du quatrieme de la Therap. Ulcere sec est plus prochain de santé, que lhumide.

L E X P O S I T E V R.

Galen. 3. Vray est, que tout vlcere (en tant, que vl-
therap. cere) demande desiccation. Par ainsi le vin
est vn tresbon medecament de tout vlcere,
en tant, que vlcere. Car combien, que Ga-
Galen. 1. lien au premier des temperamens dit, que le
tempera. vin, & le miel soient humides, cela se doit
entendre, quant à lespece, & consistance.
Comme aussi il dit à la fin du premier
liure

liure des differéces des maladies, que toutes les quatre humeurs sont humides selon l'espece, & non pas selon la puissance. Car la bile, tant flaue, que noire, cestadire l'humour cholerique, & melancolique, sont seiches, quant à leur puissance & faculté. Iacoit quelles soient humides, quant à leur espece & consistence. Ainsi est il du vin, & du miel. Car le miel est de faculté chaude, *Le miel.* & seiche, au second degré. Et aussi le vin est chaud au second degré. Et le vin fort *Le vin.* vieux est chaud au tiers, comme le moult est chaud au premier. Et en proportion la siccité est correspondante à la chaleur. Cestadire, que le vin est aussi desiccatis, comme il est chaud, & en un mesme degré.

G V I D O N.

La tierce secte ha esté de Guillaume de Salicet, & de Lanfranc. Lesquelz voulans moyenner entre les dessusdits, curent toutes playes avec onguents, & emplatres doux. Et se fondent sus ce passage du 14. de la Therapeutique. Cest que la curation ha vne maniere, quelle soit traittee sans fallace, & sans douleur.

LEXPOSITEUR.

Galen. 2. artis curat. ad Glauc. Il fault cōgnoitre, en somme, ceste chose en tout vlcere, soit spontanee, ou soit aduenu par quelque cas, & accident, ou par playe. Cestasauior quil desire tousiours estre desleché, dun medicament, qui ne soit ne mordicatif, ne irritatif grandement, (comme dit Hippocrates) sinon, que ce fut vn vlcere malin, & putride. Car telz vlceres demandent medicamens fort acres, & qui ayent vertus bien prochaines au feu. Comme est misi, chalcitis, arsenicum, calx, & sandaracha: lesquelz brulent comme le feu. Et si sont vaincus par vlcere (cestadire, quilz ne proufisent en rien) il faudra vier du feu, cest le cautere aq̃uel.

GVIDON.

La quarte secte ha esté quasi de tous les gensdarmes Teutoniques, suuans les guerres, lesquelz avec coniuurations, potions, huile, layne, & fueille de choux, guerissent toutes playes: se fondans sus le dit commun, cest que Dieu ha mis sa vertu aux paroles, herbes, & pierres.

L E X P O S I T E V R.

Quant aux coniturations, ou charmes, *Gal. 6.*
 Galien se moque dun hercier nommé Pam- *simpl.*
 philus : lequel ha escrit des contes & fables
 des vieilles, & des prestigiatures, & en-
 chantemens : quon dit, & murmure, quand
 on cueille les herbes. Et dun tas de breuets
 pendus au col, que les Grecs appellent pe-
 riapta : sinon que ce fust quelque medica-
 ment approuué, comme la racine de pœo-
 ma, laquelle pendue au col, guerit du mal
 Comitial, en Grec Epilepsia. Mais vn tas
 de breuets de femmes, & autres gës idiots,
 ne sont que abus:lesquelz se veulent mesler
 de Medecine, & si ne sauent, que cest Mede-
 cine:mais qui plus est, ne sauent ne A, ne B.
 Tellement quon trouue aujourdhui plus
 de Medecins, que de malades. Ientens Me-
 decins deaué douce. Quant aux potions,
 nous voyons aujourdhui plusieurs idiots
 ordonner la potion du Guayac, ou du
 saint bois, à tout propos, cestadire, à toutes
 maladies, & à toutes natures, ou comple-
 xions sans rien diuersifier ladite potion:
 ce qui est contre lart de Medecine:laquelle
 ordonne, que toute maladie donne indica-
 tion de son contraire. Comme par manie-
 re dexemple: vne maladie chaude demande

vn remede froid. Vne maladie froide demande vn remede chaud. Vne maladie humide demande vn remede sec. Vne maladie seiche demande vn remede humide. Vne maladie de repletion demande euacuation. Vne maladie deuacuation demande repletion. Vn labour excessif demande repos. Vn repos excessif demande labour. En somme, tout excès est corrigé par son contraire. Que respondront doncz Diétaires, qui ordonnent vne mesme potion à toutes maladies? combien, quilz ne les guerissent pas toutes: ains bien souuent en font de toutes nouuelles. Est il possible que leur potion, quilz appellent diète (laquelle est plustot pharmacie) puisse auoir toutes ces vertus ensemble? Cest asauoir de refroidir, deschauffer, de dessecher, dhumecter, de remplir, deuacuer, de procurer labour, & repos, & semblables operations contraires? Silz respondent, que tout cela est possible, ie leur donne gaigné; sans plus contester: disant quilz font comme les bastleurs, le fait, & le defait. Et font beaucoup plus, que quand ilz estoient cordonniers, ou de quelque autre mestier & art mechainque: cest que maintenant ilz veulent chauffer tout chacun à vn mesme point, & vne mesme forme.

Je ne

Je ne di pas, que la potion du Guayac, ou du saint bois, bien & deuëment administree, ne soit proufitable à aucunes maladies. Mais quelle soit proufitable à toutes, ie veux maintenir, que cela est contre raison, & experience: comme dessus ha esté démontré. Et si tu dis, que tu nas, que faire de rendre raison des medicamens, qui ont vne vertu, & propriété occulte, & qui font leurs operations à cause de toute leur substance, comme ce bois cy. Je te respons, iasoit, que de telz medicamens on ne doiue rendre raison, toutefois si fault il les approuuer par experience. Or nous voyons souuent par experience, que ta potion ne sert de rien à plusieurs malades. Quant à la fucille de choux, Galien dit, que le choux en Latin brassica, en Grec Crambe, ha vertu desiccatiue: soit qu'on le mange, ou qu'on l'applique par dehors. Pourtant il glutine, & guarit les vlceres malins. Comme les fucilles de ylmus, cest vn orme, glutinent les playes recentes: & les fucilles de verne (en Latin alnus) curent les vlceres inuetez, ainsi qu'on void par experience. Quant à ce, que Dieu ha mis sa vertu aux paroles, vray est, que par la parole de Dieu, le ciel, & la terre, & toutes autres creatures ont esté faites: & que par icelle les Apostres, & fide-

les ont guéri plusieurs malades. Mais ie ne puis croire, que par vn tas de paroles oisives, qui sont plustot babolles, que paroles, les patients soient gueris. Iouxte la sentence de Celsus, qui dit, que les maladies ne sont pas curées par eloquence, mais par remedes. Or les remedes (comme nous auons dessus dit) sont prins de trois choses. Cest a sauoir des plantes, des metalliques, ou minéraux, & des animaux.

G V I D O N.

La cinquieme secte est des femmes, & de plusieurs idiots : qui renuoient les malades aux saints seulement, quelque maladie quilz ayent: se fondans sus vn dit commun. Dieu le mba donné, comme il luy ha pleu. Dieu le mostera, quand il luy plaira. Benoit soit le nom de Dieu.

L E X P O S I T E V R.

Celsus Homere disoit, que l'ire de Dieu nous
procem. ha enuoyé les maladies : & que nous deuons demander ayde à Dieu, en noz affliction, & maladies. Certes ceste sentence
lib.1. (pour

(pour vn poëte Ethnique, & gentil) est bien digne de memoire: & conuenable à vn Chrestien, lequel doit entendre, que tout ce, que nous souffrons, noz pechez l'ont bien meritè: & que nous naissons filz d'ire: mais la grace de Dieu nous purge de noz maladies, tant de l'ame, que du corps. Mais ie te prie quelque Medecin, que tu sois, quel effect peult auoir ta medecine, ne toute ton operation, sinon par la vertu, & efficace, que Dieu lui donne? Certes autant, que rien. Pourquoi donq en veux tu auoir la gloire? disant que tu as fait tant de belles maisons. (Ie pensois dire tant de belles cures) Rends donques à Dieu ce, quil lui appartient, & ne presume plus, que la guerison des malades vienne de toy, ou de ton grand sauoir. Considerant quil y ha plus de malades gueris par le moyeu des humbles, de petit sauoir, que par les superbes, & arrogans avec tout leur sauoir. Mais quas tu, que tu n'aye prins? Et si tu las prins, pourquoy ten glorifie tu? Dy donques avec le bon Mesue (qu'on appelle communemēt leuangeliste des Medecins) Dieu seul guerit les langueurs, & maladies. Et de sa grace, & largesse, ha produit la Medecine. Lequel est benit, glorieux, & souverain createur: qui ne cesse de nous

ayder.

ayder. Et ha donné la doctrine, & science curative, à ceux qui le craignent. Donc, que la crainte de Dieu preuienne, & commence tes œuvres, & elles succederont bien: tellement que tu y seras heureux. Ce n'est pas pourtant à dire, quil ne fault plus vser des remedes, & quil fault du tout laisser faire à Dieu, sans se soucier de rien: comme obiectent aucuns mal endoctrinez. Exemple Dieu veult, que l'homme laboure la terre, pour en auoir les fruits: toutefois si lui plaisoit, il ha bien la puissance (car il est tout puissant) de produire tous fruits de terre, sans le labourage, & cultiuage de l'homme. Aussi Dieu veult, que l'homme estudie en l'art de Medecine, & quil face tout ce, qui est en lui, pour garder sa santé presente, & pour la restituer, si elle est perdue: toutefois, si lui plaisoit, il ha bien la puissance de nous garder, ou rendre nostre santé, sans nostre art, & industrie. Est ce pourtant à dire, que ne deuous plus labourer, ny estudier? Certes nenni. Mais cest plustot à dire, quil fault louer Dieu des biés, quil nous dône: & ne presumer point, quilz viennent de nos grâs labours, & estudes, ains de la grace de Dieu. En sorte, que quâd nous aurôs fait tout ce, qui nous est cōmandé, que nous disons, que nous sommes seruiteurs inutiles.

G V I D O N.

Et pource, que ces sectes seront reprises à la procedure du liure, elles seront omises de present. Toutefois ie mesmerueille d'une chose, cest de ce; quil sentresuiuent comme grues. Car lun ne dit sinon ce, que lautre dit: ie ne say, si cest pour crainte, ou pour amour. Et ne veulent rien ouir, sinon choses accoutumees, & approuuees par authorité. Il ont mal leu Aristote au 2. liure de Metaphysique, lequel demontre, que ces deux choses empeschent (sus toutes) la voye, & congnoissance de verité. Soient donc delaissees telles amities, & craintes: car iacoit que Socrates soit nostre ami, ou Plato: toutefois verité est encores plus nostre amie. Suiuons donc la doctrine Dogmatique de Galien, approuuee au liure des sectes, & en toute la Therapeutique: laquelle doctrine est parfaite

par raison, & experience. En laquelle les Oeuures sont enquisés : & les noms, ou Vocables, sont refutés, & reprouués.

LEXPOSITEVR.

Aristote dit au 2. de Métaphysique, quil y ha cinq choses, qui resistent à la congnoissance de verité. La premiere est la mauuaise coutume d'ouir choses faulces. La seconde est de ne vouloir pas croire ce-lui, qui enseigne vne vraye doctrine. La tierce est de ne vouloir rien croire, sinon ce, qui est sensible, ou prouué par vn argument sensible. La quarte est de ne vouloir rien receuoir, sinon quil soit confirmé par lauthorité de quelquun. La quinte est ne pouuoir gouter, ne entendre, sinon petites choses. Et ce, demontre deffault de nature, & dentendement : iacoit que Guidon face mention de crainte, & amitié : lesquelles choses aussi empeschent fort la congnoissance de verité. Car comme disoit Cesar: Tous hommes, qui consultent, ou delibèrent des choses douteuses, doiuent estre sans hayne, amitié, ire, & misericorde. Aussi Galien voulant iuger des choses à la verité, dit quil nha accoutumé de rien faire ne

par

par hayne, ou maleuolence, contre aucun: ne par faueur, ou amitié. Finablement Guidon vient à louer la doctrine Galenique: laquelle est du tout conforme à verité. Car elle est bien fondee en raison, & experience, en disputant des choses, & non pas des noms: iacoit quil ne faille pas ignorer les noms, mais il suffit de les entendre, pour auoir lintelligence des matieres: sans estre trop curieux desdits noms. Car si lusage des noms est confus, & conturbé, il confond, & trouble ensemble la notice des choses.

G V I D O N.

Galien ha demontré la maniere denquerir la Verité, au 7. chapit. de constit. art. med. Laquelle maniere il met souz Vn epilogue, au 10. chap. du 3. liure de Virt. nat. disant ainsi: il fault, que celui, qui doit congnoistre, quelle chose est la meilleure, quil differe grandement daucc les autres, des le comencement de son aage, tant en nature, quen doctrine. Et quand il deuendra en aage dadolescence, il doit

doit auoir Vn extreme desir de Verité, sans cesser ne iour, ne nuit d'estudier, & d'apprendre tout ce, que les Anciens (dignes d'honneur) ont dit. Puis quand il sera parueniu en l'estat, cest adire en laage consistente, il doit iuger, examiner, & Voir par long espace de temps, quelles choses accordent, ou different dauec icelles, qui apparoissent manifestement. Et en ceste maniere, doit eslire ceste chose, & reprouuer l'autre. Or iespere, que mes liures seront fort Vtiles à tous ceux, qui enquerrent la Verité, en ceste maniere. Mais aux autres, ilz seront inutiles, & superflus: tout ainsi, que si lon racontoit quelque fable à Vn asne.

LEXPOSITEUR.

Le texte de Galien, au 3. liure des facultez naturelles, est de tel sens. le trouue beaucoup de choses parfaitement demontrees

par les Anciens, lesquelles toutefois aujourd'hui plusieurs n'ont pas entendues à cause de leur ignorance : & qui plus est, ne se sont essayez de les entendre, à cause de leur negligence. Ioint que si elles ont esté entendues, & congneues d'aucun, il ne les ha pas iustement examinees. Car quiconque voudra congnoitre quelque chose exactement, & par dessus le vulgaire, il fault quil soit fort excellent par dessus les autres, non seulement quant à nature, mais aussi quant aux premiers rudimens, & fondemens de doctrine. Et quand il sera venu en adolescence, il doit auoir vne grande, & incredible amour de verité. Et sans aucune intermission, ne de iour, ne de nuit, se diligenter, & efforcer d'apprendre ce, que les Anciens ont escrit. Et apres l'auoir appris, en iuger : & par long temps examiner, & considerer ce, qui conuient aux choses patentes, & manifestes au sens : & de rechef ce, qui est contraire. Et en telle maniere doit recenoir les choses patentes au sens, & reprouuer les autres. Or iespere, que noz liures seront fort vtils à tous ceux, qui seront ainsi bien nez, & bien instituez : mais il y en aura bien peu de telz. Et aux autres cest Oeuure sera superflu : tout ainsi que si on racontoit quelque fable à vn asne. Il nous fault doncq parfaire nostre
disp

disputation : à cause de ceux, qui desirent & aiment la verité, cestasauoir en adioutant ce, qui deffault.

G. V. I D O N.

Je ne di pas toutefois à ce propos, quil ne soit tresbon d'alleguer des tesmoignages. Car Galien en plusieurs lieux, outre raison, vse d'experiment. lesquelles deux choses donnent iugement à tout homme. Et au premier de la Therap. il allegue vne tierce chose, cest par tesmoignage. Item il dit au premier traité du myamir. La foy des choses, qui sont escrites, est augmenter par la concordance des Auteurs. Et pourtant il dit, quil escrira tous les medicamens, desquelz les experts Medecins ont fait mêtion. Aussi feray ie (comme iay dit) en procedant, à layde de Dieu glorieux.

L E X P O S I T E V R.

Guidon nous dône trois manieres pour
inger

juger selon verité. La premiere est par raison : la seconde par experience : & la tierce est par autorité, quil appelle tesmoignage. De laquelle souuentefois vñ Galien, en disputant contre Thessalus, & en beaucoup d'autres lieux, en allegant l'autorité d'Hippocrates : laquelle il estime comme vñe voix diuine, ou vñ oracle. Toutefois si l'autorité, & experience sont contre raison, on ne les doit aucunement receuoir. Car vñ usage estrange, qui est plustot abus, à raison est cause de grand mal : aussi est vñ faux tesmoignage.

G V I D O N.

Retournons à nostre propos, & mettons les conditions requises à vñ chacun Chirurgien, voulant exercer artificiellement au corps humain, ladite maniere, & forme d'ouurer. Lesquelles conditions Hippocrates guide, & conducteur de tous biens, conclud avec vñe subtile induction, au premier des Aphorismes disant : La vie est brieue, mais l'art est long, le temps est

*est agu, l'experiment est fallacieux,
le iugement est difficile. Or il ne suf-
fit pas, que le Medecin face son de-
voir, mais aussi le malade, & les as-
sistens, & les choses exterieures.*

LEXPOSITVR.

Hippocr. Quant à ce, que Guidon allegue, d'Hip-
aph. i. li. i pocrates, pour prouuer les conditions re-
quises à vn Chirurgien, il suffisoit, selon
mon aduis, de dire, que le Medecin, & le
patient, & les assistens, & les choses exte-
rieures, facent tout deuoir : sans alleguer le
commencement de l'Aphorisme. Toute-
fois pource, quil en ha fait mention, la cho-
se ne sera pas sans proufit de lexposer. Cest,
que la vie est brieue, à comparaison de l'art.
Et l'art est long, pour les trois raisons, qui
sensuiuent : cest auoir pource, que l'occa-
sion est tantost perdue, & en vn moment.
Et l'experience est dangereuse. Et le iuge-
ment est difficile. Or l'occasion (cest adire
l'opportunité du temps) est tantost perdue.
Pource, que la matiere, ou elle verse, &
consiste (cest le corps humain) est subiette
à plusieurs mutations : car continuellement

il endure quelque effluxion de substance:& d'auantage est facilement alteré, non seulement des causes extrinseques, mais aussi des intrinseques. L'experiment est dange-reux, à cause de la dignité de la matiere, qui est le corps humain. Car ce n'est pas tout vn, comme des briques, du bois, des pierres, des tuilles, & du cuir: lesquelles choses apres qu'on les auroit gastees, il ny auroit pas grand danger. Mais au corps hu-main d'experimenter ce, qui n'est pas approu- ué par experience, cela n'est pas sans dan- ger. Car mauuaise experience tend à la mort, & corruption de toute personne. Le iugement est difficile, soit que nous enten- dions par iugement, la raison, ou la diu- dication des remedes inuentez par expe- rience. Certes ce n'est pas chose facile, de iuger quelle chose ha esté proufitable, ou nuisible. Parquoy le vray iugement, ou la vraye raison, ne se trouue pas facilement. Ce que demontre la multitude des here- sies, cest adire sectes, en l'art de Medecine. Car si la verité estoit facile à trouuer, cer- tes tant, & de si grans personnages, qui l'ont cherchee, neussent iamais esté dispar- tis, & diuisez en tant de sectes contrai- res.

Il y ha donques quatre conditions, lesquelles sont ici prinſes, ſelon Arnaud treseloquent en langue Latine. Les Vnes ſont requiſes au Chirurgien. Les autres au malade, Les autres aux aſſiſtens. Les autres aux choſes, qui aduiennent extrinſequement.

L E X P O S I T E V R.

Il ne fault point, que Guidon loue tant Arnaud de ville neuue, quant aux quatre conditions deſſuſdites. Car elles ne ſont pas creues en ſon iardin: ains ont eſté premierement trouuees par le bon Hippocrates, à qui il en fault rendre lhonneur. Et quant à ce, que Guidon derechef loue tant Arnaud de ſa grande eloquēce latine. Certes (ſi iay aucun iugement) il eſtoit meilleur Barbare, que Latin, comme il appert par ſes œuures. Je ne di pas, quil ne fuſt bon medecin, & bien experimenté. Ce que ieſtime beaucoup plus, que ſil euſt eſté eloquent en langue Latine ſeulement.

G V I D O N.

Les conditions requiſes à Vn Chirurg

rurg

Chirurgien, sont quatre. La première est, qu'il soit lettré. La 2. qu'il soit expérimenté. La 3. qu'il soit ingénieux. La 4. qu'il soit bien morigéné. Il est donc premièrement requis, que le Chirurgien soit lettré, non seulement aux principes de Chirurgie, mais aussi de Physique. Et tant en Théorique, qu'en Pratique.

LEXPOSITEUR.

Guidon nous demontre si bien l'office d'un bon Chirurgien, qu'il n'est possible de le mieux dépeindre. Contre l'opinion de ceux, qui ont songé, qu'un Chirurgien ne se doit mesler, que d'incizer, de cauterizer, & d'autres semblables opérations manuelles. Pourquoy est ce donc, que Guidon dit, qu'il faut, que le Chirurgien soit lettré, & sçavant, non seulement aux principes de Chirurgie, mais aussi de Physique? Et tant en Théorique, qu'en Pratique? Je voudroye, qu'ilz eussent bien retenu ce, que dit Celsus. C'est assavoir, que la curation des playes, & vlcères, est propre aux Chirurgiens. Or ie

leur demanderoye volontiers, si est possible de curer par art les playes, & vlcères, sans congnoître le temperament du patient, & la nature de la partie blessée, outre la maladie. Je croy, quilz ne seront point cōtre les Thessaliens. Mais quilz confesseront franchement, que toutes ces choses sont necessaires. Parquoy il ne fault plus contester sus ce propos: ains fault conclure, qu'un bon Chirurgien doit sauoir quelque chose, outre incizer, cauterizer, articuler, & semblables operations manuelles; comme ci apres plus amplement declarera Guidon.

G V I D O N.

En Theorique, il fault, quil congnoisse les choses naturelles, & non naturelles, & contre nature. Premièrement doncq il fault, quil congnoisse les choses naturelles, & principalement l'Anatomie. Car sans elle, il nest pas possible de rien faire en Chirurgie: comme ci apres sera manifeste. Il fault aussi, quil congnoisse
la

la complexion, ou temperament. Car selon la diuersité de nature, ou complexion, il fault diuersifier la Medecine. Contre Thessalus en toute la Therapeutique. Item il doit congnoitre la vertu, ou force. Item les choses non naturelles, cestasauoir, l'air, le manger, le boire, & semblables. Car elles sont causes de toute maladie, & santé. Item il doit congnoitre les choses contre nature. Cestasauoir la maladie, la cause, & les accidens. Car de la maladie est prinse l'indication curatiue. Et ne doit ignorer la cause de la maladie. Car sans la congnoissance dicelle cause, la curation ne seroit pas par le benefice de l'art, mais pluſtot de fortune. Aussi il ne fault point, quil omette les accidens. Car aucunesfois ilz peruertissent toute la cure : comme dit Galien au 1. ad Glauc.

LEXPOSITEUR.

De ce lieu facilement peuvent estre reprints, & refutez ceux, qui veulent maintenir, que le Chirurgien n'ha que faire de sauoir autre chose, si nō dincizer, de cauterizer, articuler, & autres operations manuelles. Si ainsi est, quil doit sauoir les choses naturelles, nō naturelles, & contre nature, qui sont comprises en la Chirurgie theorique, cestadire speculatiue. Desquelles parauāt nous auons assez parlé. Reste de parler de la cause de la maladie. Cest quen toutes maladies, ou la cause est encores presente il fault premierement oster la cause, qui veult oster la maladie. Exemple. En vn phlegmon, ou autre tumeur contre nature, si la fluxion dure encores, il la fault oster, comme celle, qui est cause de la tumeur. Sus ce propos il fault noter, que la cause de maladie, nest autre chose, sinon vne affection contre nature, laquelle precede la maladie, & lengendre, ou lexcite. Mais toutefois laction nest pas blessée de par soy, & premierement par ceste affection: ains par accidēt, ou secondairement: cestasauoir par lintervention, & moyen de la maladie. Item fault noter, *Gal. lib.* quil y ha deux manieres de causes de maladie. Lune est externe, ou exterieure, ou extrin

extrinseque : laquelle est ainsi nommee, *morb. & lib. 1. ther.*
 pource quelle aduient de dehors : & ne con-
 siste point dedens le corps : comme le froid, *& lib. 2.*
 ou vn scorpion poignant. Les Grecs lap- *commēt.*
 pellent procatartique : & les Medecins vul- *in Hipp.*
 gaires lapellent primitive. L'autre cause est *de nat. hu.*
 interne, laquelle consiste dedens le corps :
 comme sont les humeurs disposees contre
 nature. Les Grecs lapellent proëgomene.
 Les Latins lapellent cause antecedente, ou
 precedente. Outre ces deux causes (selon la
 sentence de Galien) il ny ha nulle autre
 cause de maladie. Parquoy il est necessaire,
 que beaucoup de Medecins de nostre tēps
 errent grandement : lesquelz pensent, quil
 y ayt vne cause coniointe aux maladies, en
 suiuant lopinion d'Auicenne, & de plu-
 sieurs autres Arabes : lesquelz aussi Guidon
 ha voulu suiure. La demonstration est telle.
 Puis que maladie (selon la diffinition de
 Galien) nest autre chose, sinō vne affection
 cōtre nature, par laquelle lactiō est viciée,
 ou blessee, certes entre maladie, & la cause
 antecedente, ne peult interuenir autre cau-
 se. Comme prouuet bien les paroles de Ga-
 lien, qui sont telles : Il fault curer la mala-
 die, qui est desia faite, & presente. Mais quād *Gal. li. 1.*
 la maladie nest pas encores presente, ains *Therap.*
 quelle doit aduoir, il la fault prohiber, &
 garder,

garder, quelle naduienne : & quelle ne soit faite par icelle affection, qui est au corps. Or elle sera prohibee en ostant l'affection, par laquelle elle ha accoutumé destre faite. Laquelle affection est nommee cause precedente, ou antecedente. Par ces paroles de Galien il appert manifestement à tous, quil ninteruient rien entre la maladie, & la cause antecedente : en sorte, quil nest possible de mettre aucune cause coniointe. Dauantage il aduient souuent, que la cause de la maladie, comme putrefaction, est ostee : & non-obstant ce la maladie demeure. Laquelle toutefois Auicenne, & ses sectateurs appellent cause coniointe de la fieure. Laquelle chose est pleinement contraire à la nature de la cause coniointe. Car selon leur diffinition, la cause cōiointe est telle, que si elle est ostee, aussi la maladie sera ostee. Parquoy aussi par ceste mesme raison, il ne peut estre aucune cause coniointe aux maladies. Or la raison, pourquoy aucuns Medecins constituent vne cause coniointe aux maladies, est telle. Pource quilz dient (comme les Methodiques) que maladie nest pas affection, par laquelle premieremēt l'action est viciee, ou blessée : ains que cest l'action blessée. Toutefois nous nombrons ladite action blessée (auec Galien) entre les symptomes,

ptomes, ou accidens. Parquoy dautant, que les actions ont leur essence, quand elles se font, il est necessaire quelles ayent leurs causes coniointes, desquelles elles dependent: en sorte, que icelles causes presentes, les actions aussi soient presentes: & icelles ostees, les actions aussi soient ostees. Mais *Gal. li. 2. Therap.* Galien, qui dit, que l'action viciée est symptome, & que l'affection, dou procede l'action viciée, est maladie, necessairement il separe la cause coniointe des maladies. Et sil faisoit autrement, il se contrediroit manifestement. Pour certain Anicenne eust peu estre sans reprehension, sil neust diffini maladie, en telle maniere, comme Galien. Finalement dit Guidon, quil ne fault point omettre les accidens. Pour entendre ceste matiere, il fault noter, quil y ha deux manieres de symptomes, ou accidens. Les vns sont lesions d'action, desquelz dessus auons parlé. Les autres sont affections, lesquelles ensuiuent la maladie: comme soif, & inquietude sont accidés de fièvre: contrulsion, & delire sont accidens dune piquure de nerf, ou tendon: & hemorragie est accident de playe de veine, ou dartere. Et ainsi les accidens, qui blessent la vertu, & augmentent la maladie (dautant quilz sont cōme cause) si sont fort griez, & vrgens, ilz peruertissent

h s sent

sent l'ordre de curatiō de la maladie. Comme conuulsion, delire, & hemorrhagie. Mais les autres accidens ne changent en rien la curation.

G V I D O N.

En pratique il fault, que le Chirurgien sache ordonner la diete, & la pharmacie. Car sans ces deux choses, Chirurgie ne peult estre parfaite: laquelle est le tiers instrument de Medecine. Pourtant dit Galien en son introductoire. Comme pharmacie ha besoin de diete, & de Chirurgie: aussi Chirurgie ha besoin de diete, & de pharmacie.

L E X P O S I T E V R.

Les parties de Medecine, cest a sçavoir Dietetique, Pharmaceutique, & Chirurgie, sont tellement connexes, & coniointes ensemble, que aucunement ne peuvent estre separees lune d'auec l'autre, sans le dommage, & grand detrimēt de toute la profession medicinale. Car lune est aydee, & consommee par les autres, en sorte, que lune sans les autres est imparfaite.

GUIDON.

Il appert donc, quil fault que le Chirurgien ouurant artificiellement, sache les principes de Medecine. Et avec ce il est decent, quil sache quelque peu des autres arts. Et cest ce, que disoit Galien au premier de la Therap. contre Thefillus. Si les Medecins nauoiēt, que faire de Geometrie, ne d'Astronomie, ne de Dialectique, ne d'autre doctrine, les tanneurs de cuir, charpentiers, forgerons, & autres, laisseroient leurs arts, & mestiers, pour accourir à la Medecine: & deniendroient Medecins.

LEXPOSITEUR.

Galien au premier livre de la Methode therap. dit que Theffalus (lequel Guidon appelle Thefillus, suuant la vieille translation) promettoit de mōtrer l'art de Medecine, en six mois : dont il ha eu en brief temps plusieurs disciples. Car si ainsi estoit, que ceux, qui pretendent estre Medecins, neussent

neussent besoin ne de Geometrie, ne d'Astronomie, ne de Dialectique, ne de Musique, ne d'autre bonne science, & doctrine (comme promet Thessalus) ne de longue experience, & vsage des oeures de l'art, qu'on appelle Pratique, qui est celui, à qui il ne feroit prompt, & facile de tendre l'art, & sans difficulté deuenir Medecin? Dont il aduient, que les couturiers, tainturiers, menuiziers, charpentiers, & forgerons, ou faures, delaisent leur propre mestier, pour estre Medecins. Cest le sens du texte de Galien.

G V I D O N.

Secondement iay dit, quil fault, que le Chirurgien soit expert, & quil ayt veu les autres ouurer : iouxtela sentence du sage Auenzoar. Il fault, que chacun Medecin sache premieremēt. Et puis, quil ayt vsage, & experience. Aussi Rasis 4. Almanß. & Haliabin. testamen. Hippo. & Haly 1. theor. tesmoignent ceste mesme chose.

L E X P O S I T E V R.

Il ha esté parauāt assez exposé, comment

le Chirurgien doit premierement sauoir la Theorique, & puis exercer la Pratique. *Theori.* Dont ie suis grandemēt esbahi de ceux, qui *que doit* yeulent commencer par la pratique. Cest *preceder* autant, que de commencer à escorcher vne *Pratique* anguille par la queue: ou de mettre la char-rue deuant les boeufz, comme lon dit en vn commun prouerbe.

G V I D O N.

Tiercement le Chirurgien doit estre ingenieux, & de bon iugement, aussi de bonne memoire. Et cest ce que disoit Haly Rhodan 3. tech. en telles paroles. Il fault, que le Medecin soit de bonne rememoration, bon iugemēt, bonne solertie, & prudence, & quil ayt bonne veüe, & quil soit sain dentendement, avec beauté de forme, tellement quil ayt les doigts gresles, les mains fermes, & non tremblantes, & les yeux clers.

L E X P O S I T E V R.

Les preceptes, & arts ne valent rien, si na- *Quint. 1.*
ture ny ayde. Parquoy ce Chapitre Singu- *Orat. inst.*
lier,

lier, & autres preceptes de Chirurgie, ne sont pas escrits pour ceux, qui n'ont point d'engin : non plus, que les preceptes d'Agriculture ne sont pas pour les terres steriles. Or l'engin: memoire, solertie, cest adire facilité d'apprendre, & bon iugement, ce sont dons de nature: lesquelz peuent estre augmentez, & amplifiez par art, & exercitation.

*Gal.ca.2.
artis Me
dic.*

Quant à l'engin agu, il signifie subtile substance de cerueau: au contraire tardité d'engin signifie grosse substance de cerueau. Facilité d'apprendre signifie, que la substance du cerueau facilement reçoit les formes, & especes : au contraire difficulté d'apprendre. Memoire signifie substance de cerueau stable & ferme: au contraire oubliance signifie substance fluide. Mobilité, & inconstance en opinions, signifie chaude substance de cerueau: au contraire stabilité & constance, signifie froide substance.

G V I D O N.

Quartement iay dit, quil fault que le Chirurgien soit bien moriginé, hardi es choses seures, & timide es dangers, quil suie males cures, quil soit gracieux aux malades, benin, & de bon

bon vouloir à ses cōpaignons. Caut, & prudent en prognostication. Chaste, sobre, pitoyable, & misericordieux : non couuoiteux, non extorsif. Mais quil reçoive modérément ses salaires, selon son labeur, & la falcuté, ou puissance du malade, selon aussi la qualité, & dignité de la fin.

L E X P O S I T E V R.

Celsus faisant mention des conditions *Celsus, li. 7* du Chirurgien, dit, quil doit estre adolescent, ou bien pres d'adolescence. Quil ayt la main ferme, & non tremblante, autant la senestre, comme la dextre. Quil ayt bons yeux : quil ne soit point de courage timide : quil ne soit point trop misericordieux, en sorte, quil ayt bon vouloir de guerir celui, quil prend en sa charge, sans estre esmu de la clameur, ou complainte du patient : tellement quil ne se haste point dauantage, ny plus, que la chose le requiert : aussi quil ne incise pas moins, quil est necessaire : ains quil face tout ainsi, comme sil nauoit aucune affection, ou mouuement des cris, ou clameurs dudit patient. En apres dit Guidon,

don, que le Chirurgien doit fuir males cures : iouxte la sentéce de Galien, disant quil ne fault point entreprendre de guerir ceux, qui sont deplorez, ou abandonnez, cest adire, qui ont maladies incurables : mais il sen fault deporter, & prognostiquer ou predire la fin. Car de la prediçon, ou prognostique, le malade estime, que le Medecin congnoit la nature de sa maladie. Et en estimant, que le Medecin congnoit la nature de sa maladie, il se rend plus obeissant. Et finalement en se rendant plus obeissant, il est plus facilement guerri. Et en ce fault estre caute & prudent, en prognostiquant, si la maladie sera mortelle, ou non : si elle sera brieue, ou longue. Et fault tousiours faire son prognostique, que telle, ou telle fin aduiendra : pourueu quil nadienne erre d'autre part. Item doit estre gracieux aux malades, sans se despiter, ne courroucer contre eux. Item doit estre benin, & de bon vouloir à ses compaignons. A la mienne volonté, que ceste condition fust bien obseruee. Certes on n'auroit pas matiere de dire, que vn Medecin est vne mer deuie. Mais aujourdhui l'enuie est si grande entre les Medecins, quilz s'accordent come Gryphons, & Cheuaux, ou comme dains, & chiens : tellement que si lun ordonne au patient

tient le dormir, l'autre lui ordonnera le veiller. Si lun ordonne leane, l'autre lui ordonnera le vin. Si lun ordonne le ieuner, l'autre ordonnera le manger. Je ne say pour quelle cause : sinon que possible leur fauoir soit contraire, ou leur iugement. Ou plustot, que à leur escient, & contre leur pensée ilz veulent contredire aux autres : à celle fin, quen repugnant, par vne grauité, ou plustot importunité superficilieuse, ilz ayent les premiers lieux, & deiettent les autres de leur degré, & credit. Et consequemment, quilz vsurpent les premiers proufits, ie pense que voila le poinct ou ilz pretendent. Dont ie mesbahi grandement: veu que toutes bestes en leur genre s'accordent, & viuent ensemble, & ie congregent contre les autres dissemblables. Comme *Plin. li. 7.* les Lyons (qui sont si cruelz) ne combattent *nat. hist.* point les vns contre les autres. Les serpents ne se mordent point lun l'autre. Les poissons de la mer nexercent point leur cruauté, sinon contre diuers genres. Et toutefois par l'homme plusieurs maux aduiennent à l'homme. N'est ce pas vne grande folie à l'homme (qui vient tout nud en ce monde, commençant sa vie en vagissemens, pleurs, & larmes, & autres fragilitez humaines) de sestimer de telz, & si miserables com-

mencemens , estre né pour estre superbe, ambitieux, auaricieux, enuieux, inhumain & autres choses , qui n'est pas expedient d'exprimer ? Finablement dit Guidon, quil doit moderément recenoir ses salaires: sans *Seneca.* estre auare, ne extorsif. Car auarice est semblable à vn monstre, & (qui pis est) ce n'est, qu'une seruitude de idoles.

G V I D O N.

Les conditions requises à vn malade, sont trois. La premiere, quil soit obeissant au Medecin : comme le seruiteur à son Seigneur, & maistre: ainsi que dit Galien 1. Ther. La seconde condition, quil ayt bonne confiance au Medecin, comme dit Hippocrates 1. Prognost. La tierce, quil ayt patience en soymesme. Car la patience surmonte le mal : comme il est dit en autre escriture.

L E X P O S I T E V R.

Guidon met trois conditions requises à vn malade. La premiere est, quil soit
obeiss

obeïssant à son Medecin, & quil ne face rien pour son plaisir. Car il en sera plus facilement gueri. Or les anciens Medecins, qui sont descendus de Esculapius, ont voulu *Gal. 1.* imperer, & commander aux malades : com- *Ther.* me les Capitaines commandent à leurs souldars, & les Rois à leurs subiets, & non pas sasubiettir, & obtemperer, comme serfs. Mais aujourdhui celui, qui scet mieux flatter est plus estimé, que celui qui est plus savaant en l'art. Et ba credit, & entree par tout: en sorte quen peu de temps il devient riche, & puissant. Comme Thessalus. La seconde condition est, quil ayt bonne confiance à son Medecin. Car la bonne confiance est cause daugmenter la vertu du patient. La tierce condition, quil soit patient en sa maladie. Car les accidens, ou affections de lame, comme crainte, tristesse, *Gal. 12.* anxieté, ire, impatience, cure, & souci, resol- *Ther.* nent lesperit, & prosternent la vertu.

G V I D O N.

Les conditions des assistens sont quatre. Cest asavoir, quilz soient paisibles, gracieux, & feaux, & discrets.

L E X P O S I T E V R.

Il fault , que les assiftens , comme ministres, gardes, & autres, soient idoines: & fassent leur deuoir , ainsi que dessus ha esté dit. Lesquelz bien souuent sont cause, que le malade ne guerist pas : ou sil guerit , ce nest pas en si brief temps. Et neantmoins aucunesfois le Medecin en porte la coulpe: combien quil ayt fait tout ce, qui est en lui, sans rien omettre, qui puisse estre profitable au patient.

G V I D O N.

Les conditions des choses exterieures sont plusieurs. Lesquelles toutes deuient estre ordonnees à lutilité du malade. Comme dit Galien à la fin du Comment sus laphorisme preallegué.

L E X P O S I T E V R.

Galen in Hip. aph. 1. lib. 1 Les choses exterieures sont comme les habitations idoines, ou pleines de gens, ou non. Dauantage toutes choses, qu'on annonce , ou qu'on fait, lesquelles peuuent causer ire, tristesse, ou quelque autre affection,

tion, au malade. Comme aussi les choses, lesquelles rompent le repos: & mille autres choses, qui peuvent aduenir.

G V I D O N.

Oltreplus en imposant fin à ce chapitre, il conuient montrer la maniere, & ordre de cest œuvre. Pourquoy il fault sauoir (iouxte le dit de *Auerroïs coll. 1.*) que les arts de pratique, en tant, quilz sont arts, contiennent trois choses. La premiere est, sauoir les lieux de leurs subiets. La seconde est, de mener la fin pretendue au lieu du subiet. La tierce est, de sauoir les instrumens, par lesquels nous pouuons mener icelle fin au lieu du subiet. Et pourtant, que cest art est pratique, & operatif, necessairement il doit auoir trois traiteꝝ en general. Mais à celle fin, quil soit plus specifié, il y aura en cest œuvre sept traiteꝝ. Le premier sera de l'anatomie, & des lieux du subiet.

Les cinq ensuiuans seront de la maniere de mener la fin pretendue aux lieux du subiet. Et le septieme traite sera des instrumens, par lesquels nous menerons ladite fin pretendue aux lieux du subiet.

LEXPOSITEUR.

Tout l'œuure de Guidon est diuisé generalement en trois traitez. Le premier est de l'anatomie: laquelle montre les lieux du subiet, cestadire les parties, ou membres du corps humain, qui est subiet de Medecine. Le second montre la Methode, ou voye, pour mener la fin pretendue au lieu du subiet: Cestadire pour conseruer la sante, ou pour curer les maladies, selon la diuersité des parties, en tant quil est possible. Le tiers montre les instrumens, & remedes, par lesquels nous pouuons paruenir à icelle fin: cestadire à la conseruation de sante, & à la curation des maladies. Lesquels trois traitez generaux sont derechef diuisez en sept speciaux, comme sensuit:

G V I D O N.

Donq ce liure aura sept traitez.

Le premier sera de lanatomie. Le 2. des apostemes. Le 3. des playes. Le 4. des Vlcères. Le 5. des fractures, & dislocations. Le 6. de toutes autres maladies, qui ne sont pas proprement apostemes, ne Vlcères, ne passions des os : pour lesquelles on ha recours aux Chirurgiens. Le 7. sera lantidotaire.

LEXPOSITVR.

On dit communement, & bien, que là où il ny ha point dordre, ce nest que confusion. Car la grace, & vertu dordre est si *Jacobus* grande en toutes choses, non seulement *Syluius* humaines & naturelles, mais aussi diuines, *libr. de.* quil ny ha rien iuste, de droit, ne irrepre- *ord.* hensible, sil nest en bon ordre. Et tant mieux il est ordonné, tant plus parfait il est. Au contraire tant moins il y ha dordre, tant plus imparfait est il estimé. Ce considerant Guidon ha mis son ceuvre par bon ordre comme il appert. Quant au dernier traité, quil nomme lantidotaire, il semble, quil ayt abusé du nom : dautant quon doit seulement appeller antidotaire, vn traité, auquel on fait mention des anti-

dotes. Cest adire antidotes, des medecines, qui sont prinſes dedens le corps. Et non pas celles, qui ſont appliquees exterieurement, comme huiles, onguens, emplatres,


Medica- cataplaſmes, epitimes, & ſemblables *mens to-* camens locaux, que les Grecs appellent *piques.* topiques.

G V I D O N.

Or en chacun traité ſeront deux docttrines : en chacune docttrine il y aura huit chapitres, ou environ. Et en chacun chapitre ſeront contenues trois choſes, que doit enquerir un Medecin Dogmatique. Premièrement la notice de la maladie, & les cauſes : dont ſont prinſes les indications curatives. Secondement les ſignes, & iugemens pour ſavoir, quelles indications ſont poſſibles, ou non. Tiercement la cure, avec quelles choſes, & comment le Chirurgien doit operer. Et tel ſera lordre en tout ce liure, Dieu aydant.

L E X P O S I T E V R.

Lordre de Guidon est tel en chascū chapitre. Cestasauior denquerir premierement la maladie par ses signes, & indices pour en prendre les indications curatiues. Puis doit venir aux prognostiques, pour predire, si la maladie sera curable, ou incurable: brieue, ou longue. Finablement à la curation. Voila lordre, quil pretend tenir en tout son liure, Dieu aydant. Au commencement, & à la fin duquel il inuoque le nom de Dieu, comme vn bon Chrestien, nous donnant exemple. Sus ce propos ie feray fin à ces presens Commentaires: esquelz si aucune chose digne de reprehension y est trouuee, ie supplie au Lecteur, quil lamende humainement, & quil estime, que ie suis homme, aussi bien que lui: pour errer quelque fois ou par inaduertence, ou bien par ignorance. Considerant, que ce, que ie say, est bien petit, au regard de ce, que ie desire sauoir. Je lui supplie derechef, quil ne iuge point ne par grace, ne par haine, comme font aujourdhui plusieurs: lesquelz, combien, quon ne voye rien d'eux, neantmoins ne cessent de calomnier les ceuures dau-trui. Priant Dieu leur donner la grace de faire en brieuf quelque bon ceuvre, ou desister de mesdire.



E P I T O M E

DES TROIS PRE-
miers livres de Galien,
de la composition des
Medicamens
*en gene-
ral.*

par Martin Grégoire

P R E F A C E A V X C H I R V R G I E N S E T A P O T I C A I - R E S .



*Libr. de
Natura
humana.*

COMME ainsi soit que toutes choses soient faites, & tendent à vne fin, & que la fin dun chacun Art soit utilité dicelui, suivant cela nous dirons que la fin de Medecine, est Santé : laquelle est maintenue, & gardée au corps de l'homme, par le mutuel temperament des humeurs & qualitez, dont il est composé : & corrompue, par le contraire. Car, dit Hippocrates, le corps humain est fait & composé de sang, de pituite, de cholere iaune & noire : dequoy il est maintenu en valetude, quand la force & quantité dicelles mediocrement temperées sont meslees ensemble : au contraire il deuient malade, quand lune dicelles humeurs & qualitez, est plus abondante quil ne conuient, & excède le naturel temperament. Semblablement des maladies, aucunes prouiennent des viandes, & manie-

re de viure : les autres de lair duquel en
lattirant nous viuons. En apres les temps,
saisons, & les aages doiuent estre conside-
rees. Par ainsi donques le corps estant com-
posé d'element contraire & de choses sub-
iettes à corruption (pource quil est mor-
tel & dissoluble) est necessairement subiet
à mille manieres dinfirmitez & maladies,
tant interieures que exterieures : desquelles
lentendement (bien quil soit vne particule
de lair diuin) est souuentefois agité & tor-
menté. Mais le souuerain Eternel, tres-
prouident Pere & Gouverneur de toutes
choses par lui sagement faites en luniuersel,
ha donné à lhomme dequoy se defendre
& obuier à ces maladies suruenantes,
par la faculté & vertu des plantes, metaux,
bestes, & autres choses créées pour l'usage
& ayde de lhomme : la congnoissance des-
quelles, & la raison den vsier ha esté succes-
siuement acquise par la longue experience
dicelles. Mais le principal est den vsier pru-
demment, & avecques iugemēt & Methode.
Et ainsi fait le bon Medecin, qui premie-
rement senquiert que cest que la maladie
que souffre le patient : quelle elle est, & de
quelle cause prouient : quand la maladie
lha prins, quelz symptomes elle ha : sachant
tresb

tresbien observer le temps selon la cause & nature de la maladie. Et encore de-cette suffit. Car fault congnoitre quelle coutume de viure & regime il tenoit en santé, & la nature du corps, cestadire, que le Medecin doit sauoir quel ordre de viure ha suivi le malade, & en quel tēps il estoit sain. Car (comme dit Hippocrates en ses Aphorismes) Il fault attribuer quelque chose à

Note laage, au temps, & à la coutume. Et en
biē ceci. autre lieu desdits Aphorismes dit, que iceux malades sont moins en danger, le mal desquelz conuient mieux à leur nature, & leur aage, & à leur coutume. Et en autre passage de seldits Aphorismes. Les maladies sont moins molestes & fascheuses quand de long temps on les ha accoutumees. Apres donques que le bon Medecin aura preueu & diligemment consideré ces choses dessusdites, lors doit prescrire & ordonner medicamens propres & conuenables, & de raisonnable dose & poids. Et non seulement ceci est necessaire à tous Medecins voulans curer les infirmittez & maladies exterieures, mais à ceux qui par operation manuelle font profession de curer les exterieures, comme playes, fractures, tumeurs contre Nature, & autres maux
accid

accidens au corps humain, lesquelz en Grec nous appellons Chirurgiés : ausquelz comme aux precedens , est besoin & necessaire estre Methodiques & dogmatiques , s'ils veulent estre telz que leur profession requiert . C'estasauoir quilz soient Anatomistes , & ayent parfaite congnoissance des parties du corps humain : des causes de generation & corruption : de la nature des simples medicamens : & les sauoir bien composer selon la maladie , laage , le sexe , constitution du corps , & maniere de viure dun chacun quilz entreprennent curer . Tout ainsi que à celui qui veut entreprendre reparer vne maison qui tombe , & la releuer de ruïne , est besoin premiere-ment bien entendre lartifice dicelle , de quelles matieres elle est composee : la nature des fondemens : par quelle colonne elle est soutenue : & en quoy consiste tout le pourpris de ledifice . Ainsi congnoitra mieux la cause de la ruïne , ou deterioration dicelui edifice : laquelle sceue , pourra plus facilement la releuer , & y mettre remede . En ceste sorte ceux qui font profession de curer , tant interieurement par speculation , que exterieurement par operation manuelle , doiuent sauoir parfaitement

tement la nature & constitution des corps, & de quelles natures ilz sont composez. Ce quil verra par Galien en son liure des Temperamens, ou il fait neuf natures des corps : cest auoir, chaud, froid, humide, & sec : & derechef chaud & humide, froid & sec, froid & humide, &c. Ce sont les causes pour lesquelles fault aucunesfois diuersifier les medicamens, & la quantité d'eux : dont se fait que les Empiriques, qui sans doctrine & Methode veulent curer, souuentefois faillent, & sont abusez : & chauffent toutes sortes de pieds à vne forme. Et quand on les interroge de la raison de leurs medicamens desquelz ilz vsent, & dequoy, & comment ilz sont composez, ilz ne sauent que dire, & demourent sans responce, comme bestes brutes quilz sont. Par ainsi donques quand ilz ont perdues leurs receptes, ilz nen font faire d'autres. Mais silz sauoient la nature des passions dun chacun de ceux quilz entreprennent guerir, & congnoissoient & entendoient la Methode par laquelle trouuaissent les forces & facultez des simples medicamens, & le scop de la curation, certes ilz nabuseroient les malades comme ilz font. Galien recite que de son
temps

temps ont esté aucuns , qui estans sans Art ne Methode , & ignorans la composition des medicamens ont abusé de la santé de plusieurs : & au lieu de les guerir , les auoir faits deuenir boiteux , manchots , & auergles. Ce que en ces mesmes temps est aduenu. Voila pour montrer quel grand proufit ie vous fais , mettant en lumiere , & deuant vos yeux ces liures de Galien , D E L A C O M P O S I T I O N D E S M E D I C A M E N S , qui est vn vray promptuaire de Medecine , pour les Chirurgiens & Apoticaire. Car en iceux liures sont traitez & descrits les Emplattes, Cerats, Pastilles , & Onguens necessaires presque pour toutes maladies , & sans quoy l'art curatiue de la Chirurgie est du tout imparfaite. Donques en celsdits liures, Galien tresprudent Medecin , montre & enseigne la Methode artificielle de composer vnchacun Medicament , selon la diuerseraison des maladies , temps , sexe , aage, institution & coutume de viure , & temperament de toute la partie patiente , escriuant les remedes desdites maladies , & facultez des simples qui entrent en la composition des medicamens , avec la maniere de les preparer. Tu prendras donques en
k gré

gré (ô ami Lecteur) ce présent EPI-
TOME desdits Trois premiers livres
de G A L I E N, attendant les Sept livres
entiers (œuvre divin, & excellent)
qui de brieſ te ſeront mis en
lumière.

*



LE PREMIER LIVRE.



GALIEN Autheur de ce present ceuvre ; ha deux fois cōposé les deux premiers Liures, pource que ilz auoient esté perdus, quand le temple de Paix, & toutes les grandes Librairies du Palais à Rome brulerent. Et adresse le commencement de ce liure contre ceux qui ont en derision la vertu des simples medicamens, & se gaudissent de ceux, qui ont escrit que lesdits medicamens sont proufitables à diuerses parties du corps humain. C'est auoir les vns au Foye : les autres, à la Ratelle : les autres au Poulmon, aux Ronguons ; à la vésie : & ainsi des autres parties du corps humain. La viande qui entre en l'estomach, est naturellement enuoyee au Foye. Puis par toutes les parties du corps : & chacune partie retient la vertu du simple qui lui est propre. Exemple du *Lepus marinus*, cest vn Lieure de mer, qui seulement ha la vertu

dulcerer le Poulmon sans autre. Aussi les Cantharides vlcèrent la vessie seulement sans autre. En la composition des simples medicamens, iacoit ce que l'action dun chacun diceux ne soit pas gardee entierement, nest aussi du tout corrompue. Au cuns medicamés font leurs actions selon leurs qualitez naturelles, les autres selon vne qualité acquise. Vous verrez par exemple vn simple, qui sera froid de sa nature, & toutefois estât eschauffé sera chaud, qui lui est qualité acquise. La composition des medicamens ne se doit tousiours faire de ceux, qui sont dune mesme vertu, mais souuentefois de ceux, qui sont de vertu contraire. L'exemple sera du medicament composé de Erugo, cestadire, Verd de gris, avecques Cerat, cestadire de la Cire, & de lhuile. Car Erugo tout seul, vlcere la chair, & fait corosion, pource que cest vn simple chaud & acre. Le Cerat au contraire, est plus benin & moins mordicant: mais au lieu de faire venir nouvelle chair il engendre aux vlcères des ordures & immondicitez. Donques Erugo temperée avecques le simple Cerat fait vn medicament sarcotique, cestadire incarnatif. Galien au 3. liure de la Methode, & en cestui ci, ha traité la maniere comment on doit mesler ensemble & composer les medicamens.

mens de contraires qualitez, & ce en general : mais maintenant en ce present ceuvre il dira la particuliere exercitation diceux , en amenant exemple dune chacune maladie. A celui donques qui veut bien composer vn medicament , est besoin de sauoir & congnoitre parfaitement la vertu dun chacun simple , & non seulement en general ; mais aussi en special & particulier , cestadire au quantieme degre est sa qualite , & faculte. Car des simples chauds y ha quatre ordres & degrez , cestasauoir pour separer & congnoitre les moins chauds , dauecques les plus chauds : les bié chauds, dauecques ceux, qui sont vehementement chauds , lesquelz blessent & vlcèrent la partie ou ilz sont appliquez & mis , comme sont ceux , que les Grecs appellent Styptiques , cestadire rongeurs, & mordans. Celui qui veut composer les medicamens doit entendre, quil y ha pareille nature & ordre de degrez de qualitez & facultez aux simples froids. Et semblablement aux desseichans & humectans. Dauantage aucuns dicetx medicamens ont leurs effectz par leurs proprietiez occultes & non congnes : les autres par accidens : les autres manifestement : les autres par vehemente force : les autres absolument. Et pourtant donques nest pas assez de sauoir

k 3 quelle

quelle vertu de rechauffer, ou refroidir, ont les medicamens, mais combien grande. Car on void par exemple que toutes les resines ont cela à elles commun, quelles reschauffent: toutefois maintenāt plus, maintenant moins. Dont se fait que opopanax, cest adire le suc de panax est moins chaud que le succus Cyrenens & Medicus. Certes laneth, la rue, les oignons, & tous medicamens chauds ont entre eux grande difference selon le plus & le moins. Chacun des degrez dont ci dessus auons parlé, ha trois sieges: cest auoir, le commencement le milieu, & la fin. Toutes matieres dont sont les medicamens composez, sont, ou des plantes, ou des metaux, ou des animās. Toutes lesquelles sont exprimees & declarees par Galen ses x i. liures des simples medicamēs. Et ne suffir saoir les vertus & facultez de tous les simples medicamens, par lesquels est donné conuenable remede aux corps qui ont besoin de curation, mais aussi est grandement necessaire de tenir sus longle & exactemēt entendre toutes les especes des affections & dispositions contre nature: cest auoir des differences des Symptomes, & des maladies, & des causes des maladies. En apres des causes des Symptomes, aussi de la repletion, & difference des fieures, qui sont
toutes

toutes affections blessans l'action.

Et voila la vraye Methode & art de composer les medicamens, & du ser. diceux convenablement. Fault en outre sçavoir, pour la vraye Methode de guerir (pource que la curation doit estre ordonnee selon la disposition du mal, & du malade) la nature de la partie patiente, & le remparement de tout le corps, & sa constitution, laage, le temps : cest a sçavoir si cest en esté, en yuer, au printemps, ou en automne : le lieu, les temperamens de l'air ou est le patient, la maniere de viure, & les mœurs : cest ce que observent & regardent les bons Medecins & Chirurgiës en la curation des maladies & parties patientes. Toutes lesquelles choses ci dessus dites fault avoir en memoire & bien les retenir, & exactement congnoitre, à fin que en tous lieux, ou d'adventure on se pourroit trouver, facilement on puisse recouvrer des medicamens tant simples que composez pour le remede des maladies, & diceux bien vser à la curation dicelles. Or sera ci apres montré & declairé la raison comment vn chacun médicament, tant simple que composé, peut guerir les maladies : & pourquoy diceux nous vsons à la curation des maladies. L'indication curative (comme ci deuant auons dit) est triplement

prinse. Car la premiere, est prinse de la nature de la maladie. La seconde de la nature de la partie. La tierce du temperament de tout le corps. Dont se fait que aucunesfois nous sommes cōtrains vser de medicamens composez : & ce pour trois raisons. La premiere pource que tousiours nauons pas les simples propres aux maladies pour icelles guerir. La seconde pource qu'un simple n'est assez suffisant pour faire vn emplatre. La tierce pour corriger la vehemence & malice de quelque simple, qui tout seul pourroit nuire : & composé donne remede au mal. La quarte pour moderer les mauuaises faueurs & gontz des simples. La quinte pour remedier au poison, venin, & mortelle morsure des bestes. Et à ceste fin le Theriaque, & Methridat ont esté composez.

De l'emplatre de Diachalcitis, autrement dit Diapalma, lequel se compose ainsi:

℞. Vetus†i adipis siue Axungia† porci, ℞. 2. Olei veteris, ℞. 3. Argē†i spum†æ, ℞. 3. Chalcitidis, ℞. 4. & selon Paul. Aegin. 6.

LA maniere de cuire ledit emplatre, est telle. Premièrement fault oster & arracher

cher la petite peau de dessus l'oint vieil,
puis bien le battre en vn mortier, à fin que
mieux il se fonde, & lors quil sera fondu,
le conuient passer, à fin quil soit pur & net,
& quil ny demoure aucun morceau de ceste
petite peau, le tout fondu reuenât au poix
de 2. lb. En apres prendras de Chalcitis
puluerisé bien subtilement 4. ℥. & les met-
tras avec 3. lb. dhuile doline meslee avec
la gresse, ou oingt vieil de pourceau:
puis tu y adiouteras 3. lb. de Litharge dar-
gent. Lesquelz apres que tu auras meslez &
battus en vn mortier, tu les mettras en vn
chauderon, quil cōniendra mettre sus petit
feu de charbon: & quand seront fondez le
remuer & mouuoir avec vn petit baston
de palme qui sera fait en maniere dune spa-
tule dont les apoticaïres mouuent leurs
medicamens. Et fault que ledit baston
soit couppé pour mieux estre penetré du
medicament. Or apres que icelui medica-
ment sera en forme de Cerat, vous pren-
drez les petites branches dudit baston de
Palme, lescorce premieremēt ostee, lesquel-
les petites branches, ou rameaux conqas-
ferez, & mettrez avec ledit Cerat, qui en
prendra le suc & ius. Et ne seroit bon met-
tre lesdits petis rameaux de Palme au com-
mencement: car le ius diceux seroit con-

sommé par la decoction, & le médicament ne sen sentiroit point. En apres ladite spatule de palme de laquelle est mouué le médicament, lors quelle sera seichee, en icelle partie ou elle est teinte dudit médicament, la fault couper & ietter à fin quelle ne retienne plus son propre suc : le reste seruira, & ainsi du demourant iusques à la fin. Ici fault noter, que ledit rameau & baston ne doit estre couppé de l'arbre long téps auant quen vser, car par espace de temps seiche-roit & perdrait son ius & substance. Donc en yuer le faudra couper le iour de deuant, & en esté, le iour mesmes que voudrez cuire le médicament. Tu congnoistras quil sera assez cuit, quand il sera deuant espais, & quil ne tiendra point aux doigts, comme la gluts. L'utilité des simples dessusdits est telle : cest asanoir que loingt & gresse vieille de pourceau est mise pour resouldre : & le Chalcitis & suc de Palme pour repercuter la Litharge, pour donner forme emplastique, aussi pour deseicher, car elle est desiccative au premier degré.

Note que pour faire l'huile vieil, fault prendre la racine d'althea & brionia, & les faire bouillir ensemble, & le tout passer ainsi aurez de bon huile vieil. Cest emplatre deuant dit est appellé des Grecs Polycreston,

cestad

ceftadire, proufitable à beaucoup de chofes. Car premierement il vault à glutiner & cicatrizer les vlceres.

- 2 Pour les phlegmons.
- 3 Pour les playes recentes.
- 4 Pour les podagres & maladies articulaires,ceftadire les gouttes.
- 5 Pour linflammation des inguines & bubons.
- 6 Pour toutes brulures.
- 7 Pour les Mules au talon.
- 8 Pour fracture dos.
- 9 Pour contufions.
- 10 Pour les cedemes.
- 11 Pour les Eryfipelas.
- 12 Pour les enchimofes.
- 13 Pour les rheumatiques & fluxions.
- 14 Pour les hernies.

Or fault ici noter, que pour mieux & plus promptement glutiner les grandes playes, & cicatrizer les vlceres de difficile cicatrization, fault adiouter. 6. ℥. de chalcitis, & les liquefier avec de lhuile & du vin. Lequel vin fera auftere, ne trop vieil ne trop nouveau, quil ne foit gros de fubftance, mais le plus claiet quil fera poffible. Nous auons dit que en toutes douleurs des inguines, comme podagrique & artritique, & en tous temps que les douleurs ne font vehemêtes, quil

Nota.

quil est besoin de fomentation, ou cataplasme lenitif, ou anodin, ou mitigatif de douleurs. Donq au commencement des maladies, ou augmentation dicelles, est requis liquesfier cest emplatre, puis la laisser refroidir, & apres y mettre du vin de la qualité ci dessus. Car tel vin, pourtant quil est de plus subtile substance, penetre plus facilement: & pour les mieux mesler ensemble les fault broyer avec les mains, tant quil devienne en forme bonne & conuenable. Il faudra tenir en memoire & noter, que au commencement du phlegmon est necessaire que la vertu repercussive surmôte la vertu resolutiue: & en laccroissement, la fault vn peu diminuer: mais augmenter la vertu qui digere. Et quand la tumeur du phlegmon sera paruenue en sa propre vigueur, lors conuient que les facultez de repercussion, & de resolution soient egales, sinon que la douleur fust vehemente, & demandast vn medicament lenitif. Et quand le phlegmon viendra à se decliner, il faudra augméter la vertu resolutiue, & du tout ny mettre alors point de vin. Si tu veux faire que le medicament soit de qualité fort adstrictiue, il fault que ce pendant quil est liquifié tu y adiouste de lhuile Omphacin, cestadire, qui est fait doliues verdes & non
encores

encores meures, ou autre huile de semblable vertu avec de l'huile de mirtilles, ou de Sicomore, ou de vin. Et en l'accroissement, d'huile rosat, & vin. Et si tu veux faire que les deux facultez soient de pareille & egale puissance, tu liquifieras le medicamēt avec de l'huile doux, qui ne sera ne trop vieil, ne trop nouveau. En la declinaison avec de l'huile vieil, & sans vin. Par ainsi donq ce medicamēt en forme de emplatre est en ceste maniere temperé, tandis quil est liquifié.

La maniere de le liquifier est telle : cest assavoir, quil fault quil y ayt plus d'huile que de emplatre, cōme à 10. ℥. de emplatre, vne lb. d'huile. Et fault noter que plus y ha d'huile, & plus est le medicament lenitif, cest adire, appaisant les douleurs, mesmement si cest huile rosat : & moins y ha d'huile, & plus sec sera. Et pour faire le emplatre en forme de Gerat, il fault vne lb. de emplatre, & vne lb. d'huile. Pour le phlegmon du siege de l'intestinum rectum, il le fault liquifier avec grande quantité d'huile rosat : & avec quelque instrument commode l'appliquer sus le dit phlegmon, comme vn clystere. Mais la maniere de le prepatier pour l'appliquer en ces parties honteuses, est telle : il le fault souvent liquifier avec de l'huile rosat, & le vaisseau auquel il se liquefie sera mis dessus

vn chauderon, dedens lequel aura de leau,
& sera mis sus le feu fait de charbons ardans,
ou sus la flamme qui sera sans fumee. Cest un
emplatre ainsi temperé ayant l'espaisseur du
Gerat liquide, guerit les vlceres des parties
basses honteuses : les mulles aux talons vl-
cerées : car incontinent il oste l'inflamma-
tion, nettoye les parties, & les incarne, en y
adioutant vn peu de vin, & la plus grand
part de chalciris. Il vault aussi pour guerir
les brulures, & à ceux qui se sont eschaudez
en leau, soit quil y ayt pustules, ou non : &
en tout temps quand il est liquefié avec vi-
naigre. Il ny ha chose qui plus garde le
phlegmon de venir que ce medicament : par-
quoy ceux qui incisent les hernies en vident
pour obuier au phlegmon, ou autre acci-
dent. Il est bon aussi pour les contusions,
fractures, & autres playes quelles que ce
soient, principalement sil est liquide. Il gue-
rit semblablement les cedemes, & inflam-
mations, en faisant ligature propre par des-
sus, ainsi qu'on ha de coutume faire, quand
on lie les ruptures, quand quelque os, ou
membre est rompu. Si le corps est caco-
chymé & rempli de mauuaises humeurs, ou
quil soit fort sensible, le faudra liquéfier
avec le suc d'Hyosciane, ou de Mandrago-
ra, & pais en huile rosat. Et pour vne lb.
dempl

emplatre, suffira d'une ℥. de suc. Et aussi sera bon l'appliquer aux parties contuses & blessées dudit corps cacochymé. Et pour les enchymoses, cestadire, sang meurtri de coups de baston, ou de pierre, si est liquefié en vin adstringent, ainsi quil est dit, & incontinent, des le commencement mis & appliqué à la blessure. Et trois, ou quatre iours apres, si la partie est sans inflammation, fault oster le vin, & liquéfier ledit emplatre avec de lhuile vieil : car si esdites meurtrisseures on vsoit beaucoup de choses adstringentes, à grand peine se pourroient elles resoudre. Est aussi cedit emplatre vtile aux erysipelas phlegmonodes, & encore plus aux phlegmons erysipelatos. Mais au commencement le fault liquéfier avec de lhuile rosat, qui soit fait domphacin, & sans sel. Et ainsi desia liquéfié, fault adiouster du suc de Solatrum, & en son default de Psyllium. Et si cest en esté, da verd ius de Resin, de Portulaca, ou semper Viua, ou de Vmbilicus veneris. Mais pource quon ne peut facilement ne gueres exprimer de suc de Portulaca, ne de semper Viua, ne de Vmbilicus veneris, à cause de leurs viscositez, tu les exprimeras avec le ius de grain, en y adioutrât (comme est dit) le suc de pomme verte de Mâdragore toute

** Le vul- te recente, ou de*
gaire lap autrement dit, Meconium. Et sera meilleur
pelle Ius- si tu adioutes vn peu de Glaucium : mais si
quiame. tu veux quil ne soit pas si fort, tu prendras
 le suc de laitue sauuage, ou domestique,
 Semblablement le suc de Cicoree, ou de Po-
 lygon, autrement dit Centinodium, & de
 auricula muris : lesquelz sont moins refri-
 geratifs combien quilz refrigerēt, ou le suc
 de Lenticula palustris. Et par faulte des sucs
 dessusdits, tu prendras Oxycraton, cestadi-
 re du vin aigre & caue, lesquelz feras refres-
 chir naturellemēt, en vn vaisseau fort froid,
 ou pres la neige. Or quand la grande cha-
 leur de Erysipelas phlegmonodes, ou de
 phlegmon Erysipelatodes sera passēe & ap-
 paisēe, il ne faudra plus vser de medicament
 froid, mais de ius de semence de lin, & de
** Que les* ** Chamæmelon.* Et si Erysipelas deuiē
vulg. ap- trop liuide, & plombé, pour trop auoir esté
pellent ca refrigeré, ce ne sera plus Erysipelas, & ne
monile. faudra plus vser de vin, ne dhuile rosat, ne
 dautres huiles adstringēs. Mais sera besoin
 de refrigerer lemplâtre Diachalciteos en
 huile vieil, pour resouldre la liuidité: & da-
 uantage, fomentier avec eaue chaude, & fai-
 re scarifier les parties blessées. Il sera bon y
 adiouter de la chaux viue : mais si le corps
 du patient estoit trop tendre, tu la laueras
 avec

anecques du suc de Coriandre, car il y est conuenable anecques cerat rofat.

Ici est recitee par Galien vne histoire *Histoire*
 dun enfant quil pensoit: lequel enfant auoit
 en la cuisse vn phlegmon, qui finablement
 deuint en fistule, & fut gueri avec cest em-
 platre bien liquefié avec huile rofat sans
 faire contreouerture. Et fault noter, quil
 recite ladite histoire pour montrer leffica-
 ce & vertu dudit medicament, lequel com-
 bien que quelquefois soit long en son
 operation, en fin tontefois, & en vn iour
 montrera sa vertu & vtilité. Tu noteras
 ici, que pour les corps tendres, comme de
 femmes & petis enfans, suffira mettre 4. ℥.
 de Chalcitis. Mais pour les corps durs &
 robustes. 5. ℥. ou 6. dicelui Chalcitis, &
 dhuile vieil, & Litarge dargent. 3. lb. au-
 tant dun que dautre.

Aux maladies & dispositions prouenās
 de defluxion, ne fault au commencement
 vsr de seulz reperculsifs, ne de seulz reso-
 lutifs: car les reperculsifs sont chauds &
 humides: & pour ceste cause eneruent &
 affoiblissent les parties, dont se diminue
 leur vertu, parquoy sont subiettes à deflu-
 xion: laquelle defluxion n'aduient pas
 tousiours de chaleur immoderee (comme
 pensent aucuns) mais plustot à cause de

limbecilité, laquelle bien souuent peut venir à cause de froide intemperature. Derschef, les resolutifs, iacoit ce quilz semblent faire quelque proufit du commencement en euacuant par repercussion, toutefois ilz ne minent ce que reste, mais le laisse dur & schirreux. Ilz causent aussi douleurs & tension, ilz irritent les inflammations, & sont causes de defluxion. Quand vous auez suspicion que doit venir vn phlegmon, ou bien quil commence, la vertu repercussive doit plus excéder, & en laccroissance moins: fault nonobstant quil excède les resolutifs, & en l'estat, fault quilz soient egaux: mais à la declination, la vertu resolutiue doit surmonter; neantmoins les deux vertus repercussive & resolutiue, en tout temps doiuent estre meslees ensemble, fors quand la defluxion est arrestee du tout, & que le corps est bien euacué, lors on peut seurement vser de resolutifs.

*De lemplatre fait avec Hydre-
Leon, cest adire eaue
& huile.*

℞. Aquæ lb. 2. Olei lb. 3. Argenti spumæ. lb. 3. Et tout soit mis sus petit feu en

vne paelle , & les faire cuire en les remuant avec vne spatule iusques à ce que vous con-
gnoitz que leaue soit consumée , & soit
en forme emplastique. Il fault noter, que la
Litarge n'ha aucunes qualitez, sinon quelle
est seiche au premier degré : & quand elle
entre en quelque composition , peult fon-
dre, mais ne sert que de maturer , ou deseic-
cher quelque peu. Le Chalcitis, cestadire
Vitriol , ou Couperose entre tous les me-
taliques est le plustot fondu : & la Litarge
est le plus tard diminué : mais erugo , &
misy sont entre deux. Ce dessusdit empla-
tre est vtile à deseicher les petis vlceres.
Aussi leaue de sa propre substance humecte
& refrigere , & i'amaïs ne perd sa propre
vertu humectatine , i'acoit que par chaleur
acquise puisse perdre sa frigidité. Il y ha
deux manieres de medicamens desiccatifs,
cestasauoir , lun de sa propre nature , lautre
par accident. Celui qui est de sa propre na-
ture, est resolutif, & reduit les temperamens
à vn instant plus sec. Celui par accident,
est comme le reperçusif, qui euacue ce que
est contenu en la partie à cause de sa frigi-
dité. Parquoy nostre emplatre fait avec
Litarge & Hydrelæum (cestadire eaue , &
huile) est desiccatif, non pas de sa propre
nature, mais par accident.

*De l'emplatre composé de Litar-
ge avec Oxelaum, cestadire
Vin aigre, & huile.*

*℞. Spumæ argenti, ℔. i. Aceti acerrimi,
℔. 2. s. Olei veteris, ℔. 2. s.*

AVcunefois Galien y met trois fois plus de vinaigre & autant d'huile, & le fait cuire tout le iour tant quil deuienne noir. Cest emplatre est fort desiccatif, tellement quil guerit les fistules qui n'ont encores point de callositez, & glutine autres vlceres recens, & en vn instant desleiche. Pour approuuer la vertu & faculté de cedit médicament, Galien recite vne

Histoire.

Parotide.

Histoire dun enfant aagé de quinze ans, ou enuiron, filz dun Laboureur des champs, qui auoit vne Parotide, cestadire, vn aposteme iouxte les oreilles, en laquelle Parotide la fieure lui fut terminée, & estoit cedit Parotide venu en suppuratiō, & lanōit ledit patiēt porté bien l'espace de six mois: dananture y suruint Galien, qui lui bailla vn emplatre de ce médicament pour mettre sus son mal. Galien retourné en la ville pour plusieurs affaires de Medecine, dont il estoit empesché, auoit desia oublié cedit patient,

patient, auquel auoit baillé ledit emplatre: mais le patient retourna deux mois apres tout sain à Galien, qui toutefois ne s'attendoit à telle cure. Peu de temps apres ledit Galien semblablement guerit vn autre ieune enfant de mesme aage & maladie, que le premier, de cedit emplatre, & depuis ce temps là plusieurs autres, tant enfans, adollescens, que femmes, par la vertu de ce médicament de la dessusdite maladie: aussi on en guerit les muscles endurciz.

*De l'emplatre composé de Litarge,
& de Oenelaum, cest adire,
vin & huile.*

*R. Argenti spumæ, Vini subtilis, Olci,
ana. parteis æquales.*

LA maniere de le preparer est telle, par l'espace de quinze iours continuelz, par chacun desdits iours fault broyer la Litarge en bon & fort vin, & en esté, à la chaleur du Soleil: & quand le vin que tu y auras mis sera consommé; y en fault de rechef mettre d'autre, & ainsi sera cuit & seiché cedit médicament. Aucunesfois Galien y met pour vne lb. de Litarge, 2. lb. de
1 3 vin

vin & autant d'huile, & quelquefois 3. lb. Cedit emplâtre & médicament guerit les dispositions phlegmatiques, comme fait le Diachalciteos, mais quil soit liquefié en huile, comme cy deuant est dit. Galien aussi en ha guerit les playes nouvelles, & vne cuisse endurcie. Note que plus sont les medicamens cuits, plus sont ilz desiccatifs: parquoy pour vn corps robuste le fault plus cuire, que pour le foible.

De l'usage de Litarge crud.

LE Litarge crud, & seul, guerit les ex-coriations du cuir, cest a sauoir quand on est escorché entre les cuisses, par trop grand travail, ou trop cheminer. Et si est broyé avec de l'huile, & du vin, & puis apres quil soit deseiché, il guerit les vlcères difficiles à cicatrizer: à cause de l'humidité des vlcères, & si tu veux que ladite Litarge soit du tout sans mordication, il la conuient lauer.

La maniere de lauer la Litarge, & les autres Mé-talliques.

LA Litarge facilement se laue, pource que incontinent elle descend pour la

naturelle pesanteur, & demoure, se tenāt au fond des liqueurs esquelles elle est broyee: dont aduient que estant laucee en eaeue perd toute son erosion & mordication. Mais ceux qui ont le sentiment subtil y sentent quelque peu de mordication, si elle estoit laucee en vinaigre, ou vin. La maniere de lauer la Litarge est telle: Il fault diligemment tout le iour la broyer, & la nuict la laisser avec la liqueur, & le iour ensuiuant au matin oster ladicte liqueur, & incontinent y en mettre dautre, puis apres semblablement la broyer, & derechef le iour & le matin ensuiuant y mettre la liqueur: & fault ainsi continuer vn, ou deux iours iusques à ce que la Litarge soit bien subtilice: autant fault estimer de tous autres metalliques. Et fault noter, que non seulement la Litarge, mais aussi les autres metalliques, qui se preparent en ceste maniere, se preparent mieux & plus commodement en esté: car le medicament sen seiche plus fort.

*Des medicamens qui se font
de Molybdæna.*

LA Litarge & Molybdæna sont presque appliquez à mesme vsage, mais

il y ha quelque difference : cestasauoir, que la Molybdæna est plus grosse, & de plus froide substance : comme par exemple on void, quand en consommation il deuient gris, au lieu destre blanc. Mais la Litarge est plus subtile ; & moyenne entre chaud & froid, dont est sa composition blanche.

*Des emplatres blancs, qui sont
faits de Litarge &
Cerusse.*

LEs Medecins pour faire les emplatres blancs y mettent de la Cerusse, ou à fin de bailler quelque vertu adstringente, ou refrigerante au médicament. A fin donques que le médicament soit bien conglutiné, il y fault mettre de la Resine, & principalement quelle soit fondue & liquide. Mais pour oster l'acrimonie, tant de la Resine, Cire, & Terebinthine, que des autres, il les fault fondre sus le feu, en sorte quilz ne soient brulez : & puis les ietter en eaue pure, & quilz soient fort remuez ensemble. Ainsi se fait, & tout autre médicament de mesme qualité.

lité. Tu noteras que quand on fait quelque médicament, ou il y entre des minéraux, iceux minéraux doiuent estre premiere-ment mis sus le feu, & puis bien fonduz avec leurs liqueurs, comme il s'appartient: alors tu y dois mettre la Cire, & te donner garde quelle ne se brule, & puis apres les Resines. Galien entend par les Resines, la Terebinthine, Beniouin, & toutes Poix, & choses semblables.

A la curation des vlceres (ce que bien noteras) les medicamens doiuent estre re-
pereusifs, ou astringens au commence-
ment, de peur quil ny suruienne phleg-
mon. Au milieu fault vsr de medica-
mens doux, & desiccatifs: puis à la fin de
resolutifs. Et quand lesdits vlceres seront
bien mondifiez & nettoyez, faudra vsr de
cicatrizatifs, à parfaire la curation desdits
vlceres.

*De lemplatre blanc nommé Dia-
pipereos, composé par le
roy Artalus.*

Le poix dudit Emplatre.

℞. Argenti spumæ, ℥.1. Cerussæ, ℥.1.
Olci, ℥.2. Ceræ, ℥.5. Terebinthinæ,
℥.3. Aluminis, ℥.1. Piperis, ℥.5.

LA maniere de cuire ledit medicament est facile. Premièrement fault cuire les metalliques à part , tant quilz ayent forme emplastrique , & alors tu y adiouteras , ou mettras la Cire , & la Resine. En apres quand tout sera incorporé ensemble , tu y mettras Thus , & incontinent apres tu y adiouteras l'Alun , & le Poiure. Et note, que le Thus (cestadire Encent) rend cest emplatre plus lenitif & anodyn , aussi fait plustot maturer les petis vlcres molestez de phlegmon , mais il les fait plus debiles à cicatrizer : pource que Thus est sarcotique (cestadire incarnatif) ainsi que dit Galien au troisieme liure de la Methode. L'alun y est mis pour cicatrizer , & aussi pour empescher la fluxion : car les medicaments resolutifs appliquez aux corps plethoriques , ou cacochimies excitent la fluxion. Cedit emplatre ha puissance de resoudre les tumeurs contre nature qui ne sont pas grâdes ne doloieuses en vn corps mol & delicat , & principalement. sil y ha, 3.℥. de Thus. Car sil ny ha quune ℥.s. lemplatre ainsi moderé ha vertu de resoudre toutefois il est plus cicatrizatif. Le Poiure qui y est mis , est pour resoudre , & nempesche point à cicatrizer. La vertu du medicament est telle , quil guerit les vlcres
des

des vieilles gens, & de ceux qui sont tendres & delicats. Il guerit aussi tous les vlceres difficiles à cicatrizer, à cause quil est humide: toutefois il nest pas conuenable à vn vlcere malin, ne aux playes recentes. Il guerit semblablement ce que les Grecs appellent Apofyrmata: id est, Abrafâ en Latin, cestadire quand la membrane periosteos couure seulement l'os, & quil ny ha point de chair. Pour cicatrizer il ny fault point deau, mais dhuile vieil, 2. ou, 3. ℥. Il est bon aux Sinus, & Apostemes assez mediocres en corps tendre, comme de femmes, petis enfans, & gens vieux. Finablement il proufite contre les morsures faites par les hommes qui ne sont affamez, colerez, ne courroucez.

De lemplatre blanc Anodyn, cestadire, sedatif de douleurs. Par

Attalus selon Andromachus.

℞. Argenti spumæ, lb. i. Cerussæ, lb. i.
Olei veteris, lb. 2. Aquæ, lb. 2. Adipis
anserini, lb. s.

TV noteras ici, que la gresse d'oye qui entre en ce medicament, fait que ice-
lui

lui medicament est benin & doux : & comme les Grecs disent, Anodyn, cestadire appaisant la douleur. Et par faulte d'autre meilleur tu prendras la gresse de Geline, ou de Porc : tout ainsi que par faulte de Cynamome, nous vsions de Cassia, qui est ce, que *Nota.* appellons aujourd'hui Canelle. Pourtant est bien necessaire de congnoitre la vertu des simples, pour deux raisons principalement : l'une pour bien composer le medicament : l'autre pour bien vser du medicament que les autres auront composé. Entre les Resines, la Terebinthine est la meilleure, & plus parfaite. Donques cedit medicament composé ainsi que dit est, est tresbon à guerir les inflammations des vlceres, & en oster la douleur, en y mettant la gresse d'oye, ou de Geline, ou de Porc, qui soit recente, comme dessus est dit : mais il ne sera si bõ à cicatrizer, que sil ny auoit point desdites gresses, dont est plus Anodyn. Note bien en ce chapitre, que iamais on ne doit louer vn medicament comme le meilleur de tous, sans y adiouter la maladie à laquelle il sera conuenable.

*Autre emplatre blanc de
Andromachus.*

LEs dessusdits emplatres blancs sont faits en ceste maniere que iay dessus dit, mais à fin que soyez exercez en diuerses compositions de medicamens, ie vous en diray dautres composees par autres medecins qui sont venuz depuis. Andromachus au liure quil ha fait des vertus exterieures, le compose ainsi :

R. Argenti spumæ, Pondo minam, Cerussæ tantundem, Olei, Heminas, 3. Aquæ heminas, 2.

Mais icelui Andromachus nha point escrit à quoy il est bon, ne comment il le fault cuire. Aucuns disent que Mina contient, 20. ℥. Les autres, 16. Il nest pas bon y mettre autant de Resine que de Cire. Pourtant la composition de Attalus est meilleur qui y met de Cire deux fois plus que de Resine. Car sil y ha autant de Cire que de Resine, leplatre sera plus glutinant, non toutefois si doux, ne si commode aux vlceres. Ou il met Olei heminas, 3. Galien pense quil entend attiques, ou autrement eust escrit, lb. 3. non Heminas. Et se pourroit on esmerveiller comment ledit Attalus estant à Rome escriuoit plustot Heminas, que lb. ven que à Rome les noms des poids sont libra, Sextarius, vncia. Mais ainsi quon peut

peult iuger par la composition des medicamens auant que les Romains fussent deuenuz si grans, Hemina estoient 9. ℥. de la liure Romaine.

*Autre emplatre blanc dudit
Andromachus.*

℞. Argenti spumæ, pondo denar. 360.
Cerussæ, pondo 200. deñ. Ceræ, pond.
deñ. 50. Terebinthine pondo deñ. 24.
Olei hemin. s. aquæ, Cyathos 6.

CEst emplatre ayant plus de Cerusse, que de Litarge dargët, sera plus blanc, & plus refrigeratif que le premier : mais il ne peult si bien tenir. Il n'ha point escripta decoction, ne l'utilité. Et en cela doit Heras grandement estre loué, pource quil ha mis les vertus & facultez, & la maniere de preparer les medicamens.

Emplatre blanc de Heras.

℞. Cerae albae, ℔. 2. Argen. spu. Chrysidis : id est, Litarg. Auri, ℔. 1. Ceruss. ℔. 1. Myrrhae, ℥. 2. Medullæ ceruinæ, ℥. 2. Thuris atomi : id est, insecti, ℥. 4. Olei veteris, ℥. 2.

LE Litarge doit estre cuit en huile tant quil denienne espais: puis conuient mettre la Cire, & apres la Cerusse, & le tout remuer & mouuoir avec vne spatule. Et quand serot incorporez ensemble, & quilz ne glueront point aux doigts, lors les faudra oster du feu, puis y adiouter la moelle. En apres quand sera ledit medicament refroidi, on y metta le Myrthe, & Thus, en le bien broyant avec la main. Note ici, que la Cerusse ny est mise des le commencement, à fin que lemplatre ayt quelque vertu repercussive. Car la Cerusse ha vertu astringente & refrigeratiue. Lesquelles facultez & vertus se pourroient perdre, à tout le moins diminuer: aussi la blancheur dicelle Cerusse, si on la faisoit cuire des le commencement. La myrthe est fort desiccatiue, & de substance moult subtile. La moelle de Cerf est bonne à remolir. Entre les emplâtres que les Grecs appellent Hypopia, cestadire, pour les sugillations: ce medicament est tresbon: mais aux playes recentes, il nest pas des meilleurs, ne assez bon. Tu en pourras bien vser aux inflammations nommees Phymata, cestadire, lesquelles croissent soudain, & viennent à suppuration: en vsant ainsi que du Diachalcitis, cestauoir le liquefiant. Brief, cest empla-

tre

tre, ne celui du Roy Attalus nont grande efficace contre les morsures des bestes enragees & venimeuses: toutefois par faulte dautre on en pourroit bien vser.

*Autre emplatre blanc de
Asclepiades.*

℞. Argenti spumæ, Cerussæ, Olei,
Aqua, ana. partes æquales.

Cest emplatre est bien sec, & ne peut adherer & tenir au lieu ou il est appliqué sans ligature. Car si les Metalliques ne sont fort cuits, il nest possible que ledit emplatre soit adherent & gluant. Et pour le cuire bien, il est necessaire que la mesure des choses liquides soit plus grande.

*Autre amplatre de mesme
vertu.*

℞. Cerussæ, dena. 120. Argenti spumæ,
dena. 20. Adipis bubuli, dena. 30. Ce-
ra, dena. 205. Olei Heminas 2.

ET note que ce medicament ha bien peu dhuile pour la proportion des autres metalliques. Il est plus resolutif à cause
du

du suif & gresse de Bœuf. Et fault noter que la gresse des bestes ieunes quelles que soient, est plus humide & moins chaude, que celle des vieilles bestes.

*Autre emplatre de
Asclepiades.*

℞. Argenti spumæ, Cerossæ añ. denar.
100. Ceræ, deñ. 25. Terebinthinæ, deñ.
12. Olei Aquæ, añ. Heminas 2.

Toute la difference quil y ha entre lemplatre de Attalus que recite Heras, & celui de Mnaseus que recite Asclepiades, est quen icelui de Mnaseus y ha 12. deñ. d'alun, & ny ha point de Poiure, parquoy il est plus astringent : & par consequent, plus desiccatif : mais celui d'Attalus est plus resolutif. Tu noteras donques quil y ha grande difference entre les vlceres difficiles à cicatrizer, que les Grecs disent Dyssepulota, & entre les vlceres malins. Car nonobstant que tous deux prouiennent par defluxion, & par humeurs peccantes en quantité, ou en qualité : toutefois les vlceres malins ont ceste mauuaise disposition en eux, quilz corrompent les humeurs qui fluent, fussent elles bonnes : ce que nest pas

m aux

aux Dysepulotiques. D'autantage, les vlceres malins, d'autant quilz sont cauez à cause de l'erosion des humeurs malins, requierent medicament desiccatif & absterfif sans erosion : lequel medicament est en Grec nommé, Sarcotie : comme il est dit au 3. liure de la Therapeutique de Galien.

Pour faire ledit emplâtre blanc il fault vser des metalliques qui sensuiuent. Cestauoir, Cadmie, Pompholix, Chaux, coquilles dhuitres brulees, os de Seiche, aris squamma, Chalcitis vsta, Et si ledit medicament est lauë, il perd son erosion, comme fait la Cire, & la Resine. Et entre toutes les Resines pour les vlceres malins, sont la Terebinthine, & Larix. Le Thus (cestadire, Lencent) y est mis à fin que la disposition des vlceres malins viennent à concoction & suppuration. Et fault bien noter que les metalliques doiuent estre lauez, ou en vinaigre, ou en eue marine & salee, quand les vlceres sont fort enfliez, que les Grecs disent Octhode, cestadire, qui ont grosses calosittez, & qui requierent estre beaucoup attenees. Mais quand lhumidité estant dedens lesdits vlceres est acree & mordicante, lors fera le mieux de lauer tous lesdits metalliques en eue : tout ainsi quil est meilleur en vin, si grande influence
dhum

dhumeurs est apparente ausdits vlcères ; & ce par plusieurs & diuers iours.

Autre emplatre blanc.

R. Argenti spume, deñ. 200. Cerussæ, deñ. 80. Olei veteris, ℥. 27. Cerae, deñ. 50. Terebinthinæ, deñ. 32. Cineris buccinorum, deñ. 10. Thuris, deñ. 19. Aquæ, Cyathos, 12.

LA maniere de le preparer est telle. Tu pileras en vn mortier la Litarge & la Cerusse avecques caue & huile : puis apres tu les mettras cuire en vn pot neuf de terre, les cuisant à petit feu, & les remuant avec vne spatule de peur quilz ne se brulent : & apres quilz seront demi cuits, tu y mettras la Terebinthine, & le Thus, & les cuiras tant quilz ne tiennent point aux doigts : apres tu y mettras la cendre de coquille dhuitres. Et finablement, quand tout sera bien incorporé, tu losteras du feu, & le broyras avecques de leaue. Ce medicament resoud sans mordication, & est resolutif à cause quil y ha beaucoup plus de Litarge que de Cerusse. Et aussi pource que la Cerusse est cuite des le commencement avec le Litarge. En apres pour ladite cendre de

coquilles dhuitres qui est fort desiccative.

*La Vraye Methode de composer
leemplatre blanc selon Ga-
lien pour les Vlceres
Dysepulotiques.*

Rx. Argenti spumæ, Cerussæ, añ. lb. i.
Olei, lb. 2. Aquæ, lb. s. Ceræ, lb. s.
Terebinthinæ, ℥. 3. Thuris, ℥. s.

ET puis apres fault adiouter ces metaux qui sensuiuent : Cestasauior, Pompholix, Buccina, cestadire, cendre de coquille d'Huitres : æris scamma, chalcitis vsta, Cadmia, chalcitis. Et de tous ces metaux ensemble il en soit prins 3. ℥. mais si vous n'auuez que deux, ou trois, ou quatre desdites simples, ou metalliques, ne fault pourtant diminuer ladite Dose de 3. ℥. Aussi si vous les auez toutes, il nen fault pas dauantage desdites 3. ℥. Et puis soit cuit selon l'art & maniere que sensuit :

Premierement, vous broyrez la Litarge & la Cerusse avecques l'huile & leaue : puis apres le faudra cuire en vn pot de terre tout neuf, & sus le feu, qui ne soit aspre, en les mouuant diligemment avecques vne spatule

tule de fer , de peur quilz ne se brulent. Et quand seront demi cuits, conuiendra y mettre la cire, laquelle apres quelle sera fondue y mettrez la Resine & le Thus : que cuirez iusques à tant que le tout soit pur & net du tout sans aucune ordure. Cela fait paracheuerez de les cuire avecques ladite cendre de coquilles d'Huitres brulees que y mettrez. Le médicament ainsi cuit & préparé, nest point mordicant, & ne fait mal aux vlceres, à cause de l'humidité de leauë, & quil y ha vn peu de Litarge. Il deseiche fort, pour ladite cendre d'Huitres brulees. Et fault noter qu'on doit bruler les coquilles des Huitres seulement, sans la chair d'icelles Huitres. Et quand il sera presque cuit & deuenü en bonne forme emplastique, faudra apres mettre la Terebinthine avec la Cire : & le tout bien incorporé ensemble, faudra mettre les 3. ℥. des metaux derniers nommez. Du temps quil sera sus le feu pour cuire, vous mettrez 2. ℥. de Resine, & quatre de Cire, il ny ha pas pour cela grande difference. Fault aussi que le Chalcitis soit brulé en sorte quil ayt couleur grise : & fault apres quil sera brulé, le lauer. Semblablement fault lauer la Chaux, & les autres metaux, à fin quilz perdent leur mordication.

Icy noteras, que quand on parle de *emplatre*, ou de *Cerat*, il y ha difference. Car le *Cerat* est plus liquide que l'emplatre, pour ce qu'on y met plus de gresse que à l'emplatre: aussi que si il y entre quelque metaux, il ne sera pas cuit.

F I N D V P R E M I E R
L I V R E.



LE SECOND L I V R E.



P R E S que au Livre precedent, Galien ha tresdoctement & diligemment escrit, & montré la maniere comment on doit preparer l'emplatre de la seule *Litarge*, & d'huile seulement, quelques fois y adioutant du vinaigre, ou du vin, ou autre chose semblable: en apres de quelle temperature diceux on peult faire l'emplatre blanc si est bien cuit à point

point : & que diceux emplatres, aucuns sont propres à cicatrizer, les autres à glutiner les playes recentes : aucuns à guerir les petis phlegmons, les autres aux vlceres de difficile cicatrization, filz ne sont malins, les autres à chasser les tumeurs contre nature, mais qui ne soient grans ne durs. Ha esté semblablement escrit peu apres le commencement dudit precedent liure, de l'emplatre composé par Galien, & nommé Phoenicinum : mais en ce present & second liure sera traité des emplatres verds, noirs, roux, bruns, & iaunes : avec ceux que les Grecs disēt Dichroma, cestadire de couleur douteux. A bien composer vn medicamēt il est necessaire de bien sauoir & congnoitre la nature, qualité, & faculté dun chacun simple qui entre dedens ledit medicament, & la maniere de les bien preparer & mesler ensemble selō leur qualité & vertu, en poix cōuenable. Exemple. La cire toute seule fait lulcere sordide, par ce quelle nha point de vertu de nettoyer, ne de seicher : le verd de gris fait erosion, dauantage il ronge & excite le phlegmō : que sera il donq besoin de faire ? Il fault entre deux tenir moyen : cestasauoir plus foible de verd de gris, & plus fort de cire. L'experience en ha baillé congnoissance. On congnoit aussi par vsa-

ge & experience, que les corps de plus forte complexion soustiennét les medicamens plus forts : ce que les foibles & delicats ne fauroient. Les hommes de plus forte complexiõ sont ceux qui sont plus secs en leurs temperamens : comme sont les laboureurs des champs, les chasseurs, & les nautõniers. Les foibles & plus delicats sont les femmes, les Eunnches qui nont point de couillons, petis enfans, & ceux qui de naturel temperament sont humides, & ont le corps blanc & tendre : ce que se fait, ou de nature, ou de maniere & coutume du viure (car coutume est vnè autre nature.) Qui donq voudra preparer lemplatre pour les corps forts & robustes, il faudra mettre avec le Cerat (qui est fait dhuile & de cire fondue ensemble en maniere & forme dongnement) vne ʒ. & vne 3. de verd de gris : & pour les foibles & delicats vne ʒ. seulement. Qui fait que vn seul medicamét nest pas bon à toutes maladies & vlceres. Mais fault quil soit adapté à moyenne temperature. En vsant de ce present medicament fault considerer & voir premierement si lulcere est plein de chair, ou sil est net, ou plein de sorditie & dhumeurs, ou si le patient y sent quelque erosion, ou chaleur, ou que la partie vlcerée apparoiße plus rouge. Si ledit emplatre
qui

qui est fait de Cerat, & de Erugo, est trop fort, il le faudra temperer avec du miel, & de l'huile rosat, & en iceux le dissoudre. Voila la maniere de composer lemplatre verd (ainsi nommé pour sa couleur) lequel guerit les playes recentes qui ne sont encores grandes. Il le fault dissoudre & liquer en huile rosat, iusques à moyenne consistance dudit medicament. Et puis y adiouter vn peu de Resine, ou de Colophonie de phrycte & de Terebinthine. Note donq, que pour les playes recentes on doit adiouter en ce medicament autant ou plus de Terebinthine que de cire.

*Confec̃tion de lemplatre Verd
d'Andromachus, & la
vertu dicelui.*

℞. Resinæ, lb. 2. Ceræ, lb. 1. Olei Cyathos 2. & Euriginis, ℥. 2. vel 3.

LA maniere & mode de composer & preparer ledit medicament, est telle: quand la resine, & la cire sont liquesiez avec l'huile, on y doit adiouter Lerugo. Aucuns mettent ledit medicamēt quand il est froid dedens vn mortier: puis apres y mettent Lerugo, & les battent tant quilz soient bien
m s incorp

incorporez. Les autres broyét Lerugo avec le vinaigre pour faire le médicament plus desiccatif, pour les playes recentes, & la raison est telle : car le vinaigre lui baille vertu plus desiccative : & plus y ha d'Erugo, plus est cedit médicament fort & desiccatif, plus absterfif, & plus mordicatif. Or la fin des medicamens sarcotiques est de seicher sans erosion & mordication : mais le médicament fort acré & mordicatif rend les vlcres plus dolozeux, plus cauez, plus rouges, & plus chauds, qui sont les Symptomes de phlegmon.

*Emplatre Verd de Galien, que
recite Andromachus.*

℞. Resinæ strobilinæ : id est, Pinæ,
deñ. 300. Ceræ, deñ. 100. Euriginis
rasæ, deñ. 50. Thuris masculi, deñ. 25.
Aceti quantum satis est.

ERugo & Thus doivent estre broyez & subtiliez avec le vinaigre : toutcfois Erugo requiert estre plus broyé, que le Thus. La Resine strobiline, cestadire, de Pin, est la plus chaude de toutes, commela Terebinthine est moindre de toutes les deux qualitez qui sensuiuent, cestasauoir de
chal

chaleur, & siccité. Car toutes Resines eschauffent, & desseichent, mais les vnes plus, & les autres moins. Strobilus est beaucoup plus chaude que la poix, mais la poix n'est moins seiche. Il faut bien auoir egard quelles Resines on prendra pour faire lemplastre. Car les Resines seiches perdent leurs graisses, dont on nen peult faire les emplastres bien gluans & adherens, comme des Resines grasses, visqueuses, & liquides. La Resine abietine est moyenne entre la Picee & strobiline en chaleur : toutefois elle dure plus longuement liquide, comme aussi fait Colophonie, lequel ha aussi vne saueur douce & gracieuse, & redolente comme le Thus : & est moderee en chaleur, comme abietine. Elle ne croit pas en grande quantité : pourtant est precieuse. Il y ha deux especes de resine : Lune est semblable à la Terebinthine, lautre est plus acre, plus chaude, plus liquide, plus mordicante, plus amere, & nha pas si bon odeur. En la preparation de tous les medicamens cōuenables à curer les vlceres, il est meilleur de vser de la Terebinthine. Car ce que principalemēt est requis & necessaire audit medicament, est faire son operation sans mordication. Le Thus est anodyn, cest adire appaisant les douleurs, & ha vertu concoctrice. Parquoy
—fi

si on y met autant de Thus que d'Erugo, lemplatre en sera plus glutinatif & anodyn. Ledit medicament est fait plus vehement, ou plus doux, & benin, selon qu'on y met plus ou moins d'Erugo, & selon que le vinaigre est fort & acre, ou aspre. Outre en cōposant ledit medicament il sera meilleur de dissoudre Lerugo par plusieurs iours, & à la chaleur du Soleil, en vinaigre fort. Car ce qui est mordicant en iceluy s'adoucira, & la vertu nen sera de rien moindre. Et n'est necessaire y mettre le Thus au commencement, mais suffira d'un iour. Faut donc noter, que la mordicatio, ou erosion des forts medicamens, comme sont Erugo, Misy, Chalcitis, Sori, æris squāma, ou Chalcantum, est diminuee quand ilz sont longuement broyez avec vinaigre : & nonobstant est leur vertu desiccative augmentee. Et pource que les metalliques sont de grosse substance, si quilz n'ont puissance de penetrer iusques à la profondeur du corps, à ceste cause les conuient broyer & dissoudre en vinaigre, à fin que ainsi estant fait de plus subtiles parties, plus facilement penetrent le dedens & sans mordication : à la similitude des humeurs qui sengendrent en nostre corps. Car les plus subtiles, facilement & sans erosion transpirent : mais les grosses
sont

sont retenues & demourét dedens le corps, dont filz sont acres font erosion, & molestent le corps. Si les metaux forts & acres sont brulez, & puis lauez en vinaigre, ilz en sont beaucoup meilleurs, car leur mordication en est diminuee, & leur vertu desiccative augmentee. Cedit emplatre est proufiable aux vlceres sordides & humides: mais il fait erosion aux vlceres, que les Grecs appellent *Aperistata*, cestadire, ouuerte, & qui ont besoin de charnure, & de regenerer la chair, sans grande humidité, ou sorditie. Et pourtant il conuient liquesfier cedit médicament, ou emplatre avec le Cerat composé de cire, & de resine, & avec huile rosat, ou huile doux, ou huile de myrtille, huile ainsi simplement appelé, est dolives: mais il y ha plusieurs especes dhuiles, & de diuerse qualité & faculté. Car celui qui est fait dolives verdes, est plus froid: & dolives meures plus chaud, & sa chaleur par succession de temps augmente. Lhuile salé, dautant est plus desiccatif, quil y entre de sel. Et si tu nauois dhuile *Omphacin*, ne dolives verdes pour en faire, en lieu de ce, tu prendras du germe de loline (que par excellence les Grecs appellent *Thalôs*) & le mettras avec ton huile. Et ainsi feras de lhuile fort adstringent. La maladie & la nature

nature des parties, ou du corps te montrent & enseigne quel huile sera bon & plus vtile & conuenable à icelle maladie, & partie. Car la maladie requiert son contraire, & le corps son semblable. Parquoy tu liquefieras ton emplatre verd en huile myrtin, quand la chair nouuelle est engendree, ou regeneree, ou trop supercroissante, ou fresche, principalement à cicatrizer. Car quand il y ha quelque petit phlegmon aux parties patientes, il le fault liquefier en huile rosat, lequel soit fait de beaucoup de roses imbues en huile nō salé. Il est licite d'user de ce medicament & emplatre en plusieurs manieres & selon diuerses indications des maladies & vlceres. Car aucunesfois au lieu de la Resine strobiline, cestadire, de Pin, on peult vser de lautre Resine, aucunesfois augmenter le Thus : ou anec icelui adionter quelque sec sarcotique, cōme Iris, Aristolochia, erui farina, id est, Orobi, & autres semblables. Aucunesfois que les ouuvertures & bors des vlceres sont endurcis, alors lon y adioute vn medicament remolitif: comme ammoniacum, Galbanum, mouelle de Cerf, ou de Vean, suif, & autres semblables. Aucunesfois on y adioute quelque reperculsif, quand on veult reprimer & arrester la fluxion, comme alun couppé, ou rond:
gomme

gomme omphacin, cestadire, qui nest meure, & autres semblables. Auncunesfois fault adiouster quelque remolitifs & reperculsifs ensemble, pour amolir les vlceres, & garder quil ne suer rien des parties superieures, comme Ladanum, qui ha faculté de remolir & repercuter. Et voila la vraye methode duser des medicamens, cestasauoir, quil fault premieremēt sexercer aux choses vniuerselles, puis apres venir aux particulieres: car par ce moyen on acquerra parfaite congnoissance, & experience de toutes choses, pour bien vser dicelles. Car clerement on congnoit combien & comment le medicament composé est desiccatisf, ou absterfisf, congnoissant la faculté & vertu des simples, dont il est composé. Pour bien donq vser du medicament, fault sauoir & entendre la nature de la disposition & qualité de la maladie ou vlcere, auquel il conuiendra: Ensemble les causes dicelles maladies, & symptomes. Exemple. Quand il y ha beaucoup dhumidité, & dordure en quelque vlcere, conuient y appliquer vn medicament fort desiccatisf & absterfisf. Mais quādlulcere est pur, que les Grecs appellent Ape-ristaton, cestadire, qui ha besoin de chair, lors le medicament doit estre moderé entre labsterfisf & desiccatisf. Par ainsi donq en

Cest ce que dit Hipp. au 2. aph. du premier liure des aph.

comp

composant leſdits medicamens & vſant d'eux il fault conſiderer le plus & le moins, la difference deſquelz eſt congneue par la nature du patient. Car au corps plus robuſte & dur, ſoit pour le temperament naturel, ou pour laage, ou le lieu ou il eſt, ou l'exercice, fault appliquer les medicamens plus deſſiccatifs : mais au corps plus humide, moins. Parquoy, ſi vlcere caue eſt ſans phlegmon, & pur, fault moins deſſeicher : & ſil eſt fort humide & ſordide, la raiſon veult que le medicament ſoit plus deſſiccatif & abſterſif. Mais ſil eſt plus caue que au parauant, fault diminuer la force du medicament. Exemple. Le medicament eſt augmenté par le miel, mais il eſt adouci par le Cerat, & huile, ou quelque autre choſe huileuſe, comme l'huile roſat de myrtilles, & oleum Cyprinum, ceſtadire, fait avec Cypres, & ſoient ſimplement preparez & ſans correctifs, ou cōſeruatifs, que les Grecs appellent ſtymmata : qu'on met aux onguens pour les faire ſentir bon, ou à fin quil ſe gardent plus longuement. Et tel medicament eſt repercuſſif. Note qu'entre les medicamens compoſez, on doit choiſir ceux qui ſont compoſez de moins de ſimples, & faciles à trouuer, & à preparer. Pour guerir vn vlcere caue, que nous auōs dit ci deuant eſtre

est de des Grecs appellé Ap eristaton, en vn corps sain, lemplatre verd nommé, Lite, est conuenable : duquel la composition est telle que sensuit :

℞. Ceræ, ℔. 1. Resinæ, ℔. 1. Eruginis, ℥. 2.
Qui est la 12. partie au regard du Cerat, & de l'Erugo.

Autrement.

℞. Ceræ, ℥. 10. Resinæ, ℥. 10. Eruginis, ℥. 2.
Qui est la 10. partie.

Autrement.

℞. Ceræ, ℥. 8. Resinæ, ℥. 8. Eruginis, ℥. 2.
Qui est la 8. partie d'Erugo, pour les corps durs & robustes. Et la 12. partie est pour les corps molz & delicats. Mais la 10. partie est pour les corps de moyenne temperature.

La maniere d'user dudit medicament est telle, quil le fault liquefier en huile rosat, lequel ha deux vertuz, cest asauoir, concoctrice, ou maturatiue, & repercussive. Auncesfois on y adioute de Thus pour faire le medicament plus mitigatif, ou sedatif de douleurs : avec ce que Thus ha aussi vertu concoctrice, ou suppuratiue. Et si tu prepares cedit medicament sans vinaigre & sans Thus, tu y adiouteras autant de cyathes dhuile, comme il y ha de ℥. d'Erugo.

go, qui seront 4. ℥. d'huile, y adiourant Thus, & Acetum, si la Resine est grasse & molle: & si cest en esté, tu prepareras ton emplatre sans y mettre huile. Mais si la Resine est dure, & que ce soit en yuer tu y mettras vn Cyathe d'huile. Cedit emplatre verd cure les playes recentes, & engendre chair, & cicatrize sil est liquefié par bonne methode.

*Emplatre Verd, nommé Hecaton-
drachmon, cest adire, de
100. Drachmes.*

℞. Ammoniacy, denar. 8. Squammę aris, denar. 12. Mannę thuris, denar. 8. Resinę ficcę denar. 12. Eruginis, den. 8. Seui vitulini, denar. 14. Resinę terebinthinę, denar. 8. Ceraę, den. 30. Olei quartam partem Cyathi. Aceti quantum satis erit.

CE medicament, ou emplatre glutine les grandes playes, purge les vlceres foides & putrides, & prodnit la chair en le liquefiant avec Cerat. Mais auant quil soit liquefié il guerit les vlceres qui ont grosses labies & bords: & conioint & as-
sembl

semble les Sinus. Brief, il ha puissance resolutione & repercussive: car il est meslé de facultez contraires.

Autre emplâtre Verd de Epignus, que les autres nomment Isis.

R. Aeris vsti, denar. 8. Salis Ammoniaci, den. 8. Aeris squammæ, denar. 12. Eru-
ginis, denar. 8. Resinæ colophonix, denar. 300. Ceræ den. 150. Aluminis rotundi, den. 8. Aceti quātum sufficit.

LA maniere de faire cest emplâtre verd est telle. Premièrement, fault assez grande quantité d'Erugo, en sorte quelle surmonte la couleur des autres simples; & encôres outre ladite quantité, fault considérer la couleur des autres simples: d'auantage fault auoir esgard à la maniere de le cuire. Quant à la couleur des autres simples, les vns sont iaunes & roux, comme Melites, chalcis combusta, Auripigmentum, & Sandaracha. Et les noirs sont, comme la Poix, Bitumen, terra ampelitis, Lapis gagates. Pour le bien cuire, il ne fault pas quel'Erugo soit mis sus le feu avec les autres simples; mais apres que les autres sim-
n 2 ples.

ples seront incorporez, lors y fault mettre l'Erugo, si tu veux que ton emplâtre soit bien verd. Mais si tu le veux faire iaune comme vn coing, & tel qu'on appelle Emplastrum melinum, il fault faire cuire l'Erugo. La fin & intention des medicamens incarnatifs, que les Grecs disent, Sarcotiques, cest de desleicher & absterger mediocrement sans erosion, ou mordication. Toutefois les compositions speciales sont selon la diuersité des simples. Les medicamens que proprement & primariõ on appelle Sarcotiques, remplissent de chair les vlceres que les Grecs appellent Aperistata, les Latins Aperta, cest adire, qui sont caues: toutefois il ny ha point de sordes, ne de inflammation, ne de fluxion, ne de chair intemperce. Quand les accidens sont aux vlceres caues, premierement les fault curer que remplir la cavitè. Tout ainsi que aux vlceres sordides, conuient vser d'absterfion, & aux humides, ou sanieux, de desiccation. Et sil y ha fluxion, fault vser de repercussion: mais si ladite fluxion est grande & contumace, fault en premier lieu oster la cause dicelle fluxion. Entre les medicamens absterfifs y ha difference selon plus & moins. Car ceux qui ont absterfion moderate conuiennent aux vlceres caues, que
nous

nous auons appelez *Aperistata*. Les autres ont vehemente absterfion, lesquelz conuiennent aux vlceres sordides. Et en iceux entre grande quantité d'*Erugo*, & autre fimple fort absterfif: comme *Isis*, *Epigoni*, & de *Macherion*: duquel nous vsons en le liquefiant aucunesfois avec *Cerat*, pour les vlceres caues: aucunesfois avec grâde quantité d'huile, comme aux *Sinus*. Et fault noter que tant plus est l'ulcere sordide, & moins y fault d'huile. Fault aussi diuersifier l'huile selon la difference des accidens. Car sil y ha encores quelque peu d'inflammation, au *Sinus*, conuient liquefier lemplatre avec huile rosat: mais sil ny ha plus d'inflammation, fault liquefier avec huile seulement. Et sil est sans erosion, tellement quil puisse endurer l'huile vicil, il y faudra liquefier. Et par ainsi appert quil y ha difference entre *Sinus*, & vlceres caues. Car les *Sinus* requierent medicamēs plus liquides, par ce que si on y en appliquoit de plus grosse substance, ilz ne pourroient penetrer, & paruenir iusques à la profondeur. Mais les vlceres caues demandent medicament de plus grosse consistence. Pourtant que les liquides tombent incontinent, & laissent leurs cherpiz secs. Ce nest donques sans grande cause & raison, si aux vlceres

caues nous appliquons vn Cerat avec les medicamens fort absterfifs : & aux Sinus de lhuile simple, ou rofat, au lieu de Cerat. Et pourtant telz medicamens astringens font fort deficcatifs, pource quilz font du tout reſolutifs. Les emplatres Dialon, cest adire, faits de ſel, combien quilz ſoient fort astringens, touteſois ilz ne font de telle faculté & vertu : meſmement ou il conuient engendrer chair : Car le ſel ha plus grande vertu de aſtrindre, que de purger. Or la methode de faire & compoſer lemplatre verd, iaune, & roux dun meſme ſimple, eſt telle. Premierement pour faire lemplatre verd, il ne fault point cuire l'Erugo : & pour le faire iaune, que nous appellous Melinon, à la ſemblance dun coing, il la fault cuire, mais mediocrement : Car ſi tu le cuits plus largement, tu feras les medicamens roux, ou que les Grecs diſent Dichroma, cest adire, de couleur incertaine.

Emplatre iaune de Andromachus, composé avec Erugo.

R. Argenti ſpum. deñ. 104. Olei, heni. 1.
Cerae, deñ. 48. Refinæ colophoniz,
deñ. 48. Ammoniacy, deñ. 24. Eruginis,
Galbani, Myrrhæ, añ. deñ. 8.

D'autre sorte.

R. Argenti spumæ, deñ. 100. Resinæ
Colophonix, deñ. 64. Ceræ, deñ. 84.
Galbani, Myrrhæ, Erug. añ. deñ. 8.
Opopanaci, deñ. 6. Olei. hemi. 1.

*Aliud Melinon Andromachi
sine erugine.*

R. Argenti spumæ, deñ. 100. Olei, Cya-
thos, 3. Resinæ coloph. deñ. 64. Am-
moniacy, deñ. 40. Cerussæ, deñ. 24.

Aliud.

R. Argenti spumæ, deñ. 40. Cerussæ,
deñ. 6. Ceræ, deñ. 16. Resinæ, piceæ,
deñ. 16. Ammoniacy, deñ. 2. Olei, he-
mi. 1.

VOila comment lemplatre Melin, cest-
à dire ianne à la maniere dun coing,
peult estre composé sans Erugo, & avec
Erugo. Ainsi que on void par la prepara-
tion des emplatres dessusdits, lesquels sont
vtiles aux vlcères malins, & cacoëthe. Sem-
blablement pour resoudre les pus, & les
apostemes appelez melicerides : & pour
amolir les duretez comme on peult con-
gnoitre par la vertu des Simples qui entrêt
en la composition desdits medicamens.

*Autre emplatre pour les Vlc
ceres exedens.*

R. Sandarachæ, deñ. 3. Aluminis fissi,
deñ. 4. Thuris, deñ. 4. Myrrhe, deñ. 4.
Ammoniaci, dena. 18. Ceræ, dena. 18.
Terebinthinæ, denar. 6. Adipis suilli,
denar. 2. Mellis ℥. 1.

*Autre emplatre de Heraclides,
par Andromachus.*

*als, 120

R. Spumæ argenti, deñ. 108. *Ceruffæ,
denar. 100. Ceræ, denar. 80. Resinæ,
deñ. 60. Ammoniaci, deñ. 50. *Gal-
bani, deñ. 10. Olei veteris, hemi. 2. *

*als, 40

*Hemi. 5

ENtre les emplatres de Andromachus
nest point trouué que icelui Andro-
machus ayt escrit la maniere de cuire les
dits emplatres. Toutefois cela est quant à
la couleur, comme par cy deuant ha esté
dit. En cuisant ledit médicament lors y
fault mettre l'Erugo, quand il est presque
temps d'oster de dessus le feu ledit medi-
cament. Puis apres que l'emplatre ha chan-
gé de couleur, cestasauoir quil deuient me-
lin, ou iaune, il est temps de l'oster de des-
sus le feu, mais quil soit cuit. Pour le
cuire,

cuire, fault le mettre sus petit feu. Car si on lui bailloit trop de feu, il deniendrait roux, ou noir. Note que cedit emplatre resoult les apostemes interieures sans douleur.

Autre emplatre de Menoetus.

R. Argenti spumæ, lb. 4. Olei, lb. 3. Terbinthinæ perlucidæ, lb. 1. Cerae, lb. 1. Eruginis, Thuris, Galbani, añ. ̄. 4. Ammoniæ, ̄. 6.

LA maniere de le cuire est telle. La Litage doit estre cuite avec l'huile iusques à suffisante espesseur, en apres la Resine & la Cire y doiuent estre mises: & quand elles seront bien fondues, les fault oster de dessus le feu, & les laisser bien refroidir: puis y adiouter l'Erugo, & derechef le mettre sus le feu iusques à ce que l'emplatre reprenne la forme dun coing. Finablement y fault mettre les gommes qui sensuiuent: Cest asauoir Galbanum *, & Ammonia- * *Aliàs,* cum quilz soient dissoults en vinaigre: & *galbanio* puis quand ilz seront dessus le feu, faudra *pinguis-* mettre le Thus bien puluerisé en vn mor- *sumum.* tier, en remuant tousiours le medicament tant quil soit froid.

Autre emplatre Melin, par l'autorité de Serapion.

℞. Argenti spumæ, denar. 100. Ammoni-
niaci guttę denar. 28. Ceræ, denar. 56.
Eruginis cypriæ, den. 9. Myrrhę, den.
1. Resinæ colophonizæ, denar. 56. Gal-
bani, denar. 8. Olei, cyathos, 3. Et esta-
te cyath. 1. s.

IL fault donques plus dhuile en yuer
quen esté. Mais pour cuire lemplatre,
fault que le Litarge & lhuile soient ensem-
ble: & quand seront bien cuits ensemble,
fault adiouter la Cire, laquelle apres quelle
sera bien fondue, faudra oster de dessus le
feu: puis adiouter les Gommes, la Resi-
ne, & Erugo: & derechef les mettre sus le
feu qui soit petit, & sans flamme, ou fumee.
Et apres que par raison seront cuits, & au-
ront prins couleur iaune, les faudra oster
de dessus le feu; & puis apres y adiouter la
myrrhe: comme les anciens y procedoient
voulant cuire, & faire les emplatres Me-
lins, ou iaunes. Et si selon ceste maniere
nous en voulons composer dautres, pre-
mierement faudra y mettre les huiles, puis
la Litarge, les Resines, lammoniac, Galba-
num, erugo, & finalement Thus & Myr-
rhe.

the: & ce que quand on oste le médicament de dessus le feu. Car le Thus & la Myrrhe, nendure point le feu, ne la decoction. Or (comme nous auons dit) il les fault cuire à petit feu, principalemēt quand l'Erugo y est mis. Car si le médicament avecques Erugo est mis en vn petit vaisseau, dessus lequel on mette vn peu trop de feu, il est tout certain que tout s'espanchera dessus le feu. Tu noteras ici ce qu'auons dit, que vn médicament, ou y entre gommēs, comme Galbanum, Opopanacum, Ammoniacum, & autres semblables, le fault deuant mettre en vinaigre pour mieux le dissoudre: car autrement ne les pourroit on pas liquifier avec autre simple.

Autre emplatre de Heras.

℞. Argenti spumæ. Chrysitidis, denar. 100. Resinæ, den. 100. Ceræ ponticæ, denar. 12. Olei, cyathos 3. Vini phalerini, cyathos 3.

LA Litarge dor doit estre broyee avec le vin, & derechef doit estre seichee. Apres fault cuire ladite Litarge avecques l'huile, & consequemmēt y adiouter la Resine: puis la Cire, & les autres simples: & que

que le tout soit suffisamment cuit. Ce médicament est vtile aux dislocations, & destorsions de nerfs.

*Emplatre de Menoëtus de
couleur d'or.*

Rx. Argenti spumæ, deñ. 100. Olei vete.
deñ. 100. Resinæ piceæ aridæ, deñ. 50.
Cera, deñ. 50.

FAult cuire la Litarge avecques l'huile, tant quilz soient bien meslez ensemble & puis y adiouter la Resine : & apres que la Resine sera bien fondue, tu y mettras la Cire, le mouuant tousiours iusques à ce quil soit cuit en forme emplastrique.

Ce médicament & emplatre cōuient aux gens delicats : car il guerit apofymata : id est, abraza. Cest quand la peau est ostee par cheute, ou autre frotement violent. Aussi est vtile aux vlceres recents, & inueteriez, & aux brulures. Il est remolitif, & resoult les tubercules, & les parotides, les strumes, & toutes duretez. Est semblablement bon & singulier aux rhagades, & aux condylomats.

Note, que lemplatre de Heras ci deuant escrit lequel est fait avec vin de Phalerne (qui est le plus excellent qu'on peult trou-
uer)

ner) est aussi vtile aux grandes playes recentes : & principalement si on y adioute du sang de Pigeon ramier, ou sauuage : & guerit les Sinus, comme deuant dit est. Plus il cicatrize les vlceres : mais si tu le veux faire de bon odeur, tu y adiouteras opopanax. Note que Heras y met de la Cire Pontique à cause de sa couleur, qui est blanc de son naturel. Le maistre de Galien y adioutoit beaucoup plus de vin que de sang de coulon sauuage, cest a sauoir 13. ℥. Et Heras ny mettoit que 6. ℥. Parquoy estoit le médicament beaucoup meilleur.

*Autre emplatre melin, ou
ianne de Heras.*

℞. Argenti spume, ℔. 4. Ceræ, ℔. 4. Terebinthinæ, ℥. 8. Eruginis, ℥. 8. Olei veteris, sexta. 2. Aceti, sexta. s.

LA maniere de le cuire est telle, que la Litarge, l'huile, l'Erugo, & le vinaigre soient cuits ensemble à petit feu : puis quand seront bien incorporez, & demi cuits, fault adionter la Terebinthine, & la Cire. Cest emplatre est vtile aux playes recentes.

Autre

*Autre emplatre Diachama-
leontos.*

R. Spumæ argenti, min. 1. Cere, min. 6.
Erugi, min. 4. Radicis Chamæleontos
nigri, min. 8.

Pour le preparer, fault cuire la Litarge avec lhuile, en le remuant tousiours avecvne Spatule, iusques à ce quil ayt bonne consistance & deuienne Melin, ou iaune. En apres y mettras l'Erugo; & puis la Cire. Et quand seront liquifiez, les fault offer de dessus le feu, apres y mettre le Chamæleon. La vertu & faculté de cest emplatre, est, quil cicatrize les vlcères dysepulotes, & les vlcères caeux, ou inueterez, & endurcis. Il est aussi vtile aux Rhagades des doigts, & aux condylomats & duretez.

*Des emplatres Roux, que les Grecs
appellent Dichroma, cest adire
de couleur diuerse & incertaine,
& la maniere de les com-
poser, & faire.*

PRemierement la Litarge se doit cuire en assez grande quantité dhuile, tant quil deuienne espais: fault apres y mettre l'Erugo

l'Erugo, & consequemment les autres metaux, comme æs combustum, & æris squama. Lors faudra mettre la Cire & la Resine. Finablement le Thus, Myrrha, Aloës, & autres semblables. Tu congnoistras la difference entre les emplatres melins, ou iaunes, & les roux: en ce que les roux endurent plus longue cuite que les melins, ou iaunes: iacoit ce que tous deux soient d'une mesme nature. Mais au verd (comme nous auons dit) l'Erugo y doit estre mis crud, cest adire quand les autres sont cuits.

Emplatre Roux de Galien.

℞. Olei veteris sabini vel ruffi, ℔. 4. Argenti spume, ℔. 3. Aceti acerrimi, ℔. 2. Squamæ æris nigri, Chalcitidis, eruginis, añ. Drach. 5. & ʒ i.

EN ce medicament fault plus dhuile en yuer, quen esté. Parquoy Galien y mettoit en yuer 5. lib. dhuile. Mais la maniere de le cuire est telle, que premierement fault cuire la Litarge avec huile, iusques à crassitude: & puis y mettras les metaux bien broyez: & apres le vinaigre, en le remuant tousiours avec la Spatule, iusques à ce quil soit en bonne forme emplastrique, & quil
ne

ne tienne plus aux doigts. Cest emplastre agglutine les vlcres recens, & principalement aux corps durs. Il fait concoction du Pus, & aussi agglutine les Sinus, & remplit les fistules, & les desseiche & cure du tout. En telle operation vne Esponge recente embue de Vin est tresutile, en faisant la ligature, comme sera declairé au traicté des fistules, cestadire, en commençant au fond ou demeure & reside la matiere en venant à l'orifice, & que la ligature soit bien & diligemment faite, ainsi que le membre le requiert. Note que les emplastres roux faits des seulz metaux sans Resine, ne Cire, seront plus desiccatifs que les dessusdits.

Des emplastres Cicatrīz atifs nommez en Grec Sinulotiques, ou Epulotiques.

C I deuant ha esté dit des emplastres & medicamēts vtils aux vlcres dysepulotiques. Maintenant sera traité des medicamēts conuenables aux Epulotiques ou Sinulotiques: lesquels sont d'autant plus desiccatifs que les glutinans, que iceux glutinans seichent plus que les Sarcotiques. Car ilz font faire cuir, ou callus, ou choses sem-

blables, qui est cicatrice de la chair engendree. Pourquoy fault quilz soient astringens. On vſe en diuerſes manieres des emplatres cicatrizatifs: comme aucunesfois purs & non liqueſiez, aucunesfois liqueſiez avec huile astringent, comme ſont oleum roſaceum, myrtinum, cyprinum, omphacinum. Et note que ſi tu nas point dhuile astringent, tu en pourras faire artiſciellement, en prenant des rameaux verds doliue, tendres, & les mettant bouillir avec lhuile commun.

*Emplatre epulotique, ſelon la
deſcription d'Ascle-
piades.*

℞. Cadmiæ vſtæ ex vino præparatæ.
Chalcitidis vſtæ, añ. deñ. 6. Cere, deñ.
8. Refinæ colophonix, ʒ. 8. Olei myr-
tini, lb. i. Vini phalerni quātū ſufficit.

LA Chalcitis & Cadmie doiuent bien cuire avec le vin, & tant quilz deuiennent eſpais en forme de cerat. Quant à la Cire & la Reſine, il les fault mettre en vn pot de terre avec vne liure dhuile Myrtin: puis les mettre ſus le charbon, en les remuant & mouuant continuellement: & apres quilz
o auront

auront esté dessus le feu, tu les laisseras un peu refroidir, & puis y mettras les metaux: & si tu le veux dissoudre quand tu en voudras user, ce sera en huile Myrtin, ou autre selon que la disposition le requerra. Ce médicament, ou emplatre cicatrize les vlcères sans autre disposition.

Autre Dialadanum.

R. Chalcitidis, Argenti spumæ, Ladani, añ. deñ. 24. Bituminis, deñ. 8. Cera, deñ. 72. Olei myrtini, hemi. 1.

C'est emplatre non seulement cicatrize, mais amolit les callositez, & resolt les vlcères, qui ont esté mal curez.

Autre emplatre, dit Pompholix, ou Pamphilion.

R. Argenti spumæ, deñ. 100. Cera. deñ. 50. Terebinthinæ, deñ. 25. Thur. deñ. 25. Cerussæ, deñ. 100. Alumi. plu. deñ. 6. Piperis albi, deñ. 3. Olei veteris, hemi. 2.

Ce médicament est, pour conglutiner les Sinus, & les fistules. Il proufite aux fluxions des vlcères: aux vlcères difficiles à cic

à cicatrizer: à la rongne, & aux figillations que les Grecs disent Hypopia: aux douleurs de teste en l'appliquant dessus: pareillement aux furfures de la teste: aux aperitifs des fesses: & aux vlcères du siege. Il le fault dissoudre avecques Oleum myrthinum, vel Lentiscinum.

*Autre emplatre par l'authorité
de Thelamon.*

℞. Resinæ Piceæ, Ceræ, Calcis viuæ.
Argenti spumæ. añ. deñ. 50. Cerussæ,
deñ. 25. Olei, Cyathos 3.

Les Amaniére de le faire est telle: Tu cuiras le Litarge & huile ensemble, tant quilz soient bien incorporez: puis tu y mettras la Cire: apres, la Resine, la Chaux viue, & la Cerusse bien subtiliez. Mais quand tu en vseras, pour le dissoudre fault mettre de l'huile dessus la cendre chaude. Cest emplatre est vn singulier & tresbon medicament pour les carboncles, pour les Sinus, & pour bien cicatrizer.

*Autre de Thelamon, lequel
est blanc.*

℞. Cadmiæ, lb. 1. ̄. 9. Argenti spumæ,
lb.

℞. 2. Cerussæ, ℞. 2. Vini albi, sexta.
 2. ̄. 4. Olei rosati, ℞. 5. Cera alba,
 2. ℞. 3. Oucorum crudorū, num. 2. Thu-
 2. ris, ̄. 3.

CE médicament est vtile aux herpes, ou carboncles, aux condylomats, & aux rhagadies, & prohibe les fluxions.

*Autre emplatre de
 Moschion.*

℞. Argenti spumæ, Cerussæ, Calcis, añ.
 denar. 8. Medullæ ceruinæ. Cera, añ.
 den. 16. Olei myrthei, quātū sufficiet.

FAult meller les simples qui se peuvent liquesfier avec les secs, cest a sauoir, les metalliques, & le tout bien broyé ensemble sera mis en pastilles : & quand tu en voudras vsfer, premierement le faudra dissoudre en eue, ou en lait, tant que bon te semblera : puis y fault mettre l'huile Rosat, ou Myrthin tant quil y en aura assez. Et lors quil sera broyé, & incorporé ensemble, le conuiendra mettre en vne boîte de plomb pour le garder. Ce médicament est bon à cicatrizer, & pour le siege.

*Les Cicatriſatifs de An-
dromachus.*

℞. Cadmiæ, ℔.i. Chalcitidis vſtæ, ℔.i.
Ceræ, ℔.i. Reſinæ aridæ, ℔.3. Myr-
thæi, ℔.3. Fault broyer & diſſoudre
les metalliques en bon vin.

*Des emplatres Catagmatiques,
& Cephaliques.*

LEs emplatres Catagmatiques, ou Ce-
phaliques (leſquelz ſont ainſi appellez
pource quilz ſont conuenables à la fracture
des os, meſmement du Caluaire & Crâne
de la teſte) ont vertu & faculté aſtringen-
te, reſolutiue, & deſiccative. Et pourtāt ſont
cōpoſez de medicament aſtringent, & pour
deux cauſes. La premiere, eſt pour repercu-
ter la fluxion. La ſeconde, eſt pour faire pe-
netrer la faculté aſtringente & deſiccative.
Et fault que leſdits medicamens aſtringens
ſoient pulueriſez bien menu, autrement ilz
nuiroient plus que nayderoient. Il les fault
ainſi diſſoudre en fort vinaigre.

Des Catagma, par Aſclepiades.

℞. Argenti ſpumæ, Bituminis, ana.

den. 100. Picis aridæ. Ceræ, añ. den.
100. Terebinthinæ, den. 50. Aluminis
scissilis, vel plumæ, propoleos, ana.
den. 30. Guttæ ammoniaci, den. 24.
Eruginis, denar. 100. Olei sexta 4.

*Autre Catagma, de Pithion, du-
quel Helenus ha vsé.*

R. Bituminis Iudaïci, lb. 5. ̄. 4. Picis bru-
siæ siccæ, lb. 5. ̄. 4. Ceræ, lb. 4. Resi-
næ frictæ, lb. 8. Squammæ rubræ, lb.
1. ̄. 4. Olei per æstatem, lb. 1. hyemæ,
lb. 5. Acet. hem. 1.

CE medicament est fort glutinatif : &
auec ce, est vtile aux scrophules, aux
sinus, & aux fistules. Mais quand on ap-
pliquera sus ledit Sinus, ou fistule, conuien-
dra coupper leplatre au droit de l'orifice
de la maladie, ou vlcere, à fin que l'humour
se puisse euacuer. Il le faudra preparer ainsi
que sensuit : C'estasauoir, que apres que les
choses qui se peuuēt fondre seront bien li-
quesfees, on y adioutera la squâme broyee
auec vinaigre.

Autre Catagma, par Moschion.

R. Argenti spumæ, minam 1. Mina en

ce medicamēt vault 160. denar. Picis,
mi.1. Adipis vitulini, mi.1. Resinæ te-
rebinth. deñ. 80. Mannæ thuris, den.
80. Ceræ, deñ. 40. Erugi, deñ. 8. Opo-
panacis, deñ. 8. Galbani deñ. 8. Olei ci-
cini, hemin. 1. Aceti, hemi. 1. Liquoris
sycamini, hem. 1. picis liquidæ, hem. s.

LA maniere de le faire est telle. Premie-
rement, fault cuire le Litarge & l'hui-
le, & apres quilz seront bien incorporez,
fault adiouster la gresse de veau, & la man-
ne de thus, les mouuant continuellement
tant quilz demourēt espais : puis apres fau-
dra y adiouster la Poix, & la Cire, & la Te-
rebinthine, ou Resine : & lors quilz seront
cuits y mettre le Galbanum, Erugo, Opo-
panax, dissouz en vinaigre. Et fault noter,
que pour les cuire conuiendra mettre la Li-
targe bien broyée en poudre avec Oleum
cicinū, sus le feu dedens vn pot, ou vaisseau
de terre, ou dairain : mais la Poix liquide,
& Liquor sycomori, seront cuites en autre
vaisseau auquel seront transfuses. Et lors
quelles serōt deuenues espais, on les mes-
lera avec les autres simples susdits. Et le
tout derechef sera mis sus le feu, & cuit ius-
ques à ce quilz soient purifiez, & puis les
laisser trois iours tremper en vin, puis les en
o 4 oster,

oster. Et pour en vser, fault le mettre sus vn drapeau taillé à la grâdeur de l'ulcere. Mais quand tu imposeras ledit emplatre, faudra que la ligature dont tu le lieras soit trépee en vin, puis exprimée. Ce médicament ha esté par Lucius Categetes préparé comme sensuit: La gresse, & l'huile seront premierement liquefiez, & quand seront dissoults le thus bien puluerisé, & la Litarge y seront mis. Et quand ilz seront meslez ensemble & incorporez, fault apres faire ce que dessus est dit ensuiuant. Selon ledit Categetes, Mina en cedit medicamēt vault 180. den. Dont appert quil ha voulu entendre Mina d'Alexandrie, laquelle poise 20. ℥. Et chacune desdites ℥. poise 8. den. Par ainsi aucunes fois aduient que mina vault 180. den. Ce médicament & emplatre est vtile aux playes recentes & nerfs coupez. Semblablement aux couppures faites avec contusion, & aux fractures avec playe. Car il vault aux playes & conioint les os rompuz, & leur fait callosité mis avec conuenable ligature. Et nest moins bon à ceux qui commencent à deuenir hydropiques, & aux contusions des testicules. Il reprime les eminences estans au tour du siege: & dissoults avec beurre, guerit les Rhagadies: & les tumeurs du gosier, que les Grecs appellēt Bronchocilas. Il dissout

ſoult auſſi toute dureté, dauantage, eſt bon aux luxations des nerfs, & maladies des iointures. Et eſt tant bon aux calloſitez des piedz & mains, que nous appellons Clauſ, que ſans aucune excoriation & douleur il les oſte. Brief, cedit medicament eſt ſingulier & trefutile.

*Autre emplatre dit Apeloum,
par Claude Philoxenus, pour les
playes recentes, pour fraçtures
& autres maladies ci deſſus.*

R. Argēti ſpumæ, min. i. laquelle poiſe 180. deñ. Seui vituli. 180. deñ. Th. 90. deñ. Ceræ, deñ. 40. Opopanacis, Eru- ginis raſæ, añ. deñ. 16. Chryſocollæ, alu. fiſſi, añ. 12. deñ. Guttæ ammon. 6. deñ. Ciceos, hemi. i. Aceti hem. i. Et fault compoſer ce medicament comme les autres Catagmatiques.

Autre Catagma, de Oenāthes.

R. Argenti ſpumæ, 160. denar. Picis ceniræ, deñ. 80. laquelle eſt apportee des poteries d'Italie. Refinę Terebinthinæ, denar. 80. Thuris, deñ. 80. Seui vituli elaborati, deñ. 80. Medullæ ceruinæ elaboratæ, deñ. 80. Oenanthe ſiccæ, ceſt adire fleurs de vigne ſauuage, Symphiti radicis, Centaurii co-
o s mæ,

mæ, añ. lb. i. Erug. rasæ, Opopa, añ. deñ. 3.
 Succı papaueris, Aloës, Galbani, Myrrhæ,
 añ. deñ. 8. aceti, hemi. 3. olei cıcını, hemi. i.

Symphiton, cœnanthe, centaurion, doi-
 uent estre broyez grosſement, & trépa
 en vinaigre, & fault quıl ſoit cuit iuſques à
 la tierce partie: & en fault exprimer & tirer
 lhumeur pour la cõpoſition du medicamẽt.

Il ſe prepare autrement.

R. Argēti ſpumæ, Picis cœniræ, vel liqda,
 añ. deñ. 160. Medullæ ceruinæ, Terebinthi-
 næ, Seui vituli. Thutis, radic. Symphi. Succı
 fycamini, añ. deñ. 80. cœnanthæ aridæ, Cen-
 taurii, añ. lb. i. Ceræ, deñ. 14. Erugi. opopai.
 Styracis, Succı papauæ. Succı mandragoræ,
 myrrhæ, aloës, galbani, chryſocollæ, alumi.
 fiſi, añ. deñ. 12. Aceti ſexta 3. olei cıcını, lb. i.

IL le fault preparer comme ci deſſus ha
 eſté dit, & le diſſoudre en bon vin, com-
 me hã eſté dit de lemplatre de Moſchion.
 Ces medicamens & emplatres deſſuſdits
 ſont bons auſſi aux podagres.

*Des emplatres proprement appel-
 lez Cephalıques.*

LEs emplatres Cephalıques, ſont ainſi
 nommez pource quılz ſont conuen-
 ables

bles aux fractures des os de la teste, lesquelles sont paruenues iusques à la lame. Pourtant leur vertu est de regenerer les squammes, ou esquilles des os : & de ramener le nourrissemēt en la caluaire, & autres os du corps rompuz, ou blesez. Aucuns les ont appelez catagmatiques indifferemment, mais ilz sont, ou doiuent estre plus forts que iceux catagmatiques. Car les Cephaliques ont quelque acrimonie, que nont pas les catagmatiques, à fin dattirer non seulement les os rompuz, mais aussi les humeurs grosses & visqueuses, ou glueuses, ou totalement corrompues. Les catagmatiques ont faculté abstersiue, & desiccatiue. Et partant si les cephaliques sont dissouz en huile commun, ou rosat, ilz seront sarcotiques. Dont sont plus nobles que les catagmatiques : & se composent ainsi,

℞ Squammæ æris rubri, deñ. 25. Aluminis, deñ. 20. Guttæ ammoniaci, deñ. 25. Thur. den. 25. Myrrh. deñ. 12. Seuitaurini, lb. 4. Terebinth. lb. 4. Resinæ picæ, lb. 4. Olei vete. ℥. 9. Aceti, quantum satis est.

L Art & maniere de le faire est tel. Premieremēt tu broyeras les medicamens secs par aucuns iours caniculaires, & qu'il face grand chaud : en après tu y mettras
lamm

lammoniac, lequel sera parauant dissout en vinaigre : & finalement les autres simples lesquelz se peuuent liquéfier, puis incorporeras le tout ensemble. L'utilité & faculté de ce médicament est telle, que ci dessus est dit des emplatres cephaliques.

*Pastile cephalique, cest adire
Throcisque.*

R. Terræ crethriados, min. 12. Squamæ æris rubri, min. 4. Ichthiocolle ponicæ : id est, colle de poisson, min. 4.

LA maniere de le composer est telle. Premièrement la terre & squamma æris se doiuent broyer à part l'un de l'autre : en apres fault mettre du vinaigre bien fort, & meller tout ensemble en sorte quil deuienne espais comme miel : & quand il sera sec le pulueriser, & derechef y mettre du vinaigre par l'espace de vingt iours caniculaires. Puis sera la colle de poisson broyée en vinaigre, de la quantité d'une hem. & puis se doit liquéfier sus petit feu : & incontinent la terre & squame y doiuent estre adioutez : le tout mis en vaisseau d'airain rouge, sera mis au soleil par l'espace de huit iours, & le remuer deux fois par chacun iour,

iour, iusques à ce, quilz soient bien incorporez. Apres ce fait : & que auras osté lesdits simples dudit vaisseau, les broyeras peu à peu, en vn mortier, avec infusion de vinaigre ; iusques à tant quilz deuiennent épais : ainsi pourras former pastilles trochisques comme tu voudras.

Note que ces pastilles sont pour les fractures de la teste, & vtils ad phymata, callos, podagras, & coxédices, ou Ischiatiques.

*Autre emplatre Polychreston,
cest adire, vtile à plusieurs
maladies.*

℞. Picis aridæ, min. 1. Argenti ~~livi~~ min. 1. Mannæ thuris, min. 5. Seui vitul. min. 1. Ceræ albæ, min. 4. Opopanacis, den. 8. Eruginis, den. 16. æris cyprii, ℥. 1. Galbani, den. 1. Terebinthinæ, min. 5. Olei veteris, hemin. 1. Aceti, hemin. 5. Obol. 3.

TV cuiras la Litarge, l'huile, & le suif ensemble à petit feu : auquelz apres quilz auront changé couleur, adjoouteras la Poix, la Resine, & le Galbanū que feras cuire ensemble, iusques à ce quilz soiēt bien incorporez, & les osteras de dessus le feu les laissant

laissant vn peu refroidir : ce fait, y adionte-
 ras la manne, puis opopanax, erugo, & le
 tout broyé en vinaigre, & mis en vn pot,
 que remettras sus le feu, & les feras cuire vn
 peu tant quilz soient incorporez comme
 les precedens. Mais si tu veux que ton me-
 dicamēt soit plus mol, ou plus idoine pour
 faire venir les os à suppuration, faudra y
 adiouster de la mouelle de cerf. En la com-
 position de cedit medicament Heras en-
 tend, Mina, valoir 16. ℥. Car autrement en
 la dispensation il neust pas escript, æris cy-
 prii, Minæ 16. partem, cestadire la 16. par-
 tie de Mina, qui vault ℥. 1. Ce medicamēt
 est vtile aux fractures des extrémitéz sans
 playe & avec playe : aussi aux fractures mal
 reduites & mal curees, semblablement, aux
 Sinus.

*Autre emplatre, dit Aphleg-
 manton, par Heras.*

℞. Argenti spumæ, deñ. 25. Bituminis
 aridi, deñ. 100. Picis sicce, deñ. 50. Ge-
 ræ, deñ. 50. Resinæ pithinæ, vel piceæ,
 deñ. 25. Guttæ ammon. deñ. 15. Alu-
 minis fissi, id est, plume, deñ. 15. Erug.
 deñ. 15. Propoleos (cestadire cire vier-
 ge) deñ. 15. Olei vet. lb. 3.

POur le faire, conuient cuire la Litarge avec l'huile : & apres quilz seront fonduz, fault adiouter le Bitumen, que semblablement feras cuire iusques à ce quil soit bien fondu (car il nest pas facile à fondre) puis y adiouteras la Poix, la Resine, la Cire, lammoniac, & le Propolix. Et quand ilz seront bien incorporez & cuits. en sorte quilz ne tiennent point aux doigts, lors y faudra adiouter l'Erugo, & l'alun. Ce medicament & emplatre est vtile aux pointures des nerfs, aux fractures & dislocations. Galien souuent en ha vsé, aux luxations des membres, aux fractures & contorsions & dislocations du genouil. Il resoult les humeurs superflues qui montent en hault aux genoux : mesmement si les parties patientes sont par deux ou trois iours ointes & gressees de cedit medicament trempé en Oxymel avec farine d'orobe. Brief, il est bon à toute conuulsion faite de repletion, aussi aux fractures : car il ha merueilleuse efficacé à chasser le phlegmon. Il est Polychreston.

*Autre Catagma, pour les
Hydropiques.*

℞. Picis aridæ, min. i. Picis liquidæ, heminam.

minam. s. Argenti spumæ, min. l. Li-
 quoris sycomori, hem. i. Thuris, min.
 i. Galbani, deñ. 8. Terebinthinæ, min.
 s. Adipis vituli, min. i. Cerae, min. l.
 Opopanacis, deñ. 8. Eruginis, deñ. 8.
 Olei ricini nō corrupti, hem. 4. Ace-
 ti acris, hem. i.

LA maniere de le cuire, est telle : Pre-
 mierement fault cuire la Litarge & le
 Thus avec lhuile & le suif : puis apres sera
 adioutee la Poix, la Cire, la Resine, le Gal-
 banū bien purgé & nettoyé, & dissoults en
 vinaigre : & la tierce partie dudit vinaigre,
 sera meslee avec l'Erugo, & lautre tierce
 partie avec Opopanax : & fault mettre apart
 en vne autre vaisseau la huitieme partie de
 la poix liquide, de liquoris sycomori, & de
 lhuile, à fin que l'Erugo ne sepaississe : puis
 les cuiras moyennement tant quilz soient
 vnis & incorporez ensemble : & quād tout
 ce que dessus est dit sera bien parfait, tu
 mettras le medicament en vin, & ainsi le
 garderas. Tiens en memoire que quand
 voudras appliquer leplatre à quelque hy-
 dropique il conuiendra premieremet auoir
 egard à la concoction de son estomach : car
 leplatre ne doit estre mis & appliqué de
 deux heures, ou enuiron apres le manger,
 de

de peur quil ne sente douleur.

*Catagmatice de Andromachus,
duquel continuellement.*

Usit.

℞. Argenti spumæ, min. i. Picis, min. i.
Ceræ, min. i. Seui Taurini, min. i.
Thuris, min. i. Picis liquidæ, hemin. s.
Liquoris sycomori, hemin. i. Tere-
binthinæ, min. i. Opopanacis, dena. 8.
Galbanum, denar. 8. Eruginis, den. 8.
Oléi ricini, hemin. i. Aucuns y ad-
ioutent aussi, Butyri hemin. i. Guttæ
ammoniac. den. 25. le tout dissouts en
vin austere.

*Autre emplatre Verd Cepha-
lique par Aphrodas.*

℞. Squamæ, dena. 40. Terræ erethriad.
denar. 20. Mali terræ, den. 30. Ichtyo-
collæ, den. 16. Salis ammonia. den. 12.
Myrios, denar. 12. Myrrhæ, denar. 12.
Thuris, den. 36. aris vsti, den. 16. Alu.
plu. denar. 12. Alu. rotundi, denar. 16.
Brioniæ denar. 12. Chamæleontis ni-
gri, denar. 12. Resinæ vstæ, denar. 18.
Ammoniac. den. 18. Argenti spumæ,
denar. 12. Illyridis, den. 12. Calchanti,
p den.

denar. 12. Fellis Taurini, Cyath. Aceti, Congium. i.

DE ce medicament ainsi dispensé tu feras des pastilles en temps d'esté aux iours caniculaires : lesquelz pastilles porteront chacun 4. deniers, & y mettras la quarte partie de Cire, 6. hemin. de vinaigre : & autant d'huile.

Des emplatres glutinatifs.

AVecuns appellent les emplatres glutinatifs enaima, & traumatica. L'operation desquelz est, de conjoindre & congutiner les parties separees par accident, & les reduire en leur premiere vnitè. Parant y ha grande difference entre les glutinatifs, sarcotiques, & epulotiques. Car les glutinatifs sont plus secs que les sarcotiques. Les sarcotiques, ont vertu absterfue, sans erosion ou mordication : les glutinatifs n'ont point de vertu absterfue, ains seulement desiccative. Les epulotiques sont beaucoup plus dessecatifs que les glutinatifs, outre ce quilz sont fort astringens. Tu noteras, que les sarcotiques sont appelez primariò & proprement absterfifs, pource quilz abstergent & nettoient la sorditie : mais

mais secundariò, & par accident sont appellez sarcotiques, par ce quilz engendrent la chair. Ainsi fault dire des glutinatifs & cicatризatifs. La fin des glutinatifs, est de ne permettre venir aucune humidité entre les labies & bords aux parties qui doivent estre vnies & coniointes ensemble. La fin des epulotiques est, non seulement dempescher ceste humidité, mais aussi de consumer ce que est endurci en astringeant, à fin que de la chair en soit faite cicatrice. La fin des sarcotiques est, de garder le sang propre & capable tant en quantité que qualité, cest adire autant & tel que nature requiert pour engendrer chair. L'intention & fin de toutes chacunes ces choses ont esté par nous declarees aux liures de la Therapeutiq. la simple matiere des facultez, en lautre precedent : mais en ce present ceuvre nous traitons de leurs compositions. Toutefois tu retiendras encore en memoire, quil fault auoir esgard à la nature des corps, que auras entrepris guerir. Car les humides, dautant quilz sont plus tendres, comme des femmes, enfans, eunuches (cest adire effeminez & sans couillons) ont besoin de medicamens plus benins, lesquelz sont preparez ou composez de litarge, dhuile, & de vinaigre, ainsi que ample-

ment ha esté declairé & dit au premier li-
ure de ce commentaire. Mais pour agglu-
tiner vne chair en corps robuste & dur,
fault vser de medicamens preparez de bi-
tumen, erugo, æris squama, aloes, myrrha,
& autres semblables.

*Emplatre de Galien pour glutiner
les grandes playes, ou Vlce-
res, dit Barbarum.*

℞. Picis, lb. 8. Cerae, lb. 6. ℥. 8. Pityinae,
id est Resinae piceae, lb. 5. ℥. 8. Bitumi-
nis, lb. 4. Olei, lb. 1. ℥. 6. Argenti spo-
mae, Cerussae, Eruginis, añ. denar. 24.
Aluminis liquidi, id est, roche, denar.
12. Alum. plu. ℥. 4. Thuris, lb. 5. Opo-
panacis, Squamae æris, Galbani, añ.
denar. 12. Aloës, Succii apii, myrrhae,
añ. denar. 4. Terebinthin. ℥. 24. Succii
mandragorae, dena. 6. Aceti, hemin. 6.
qui valent, lb. 5.

*Autre emplatre pour les peti-
tes playes & Vlceres, dit
Barbarum.*

℞. Picis, Cerae, Resinae piceae, Bitumi.

añ. lb. i. Argenti spumæ, denar. 10.
 Cerussæ, denar. 5. Eruginis, denar. 5.
 Opopana. denar. 3. Olei, en yuer ʒ. 9.
 & en esté, ʒ. 6.

POur faire ce medicament dessusdit
 fault que les simples qui se peuent
 liquesier, soient liquesiez, & les autres sim-
 ples secs doiuent estre broyez en vn mortier
 avec vinaigre bien acré : & puis fault quilz
 soient meslez ensemble selon la maniere
 dessusdite. Et si tu veux faire ton medica-
 ment plus mitigatif, ou plus benin &
 doux, tu y adiouteras succi hyoschiami,
 apii, añ. denar. i. s.

FIN DV II. LIVRE.



LE T I E R S

L I V R E.



L estoit consequemmēt neces-
 faire en ce troisieme liure, de la
 composition des medicamens
 en general, par Galien pere &
 lumiere de la Medecine, traiter & escrire

la raison & maniere de curer les playes des nerfs. En quoy, au parauant icelui Galien, tous auoient grandement failli & abusé. Dont plusieurs patiens en estoient demourez manchots & boiteux, tombez en conuulsion, & morts de douleur, de putrefaction, ou de fieure. Car au commencement vsoient de medicamens agglutinatifs : ce que ne se doit faire. Et sil y venoit phlegmon, faisoient fométation avec eue chaude, & y appliquoient vn cataplasme fait de farine de froment cuit avec hydrelæum, cestadire huile & eue cuit ensemble. En quoy estoit erré grandement : & est chose contraire à toute bonne methode. Car en ce faisant les parties malades tomboient en putrefaction, par chaleur & humidité, qui en sont les causes. Toutefois pource ne sensuit que tousiours on doieue vser de desiccatifs & refrigeratifs, pourtant que le froid est ennemi des nerfs, comme dit Hippoc. Parquoy fault vser de desiccatifs temperez en chaleurs, ou bien plus declinans à chaleur que à frigidité, qui soit de subtile substance. Car chaleur sans humidité, ne peult engendrer putrefaction. Il fault diligemment regarder si les nerfs sont descouverts, ou non. Car si les nerfs estoient du tout descouverts, le medicament ne doit

doit estre si fort. Les medicamens de subtile substance sont, succus cyrenæus, succus medicus, Sagapenum oriental, Euphorbium occidental, les liqueurs des tithymalles. Des medicamens terrestres les vns aussi sont subtiles, comme aphronitrum, id est nitri spuma, qui facilement se dissout en eau. Semblablement des subtilz est, nitrum beroniceum, & Asia petra, la fleur duquel est entre tous les terrestres le plus subtil. Des metaux lorpin, & le soufre sont & subtilz & chauds. Apres eux, misy, æris squama, & chalcitis, lesquelz sont vn peu astringens. Pourtant aux compositions des subtilz medicamens nous vsions souvent de chalcitis vsta. Et apres spodium, pompholix, psoricum, chrysocola, sont metaux de subtile substance, sans chaleur manifeste. De pareille qualité sont, succus laurinus & cedrinus cest adire le ius de laurier & de cedre: toutefois le laurier n'est si subtil, que le cedre. Et pareillement de ce genre de qualitez, la liqueur, ou leau de la lexue, que les Grecs nomment stacte: toutefois l'huile cedrin est de plus grande vertu, combien que icelle lexue soit faite de subtile matiere brulee. Ladite lexue est faite de figuier sauuage, que les Grecs appellent Erineon, & de tithymalles

brulees. Le meilleur desdites tithimalles est, ce que les Grecs nomment characias. Au reste, des semences, que les Grecs appellent Sitera, cestadire, fromens, cruus, ou orobus est le plus subtil, sans auoir grande faculté de reschauffer. Tu noteras doncques que la plus grande partie des simples subtiles sont chauds : & ceux de grosse substance, froids. La raison est euidente. Car la chaleur subtile, & le froid condense & espessit, & reprime & reserre ensemble. Ce neantmoins aucuns des simples froids ont qualité acre, avec substance subtile. Comme le vinaigre, qui entre tous les simples est de plus subtile partie. Il est doncques necessaire de bien congnoitre la nature & faculté des simples, dont sont les medicamens composez, & la vertu diceux medicamens : Lesquelz (comme cy dessus ha esté dit) sont de trois choses : cestasanoir, des plantes, des metaux, ou des animaux. Et ne suffit de les voir vne fois, ou deux : ains les fault souuent contempler en leur commencement, accroissement, estat, & declinaison. Car par ceste speculation & contemplation, tu congnoistras en quel temps il les conuient cueillir : & en quelz lieux les fault garder, de peur que la chaleur du Soleil ne les brule ou corrompe ; & la chaleur,

leur, ou humidité des lieux ou seront mis, ne les gaste. Autrement n'est possible qu'un Chirurgien puisse auoir la vraye cōgnoissance, & methode de bien composer les medicamens, ne de se gouverner en la curation des maladies. Ainsi donques est necessaire sauoir la nature & faculté des simples: ce quest amplement par Galien traité & escrit aux liures des simples. Vn iour fut montré à Galien vn ieune enfant, qui auoit vne contusion au premier article & iointure du doigt moyen de la main dextre, au doigt nommé, medius, tellement quil se commençoit à putrefier. Dont Galien appliquoit à la partie putride vn cataplasme fait de farine dorge avec de la cire, en faisant fomération de lexine dite, staete: & la partie non putride, mais en laquelle toutefois y auoit tension & douleur, fomentoit dhuile chaud: & puis apres auoir espuisé lhumidité durmal, avec de la laine seiche y appliquoit vn medicament composé dhuile, de Cire, & de Euphorbe. Autant en fit à vn autre, qui vint à lui en yuer, lui montrer son genoul ou il disoit endurer grand froid. Car les nerfs & les tendons reçoient semblable curation, & paruiennent à semblable danger. Dont ne

peult chaloir comment on appelle telles passions, ou neurotrétous, ou tenoutottrétous: par ce que les significations des noms ne guerissent, ou empirent les maladies: mais la faculté des medicamens fait l'un & l'autre. Parainsi donques apres que à cedit ieune enfant suruint putrefaction vers iceluy premier article du doigt moyen, le patient sentit tension & douleur aux parties superieures: dont Galien au lieu de farine dorge le deuxieme iour vsa de farines dorobes meslee & destrempee avec la lexie stacte, de quoy ledit patient commença se trouuer bien, & en trois iours ha esté tout gueri, sans sentir aucune douleur aux autres particules. Mais de la contusion demoura vn corps nerueux, fort semblable à vne grosse membrane, lequel estoit pres de tomber: & apres estant demi putride tomba du tout. Il sembloit à plusieurs qui voyoient cedit corps nerueux, que le nerf fust tout pourri. Et ce pource quilz ignoroient lanatomie; qui donne à entendre comment les tendons sont couuerts de ces nerueuses membranes, & procedans par tout le dedens & creux de la main sont estenduz en bon ordre par tous les doigts. Or apres que Galien eut osté ce qui estoit demou

demouré putride de ladite contusion, le tendon sapparut sain & net. Et alors vſa dun Trochiſque, ou Paſtille, comme le voudras appeller diſſouz en Sapa, en la particule nerueuſe: & fit particuliere onction. Derechef & par meſme maniere vſa de cataplaſme, & donction deuphorbe au meſmes lieu ainſi que deſſus. Le quatrieme iour Galien penſoit de quel autre remede pourroit vſer, conſiderant, que ſil ny auoit phlegmon, faudroit vſer de cicatrizatifs: mais ſil y auoit phlegmon faudroit vſer de deſſiccatifs ſans cicatrizer. Et pource quil reſtoit encores quelque phlegmon, vſa du medicament dit Viride Epigoni, qui eſt ſemblable à Iſis d'Egypte. Toutefois il y entre de la racine de Dracunculus, duquel medicament tu as la compoſition au 11. liure cy deſſus. En apres vſa dun autre medicament compoſé ainſi que ſenſuit:

R. Cerae, denar. 150. Terebinthine, denar. 100. Seni vitulini, denar. 50. Galbani, denar. 24. Mannæ Thuris, denar. 24. Salis ammoniaci, denar. 12. Aeris vſti, deſſ. 12. Aloës, denar. 12. Squam. æris, denar. 24. Aluminis rotundi, denar. 24. Alu. plu. dena. 8. Chalch, denar. 8. Myſeos, dena. 8. Oppo. dena. 8. Eru. denar. 6. Ammonia, dena. 6. Mynion rouge
denar.

denar.6. Aceti,denar.3. Olei,hemi.2. Consequemment Galien venoit aux cicatrisatifs : & par dehors appliquoit de l'Euphorbe meslé avecques Cire, & Resine en forme de platre.

*Methodes pour les playes des Nerfs,
& quelz medicamens, ou de
quelle faculté y conuient
appliquer.*

GAlien aux playes des Nerfs vsoit de medicamens liquides, & aucunes fois de platres : & par dehors appliquoit de la laine bien molle, & imbue en huile chaud. Quelquefois aussi vsoit d'huile avec un peu de vinaigre : mais en sorte que la vertu refrigerative du vinaigre estoit sans effect. Toutefois sa vertu subtiliative, ou penetrative demouroit : & deux ou trois fois le iour deslioit la playe pour voir si le medicament faisoit aucune erosion à l'ulcere. Et si causoit tension ou douleur, faisoit fomentatiō d'huile assez chaud, & tant que le patient pouoit endurer. Car l'huile tiede n'est pas cōuenable aux playes des Nerfs, encores moins l'huile froid. Car le froid, opile
&

& empesche la transpiration : mais le chaud
resoult & subtilie. Quant à l'usage de leaue,
le fault tellement temperer, que tout le temps
de la curation il ne touche à l'ulcere. Et
pource que incontinent des le commence-
ment est besoin d'oster & essuier le sang de
la playe, le conuiendra faire avec de l'huile.
Ici Galien recite pour exemple vne Histo-
re de quelqu'un, qui estant blessé, fut qua-
tre iours sans aucune douleur sentir : &
voyant sa playe sans phlegmon, sortit du
logis par grand froid pour quelque beson-
gne quil auoit necessairement à faire : &
apres auoir longuement tardé, retourne en
sondit logis & maison, avec tension de
son bras iusques au chainon du col, & non
sans tresgrande douleur. Galien lalla visi-
ter y estant appelé, & apres auoir par lui
veu en quel mal & torment estoit ledit pa-
tient, fit fomentation à tout le membre
patient avec d'huile chaud, y appliquant
grande quantité de laine imbue en huile, &
du medicament liquide fait d'Euphorbe
avec Castorium, fut appaisée la douleur
dudit patient : & apres quil eut dormi ius-
ques au soir, tous les Symptomes cesse-
rent. Sera donques grandement proufita-
ble, que la laine demeure avec chaleur, soit
quon

quon layt embue dhuile tant seulement, ou dhuile & de vinaigre. Ce que bien se pourra faire, si par dessus on y applique de la laine seiche, & que le patient, si cest en yuer, se tienne en la maison iusques au cinq. ou septieme iour du mal. Car si iusques là il napparoit aucun phlegmon, & quil ne sente aucune douleur ne tension, il est de là en auant assuré. Tu retiendras donques en memoire, que à ceste curation lhuile froid & astringent est contraire: mais fault vser dhuile plus subtil qu'on pourra trouuer, comme huile bien vieil. Par default du medicament fait d'Euphorbe, ou de vinaigre, ou autre medicament promptement, Galien, enseigne prendre Propolis recent, liquide & grasse, & leuain fort vieil. Ou autrement du suc de Tithimalles auecques leuain recent. Ou Propolis liquesfié en huile, auec leuain dissouts en vinaigre bien acré; & fault que lhuile soit fort vieil. Les farines dont on vse pour faire cataplasmes, sont: farina fabarum, farina orobi: id est, erui; lolii; ciceris, vel lupinorum amarorum, polentæ faite dorge: auec oximel. Ces cataplasmes conuiennent non seulement aux rustiques, mais à tous autres, soit quil y eust phlegmon au parauant,

ou non. En default des dessusdits pourras autrement faire les cataplasmes. Cestasauior de Propolis recente, liquide & grasse: & le mettre sus la playe, aucunesfois avec du leuain seul: & quelquefois avec lun & lautre: aucunesfois de farine de Orobes, & de leuain: mais fault que le leuain soit vieil: le Propolis non: ou sil estoit vieil, fault le remolir au feu, ou au Soleil, avec de lhuile.

Autrement de suc de Tithimalles meslé avec leuain, ou Oxelæum seulement embu en laine: fault que le vinaigre soit fort acré. Ce sont medicamens faciles à apprester par default dautres, dont en necessité y soit Galien aux playes des Nerfs. Par ainsi doncques tu noteras que les medicamens quon applique aux playes des Nerfs en quelque maniere que ce soit, doiuent estre chauds actuellement. Et pour les pointures des tendons, le medicament fait d'Euphorbe avec huille vieil fait en forme de Cerat liquide, est bon & propre: & de cedit medicament Galien en quatre iours guerit vn homme blessé aux tendons. Vn autre cuidant prendre exemple à telle curation vsa d'Euphorbe recent, dont sensuiuit grande chaleur, douleur, & mordication à lulkere, tant quil fut besoin appeller Galien pour y reme-
dier

dier, lequel par fomentation dhuiles, & vinaigre appaisa les douleurs, & diminua les accidens. Parquoy appert (comme peu deuant auons dit) quil ne fault ignorer les facultez & especes des bons medicamens & approuuez: & ceux qui soudain perdent & changent leur vertu, & les autres qui longuement la retiennēt & gardent. Car l'Euphorbe est, de ceux qui ont vne chaleur, qui se perd incontinent. Ce que à la couleur tu congnoistras. Car sil est recent il sera de couleur grise: mais sil est vieil, il aura la couleur palle, & iaune. Or pour auant quil est fort sec, à grande difficulté le peult on dissouldre en huile recent: car en le broyant lhuile est incontinent embui. Dōt ne le fault soudain mesler avec lhuile pour le bien dissouldre: mais le broyer en vn mortier peu à peu, de peur quil ne se dilate trop. Leuphorbe est dicēx simples, qui soudainement perdent leur chaleur, & ne la gardent longuement. Ce que tu congnoistras, sans le goûter, ains à la couleur. Certes lors quil vient à se vieillir, il nest pas de couleur cendree, comme au commencement quil est recent: mais il deuiet vn peu palle, & vn peu iaune. A le goûter tu le sentiras si chaud, quil te brulera la langue

gue, cestasauoir, sil est recent: mais sil est
vieil, tu ny sentiras grande chaleur. Tou-
tesfois l'Euphorbe garde plus long temps sa
vertu, que Tapsia. Car Tapsia en vn an
deuiant moult foible de vertu, & en deux
ans il expire, & perd toute sa vertu. Mais
l'Euphorbe sil est bon des le commence-
ment, cestasauoir quil soit fort brulant,
comme dessus est dit: il dure trois ans, au-
cunesfois quatre: & au cinq, & sixieme, il fi-
nit & perd toute sa force & faculté. Voila
comment Galien quelquefois vsoit dhuile
le vieil sans Cire pource quel'Euphorbe
estoit de cinq, ou de six ans. Ainsi ne sau-
roit on cōprendre lusage dicelui Euphor-
be par la mesure. Car quand il est recent, il
y fault mettre de lhuile au double, & de
la Cire au triple. Sil se vieillit, dauantage
y en sera mis: sil est de trois, ou de quatre
ans, faudra doubler le poids precedent: &
autant de la Cire. Partant si tu en veux fai-
re medicament en forme de Cerat liquide,
tu y adiouteras quatre fois autant dhuile
que de Cire. Mais si tu le voulois faire en
forme demplatre, tu y adiouteras autant de
huile comme de Cire, & principalement si
la Cire est vieille & seiche. Car si la Cire
est recente, il ny fault pas tant dhuile: &
encores moins en esté quen yuer.

Pour faire emplastrum Carotodes, cestàdire Cerat, ou Ciroëne.

FAult Prendre de la Cire, & la liquesfier en huile, & y adiouter la sixieme partie d'Euphorbe en la réperature dessusdite, & ainsi que ci apres est ordonné.

R. Euphorbii, drach. i. Ceræ, drach. 6.
Olei, drach. 6. vel 5.

ET pource que la Cire n'est pas gluante & visqueuse côme la Resine & la Poix, faudra y adiouter ou Cerat, ou de la Poix, ou de la Resine, ou de lune & lantre ensemble. Et ainsi ny faudroit tant d'huile que au parauant.

Note quil conuient auoir grand esgard à la difference des humiditez & siccitez, & des Resines. Car les vnes sont plus ou moins seiches que les autres, & les autres plus, ou moins liquides. Et la plus seiche dicelles Resines est celle que aucuns appellent Fricsta, les autres Colophonias. Apres ensuit celle qu'on prend aux poteries, qui n'est encore purifiée. Laquelle si tu purges deviendra telle que la dessusdite nommée Fricsta. Celle qui est appelée Pityion Physma

fema, qui vaulx autant à dire comme Germination poicee, est plus seiche que les deux deuant dites. Laquelle Galien ha iugé nestre commode à la compositiō dudit emplatre, pour sa sorditie & impurité. Mais il vsoit de celle qu'on appelle Fricā, des liquides. Et dicelles refines, aucunes demourent longuement liquides, comme la Terebinthine: les autres soudain deseichent, cōme Strobilina: & la moyenne de ces deux, est l'Abietine. Quāt à leurs facultez, la Strobiline est plus chaude: cōsequemmēt, l'Abietine: & apres ces deux, la Terebinthine. Au regard de la Resine de Cypres, Galien nen ha ozt, ne voulu mettre aux emplatres quil appliquoit aux Nerfs, pource quelle est vn peu astringente. Et pourtāt noteras que entre toutes les Resines, la Terebinthine est la meilleure & principale; non pas en chaleur: car Strobilina, & Abietina (comme dit est) sont plus chaudes: mais pource que pour lexperience Galien lha congneue estre de plus grande vtilité: cestasauior, pour absterger, pour resouldre, & pour attirer, à cause de son amaritude, & de sa subtilité des parties. En quoy concorde Galien avec Dioscorides Anabarzeus. Par ainsi dōques, comme nous auons dit, si tu veux faire ton

Cerat, ou Ciroëne plus gluant, tu le pourras mieux faire en y adioutant quelque Resine, que si tu le faisois simplement de Cire, & d'huile.

Emplatre de Galien.

FAult prendre de la Terebinthine, & y mesler trois fois autant de Cire: puis y adiouter la douzieme partie d'Euphorbe. Or si tu ne sauois si l'Euphorbe est exactement chaud, ou bien si sen default quelque chose, tu les prouueras & congnoistras apres que ledit medicamēt sera composé, en mettant vn peu dicelui medicamēt sus du drapeau, que tu imposeras sus ta iambe, ou sus le coude, & ly laisseras quelque espace de temps: si puis apres tu tapperçois que petitement il escahuffe, tu pourras dire que le medicament est temperé. Et si ne rend aucune sensible chaleur, ou que si la chaleur quil rend est plus feruente quil ne fault, il est certain que le medicament est diminué ou augmenté en chaleur: certes diminué pour la mixtion du Cerat: augmenté pour l'Euphorbe qui y est mis. Si donques tu veux faire le medicament plus chaud, tu y adiouteras dauantage d'Euphorbe: mais si

tu voulois diminuer la chaleur, tu le feras. en adioutant plus de Cerat. A la confection de ce medicament le Propolis est meilleur & plus cōuenable que toutes les autres Resines, mais que Propolis soit recent & gras: pource quil attire en hault les grosses vapeurs & humeurs superflues. Mais les Resines sont prinſes & meſſees avec la Cire ſeulement pour former lemplatre & leſpaissir, & non pas pour curation, comme Propolis. Tu noteras doncques que au corps mol & tendre le medicament doit eſtre plus debile & benin, que au fort & robuste: ce que facilement fait le Cerat meſſé avec huile vieil. Tous les autres medicamens faits pour appliquer aux Nerfs bleſſez, doiuent eſtre mols & liquides. A iceluy eſt Fermentum, ceſt adire le leuain vtile & cōuenable, mais quil ſoit vieil. Car plus eſt vieil & plus eſt meilleur: pource quil reſoul, & attire mieux que le nouveau. Pareillement eſt bon & cōuenable le Souphre viſ, à la composition de cedit medicament, mais quil ſoit meſſé avec Tetrapharmacum. Auſſi pourras vſer de aphronitrum, & beronicum litrum, & aphrolitrum, qui ne ſoit point pierreux, mais que ce ſoit vray aphrolitrum, qui ayt conſiſtence deſcume, auſſi meſſé avec Tetraphar. Arſenicū que on

nomme en langue Attique Arronicū, mēlé
 auec tetraphar, est vtile. Et en default de ce,
 tu pourras vser de Sandaracha, comme de
 chaulx estainte, & viue : lauee, & non lauee.
 Mais y en fault mettre : moins de viue,
 pource quelle est plus forte que la lauee.
 Or donq pour bien guerir les playes des
 Nerfs, est besoin congnoitre la fin & in-
 tention de la cure : semblablement la faculté
 des simples medicamens lesquelz doiuent
 attirer ou resoudre sans chaleur immodé-
 ree, & sans grande acrimonie ou mordi-
 cation. Est semblablement necessaire sa-
 uoir & entendre lanatomic, & la nature
 des parties & membres du corps, & parfai-
 tement entendre la difference des tendons
 entre les membranes, ou les ligamens. Car
 il nest licite ne conuenable de coudre les
 tendons de peur de conuulsion : toutefois
 que les muscles, membranes & tendons se
 peuuent bien coudre. Il est certain que les
 tendons ausquelz viennent finir plusieurs
 muscles filz sentent douleur, elle sera gran-
 de : & premieremēt seront atteints de con-
 uulsion, puis apres viennent à se putrier, &
 ainsi infectent toutes les parties voisines.
 Pour auoir parfaite congnoissance des ten-
 dons, fault entēdre quil y en ha deux espe-
 ces. Cest auoir, les vns ronds, comme cor-
 des,

des, dont les anciens les ont appelez cordes : les autres sont tendres & larges comme membranes, comme ceux de femur pres le genouil : aussi dedens la paulme de la main : & souz les plantes des piedz. Tu seras aduerti que aux playes des nerfs, ne faudrayser de fométation deaue chaude, comme faisoient les Medecins deuant Galien, ne de cataplasme fait de farine dorge cuit vn peu en hydrelæñ, cestadire eaue & huile. Dont Galien faisant seulement fométation dhuile, avec les medicamens dessusdits, en ha gueri plusieurs. Et des laage de 28. ans quil auoit auquel temps il reuenoit encoire d'Alexandrie en son païs, excogita & inuenta la maniere de curer les playes des nerfs. Et depuis en ha fait plusieurs belles cures par la methode & medicamens dessusdits. Quelquefois entre autres vid vn ioueur despee de ceux quon appelle Cheualiers, lequel auoit vne playe transuersale en la partie anterieure de femur, laquelle playe estoit assez profonde, dont lune des labies estoit retiree en hault, & lautre en bas, pres de la platelle du genouil : & pour guerir ladite playe, Galien nha point douté de la coudre, cestasauior les parties des muscles separees : toutesfois pource quil doutoit de coudre le tendon, premieremét descourrit

*Note de
Galien*

icelui tendon, & ha vsé de couture assez profonde : comme lui qui sauoit bien que les parties charneuses des muscles sont cousues sans danger, & non pas les tendons. Iasoit ce que aucuns anciens Medecins à telles playes profondes, cousoient seulement les labies du cuir : & en cousant, nosoient coudre les muscles, & les autres cousoient bien les parties charneuses des muscles : mais cestoit seulement à la superficie. Parquoy quand il y ha quelque playe profonde & transuersale, il agglutinoient la superficie du muscle seulement, & le reste de la playe demouroit sans estre glutinee. Aux playes faites selon la longitude du membre, nest licite de coudre : car la bonne & competente ligature quon y peult faire est suffisante pour agglutiner les parties du muscle nauré. Mais si ladite playe est transuersale, fault vser de couture, & que les poincts en soient profonds : car autrement les parties du muscle demoureroient sans estre glutinees. Celui donq qui est ignorant de lanatomie, craindra de coudre les membranes avec les muscles : mais Galien qui y estoit docte, les cousoit seurement, & sans danger. Or combien que les tendons larges ressemblent aux membranes, il y ha pourtant differéce. Car les tendons sont plus durs, & de substance
plus

plus grosse que leſdites membranes. Auſſi tu trouueras des tendons tellement ſubtils & tendres, que les membranes en tous les muſcles d'abdomen, que les anciens ont appelle Myrac, exceptez les deux muſcles droits. Ainſi appert que les trois parties de Medecine, que les Grecs appellent Chirurgice, ceſtadire, laquelle ſ'exerce par operation des mains : pharmaceutice, ceſtadire par medicamens, comme aux apoticaireſ : diatetice, par regime & raiſon de viure, ont beſoin lune de lautre. Parquoy celui qui veut faire profeſſion de Medecine doit exactement eſtre en ces trois exercit  s apres
 quil aura premierement bien ſceu la theorique, ceſtadire ſpeculatiue, en laquelle eſt appriſe la methode de curer par raiſons & demonſtrations. Et ſil ignore l'une dicelles, il neſt digne deſtre appelle bon Medecin, & ne ſauroit faire choſe qui ſoit au proufit & ſoulagement du patient.

Note ce lieu ici car il eſt uray.

Compoſitions des medicamens faites des metaux, pour les playes des nerfs.

Entre les metaux fault cuites les aſtringens, & principalement aux ponctures des nerfs. Mais les aſterſifs, c  me æris
 q s squa

squama, & autres y sont vtils. Et fault noter que tous metaux sont de grosse substance : en partie, à cause quilz contiennent en eux beaucoup de substance terrestre. Parquoy requierent estre preparez, à fin quilz soient plus subtils. L'article de les preparer est tel : Premièrement fault que lesdits metaux soient broyez en vn mortier seul avec du vinaigre bien fort & de subtile substance : & fault quilz soient broyez long temps, comme ha esté dit. Il y ha aucuns desdits metaux qui ne se peuent broyer, iacoit ce quilz soient long temps battuz : toutefois on les dissout facilement, comme Chalcitis, misy, & autres semblables. Mais les autres se peuent broyer & mettre en poudre comme æris squama, & autres. Tu noteras que Chalcitis & Erugo filz sont brulez, ilz en sont moins mordicatifs : & pour ceste cause, lon y en met plus grande quantité, quand on fait quelque medicament. Les pastilles ou trochisques d'Andronis, Polydas & Passon, sont tresexcellens, & conuenables aux playes des nerfs, pourueu quilz soient dissouts en Sapa, comme il appartient. Sapa se fait de moust, cestadire vin cuit : mais fault que ledit moust soit fait de raisins doux, & non dausteres, qui sont absterifs, & du dernier vin tiré de la cuue ; lequel vin

on fera bouillir iusques à la moitié : & puis vous y dissoudrez lesdits pastilles pour les appliquer aux playes des nerfs descouverts & denuez du tout de leur chair. Mais quand voudrez vser desdits pastilles, vous prendrez de celui de Polidas : car il est le plus temperé, principalement si cest en corps temperé & delicat, auquel est le plus seur de ne vser point du tout de pastilles, ains des medicamens desquelz auons desia parlé, & parlerons encores. Car tous les corps ne sont d'une mesme température : & y ha grande differéce entre iceux, & en trois choses. Cest auoir quand au temperament : secondement, quant à laugmétation de laage : & apres quant aux estats des exercices. Comme travailler beaucoup ou peu. Parquoy sensuit que nul médicament ne peult estre conuenable à tous corps. Et à ceste cause, fault auoir deux sortes de médicament, lun fort & lautre foible. Et puis quand l'usage & necessité le requerra, en faire de deux diuerses mixtions, selon les temperamens du corps.

*Medicament pour les corps forts
& robustes.*

R. Acris squamat, part. 3. misyos crud. part.

part.2. Chalcitidis crudæ, part.1. Cera,
part.12.

AV commencement que Galien prepa-
roit ce medicament il y mesloit de
Lartenic: puis apres congnot quil estoit su-
perflu, & ny en mit plus.

*Medicament pour les corps tendres,
delicats, & foibles.*

℞. Misys combusti. Chalcitidis vsta,
ana. part.1. Aeris squam. part.4. Cera,
part.18.

*Medicament pour les corps moyens,
duquel Galien vsoit souuent.*

℞. Misys vsti. Chalc. vsta. Erug. vsta,
ana. part.1. Aeris squam. part.3. Cera,
part.5.

POur faire le medicament, la qualite
de lhuile doit exceder de moitié la
quantité de la Cire. Comme sil y ha 8. ℥. de

Note ici Cire, faudra 12. ℥. dhuile, qui est la lb. entie-
que la lb. re. Et faudra que lhuile soit semblable à
contient lhuile sabin: cestasauoir, quil soit de subtile
12. onces. substance, sans abstersion & non astringet
& sil est vieil, il sera encores meilleur. Donq
lhuile

l'huile omphacin, que les Grecs appellent homotribes, ny est pas bon, ne conuenable. Apres que les metaux seront bien broyez par plusieurs iours avec vinaigre, tu y adionteras de Thus, mais quil soit gras & blanc. Puis derechef tu le pileras avec les metaux, deuant que y adionter le Cerat. Mais la quantité de Thus sera la moitié au regard des metaux pour faire le medicamēt moyen. Et si tu le vouldois faire plus mol, & debile, tu y adionteras plus de la moitié dudit Thus. Et si tu veux que le medicament soit plus acré, tu ny mettras pas tant de thus que la moitié de ce que ha esté dit. Il est licite de meller quelque Resine avec la Cire fondue en huile. Toutefois, tu dois sauoir que si tu y mets de la strobiline, que le medicament sera plus fort, & plus acré: & si tu y mets de la Terebinthine, le medicament sera plus mol, & moyen en acritude. Et si tu veux quil soit moyé entre ces deux, tu mettras de labietine, ou beniouin. Larix est vne des resines plus humide, toutefois que les trois deuant dites: & est de substance semblable à la poix liquide, que aucuns facteurs & marchands vendent pour Terebinthine à ceux qui ne les congnoissent, & ne les sauent pas discerner lune de lautre. Ce nonobstant il y ha entre ces resines
grand

grande difference, dont pourras congnoître au goust, & à l'odeur quelle est plus acree que la Terebinthine, semblable neantmoins en puissance, mais de substance plus subtile, & de plus grande vertu resolutiue. Voulant donq faire ton medicament en forme de platte tu mesleras avec la Cire la sixieme partie des dessusdites resines. Comme pour vne lb. de cire, tu y adiouteras 2. ℥. de resine : & si elle est liquide & grasse, suffira de demie ℥. Par ainsi donq si tu ne voulois faire ton medicament en forme de platte, il ne sera grandement besoin y adiouter la Resine : mais tu pourras adiouter de Galbanum aucunesfois autant que de thus, lors que tu voudras faire le medicament benin : si plus fort le voulois faire, y en faudra la moitié moins : & quelquefois la moyenne dose & quantité. Comme si l'y ha quatre drachm. de Thus, & 4. drachm. de Galbanum, ton medicament sera plus mitigatif & plus doux. Mais si tu ny mettois que 2. drachm. de Galbanum, ton medicament seroit plus fort : & si tu y en mettois 3. drach. il sera moins fort. Pourtāt en corps fort sensible & tendre, ou cacochyme, il est expedient d'auoir ton medicament preparé, auquel entre plus grande quantité de Galbanum. Donq voulant faire medicament
pour

pour appliquer aux nerfs denuez & decouverts, il ny fault tant de Galbanum. Car tous metaux sont aspres, & font douleurs, & entre les simples le vinaigre est aspre & fort douloureux : qui est la cause parquoy on y adioute de lhuile, & aussi de Galbanum : & par faulte de Galbanum, tu prendras de la gresse de subtiles parties, cōme de toute beste sauuage : cest a s'auoir de Lyon, dun porc Sanglier, dun Leopard, & dun Ours : pareillement des volailles, mesmement des canes sauuages. Et par default d'icelles, de coqs, de poules, & poullets. Mais fault bien que tu entendes que la gresse des volailles sauuages, & nourries aux champs, est meilleure, que les domestiques, & nourries aux maisons en priuē. Car les volailles nourries aux villes & maisons, pource quelles sont tousiours enfermées, & ne peuent courir çà ne là, sont pesantes, & leur gresse en est de substance plus grosse, & plus humide. Car l'exercice & agitation du corps le fait moins pesant, & subtilie les grosses humeurs. Quand doncq la substance de ton medicament aura espaisseur de Cerat, lors y faudra adiouter & mesler la tierce, ou quarte partie de cire : ou si la gresse te sembloir trop humide, faudra seulement y mettre la moitié de Cire, tout ainsi que si elle

est

est seiche, la quarte partie : & si la gresse est mediocre, cestadire, ne trop seiche ne trop humide, fault de Cire, la tierce partie. Lequel Cerat sera vtile à beaucoup : & est nommé Diasteaton, cestadire, de suifs, & de gresses fait.

Medicament dit Dieuphorbion.

NOus auons parlé ci deuant de la qualité, nature, & faculté de Leuphorbe, & comment il se garde & deperit par tēps, & comment on le congnoit à sa couleur & substance, ci apres traiterons du medicament qui est composé dicelui Euphorbe : & se fait ainsi que sensuit :

℞. Euphorbii, part. 1. Ceræ, part. 3. Olei, part. 4.

A La composition de ce medicament, la cire doit estre triple, cestadire quil y en fault mettre les trois parts au regard de Leuphorbe : & dhuile, les quatre parts au regard de la cire, & fault que Leuphorbe soit recent & bon. L'onction de ce medicament est vtile & bonne aux ponctures des nerfs, quand on craint quil ny suruienne trop grande ouuerture. Il te sera necessaire esprouuer ton medicament. Dont sil
est

est trop debile, tu augmenteras la quantité de l'Euphorbe, aucunesfois en y adioutant la moitié, & aucunesfois autant comme de Cire, ou plus, mesmement si icelui Euphorbe est vieil, ou selon la force du patient. Mais si ton medicament est trop fort, tu le adouciras en y adioutant dhuile davantage: ou bien en composeras vn autre, selon la forme & maniere deuant dite, en y adioutant de leuphorbe vieil. Et pour congnoître si le medicament est trop fort, tu noteras ces signes qui sensuiuent. Cest-à-uaoir, si le patient sent grand douleur avec erosion. Si les parties denuiron sont plus chaudes que deuant. Si la poncture est plus enleuee-quelle ne doit. Si les labies de ladite poncture ont quelque inflammation. La composition en laquelle entre trois fois autant de Cire que d'Euphorbe recent, est plus forte que lautre. Si y ha cinq fois autant de Cire, la composition est plus douce & plus foible. Et si y ha quatre fois autant de Cire, la composition est mediocre entre toutes les autres dessusdites. Si tu veux faire les onguens telz que les Medecins appellent Acopa, cest-à-dire ostans les l'asitudes, tu y mettras quatre fois autant dhuile que de Cire. Mais si tu voulois faire vn Ciroëne, ou Cerat

r liquid

liquide, tu y mesleras le double dhuile au pris de la cire. Et si la cire est seiche, tu y mettras les deux parts & demie dhuile. Comme pour vne lb. de cire, 2. lb. & demie dhuile. Si tu en voulois faire emplatre, faudroit mettre autant de cire que dhuile, moyennant que le temps soit moderé: & si la cire est trop vieille & seiche: & que lair soit froid, il fault vn peu plus dhuile que de cire: comme quand la cire est fresche & grasse, & le temps est chaud, fault quil y ayt vn peu plus de cire que dhuile: cest auoir pour vne lb. de cire, fault 13. 8. dhuile. En composant le medicament pour mieux lier la cire & lhuile ensemble, faudroit y adionter quelque resine: & principalement de la terebinthine, ou colophonie, & quil y en ayt autant que de cire. La poix garde la consistence du Ciroëne, ou cerat: & note que celle laquelle est grasse, est la meilleure, tout ainsi comme la Resine. Si la Resine est liquide, comme est la vraye Terebinthine recente, il suffira den mettre la tiercee partie au regard de la Cire. Quand Galien compose vn medicament, ou il entre de la Resine, & de la Cire, fault entédré que ce nest, ne de la seiche, ne de la rade, mais dicelles resines & cire, lesquelles sont mediocres en substance. Car telz simples

meslez

meslez avec dautres se peuent deseicher, & perdre vne partie de leur vertu & humidité: & pour deux causes. & raisons. La premiere, à cause du temps, comme en esté quil fait grand chaud & sec. Secondement, de leur propre nature; comme pour estre trop vieux, & gardez en mauuais lieux. Le propolis recent, cest cire neuue blanche, est plus conuenable en composition demplatre, ou de Cerat, que la Resine, ne que la poix: & en fault autant comme de cire.

*Medicament fait de simples, qui
se peuent liquesfier.*

LEs medicamens ou simples liquables, cest adire, qui se liquefient sus le feu, & dont on compose les medicamens ou emplâtres & cerats, avec dautres humides, comme eaue, vin, & vinaigre, soit propolis, cire, resine, ladanum, seuum cest adire, suif: & galbanum. Et lesquelz vault mieux liquesfier en vaisseau double, qu'on nomme Balneum mariæ: cest auoir en mettant lesdits simples dedens quelque vaisseau qui soit dedens vn chauderon estant sus le feu plein de eaue. Mais il y ha autres simples lesquelz on peult fondre sus le feu, & dissoudre sans feu avec choses humides: com-

me gutta ammoniaci, liquor sagapeni & panacis, serapion, opopanax.

R. Opopanacis. Galban. Terebin. Propolis recentis, añ. part. i.

TV dois aduiser de ne vser point de propolis seiche & vieille : mais par faulte d'autre, tu y en pourras mettre, & que ce soit au double, avec de la poix grasse, & bonnes odeurs.

Autre de mesme effect.

R. Aceti sexta i. Picis * lb. i. Opo. ℥. 4.

* cest adire poix.

Et fault cuire la poix avec le vinaigre.

CEs medicamens dessusdits sont bons aux ponctures des nerfs, & aux morsures des chiens enragez : & principalement aux bestes veneneuses. Et pour ceste raison quilz sont aperitifs, & gardent que lescrites labies ne se ferment point à fin que le venin puisse sortir aisément, ou des membres, ou des parties esquelles lescrites morsures auront esté laissees. Mais pourtant que lescrites medicamens sont forts, nous en vsons aux corps forts & robustes : & si les maladies sont en corps tendres molz & delicats, comme petis enfans & femmes, fault

fault quilz soient liquefiez en quelque huile, ou onguent resolutif, mesmement *Amaricum*, & *opobalsame*. Puis apres avec *Iridium*, & *Comagenum*. Et par faulte diceux, *Leucinum*, *Sasinum*, & *Cyprinum*. Si on nen peult trouuer, fault prendre de lhuile vieil: & si cest en *Alexãdrie* prendras *oleum Ricinum*, & *Rhaphaninum*: car certes il y en ha abondammēt en ladite ville d'*Alexandrie*, comme aussi en toute l'*Egypte*. Mais on ny peult trouuer *oleum Sinapinum*, sinon que difficilement. Duquel huile *Sinapinum* si on mettoit au medicament, il ny ha doute quil en seroit beaucoup plus fort, & ainsi meilleur pour ouurir les playes des ponctures des nerfs. Si tu nas point de *Opopanax* pour faire telz desdits medicamens, pourras prendre *Sagapetum* dissouts en vinaigre, de la resine, *Propolis*, & quelque graisse bien vieille, & laquelle soit acre & de subtiles parties. Comme de *Lyon*, de *Leopard*, de *Porc*, & d'*Ours*, & dun *Renard* ou de *Canes* sauua ges. Aussi sera conuenable la vieille graisse de *Taureau* & de *Bouc*. Tu noteras doncques que les vieilles graisses (pource quelles sont terrestres & acres) par laps & espace de temps deuiennent plus acres: meismement la graisse de porc, laquelle est la plus

molle & plus humide de toutes les dessus nommees. De telle nature sont le vin & le vinaigre, & les mouelles. Mais les meilleures dicelles mouelles sont, celle de Cerf, & de veau. De ces dessusdits medicamens Galien conseille auoir, & dit en auoir tousiours vsé aux ponctures des nerfs, dont il fest bien trouué.

*Medicament fait de fient
de Pigeons.*

POurce que le fient des Pigeons agrestes est acré, par default d'Euphorbe, on en peult vsér. Toutefois est ledit fient de substance plus subtile que l'Euphorbe: parquoy est plus cōuenable aux corps durs & robustes. Galien y mesloit des metaux broyez en vinaigre au soleil comme dessus est dit: & le medicament en estoit plus acré, tout ainsi que sil y eüst mis derugo.

*Du medicament nommé Diabot-
tanum, cest adire fait
dherbes.*

GAlien lumiere des Medecins, & docteur en toutes choses ne voulant rien omettre ne laisser de ce que appartient à la curation des playes des nerfs, ha voulu enseigner

seigner diuerses manieres de curer, à fin que si l'une defailloit, on eust recours à l'autre. Par ainsi donques pource que en tous lieux ou on se peult trouuer, & ou seroit vn Chirurgien, & Apoticaire appellé pour pésar vn patient on ne pourroit trouuer tous les simples requis: icelui tresprudent Galien ha enseigné à faire médicament pour les playes des nerfs, dherbes, par default des metaux deuant declarez, ou pour diuersifier lesdits medicamens. Premièrement donques ledit Galien composoit le médicament pour les nerfs blessez dherbes, de substance subtile. Costalanoir de Dictamun, Amaracus, & malus terræ, cest Daristolochie seulement. Puis apres voulant experiméter plus outre, il en composé vn auquel mettoit Maron, Amara-cum, cest Mariolaine. Polium, Argemone, que nous disons vulgairement aigremoine, Chamæpitys: id est, Viua arteica, centa-
 taurium, radices omnium Aristolochiarū, Dracūculi, Ficus agrestis, Brienix, Altheæ, Iridis, Acori, Mei, Asari, Phou: id est vale-
 rianæ, Gentianæ, & Panacis. Toutes les-
 quelles herbes & racines dessus nommees Galien ha escrits & declarees en ses liures des simples. Toutefois tu noteras que pour
 autant quelles ont amari-
 tude sans abster-
 sion

sion & acrimonie moderee elles sont conuenables aux playes des nerfs. Et pour dicelles herbes & racines dessusdites faire & composer medicament, fault quelles soient premierement pillees & broyees, puis passees par vn crible bien subtil, & derechef broyees tant quelles deuiennent en poudre bien subtile. Car toute grosse substance n'est bonne aux playes des nerfs, qui requierent medicament subtil, comme deuant ha esté dit. Or icelles dites herbes & racines apres quelles auront esté bien puluerisees (comme auons dit) doiuent estre mises avec la Cire & lhuile en telle maniere, quauons dit de Leuphorbe.

*Des compositions pour les playes
des nerfs, que les Grecs ap-
pellent Polyteleis, cestadire,
somp tueuses.*

NOn seulement proufite sauoir composer medicament des simples dessusdits, mais dautres somptueux & de grand pris & coust. Car combien que bien peu souuent on en vse, ce nonobstant il aduient quelquefois que si tu en auois vne chartee que le patient nen voudra point, ains voudra quon lui applique des medicamens

fais

faits de simples fort somptueux. Comme vn homme bien fort riche, duquel Galien, sans le nommer, fait mention en son premier liure de la congnoissance des poulx, & en ce present & troisieme liure, lequel voulant & sefforçant guerir vn vlcere malin dun sien seruiteur, ny peult rien faire: dont le bailla à Galien pour icelui penser. Voyant donques cedit homme riche son dit seruiteur ainsi bien guerir par Galien, lui demanda la recepte du medicament, duquel il auoit guerir son dit seruiteur, ne sachant cedit homme riche, estre plusieurs differences dulceres malins, mais pensant que dun seul medicamēt, on pouuoit guerir toutes & chacunes maladies & playes? A quoy Galien obeit, & luy bailla composé, mais quand il en sceut la composition, il lui dit, va bailler ta recepte aux belitres, & men enseigne vne autre de simples plus riches & somptueux. Quelque autrefois quand il neut peu guerir vn enfant ayant mal aux oreilles, dun medicament quil auoit, & dont il y soit sans methode, lenuoya audit Galien, puis apres quil eut de quelquun quil rencontra en son chemin, entendu que ledit enfant estoit sain, il demanda la recepte du medicament. Don-

ques contemplant cela, & quil auoit veu beaucoup de gens bleſſez aux nerfs ayans les doigts coppez & putrefiez, les vns diceux en eſtre morts, les autres deueniz manchots, apres quil eut entendu que nul diceux que Galien auoit peſez neſtoit mort ne tombé en danger, mais que ſoudain les auoit tous gueriz, lors lui demanda recepte de quelque onguent ſomptueux & odorant duquel il peult guerir les playes des nerfs. Galien lui bailla pluſieurs receptes diſpenſees par Methode, & dicelles guerit grand nombre de gens bleſſez aux nerfs, dont loua grandement Galien, & le remercia, de quoy ſi liberalement il lui auoit baillees leſdites receptes: puis fit vn preſent à Galien. Les receptes quil lui bailla eſtoient telles quil ſenſuit:

℞. Cinamomi, dictamni, mari, an.
denar. 40.

Certes ces ſimples ſont odoriferans & ſubtilz. Il ny veult point mettre d'amaracum, pource quil nauoit bõ odeur: auſſi que à grande peine en peut on trouuer en Rome, comme de Marum. Faut broyer ces deſſuſdits ſimples & les cribler comme deuant ha eſté dit, & lors temperer
auec

avec Cerat fait de tresbon opobalsame, & cire tyrrhenique. Et fault quil y ayt les huit parts de Cire, & dix de Opobalsame, La composition du Cerat est telle,

℞. Ceræ, part. 8. Opobalsa. part. 10. Adde terebinth. optimæ odoratæ part. 1. La terebinthine y est adioutee à fin que le médicament ne soit trop foible, mais quil soit gluant & bien incorporé. On y peut aussi adiouter du Myrrhe precieux. Aux nerfs descouverts Galien vsoit dun cerat que les Grecs nomment myrepfice : & donguens appelez des Romains, vnguentum spicatum, & phuliatum, en y adioutant la 12. partie de pompholix lauee : & le fault preparer avec cire Tyrrhenique liqueficee avec Nardus brulé, & ce en double vaisseau, que le vulgaire dit Balneum mariæ : comme ci deuant ha esté dit : ce quon doit & fault faire à tous onguens. Aux ponctures des nerfs, les plus acres medicamens sont bons, à cause quilz tiennent la playe ouuerte. Mais aux playes des nerfs descouverts conuient vser de medicamens qui ont mediocre astringtion, avec vertu resolutiue, & sans mordication: comme Amomum, Spica nardi, & Folium malabathri : iacoit ce que le Amomum soit astringtif, & spica nardi, & malabathri folium, encores plus.

*Des medicamens composez par
autres Medecins, que Galien
pour les playes des
Nerfs.*

AVant ne s'est trouué parauant Galien qui ayt escript la raison & maniere de curer par médicament les playes des Nerfs. Toutefois quelques vns en ont composé apres, mais sans distinction, & diuerse maniere den vser. Entre autres vn Medecin de son temps en prepara vn comme sensuit:

R. Ceræ, ℥. 6. Olei, ℥. 9. Misysos, ℥. 6.
Chalcitidis, den. 1. Aeris squam. ℥. 2. s.
Thuris, ℥. s. Galbani, ℥. 1.

Les simples qui se peuuent liquefier, cest-à-sauoir la Cire, & Galbanum, apres quilz auront esté liquefiez, faudra les y fondre aux metaux. Premieremēt broyez bien curieusement en fort vinaigre. Galien ne sct l'auteur de ceste cōposition: & dit ne la voir trouuee ny en Asclepiades apoticaire, ny en Petron, ny en Andromachus; combien que tous les anciens Medecins ayent composé de bons medicamens.

Autre

Autre de *Andromachus*, lequel est bon pour les playes, cōme prescrit *Asclepiades*, pour les Nerfs & muscles coupe ζ . Pareillemēt aux ponctures, contusions, foulures, & escorchures, & aux mēbres rompu ζ . On en peult faire collire pour le mal des yeux, & sert de remede au mal de teste, & à toutes passions.

R. Argenti spumæ. Cerae, añ. denar. 144. Ammoniæ, denar. 72. Terebinthinæ, denar. 36. Lanæ succidæ combustæ, den. 12. *Aeris squam. Thuris. Aristolochiæ rotundæ, añ. denar. 8. Olei ricini, hemi. 3.

*alias 12.

LA maniere de la preparer est telle. Premieremēt fault cuire l'huile & Litarge ensemble: apres la Cire & la Terebinthine doivent estre adiontees: & lors quil sera cuit, en sorte quil ne adhere & tienne point aux doigts, tu y adiouteras Ammoniacum, ensemble les autres simples. Note que ce medicament nest point cōuenable aux ponctures des nerfs à cause quil est trop astringent

gent : nonobstant quil soit conuenable aux Nerfs & Tendons decouverts : & sil y ha plegmō, fault le liquesier en huile Rosat:& sil ny ha phlegmon, en huile vieil, Ricinū, chamæmelinum, & autres qui sont pour les corps mols & tendres. Car pour les forts & robustes, faudra vser dhuile fort, cōme Oleū radicis, ficus agrestis, brionię, asari, dracunculi, aristolochiæ, & panacis: mais aristolo. & pana. sont encores plus fors q̃ les autres.

*Autre par Claud. Philoxenus
Chirurgien pour les dessus-
dites maladies.*

℞. Argenti spumæ. Cera, añ. denar. 160.
Ammoniacy, deñ. 80. Propoleos, denar. 40.
Terebinthinæ, Resinę sicce, Thuris, Squam.
Aeris, añ. denar. 16. * Lanę succide, Combu-
stæ, squamæ stomomatis, añ. denar. 8. Opo-
pana. denar. 4. Olei ricini, hemi. 3.

Medicament Roux, de Halien.

℞. Argenti spumæ. Cera, añ. denar. 100.
Terebinthinæ, Mannæ, Thuris, Gal-
bani, Minii synoptici, añ. denar. 8.
* Olei sexta. 1.

CE medicamēt & emplatre est vtile aux playes recentes, & aux Nerfs coupez,
aux

aux vieux vlceres difficiles à cicatrizer: & à amolir les dureſſes: & principalement des Mammelles. Il eſt ſemblablement bon aux morſures des hommes & chiens: & quand on eſt piqué des Dragons, ou du Poifſon veneneux, que les Grecs appellent Trygon Thalafſia; les Latins, Paſtinaca marina: cōbien que Aſclepiades ne promet point quil ſoit bon aux ponctures des Nerfs & Tendons: mais aux coupures.

Autre medicament Catagmatique par Moſchion.

R. Argenti ſpumæ, minam i. qui vault, 160. denar. Picis aridæ, 160. Seui vitulini, denar. 160. Reſinæ Terebinthinæ, denar. 80. Mannæ thuris, den. 80. Cere, denar. 40. Eruginis, Opopa. Galb. añ. denar. 8. Olei ricini hemi. i. Aceti, hemi. i. Liquoris ſycamini, hemi. i. Picis liquidæ, Cyath. 3.

LA maniere de le cuire, eſt telle: premierement la Litarge & huile doiuent eſtre cuits enſemble: puis y adiouter la graiſſe de Veau: puis Manna thuris, en les remuant, & mouuant continuellemēt, tant quilz ſoient incorporez. Apres on y met la Poix, la Cire, & la Terebinthine, & conſequemmēt les autres

autres quil fault faire cuire tant quilz de-
 uiennent en forme déplatre, & quil ne tien-
 ne point aux doigts. Apres on y adiontera
 le Galbanū, Erugo, & Opopanax dissouts
 en vinaigre : & puis Liquor sycamini, & la
 Poix liquide seront faits cuire en vn autre
 vaisseau : & quand seront fonduz ensemble
 & espaisiz, les fault mesler avec les autres:
 & derechef mettre tout ensemble sus le feu
 iusques à ce quil ne tiēne point aux doigts:
 & par l'espace de trois iours les laisser trem-
 per en vin. Apres en pourras mettre sus dra-
 peau pour faire emplatre. Ce medicament
 est ytile aux playes recentes, aux Nerfs cou-
 pez & diuisez avec contusion : aux fractures
 faites avec playe : & avec conuenable liga-
 ture fait callositez aux os. Il est semblable-
 ment bon à ceux qui commencent deuenir
 Hydropiques : aux contusions des testicu-
 les : aux Rhagadies avec du beurre : aux Tu-
 meurs de la Gorge, que les Grecs appellent
 Bronchocilas. Bref, ce medicament est tres
 ytile.

*Fin de la Methode des trois premiers
 Liures de Galien, de la compo-
 sition des Medicamens
 en general.*

DES POIDS

ET MESURES,

pour l'intelligence de ce
présent opu-
scule.

Au Lecteur.



FIN (ô ami Lecteur) quen
lisant ce. présent œuvre tu
ne fois trop arresté en l'intel
ligence des poids & mesures
contenues aux receptes &
compositions des medicamens, par ce que
les noms diceux poids & mesures te pour
roient estre incongnuz, & la valeur diceux,
ie te les ay bien voulu declarer par ce petit
traité, par lequel ie t'enseigneray comment
anciennement ont esté appelez des Ro
mains, & Grecs, & combien ilz valloient.

Premient Mina, que les Grecs appellent
Mna, est de plusieurs sortes. Car lune est
Romaine: l'autre, Attique: l'autre, Egy
ptienne: l'autre, Alexandrine. La Romaine,
selon Paulus Aegineta, & Galien, vault
16. onces.

Le signe de l'once en ce liure est ℥ .

La liure Romaine contient douze onces.

l'Attique

L'Attique, & Egyptienne seize onces.

Lonce, qui est la 12. partie de la liure, contient 8. deniers, ou drachmes.

La demie once, est dite *Semuncia*.

Deunx, vault onze onces, auquel sont 264. scrupules, cestadire, deux tierces parties, & vne quarte partie de libra.

Dextans, est la demie liure, & la tierce partie de la demie, cestadire, 10. ℥. & vault 240. scrupules. *Vitruuius*; lib. 3. appelle **Dextans** la mesure de dix poulcees: comme tesmoigne *Budæ*. lib. 1. de *Assè*.

Dodrās, vault demie liure, & la quarte partie de demie liure, cestadire, 9. ℥. 230. scrup. Et *Vitruue* au liure dessusdit appelle **Do**drans la mesure de 12. poulcees.

Bes, vault les deux tierces parties, cestadire, 8. ℥. & contient 240. scrup.

Sextunx, est vne demie, & vne douzieme: cestadire 7. ℥. & contient 168. scrup.

Selibra, est demie lb. qui est dite *Semis*, ayāt 144. scrup.

Quincunx, vault cinq onces.

Triens, est la tierce partie dune lb. cest, 4. ℥. qui valent six vingts scrup.

Quadrans, la quarte partie dune lb. cest trois onces, ou 72. scrup.

Sextans, est la sixieme partie, qui vault deux onces, cest 48. scrup.

Uncia, cestadire Once, vault huit deniers, cestadire 8. drachmes.

Semuncia, est la demie once. Bud. lib. 1. de ass.

Sextula, est la sixieme partie dune once, cest vn scrupule adiouté à vne drachme, comme si tu disois 4. scrup. Et est diction des iuriconsultes, dont ilz vsoient aux testaments. Bud.

Denarius, ou **Drachma**, qui est la 8. partie delonce, vault trois scrup. que les Grecs appellent **Grammata**, cestadire lettres, qui sont 24. aux Grecs : & l'once ha autant de scrup. que les Grecs ont de lettres, & le iour d'heures sont 24. Bud. lib. 1. de Assé.

Scrupule, est quasi le commencement du poids & cōme la premiere introduction, vault deux oboles.

Obolus, vault trois filiques.

Siliques, deux chalces, cest huit grains de lens qui est vne espece de potage, qui croit aujourdhui en Italie, de la longueur dan doit, & de la largeur dan poulce : & ha (comme Pline dit) dedens des petis grains, dont six font le poids dun scrupule. Budæ.

La lib. des choses liquides, comme vin, huile, &c. estoit à Rome dun vaisseau de corne, lequel auoit 12. lignes tout au

tour dicelui, signifiant toutes les onces, dont ha esté appellé liure mesurable: car l'autre est ponderale. Galien en fait mention, lib. 1. de Comp. medic. secundum genera, in emplastro alba.

Amphora fait six Cingies. Amphora (dit Budæ. en son 5. lib. de Asse) est la 8. partie du mui de vin de Paris. Et Amphora Italica contient 72. lb. d'huile. De vin, 80. De Miel, 108. Le Miel est de la quarte partie plus pesant que le vin: & la moitié plus que l'huile. Le vin est la 9. partie plus pesant que l'huile.

Congius vault six Sextarius: toutefois Bud. lib. 5. de Asse, dit, que Sextarius, qui est nostre Sextier, est plus Latinement appellé Congius. Ainsi Congius, est ce que aujourdhui nous appellons vn Sextier de vin.

Quartariū, est vne quarte de vin contenant quatre chopines.

Tertiarium, vne tierce contenant trois chopines. La chopine demi-Sextier à Paris, & en plusieurs lieux vault huit pintes.

Le demi de Sextarius, cest Hemina, ou Cotule, que aussi on nomme Triblion. Sextarius Romanus tiét six petis sextiers, que nous disons en nostre langue. Budæ.

Choenix, vault quatre Sextiers.

Hemina; remplit fix Cyathus. Et Hemina vault ce que à Paris on appelle vn demi Sextier; qui est la quarte partie de la pinte, ou demie Chopine: autrement est appelée Hemixestus. Budæ. Or le Sextarius Romanus vault 12. Cyathos. Budæe dit, quil vault nostre pinte. Sextarius triticæus, cest en nostre langue vn Sextier de Bled, vault & est diuisé en deux Medimna, ou quatre Amphores: & puis en 12. Modios. Modius, est que nous appelons vn boisseau.

Cyathus contient deux Mistres; & selon Pline 10. drachmes. Budæ. lib. 5. de Asse. le met à la raison de Quadrans, selon Celsus. & autant quen vn coup vn homme peut boire. Dont les Anciens en leurs banquets buuans les vns aux autres, buuoient autant de coups quil y auoit de lettres au nom de leurs amies: & chacun coup estoit appelé Cyathus.

Iay dit cecy dessus, que Denarius, & drachma, est vn. Et telle est lopinion de monsieur Budæe lib. 2. de Ass. Qui dit que en cela Plutarque, Pline, & les autres escriuans, comme Celsus, & Scribonius concordent. Toutefois aucuns d'eux mettent 7. deniers en lonce: mais Galien & autres auteurs Grecs, baillent 8. drachmes

chmes à lonce: & 96. à la liure. Galien don-
ques quand il prend quelque récepte de
Scribonius, interprete Denarius, Dra-
chma en son langage Grec: combien quil
ayt fait profefion de Medecine à Ro-
me, comme Scribonius. Et les Latins
& Grecs conuiennent en ce quilz disent
que Denarius, & Drachma valét fix obo-
les. Les autheurs qui ont écrit des valeurs
des poids, & mesures pource quilz escri-
uent selon la valeur, & cours de leurs pais,
ont fait la diuersité. Paulus ægineta dit,
que Mina Attica, & mina Aegyptia,
vault 16. ℥ .

Mina Romana 20. ℥ .
Libra, vault 12. onces.

Vncia 8. denar. ou drachmes.

Denarius, trois scrupules.

Vn Scrupule, deux oboles.

Obole, trois Siliques. Iay dit ci deuant,
que cest Siliqua.

I Ci te suffira, ô Lecteur, de ce petit traité
des Poix, & Mesures, tant liquides que
seiches: par lequel tu pourras mieux enten-
dre les compositions des medicamens trait-
tez en ces trois liures par Galien. Et fault
que entendes, que les Signes signifiants les
Poix, & Mesures en brief sont telz que ie te
declar

declaireray ci apres, ou tu auras recours en
lisant, Cestasauior,

Den.vault Denarius, ou Drachma. ^{trois}

3.ou Drach.vault Drachma.

ꝥ.vault Vncia.

s.Semis, cestadire demi.

ʒ.vault Scrupule.

lb.vault libra, liure en François.

Sexta.Sextarius.

Min.Mina.

Hem.Hemina.

Cong.Congius.

Cyath.Cyathos.

FIN DES POIDS, ET
MESVRES.

3 4

DE LA NATURE

vertu & faculté de la Racine
du Bois appellé Lesquine:
& comme il en fault
vser.

*Maniere den preparer le
brunage.*



Remierement prendras .iij. ℥. de la dessusdite racine du bois nommé Lesquine, que tu couperas en petites pieces chacune du poids de demi escu soleil, ou environ. Puis prendras vn pot neuf de terre, qui contienne trois quartes & demie iusques à quatre: dedens lequel mettras vne ℥. de cestedite racine coupee ainsi que dit est, & couuriras bien ledit pot: lors feras doucement bouillir & cuire ladicte racine sus le feu de charbón, qui soit tousiours en vn estat, cestasauoir quil ne soit trop grand ne trop petit plus à vne heure que autre. Ainsi le feras tant bouillir quil deuienne consommé iusques à la moitié, en le faisant tresbien couurir de quelque gros linge bien net, tellemét que la fumee, ou odeur nen puisse sortir, pource quil en
perd

perdroit sa vertu. Et en ce faisant pourras faire de leau de ladite racine.

La maniere comme on la doit prendre, & dicelle vser.

FAult que le matin au point du iour estant en la chambre bien close en ton liât, tu prennes vne chopine, ou plus vn peu de ceste dite eaue, laquelle soit bien nette: & pour ce faire la passer en vn linge blanc & net, que ladite eaue soit chaude: car plus chaude la pourras boire, & meilleur te sera: apres te feras bien couvrir. Lors tu seras copieusement. Et quand tu sentiras que ne pourras plus porter & endurer la sueur, tu te feras essuier avec du linge bien chaud, & demoureras tout le iour dedens le liât, en lieu sec, & bien couuert cōme au parauant. Et vne heure apres, ou plus tu te pourras lever: mais que tu te tiennes bien vestu, & chaudement sans sortir de la maison de douze iours, sinon quil fist beau temps, bien sec, & chaud.

Et si tu as quelque playe en quelque lieu que ce soit, ne fais autre chose, sinon la laver souvent iour & nuict avec vn linge blanc & net, & quil soit embu & trempé dedens ladite eaue iusques à ce que ladite

s s playe

playe soit guerie. Et tout cela est quant à leaue pour faire suer, & faire bonne operation.

*La seconde eaue pour boire
aux repasts.*

TV prendras le bois de la premiere eaue que feras seicher à lombre, & prédras vne once dudit bois nouveautail-
lé, que mettras en vn autre pot semblable à l'autre; & le feras cuire en la forme & maniere que ha esté dit de l'autre, le tenant tousiours bien couuert. Puis quand ladite eaue sera nette comme la premiere, tu la boiras aux repasts. Et tant plus en boiras, & meilleur sera: & fault quelle soit vn peu chaude. Et pource que la premiere eaue ha plus de vertu, seroit meilleur den vser. Ce sera à ta discretion, & vouloir.

La Diette & raison de viure.

PRemierement faudra manger deux fois le iour seulement, & ce bien tem-
pement, & plus legerement, que autre-
ment. Et vseras de toutes bonnes viandes, cōme chapons, & autres semblables poul-
lailles, non rosties, ains seulement bouil-
lies & sans sel; en faisant potages ytiles à
lestomach.

De labstinence.

SVs toutes choses te garderas de toucher à femmes, par l'espace de quarante iours, & plus, s'il est possible : & ne faillir pas, sus peine de danger grand.

Tu rabstiendras du tout de poisson de sel, & de choses salées : de vinaigre, de fruit verd, & humide : de chair de cheureau, & de bœuf.

D'autre bruuage ne vseras fors de leaue dessuédite : sinon que tu fusses si foible & debile qu'il ne te fust possible supporter : en ce cas (& apres quinze iours passez) tu pourrois boire du vin meslé avec ladite seconde eue. Mais pourtant seroit meilleur (s'il estoit possible) boire ladite eue pure par l'espace de quarante iours pour faire mieux suer : mais si tu suois deux fois le iour, cest auoir, vne fois au matin & l'autre au soir, ce seroit assez de l'espace de 24. iours. Il sera meilleur, & fault (si possible est) faire ladite eue, la renouellant par chacun iour, pource que estât gardée deux iours elle perd plus de sa force, que si on la gardoit seulement vn iour. Dont vous la ferez ainsi que congnoitrez la maladie en auoir besoin. Quand le matin auras sué, ou sus le iour, tu demoureras apres & te contiend

tiendras dedens le liēt trois heures sans
^{ne} ne boire. Aux repasts pourras man-
 ger de ^{cuisse} douces & cordiales tant
 quil te plaira sans ^{nuire} nuire le corps.

*Quelz seront les signes en la
 curation.*

PRemierement au premier iour iusques
 au septieme, tu sentiras grandes dou-
 leurs tous les iours par la vertu quil ha pleu
 à Dieu donner. à cestedite eau de pene-
 trer, & chercher iusques au profond & se-
 cret de toutes les particules du corps. Puis
 dudit septieme iusques au quinzieme, lesdi-
 tes douleurs iront tousiours en diminuant
 par chacun iour. Et ledit quinzieme efflux
 & passé te viendra grand appetit de man-
 ger. Et de ce est la cause, pource que nature
 offensee de mauuaises humeurs qui l'empes-
 choient de faire sa vraye fonction & deu-
 office sera despeschee, & reprendra ses for-
 ces & vertu. Mais en ceci conuiendra bien
 aduiser que ne manges selon lardeur de
 ton appetit, ains moderement iusques au
 huitieme iour apres. Car ladite eau re-
 straint le ventre pour sa faculté adstrictiue.
 Ainsi pendant cesdits huit iours que feras
 peu doperation du ventre, pourras prendre

au matin quelques Clysteres de l'ordonnance que ci apres sensuit, si tu vois que, besoin en soit.

Clystere.

Prens la decoction deaue de Cichoree, de bourrages, apres de lhuile, & miel, & en feras vn clystere.

Il ne fault ny deuant ny apres vsr d'autres autres Medecines. Car Dieu nostre souuerain maistre & Seigneur ha donne telle vertu & faculté à ladite racine quelle est suffisante à faire que par sa diuine operation toutes maladies pourront estre curees & gueries, comme verole, gouttes, vlceres grans & malins, fieures tierces, & beaucoup d'autres maladies grâdes qui suruiennent souuent à ce poure corps corruptible, & mortel.

Les choses dessusdites ont esté approuuees, & experimêtees par plusieurs. Et mesmement par Thomas Maglit, qui ha escrit la presente ordonnance, en lan 1539. au mois de Septembre en la ville d'Anuers, layant eüe de son maistre Ruys Fernandes, qui par la grande vertu de ceste eae dessusdite en vsant dicelle par quarante iours, & selon la methode & ordre deuant dite ha este guerì sain & net dun mal quil auoit

auoit à vne iambe, ou estoient plusieurs
 pertuis & fistules par l'espace de sept ans
 apres auoir vsé de tous les remedes
 qu'on ha peu trouuer par tou-
 te l'Italie, & qui ny ont
 de rien serui
 ne prou-
 fité.

F I N.



D E
LA RAISON
 DE CVRER PAR
 EVACVATION
 DE SANG.



Autheur Galien.



L fault que ceux, qui sont curieux dextraire sang, se proposent vne chose sus toutes: cest quilz considerent, quelles affections, ou maladies du corps, ont affaire deuacuation. Il fault aussi, quilz considerent autre chose: cest auoir, quelles maladies ont besoing deuacuation, qui est faite par detraction de sang. Car il y ha plusieurs dispositions du corps qui ont besoing deuacuation, mais non pas deuacuation de sang. Tiercement il fault quilz regardent, & iugent, qui sont ceux qui sans interest, & dommage de leur personne peuuent comporter ceste euacuation: pource quil aduient souuent, que la mauuaise dispositiõ du corps requiert apertion de veinemais le malade ne la

la peult receuoir sans danger ou pour la debilité de son aage, ou pour lincommodité de la saison, & du temps, ou pour lin-temperie de la region, ou pour lorifice du ventricule vicié : lequel souuentefois est appellé par abus lestomach. Et nous aussi (à cause de briuereté) vserons en tout ce li-ure de telle appellation. Il se trouue pareillement plusieurs, lesquelz combien que la cure de leur maladie requiere incision de veine, toutefois pour luniuerselle habitude du corps ne sont pour lendurer, ou porter. Et sil y ha quelcun, qui par certaine distinction vueille reigler ce poinct, il fault, quil vienne à la particuliere cōsideration, comme en tout autre ayde, & remede. Or bien tost ie parleray des veines, qui doiuent estre incisees. Car la dispute est ancienne, asauoir mon si cest tout vn de phlebotomer en telle veine, que bon nous semble (& ce, aucuns ont tenu remediabie egalelement à toutes maladies) ou sil y ha grande difference (cōme il semble à Hippocrates, & presque à tout Medecin excellent) d'incizer telle veine, ou telle. En apres ceci debatue ie parleray des intentions, & fins par lesquelles nous pouuons coniecturer la quantité de la phlebotomie. Puis ie declareray, en quelles maladies il fault tirer quantité de sang
tout

tout d'un coup: ou auxquelles la seigneurie re-
teree par intervalles (dite en Grec epaphæ-
resis) est proufitable. Et aussi en quelles
maladies il conuient seigner iusques à syn-
cope, & euanouissement de nature: & en
quelles il fault euitier cela comme vn grand
mal. Donques il est necessaire, que celui
qui se veult ayder du remede, & secours de
phlebotomie, sache toutes ces choses. Et de
tous ces poinçts auons traité en nostre Me-
thode therapeutique, & separement escri-
uant à Erasistrate, pource que sans raison il
reiettoit le remede de phlebotomie. Aussi
auons fait vn autre Liure adressé aux imi-
tateurs d'Erasistrate, qui affirmēt ledit Era-
sistrate auoir vsé de ce secours de seigneurie.
Certainement la cautelle, & finesse d'un tas
de meschâs Sophistes est odieuse: lesquels
combien quilz congnoissent leur menson-
ge, toutefois par vne folle curiosité de cho-
ses nouvelles, veulent introduire fraudu-
lentemente medecines faulses. Et est en eux
si grande ardeur de science vaine, que estâs
ignorans des choses vtils, ilz affirment
par paroles le contraire. L'une de ces erreurs
est aduenue à Chrisippus Cnidius, qui ha
interdit l'incision de la veine de tout reme-
de medicinal. En cela ses disciples l'ont en-
suiui. Mesmement Medius, & Aristogenes,

tous deux personnes de grand renom entre les Grecs. Erasistrate esleué en honneurs plus que les dessusdits, ha adheré à l'opinion de Chrisippus. Apres Erasistrate plusieurs de ses disciples adhererent à ceste opinion : par succession de temps, aucuns d'iceux la delaissèrent, pour la grand honte, quilz auoient de telle resuerie.

Que puis'ie dire autre chose cōtre ceux, qui maintiennent, que Erasistrate reçoit l'usage de phlebotomie, attédu que dedens ses Commentaires il ne l'ordonne en aucune maladie ? Mais ilz arguent en ceste maniere. Il est vray semblable (disent ilz) que puisque Erasistrate ordonne abstinence de manger, comme chose euacuatoire, à plus grand raison il recoiue la phlebotomie. Et ceux qui disent celà, disent aussi, que aux maladies, que Erasistrate curoit par abstinence de manger, il y fault inciser la veine. Parquoy quand icelui Erasistrate écrit en son liure des fieures quil fault vsier d'abstinence de manger aux commencemens des maladies, il sensuit par son dit, que à tous malades fault diminuer le sang : & ses imitateurs pensent pareillement, que cela se doiue faire. O le grand mal, si telle chose est persuadée aux ieunes gens apprenās l'art de Medecine ; & encores plus grand mal
filz

filz nont esgard à plusieurs choses, qui se doiuent obseruer, & distinguer en ceste matiere. Il mha donques semblé estre necessaire d'exposer ceci en vn liure particulier, à fin que ie demonstasse aux ieunes gens, que Erasistrate ne vsa iamais de sectiō de veine (il vault mieux, quilz croient celà, que d'inciser la veine sans ordre, & difference à tous ceux, ausquelz Erasistrate enioint abstinēce de manger) & que dicelle procede vn grand relief pour le malade, si on en vse, comme il appartient. Au contraire (selon mon opinion) ie nauois que faire descrire derechef de la phlebotomie, veu que l'usage dicelle ha esté assez par moy exposé en ma methode Therapeutique: pareillement en mon ceuure de la conseruation de santé: ioint, que iay assez confuté les mauuaises opinions cy dessus dites d'Erasistrate, tant au liure, que ie lui ay adressé, que à celui, que ie dedie à ses imitateurs habitans à Rome. Mais par l'importune requeste de mes amis, ausquelz il greuoit, comme il me semble, de lire mon liure de curation, à la fin ay esté contraint de composer ce present ceuure pour satisfaire à leur desir, & euitet suspicion d'enuie, laquelle ie pourrois encourir, si ie les priuois de la matiere de ce liure. Donques

à leur requeste ie diray par ordre conuenante tout ce, qui se peult dire du secours de phlebotomie. Et est temps de commencer mon discours.

Pour quellecho se est pris en ce liure, affection, ou affect. Ce mot, affection, (comme nous auons dit autre part) procedant du verbe Latin *afficere*, sentend de plusieurs choses, aussi bien que son verbe. Mais en tout ce Liure conuertissemens en estat nō naturel, quelz qui soient, seront dits par nous affectz, ou affections. Et demanderons au commencement, combien d'affections, & quelles requierent euacuation.

En apres qui sont celles qui requierent phlebotomie. Mais pource que toutes choses, desquelles on dispute, & sont reuoquees en doute, ont deux organes diuention: cest auoir, raison & experience, & ce non seulement aux arts, mais aussi en tous estats de la vie, ie pense, quil est necessaire, que par raison seule, ou par seule experience, ou par toutes deux ie débattē ce, que iay proposé. Et à loccasion que la raison procedant seulement des communes congnoissances en partie inuentee, & demontree: & en partie aussi reduit en demonstration les choses trouuees par ces intelligences communes, nous auōs démontré, que tous arts vsent de ces deux raisons. Et maintenant celle de ces deux,

deux, qui nous sembleraytile, nous l'accommoderons à nostre propos. Certainement toutes personnes visent en leur vie de la premiere raison dessusdite. De l'autre non pas tous, pource quelle appartient seulement aux artisans. Car le Geometrien demontre le premier theoreme, & speculation de son art seulement par la premiere raison. En apres au second theoreme il nuse pas seulement de ceste là, mais à la demonstration dicelle il adioucte ce, qui est prouué par la premiere. Et autant quil recule de la premiere speculation, autant il s'eslongne de la premiere raison. A la fin il vse de peu d'argumens demontrant autres choses par les choses ia demontrees, & par icelles encores d'autres : & derechef par icelles d'autres : tant que la demonstration procede iusques aux choses, qui sont increables au vulgaire, cestasauoir non seulement à la congnissance de la grandeur du Soleil, de la Lune, & de la terre, mais aussi de leurs distances. Par lesquelles inuentions ilz font les horloges, & clepsydes, & predisent les eclipses du Soleil, & de la Lune. En telle maniere nostre propos procedât par art alleguera plusieurs choses qui sont demontrees aux autres ceuures, comme sont plusieurs facultez, qui gouuernēt les animaux:

desquelles les vnes sont appellees naturelles, les autres animales. Or les cōmencemēs de toute generation ont pour leur matiere les quatre Elemens: lesquelz sont nez pour estre meslez ensemble, & auoir action mutuelle. Parquoy nous ne ferons en ce liure aucune mētion de Asclepiades: les Elemēs duquel iay demōtré estre faux en mon treizieme Commētaire de demōstration, & en mon ceuvre des opiniōs d'Asclepiades: duquel ceuvre le cinquieme, & sixieme liure cōtiennent la cōfutatiō dudit Asclepiades. Iay demontré aussi en mon Commentaire des Elemēs (cōposé selon la sentēce d'Hippocrates) les qualitez efficientes: desquelles les noms sont telz, chaleur, froideur, humidité & siccité. Iay escrit semblablement en ce Liure là de la difference des humeurs, & de leur generation. Plus iay traité au liure des Elemens, & en vn autre particulier des medicamens purgeans toutes humeurs. Ici sera proufitable de traiter des temperamens, suivant ce, quauons autrefois dit des Elemēs. Mais ici sus tout est conuenant mon Liure de repletion: dedens lequel iay demontré, quil y ha deux manieres de plenitude, ou de repletion cest a sauoir plenitude quāt à la vertu: & plenitude, quant aux vaisseaux. Laquelle est appellee des Grecs *catà tò enchi-*

ma. Il sera donc bon, que celui, qui voudra entendre ce que ie traiteray en cest ceuvre, aye premierement leu mon Liure de repletion. Et puis lisant cestui ci, il congnoitra quelle ayde lui aura fait la prelecture de lautre. Et ne fault point, quon sesbahisse, sil fault tât de choses pour congnoitre à bien incizer vne veine. Car la cōgnoissance des choses que iay dites par ci deuant, nest seulement nécessaire à linnētion du secours phlebotomique : mais aussi à lart vniuersel de la Medecine. Et si nous pouuions bien curer sans la notice de ces choses, il ne seroit besoin faire tel-cas delles. Mais il ha fallu faire tel preambule. Il est maintenant temps dentrer en matiere, cōsiderant, combien il y ha daffections requerantes euacuation. Donques si quelcun les ha toutes cōgues par experiēce, & les vueille exposer, il nest besoin que de memoire à lexplication dicelles. Mais sil y veult proceder par voye raisonnable, il fault quil trouue par sa demōstration le commun, & le general. De la distinction dicelui iusques aux extremes espèces & differences, il faut chercher le nombre des affects demontrāt vacuation. Ie montreray, que tel est le fondement de toutes choses, qui ont inuētion & se trouuent par voye raisonnable. Par

ainſi, ſi loſſice dun Medecin eſt de recou-
 urer toutes les fonctions des parties du
 corps, ſi elles ſont corrompues: & les mainte-
 nir, ſi elles ſont entieres, attendu que ceſdi-
 tes fonctions enſuiuent la coſtitution na-
 turelle, il la fault conſeruer, quand elle eſt en
 ſon entier: & la reparer, quand elle ſe perd.
 Parquoy puis que il ha eſté montré, que les
 principales actions ſont faites par les corps
 ſimilaires: & les ſecondes actions par les
 corps instrumentaires, il te fault voir, quel-
 le vtilité ou dommage, portent au corps les
 humeurs, qui ſont contenues en icelui.

Et puis que nous auōs démontré en no-
 ſtre liure de Repletion, que icelle ſe fait, &
 eſt dite en deux ſortes, ceſta ſauoir que par
 vne ſignification elle ſe refere aux forces
 du corps: par lautre à la laxité des vaiſ-
 ſeaux contenant les humeurs, à lune, & à
 lautre choſe il eſt beſoing deuacuation, ſoit
 en vn homme ſain, ſoit en vn maladiſ. Cer-
 tainement tout ny plus ny moins quun
 homme, qui porte vn faix, ne tombe pas in-
 continent ſouſ icelui, combien quil ſoit
 greué, & fatigué: en ceſte maniere il ſe peut
 faire, quune perſonne ne ſoit pas malade,
 combiē que la repletion ha greué la vertu.
 Car aucuns, qui font leur labour acoutu-
 mé, ſe ſentent quelquefois greué, laſſez, &
 peſans.

pesans. Et telle plénitude est dite selon la vertu, comme quand apres quelque exercice nous sentons quelque tension, comme ha dit Erasistratus : en sorte que noz bras sont replets, cest grand signe de lautre repletion : cest auoir qui consiste en humeurs diffuses par les vaisseaux. Mais nous auons dit en nostre Liure de la conseruation de la santé, que quand vn sentiment vlcereux prouient en tout le corps, principalement quand nous nous mouuons, tel affect est produit de mauuais suc. Toutefois cela aduiert souuét aussi à ceux qui ne font que leur labeur : ou exercice accoutumé. Et quelquefois en aucunes parties du corps (non pas en toute la masse diceluy) indices de telles affectiōs aduiennent semblables à celles là, qui coutumierement consistent en tout le corps. Car aucunes fois nous sentons seulemēt nostre teste greuee, & pesante, ou auoir quelque affectiō vlcereuse, ou les muscles des temples estre estendus : & celà simplement, ou avec plus grande chaleur. Pareillement nous sentons souuent vne grauité au foye, à la ratelle, au ventre, au diaphragme, & aux costes. Aussi sentōs nous à lorifice du ventricule quelque grauité, mordicatiō, enuie de vomir, fascherie, & abhorrissement de viandes, ou quelque

t s appetit

appetit desordonné, & follement conceu. Dauantage les douleurs fixes & permanentes en quelque part (& ce pour labondance dhumeurs defluentes tout à vn coup: ou pour leſprit flatueux) demontrent vacuation eſtre neceſſaire comme ſont les douleurs, qui procedent de quelque humeur acce, & mordicante. Il y ha aucunes douleurs, qui naiſſent dintemperance: entre ceux là il y en ha certaines, qui viennent dintemperance ſeule, ſans humeurs: les autres avec humeur. En ces maux prochainement recitez les euacuations dhumeurs, ou vapeurs deliurét l'homme de paſſion. Toutefois il neſt pas totalement beſoin dinſiſion de veine: mais purgation, friction, baing, & inonction ſuffit avec vn médicament digerent. Donques après ceci il nous fault dire, quelz affects reçoient ayde par veines incizees.

Le ſang ne nourrit pas ſeulement les parties du corps, mais la chaleur naturelle eſt auſſi maintenue par icelui: comme dun feu eſprins de bon bois toute vne maiſon eſt eſchauffee. Ce feu eſt aucunesfois ſuffoqué par trop grand abondance de bois: aucunesfois nō par trop de bois mais par trop verd, & humide: aucunesfois par faulte de bois, ou par trop petite quantité. Ainſi la

chaleur, qui est au cœur, aucunefois est diminuée ou par trop grande affluence de sang, ou par trop grande faulte, ou par qualité froide, aucunefois est augmentée, ou par trop chaude qualité de sang, ou par deffault dicelui. Or quelque chose que souffre le cœur en trop grande froideur, ou chaleur, incontinent les autres parties du corps s'en sentent. Mais il aduient souuent en quelque partie chaleur, ou froideur outre nature, comme nous auons démontré en aucuns de nos autres commentaires. Et cela prouient de deux raisons : cest auoir par humeurs chaudes, ou froides, ou par seule intemperie. Mais les chaleurs, ou froideurs, qui suruenient particulièrement à quelques membres, alterent les parties prochaines : & pourtant sans dommager premier le cœur ne se peuvent estendre par le corps vniuersellement. Par semblable sorte le cœur peut estre vicié en deux façons : cest auoir par intemperie, aussi par humeurs chaudes, ou froides, ou par le deffault daucunes dicelles. Dauantage nous auons démontré, que les humeurs se font froides, ou chaudes par le moyen du manger & du boire, & par le grand mouuement : ou repos du corps, & de l'ame. Mais tout ainsi quil se fait de mauuaises digestions, ou concoctions dedens le

ventre

ventre, pource que les choses, que nous auons prinſes par la bouche ſont conuerties en phlegme, ou cholere: ou ont receu quelque autre corruption contre nature: ou ſont creües, & demeurent long temps ſans eſtre alterees: ou ſont conuerties en ventofitez: en ceſte ſorte, quand nous ſommes fruſtrez de generation de ſang, les affections des humeurs, qui ſont dedens les Arteres, & veines, ſont ſemblables à celles, qui prouiennent de la mauuiſe diſtion du ventre. Ou pource que toutes choſes chaudes, & humides facilement ſe viennent à pourrir: il ſenſuit neceſſairement, que le nourriſſement, qui eſt diſtribué du ventre, quand il neſt ſurmonté par nature, & neſt conuertí en generation de bon ſang, il eſt ſubiet à diuerſes pourritures. Et eſt certain, que ce, qui ſe pourrit de matiere chaude, deuiet plus chaud: parquoy quand le ſang ſe viét à pourrir, il ſe fait plus chaud, que de coutume.

Et quand il eſt ainſi chaud, la partie, en laquelle il eſt pourri, ſenſiblement vient à eſtre plus chaude. Plus, pource que les parties prochaines des choſes notablement chaudes ſentent chaleur avec elles: ſemblablement tout ce, qui ſera enuiron les parties ainſi diſpoſees, que iay dit, ſera incontinent eſchau

eschauffe: & ce par vne chaleur acre & mordicante: car telle est la chaleur, qui procede de pourriture. Donques si la partie, qui est en ceste sorte eschauffee, est insigne, ou suffisante pour transmettre la chaleur au cœur, à cause quelle est prochaine de lui, ou pour ce quelle est des principales, ou pour ce quelle est chaude, elle eschauffera le cœur, d'autant quil est fort chaud de sa nature propre. Et si vn coup il est ainsi enflammé, ensemble tout le corps de lui facilement seschauffe: tout ainsi quune maison, qui contient vne grand flamme.

Et ceste chaleur est appelée par les Grecs Pyreton: par les Latins, fievre. Mais quelquefois vne grand partie de sang (deuant que venir à putrefaction tombant imperieusement sus quelque partie) elle estant ladite partie, en sorte que son action est perdue, ou luy fait vn bien grand mal. En telle sorte les apoplexies viennent par trop grande quantité de sang confluyente au cerueau. Car si telle quantité tombe en quelque autre partie, elle y fait vne tumeur contre nature. Et de ceste espeece est phlegmone. Mais si le sang est gros, & participe plus de melancholie, la tumeur faite par lui sera scirreuse: sil est phlegmatic, il engendrera oedema: sil est coleric, de lui naistra ce que nous

nous appellons erysipelas. Tu as toutes ces differences bien exprimees es liures maintenant alleguez. Maintenant prenant en ce Liure pour hypotese & supposition les choses, que iay ia demontrees, cest raison que ie demontre consequemment la cause dincizer la veine.

Donques puis quil y ha deux manieres de repletion (il sera bon de commencer en ce point) & lune, qui se refere aux forces, facilement tombe en pourriture, & souuentefois vexant quelque partie, là y excite tumeur contre nature: & lautre repletion selon les vaisseaux souuent incline sus certaines parties, & engendre tumeurs, cause apoplexies & ruyture de veines, il fault diligemment sefforcer de leuacuer, deuant quelle face grand mal à la personne. Dedens mon ceuvre de la conseruation de santé iay declare copieusement la maniere de congnoltre, & guerir ces deux affections. Iay declare aussi en ma methode therapeutique comme il fault proceder en la curacion, si fieure nous assaut, ou sil y ha eiection de sang par trop grande repletion: ou si nous tombons en quelque infirmité dapoplexie. Parquoy ce seroit chose superflue descrire plus amplement de cela. Car si ie repete ice que iay deduit aux traitez dessus nommez,

ie seray contraint de redire deux fois vne chose, & vsr de grand langage. Et en abregeant ce Liure, il madiuedra de ces deux choses lune: cest, ou que par trop grande brieueté ie seray obscur: ou ie delaisseray quelque distinction vtile, & necessaire. Mais pource que à la persuasion, & requeste d'autrui iay commencé ce liure, sil si trouue faulte, ceux en auront la coulpe, qui par leur autorité mont imposé ceste charge.

Aussi sil si trouue fruit, & ie fasse à mon desir, ie leur en quite toute la louenge. Je reuiens derechef à mon propos. A ceux qui sont encores leurs besongnes, & affaires accoutumez, toutefois quelque partie principale, ou tout le corps est en gravité, ou tension, leuacuation est necessaire. Parquoy filz ne sont ny trop ieunes, ny trop vieux, delibere toy de les phlebotomer, obseruant ces choses principalement: cestasauoir, la quantité, & qualité de leur repletion: la fermeté, ou infirmité de leurs forces: en apres la naturelle habitude de tout le corps: la saison du temps: la region: puis enquiers toy de leur vie precedente, & silz ont point vsé dabondance de manger, & boire fort nutritifs: cōgnois leur coutume, & ce quilz ont fait outre coutume, en quelle sorte ilz se sont exercez, quelz excremens ilz ont
euz

euz ou quelz ilz ont retenus. Certes la quantité de lune & lautre repletion sera diffinie par la grandeur, & exprefion de fes propres fignes. Car dautant plus que lhomme fe sent peſant, il eſt dautant plus certain, que la repletiō, qui ſe refere aux forces, eſt creüe. Auſſi quand le ſentimēt de tenſion ſe trouue augmenté, ceſt ſigne, quil y ha autant daccroiffance de lautre repletion. Et congnoitras la qualité de lune & lautre plénitude par les couleurs, te ſouuenāt, que la couleur eſt ſigne des humeurs, ſi le corps eſt moyennement attainr de chaud, ou froid exterieur. Tu congnoitras pareillement ceci par les choſes, qui ſont coniointes à la nature des humeurs.

Car à perſonnes chaudes il aduient par tout le corps vn ſens plus chaud: & aux froides, vn plus froid. Auſſi par les humeurs qui ſont accumulees dedens les veines, eſt engendree tumeur, & affection des vaiſſeaux. Mais les humeurs, qui ſont dedens la chair, excitent vn ſens de peſantur, ou tenſion, & auſſi de chaleur. Or nous auons demonſtré, que linfirmité, ou force des facultez, qui maintiennent noſtre corps, eſt declairee par ſes propres fonctions. Ceſtaſauoir: fonctions arbitraires, ou volontaires comme eſt aux nerfs, & au cerueau, origine diceux nerfs. Ici
par

par les fonctions des Poulx, qui sont aux Arteres, & au Cœur. Mais la tierce faculté, & vertu (qui est la nutritive procedente du Foye) est congneue, ou par bonne nutrition, ou par abolition de nourrissement; ou par bonne couleur, ou mauuaise.

Parquoy si avec les signes de repletiō les facultez naturelles sont en bonne vigueur, & si l'affection est tensiue, tu incizeras la veine sans aucun danger & cela encore plus seurement au phlegmonode. Mais si la repletion est aggrauatiue, ou avec grauité, il ne fault pas tousiours vser de detraction de sang. Car il se peult faire, que cest vn suc crud, & indigest amaisé parmi le corps. Et en ceci il fault auoir esgard diligemment, combien la vertu du corps est robuste, & combien l'humour est froide. Car estant la vertu naturelle dissipee par telz affects, si lors nous vsons de detraction de sang, elle tombe en vn mal extreme, de sorte que par apres elle ne se peult restituer. Et si cela aduient il sensuit vn peril bien grand, principalement si fièvre suruient en estat estiuial, lestomach estant mal disposé, ou tout le corps mol par nature, & humide par temperance. A telles personnes aduient grande digestion, ou resolutiō, & sont subiettes

iettes à soudains euanoüissémés, cōbien que grande fieure ne les tourmente. Mais sil n'est rien de toutes ces choses, & que nous soyōs en yuer, ou que la region soit froide, & pareillement la nature de l'homme froide, à ceux là leuacuation de sang refrigerer tout le corps grieuement : & par ceste griue refrigeratiō leur aduient aucuns symptomes.

Parquoy à ceux, qui sont ainsi disposez, il ne leur fault pas ordōner euacuatiō de sang: mais les fault curer par frottemés, onctions mediocrement eschauffantes, bruuages extenuans, & in incisant la crassitude des humeurs, & eschauffans moyennemēt. Car les choses, qui eschauffent trop puëssamment, dissipent, & affoiblissent les forces trop soudain: de sorte que par apres elles ne suffisent pour soustenir le demourant de la curation. Et par icelles choses souuent la fieure est augmētee, & grand dommage aduient aux forces du corps. Donques le manger, & le boire, qui ont vertu dextenuer, & dincizer la crassitude des humeurs, doiuent eschauffer mediocrement.

Plus, ceux qui sont gueris pour le present du sang reietté de la poitrine, & qui ont toutefois telle façon de corps aux parties du Thorax, & du Poulmō, que pour peu de sang qui là soit assemblé, l'orifice de quelque vaisseau

vaisseau est ouuert, ou rompu, iceux, combien quen eux ne soit aduenu encores aucun symptôme, doiuent estre phlebotomez au commencement du Printemps: & ceux pareillement, qui sont subietz à mal comitial, ou apoplexie. Semblablement si nous congnoissons l'homme estre subiet à quelque autre maladie, cōme est peripneumonie, pleuritide, ou angine, il ne fault pas attendre, que quelque euident symptôme de repletion apparoiſſe: mais est le meilleur de preuenir cela par detraction de sang.

Aussi fault il tous les ans au commencement du Printemps euacuer ceux, ausquelz les hemorrhoides sont retenues, principalement silz sont atrabilaires: & ceux aussi, qui tous les ans en esté sont vexez de maladies plethoriques. Et si cest au Printemps, il en fault autant faire. Il y en ha aucuns, qui ont les yeux imbecilles, & sont subietz à passions scotomatiques, cestadire vertigineuses: & ceux là pareillement doiuent estre phlebotomez au Printemps. Mais est necessaire de regarder premierement, quelles humeurs sont accumulees en eux. Car en aucuns vn suc de colere amere est colligé plus que tout autre suc: en aucuns suc de colere noire, ou phlegme: en autres tous ces sucs egalement sont accumulez: & en iceux le

sang abonde grandement. Tu euacueras tous ceux la comme aussi les podagriques, & arthretiques, au commencement du Printemps: cestasauior, par quelque medicamēt purgeant, ou par diminution de sang. Quāt à moy ien ay guerī plusieurs, qui trois, ou quatre ans par intervalles auoient esté malades de douleurs des pieds. Pour leur guérison, au commencement du Printemps ie les purgeois de leurs humeurs abondantes, ou ie les phlebotomois: & leur ordonnois par apres duser du régime, & attem-

Cest peine perdue de medeciner gēs dissolus de leur bouche. pance en leur viure. Car cest peine perdue, & folie de vouloir curer par purgation, ou phlebotomie gens intemperez, yurongnes, ou gourmās: pource que par l'intemperance de leur vie ilz auassent incontinent grande abondance dhumeurs crues, & indigestes. Parquoy le meilleur est de ne leur toucher aucunement. Mais tu feras beaucoup pour ceux, qui obeissent vولentiers aux preceptes de Medecine, si au commencement du Printemps tu les euacues, & purges, & si par apres tu les reduis à exercices salutaires, & temperé moyen de viure. Ce que ie di ici, sestend à tous ceux, qui peuent estre verez des maladies, desquelles ie parlois maintenant: comme est mal comitial, apoplexie, debilité de cerueau, reiection de sang, & melanc

melancolie. D'auantage, la section de veine ne proufite pas seulement, ou il y ha repletion referee aux forces, ou aux vaisseaux: mais aussi sans plenitude est proufitable au commencement de phlegmon, qui prouient par coup, ou par douleur, ou par debilité des parties: pource que douleur attrait à soy le sang. Et souuent debilité des parties engendre vn phlegmon, sans repletion toutefois du corps. Car iay demontré en mes Commentaires des vertus naturelles, que la partie debile par nature est facilement greuee si quelque peu d'excrement est accumulé en icelle. Aussi que chascque partie ha vertu d'attirer choses à elle propices: & reietter choses nuisantes. Et les choses nuisantes sont doubles: car elles sont en quantité, ou en qualité; Parquoy à l'excretion dicelles toute partie se peult esleuer par les veines prochaines, comme par petis canaux: & combien que ladite partie ne soit greuee par les humeurs en elle contenues, toutefois si ha elle quelque excremens en qualité outre nature. Pareillement si ce, qui est reietté, est sang mauuais, ou autre suc, necessairement il vient en la partie prochaine. Et lors se fait lune des choses, qui sensuiuent:

Cest que premierement le sang cuit, ou corrompu ne ira point en autre partie: ou

fil ne fait ny lun ny lautre, à la fin il tōbera de la seconde partie en vne autre : & puis de ceste là en vne autre, laquelle ne pourra expeller ce, qui redonde en elle. Et cela aduient aux parties, qui ont la vertu excretrice plus imbecille, que nont leurs parties prochaines.

Par ainsi elles ne peuvent reietter sur icelles ce, qui leur est moleste, à cause que pour leur trop grande force elles ne reçoivent rien superflu. Nous auons aussi démontré en noz Commentaires, que non seulement chaque partie du corps reiette son excrement en la partie prochaine, mais que aussi souuent en reçoit. Au contraire, elle en renuoye souuēt : & nen reçoit point. En ce conflict des parties la plus forte, & puissante emporte la victoire. Parquoy les parties plus imbecilles sont les premières surprises des maladies, qui prouiennent des excremens. Sache, que par ceste raison les affects, que nous appellons rheumatiques, sont engédrees, cest auoir estant tout le corps debile (qui est vne espece de mauuaise habitude) & les principales parties dicelui greuees : combien quen elles ayt peu de sang, & quil soit reietté aux parties charneuses de la peau, & expressement aux adenes idoines à receuoir excremens tant
pour

pour laxité de substance, que pource quelles ont les vertus naturelles debiles plus que toutes autres parties, tout ainsi que la graisse. Or estant ainsi, quil y ha (comme il ha esté demontré) quatre vertus naturelles, la premiere attractiue, la seconde retentive, la tierce excretiue, la quarte alteratiue, les adenes, & la chair, ont les trois premieres fort imbecilles, & la quatrieme non guere moindre, que les autres. Apres les adenes est le poulmon, qui est prompt à receuoir fluxion. Il possede trois facultez imbecilles, & ha corps fort lax. En apres est la ratte. Le cerueau aussi est autant, ou plus, que les parties dessusdites, prompt à receuoir fluxion. Mais il ha vn auantage plus que les autres, à cause quil est fait en sorte, que promptement il peut expulser ce, quil reçoit : car il ha de grans ventricules, qui par conduits inclinés en bas sont tost euacuez. Ceux doncq, qui ont le poulmon, la ratte, & cerueau plus robustes par nature, que le genre charneux, cestadire que la chair, en ceux là les fluxions paruiennent aux adenes, & chair, quand toute l'habitude est debilitée, comme il ha accoutumé d'aduénir aux affects rheumatiques. Le scope doncq, & intention de les curer n'est pas euacuation, mais corroboration de tout le corps :

combien que le commencement de les curer doit proceder de la saignée : & si les excremens ont quelque mauuaise qualité, il y fault aussi vser de purgation. En ce corps là il ne fault point attendre aucun symptome de lune ou lautre repletion: cestasauoir grauité ou tension. Par vn mesme moyen nous commençons nostre cure en ceux, qui ont quelque partie fort blessée ou tendente à phlegmon, si nous auons doute, qui doine estre grand. Nous les cōmençons donq à curer par euacuation : cestasauoir ou par quelque medicament purgatoire : ou par incision de veine, ainsi que nous voyons, que lun, ou lautre y est meilleur, & plus conuenant. Nous sommes donq bien, & deüement admonnestez en ceux, qui sont proposez par maniere d'exemple au liure de la Diete des maladies agues, quil est bon de phlebotomer, si la maladie est grande, & si le malade est ieune, & vigoureux. Et mauuaisement dit Menodotus, quil fault vser d'incision de veine seulement en la syndrome plethorique. Car du tout au contraire les scopes de phlebotomer ne comprennent pas repletion, mais la suspiciō de la passion, qui se fait. Car sil apparroit, quelle doine estre grande, nous euacuons le sang, encores quil ny ayt aucun indice de repletion:

& nauons en cela autre egard que à laage, à la force, & à la region: lesquelles choses seules font veües estre recitees en ceux qui sont proposez au liure de la Diete des maladies agues. Car quãd Menodotus ha parlé de la vigueur de laage il ha exclus les enfans, & les vieilles gens. Menodotus en sa distinction des causes de phlebotomer, requiert que celui, auquel on incise la veine, soit vigoureux. Mais il y ha deux poinçts premiers, & principaux, qui nous doiuent induire à la phlebotomie: cestasanoir, la grandeur de la maladie, & la force du malade. Et telle syndrome, non pas la plethorique, deuoit constituer pour la premiere en necessité de phlebotomie: car en icelle lautre est comprinse, comme celle, qui augmente la grandeur de la maladie. Car il ne fault pas euacuer le sang seulement, quand la grãde maladie est ia suruenue: mais aussi quand il est vray semblable, quelle doine aduenir. Car la doctrine d'Hippocrates nous enseigne de preuenir: laquelle dit, que tout ce qui fait bien, & deüement aux maladies aduenues, se doit faire, quand on ha crainte, quelles naduiennent: ou quand elles commencent. Parquoy les scopes de phlebotomie se peuuēt aussi transferer aux sains. Car en iceux il est bon deuacuer le

sang,

sang, quand on se doute de quelque grande maladie, mais en cela il fault tousiours auoir esgard à laage, & à la force. Et par ainsi si aucun est pour tomber en quelque grosse maladie, combien quil nait encore au corps aucun symptome, ie conseille quon lui doit incizer la veine. Et est assez dauoir en esgard à son aage, & à sa force. Parquoy il y ha trois choses, qui nous demontrent, quād la phlebotomie est necessaire, bonne, & seure: cest la grandeur de la maladie presente, ou future: le florissant aage: & la force robuste. Parauēture ce poinct, & particule de laage ha esté negligemment exposée au liure du regime de viure en maladies agues. Car ce nest point assez de dire aage florissant, mais il y fault adiouter celle, qui precede, & celle, qui sensuit: à fin que deux aages soient ostées de nostre distinction: cest auoir laage des enfans, & des vieillards. Mais laage des vieillards peut estre comprins sus ce mot force: car toute personne, qui est en cest aage là, nha aucune force. Et semble aussi à aucuns Medecins, que les enfans nont point de force: mais ilz entendent mal laffaire, comme auons demontre autre part. Donq si nous attendons quelque grand maladie, ou si elle est ia venue, ou si elle commence desia, il est besoin dinc

dincizer la veine ayant esgard à la force, & les enfans seulement exempts. Et di que la distinction de laage est mal mise par celui, qui ha escrit des proposez dedens le liure du regime de viure en maladies agues. Car ces raisons, & scopes sont suffisantes pour l'incision de la veine. Encores quil y ayt si grande abondance dhumeurs crues, quelle prohibe la phlebotomie, toutefois la raison dite nest point reprehensible : car la force de porter phlebotomie y default. Et l'indice, est grand, que telz patients ne peuvent comporter enacuation de sang, quand avec la couleur du corps demontrant abondance de sang il y ha vn poulx inegal : ou en vehemence, & magnitude par inequalité dicelui le poulx est obscur, & petit. Or puis que nous auons diffini les trois causes ou scopes, que nous regardons pour phlebotomer (cestasauoir la grandeur de la maladie presente, imminente, ou commençante : laage florissant : la vigueur de la force, excepté laage des enfans) nous viendrons aux autres signes deuacuer le sang : lesquels plusieurs Medecins sont dadiouuer. Mais ces signes denotent la quantité de la detraction : non pas la detraction du sang. Nous congnoissons donc par la maladie, par laage, par la force, que lon peut enacuer le

le sang. Mais la quantité nécessaire de leuacuation ne se congnoit pas par ceci seulement, ains par autres choses aussi. Comme par la syndrome plethorique, & par la temperie de lair qui nous environne, diuisée en temps, & en lieu : & les choses, qui nous sont aduenues par le passé en la qualité, ou quantité de nostre manger : & en noz excretions, ou commotions faites, ou non faites. Mais la diuersité, qui peult estre en tout cela, sera en apres par nous demontree: à present nous parlerons des indices de lune, & autre repletion : & si lesdits indices apparoissent en vn homme vacant à son trauail accoutumé, asauoir mon si on le doit phlebotomer : ou si cela nest point nécessaire, sans quelque crainte de grand maladie. Quant à ce quil men semble, il ny ha aucun de nous, qui en doute : quand ie conseilloy, mesmement vous, qui auez esté tant de fois presens, que les podagriques, arthetriques, & vexez du mal comitial fussent phlebotomez : ceux aussi qui sont melancoliques, ceux qui ont craché sang long temps, & qui ont en la poitrine forme idoine pour recenoir tel mal : dauantage les vertigineux, & ceux, qui continuellement sont affligez dangine, de peripneumonie, de pleuritides, epatides, ophthalmies vehement

mentes, ou (pour dire en somme) de toute autre grande maladie. A tous ceux là ie pense que le souuerain remede est, de leur diminuer incontinent le sang, apres auoir eu esgard à leur aage, & force. Et si par ci apres ie n'exprime ces choses notamment, si est il besoin tousiours de les entédre : mais à ceux, qui neurent iamais tel accident, & sont de bonne nature, & habitude, vous saluez, que ie leur ordonne deux moyens de euacuation : filz sont intemperans en leur boire, & manger, il leur fault euacuer le sang : & fil sont temperans, on les peult euacuer sans cela : comme est de les froter souuent, les baigner, les faire pourmener, & faire quelque autre exercice : ou par onctions digerantes soudainement oster leur repletion : principalement sil ne semble point, quil y ayt abondance de sang gros. Et tel sang est contumierement melancolique plustot que des humeurs, que lon appelle crues : aussi il est bon de phlebotomer en redondance dhumeur melancolique : ou vser de medicamét purgeant la colere noire. Mais si humeurs crues abondent, deuant que la maladie suruienne, il fault cautelement euacuer : non depuis la fiure suruenue, comme ie tay admonnesté. En ceux ci pour indice tu noteras, quilz ont

ont vne couleur plombine, ou blanche & passe, ne tendant iamais sus le rouge: ilz ont aussi vne inequalité de pouls. Et si telle repletion est fort creüe, alors ilz sentent vne pesanteur de corps, & sont paresseux à tous mouuemens, & à la fin deuiennent tardifs, & presque hebetez despit. Au contraire, si ceux, ausquelz les hemorrhoides sont compressées, ont au corps vn sang assemblé, tu leur incizeras la veine hardiment, encore quilz nayent eu au parauant grand maladie. Car il se peult bien faire, quilz ayent esté en danger dicelle, mais pour leuacuation des hemorrhoides ilz ny sont pas tombez. Plus, si en iceux quelques parties apparoiſſent ayāt mauuaise structure, principalement en la poitrine, il les fault incontinent phlebotomer. Semblable chose se doit faire aux femmes, qui nont leurs menstrues ordinaires: car en icelles ne fault point differer leuacuation, toutefois il nest

Comme il pas necessaire de leur incizer la veine, veñ
faute euacuer la re quon peult süffisamment euacuer leur su-
perfluité perfluité par scarification des malleoles: &
pletio pro aussi les veines incizees aux malleoles, &
cedete de poplites peuent exciter les menstrues. Or
retention il fault euacuer toutes repletions engendrees
de men- de retention de menstree par les iambes, soit
strue. quil faille incizer la veine, ou scarifier. Car
 incision

incision de veine faite en cubitus, ou ylna
ha de coutume de distraire la purgation
des femmes. Dauantage, les femmes blan-
ches ont accoutumé d'assembler dedens le
corps vn sang subtil. Parquoy les scarifica-
tions des malleoles, cestadire des cheuilles
du pied, leur aydent grandement. Mais cel-
les, qui sont noires, se doiuent curer par in-
cision de veine : car elles ont amaisé vn
sang plus gros, & plus melancolique : & en-
core plus sil apparoit, quelles ayent gran-
des veines : ce qui aduient aux maigres, &
aux noires. Mais les grasses, & blanches
ont petites veines : ausquelles il est meilleur
scarifier les malleoles, que d'incizer la vei-
ne : pource quelles ont les veines des iam-
bes petites : & encore quelles fussent phle-
botomees, il ne sort pas de sang assez.
Toutefois la section de la veine n'est pas à
mesprizer, comme si ce n'estoit remede re-
ualloire : attendu que vous mauez veu sou-
uent reprimer par saignée vn grand flux
de sang des narilles. Mais il fault estre dis-
cret en phlebotomie, & ne tirer tant de
sang, que extreme imbecillit de force sen-
suiue : ains seulement il en fault tirer ius-
ques à la quantité que verrons estre raison-
nable & bien moderee : non tant aussi, que
l'impetuosité du sang sortant de la veine
vienne

viennne à deuenir lasche : mais plustot doit demouret viue, & roide en fin de la saignée. Si nous auons flux de sang en la narille dextre, il fault incizer la veine au coude du bras droit : & si cest en la senestre il fault faire cela au bras senestre. Quand cela se fait, il fault aussi lier avec vn lien de laine, ou de linge les extremittez, & appliquer vne ventouse à lhypocondre directement supposé: cestadire du costé mesme de la narille. Faisant ces choses, comme vous sauez, nous auons tousiours estanché le sang, qui sortoit des narilles : & auôs trouué que les medicamens sont de nulle efficace lesquelz aucuns mettent dedens les narilles, ou appliquent au front comme linimens. Ceci, que iay dit maintenant, outre les raisons deuantdites de leuacuation de sang conuainc lopinion de Menodotus, qui pense, que la syndrome appellee plethorique nous admonnest de remede. Car laffection que nous auons dite ci des-

La quan- sus, est totalement contraire à la plethori-
tité du re que. Et à ceste là nous vsons de phleboto-
mede fait mie, non comme de remede euacuatoire,
l'art de mais plustot comme reuulsoire. Or il ny
Medeci- ha rien, qui fasse tant l'art de Medecine
ne conie- coniectural, que la quantité de chacun re-
ctural. mede. Car souuent congnoissant bien, que
le

le temps est de bailler le manger, ou le boire, & icelui chaud, ou froid: toutefois nous ne congnoissons pas seuremēt la quantité, quen deuons bailler. Et telle chose aduient aux medecines purgeantes. Car nous congnoissons tresbien, quil fault bailler à vn malade medecine euacuāte la colere flane, ou noire: ou le phlegme, ou le xcrement se-reux: mais nous ne sauons, combien il en fault bailler. Et qui est le pis, si nous en baillons plus quil nen fault, cela ne se peut corriger, ou amender. Car nous ne pouuōs faire, que la medecine, qui est yne fois deuoree, ne soit toute deuoree, & nest possible den retirer quelque partie, quand elle purge plus lhomme, quil ne doit estre purgē. Mais le bien est grand de lincision de veine, & euacuation de sang: cest, que vous pouuez reprimer & arrester de leuacuation, quand vous voulez: & derechef en tirez tant quil vous plait, & en tel temps que bon vous semble, iusques à ce que laffaire se porte bien. Parquoy mieux vault, sil ny ha quelque cause vrgēte, pour le premier coup tirer peu de sang: & puis reīterer la phlebotomie, ou iusques à la troisieme fois.

Et ainsi quand il est besoin de grande euacuation, & que la force du malade est imbecille, il cōuient mespartir leuacuation

en diuers interualles : comme vous m'au-
 vez fait en ceux , qui auoient abondance
 d'humeurs crues. Apres vn peu de ſang tiré,
 incontinent ie leur baille du melicrat bien
 cuit, avec quelque medicamēt incifif, com-
 me eſt hiſſope, origane, & quelquefois ne-
 pita, ou pulegie: ou avec melicrate ie baille
 de l'oximel, ou oxyglycy : & en ceſte ſorte
 ie diminue le ſang derechef : aucunesfois
 tout en vn meſme iour , aucunesfois le len-
 demain : & lors baillant aucun des medica-
 mens deſſuſdits, derechef ie tire quelque
 partie de ſang , & ſemblablement le tiers
 iour deux fois. Mais quand il y ha vne ple-
 nitude de ſang bouillant , enflammant vne
 fièvre agüe , incontinent & tout d'un coup
 ſans reſiter il la fault euacuer, iuſques à
 euanouiſſement : touteſois la force du pa-
 tient premierement doit eſtre congneue.

Et ſus ceci i'ay ſouuenance, que à aucuns
 il ha eſté tiré ſoudainement ſix cotyles de
 ſang le lendemain du commencement de
 leur maladie , ou le tiers , ou le quatrieme
 iour, & aucunesfois le premier, quand la fi-
 èvre cōmençoit ſus la nuit, ou à la minuit
 & ce, que le patient auoit mangé le iour de
 deuant, eſtoit bien cuit, & digeré. I'ay me-
 moire auſſi, d'auoir phlebotomé aucuns, le
 iour ſuiuant la nuit que la fièvre les auoit
 prins,

prins, si le iour deuant ilz se estoient plains
 de quelque inégalité, ou sueur, ou douleur
 de teste ou autre partie, & pour ces causes
 auoient peu mangé. Car il fault euacuer
 tout incontinent ceux ausquelz est abon-
 dance de sang bouillant, deuant quil se iette
 en quelque partie principale du corps. Par- *La phle-*
 quoy, ne crains point de phlebotomer là *bтомie*
 nuict. Car cest folie de faire, comme aucuns, *se peut*
 qui ne veulent phlebotomer, que depuis *faire à*
 deux heures du iour iusques à cinq, ou à six *toutes*
 tant seulement, & nō point à autres heures *heures.*
 du iour: contre lesquelz ie me courrouce-
 rois plus fort, si ie sauois quilz ne bailla-
 sent clysteres, le manger, & autres remedes
 à toutes heures. Mais pource, quilz font
 toutes choses sans temps prefix, ou obser-
 uation dheures, & baillēt remede en toutes
 maladies, selon que la necessité le requiert,
 silz obseruent quelque temps en la phlebo-
 tomie seulement, leur erreur est tolerable.
 Donques la personne malade, comme iay
 dit, il est bon de la saigner iusques à eua-
 nouissement. Car ien ay congnu aucuns,
 qui ont esté refrigerez par telle vehemente
 saignée: & apres que les humeurs estoient
 diffuses par tout le corps & le ventre par
 vne impetuosité purgée, ilz estoient gueris
 da tout. En ceste curation il est vtile de
 x 2 prendre

En phlebotomie il fault raser souvent le poulx. prendre esgard à la diminution du poulx, le tastant souvent ainsi qu'on saigne le patient: comme aussi on doit faire à tous malades, quand on les saigne, de peur que par nostre inadvertence la mort ne les surprenne au lieu denouissement: lequel accidēt iay veu aduenir à trois Medecins.

Lun d'eux incisoit la veine à vne femme febricitante, les autres deux à vn homme, & tous trois reduirēt leurs patients en si grād syncope, ou euanoissement, quilz ne peurent recouurer leur force. Parquoy cest le plus seur de sabstenir de si copieuse vacuation, si necessité extreme ne nous y contraint. Pareillement, quant à la reuulsion (qui est vn grand secours, & duquel souuēt nous vsons en section de veine) dautant plus, quelle se fait en particulieres detractions, dautāt plus elle est efficace, & vtile. Et voila ce quil fault congnoitre en phlebotomie. Or derechef retournant à nostre speculation proposée nous declairerōs les choses, que congnoissons estre grandemēt necessaires à ceux, qui sans dāger, ou dommage des patients voudront vsr de phlebotomie. En premier lieu il conuient sauoir, que quand les scopes proposez de ce remede se augmentēt, & croissent, que alors plus grāde euacuation est demontree: mais
quand

quand lesdits scopes se diminuent, autant doit estre diminué de la phlebotomie, cōme la cause nen est pas grande. Donques la grandeur de la maladie, & la vigueur de la force sont les premiers scopes de phlebotomie : le premier point nous enseigne ce, que deuous faire: & lautre nempesche le premier: ce que aucū ieunes Medecins appellent secōde indication, ou coindication. Car quelquefois lassectiō nous admōnest deuiacuer le sang, mais la debilité de la force ne le permet. Or si ces deux scopes sont presens, il est certain, quil ny ha aucune tāt grande, ou telle plenitude dhumeurs crues, qui puisse inhiber ce remede, cōme dessus ha esté dit. Puis il fault considerer, quelle est la temperie de lhomme : car il fault eua-cuer plus copieusement ceux, qui ont les veines amples, & qui sont moyennement maigres, noirs, & de chair dure : & les contraires diceux fault phlebotomer moins: car ilz ont peu de sang, & la chair facilement transpirable. Pour ceste raison il ne fault inciser la veine aux enfans iusques au quatorzieme an : apres lequel sil apparoit, quil y ayt grand amas de sang, & que ce soit au printemps, & que la regiō soit bien temperce de nature, & les enfans bien sanguins, tu pourras leur diminuer le sang:

principalemēt filz ſont ſubiētz à peripneumonie, ou angine, ou pleuritide, ou autre maladie ague, & grieue. Et au commencement tu leur tireras du ſang iuſques à vne cotyle pour le plus. Puis ſi tu congnois en conſiderāt leur force, quilz ne ſoient en rien dcбилitez, reīterāt la phlebotomie tu y adiouteras demie cotyle. En ceci il nous fault aſſeurer ſus là vehemence du poulx avec equalité, & magnitude: car ceſt le vray ſigne, & indice de la force vigoreuſe. Parquoy ſi vn ſeptuagenaire ha tel poulx, & que laſſection le requiere, tu le pourras ſeulement phlebotomer. Car il y ha pluſieurs vieillards de tel aage, qui ont beaucoup de ſang, & ſont encore roides & puiſſans: comme il y ha dautres, qui ſont ſecs, & de peu de ſang, & incontinent deſſeichez en quelque partie, quon les bleſſe. Par ainſi donques tu ne regarderas pas ſeulement aux ans (comme font aucuns) mais auſſi à lhabitude du corps. Car il y en ha, qui ne peuvent ſupporter la ſaignee à ſoixante ans: & les autres la ſupportēt bien à ſeptāte. Toutefois à ceux ci tireras touſiours moins de ſang, encores quilz euſſent telle diſpoſitiō, cōme vn corps ieune, & en aage florissant. Et eſt tresbō de prenoir toutes ces choſes, deuāt que dōuvrir la veine: principalement

aux hemorroïdes supprimees, & à la purgation de la femme. Car la veine incizee, quād le sang sort, il fault speculer diligemment la mutatiō dicelui (& principalemēt quand le phlegmon est prochain) fault regarder aussi la force de la fluxion se rabaisant, & sus tout la mutation du poulx, comme indice certain: & ledit poulx se chāgeāt en grandeur, ou en quelque inequalité, on doit soudainement cesser. Que fault il parler de la mutation en obscurité. Tu as appris en ceste qualité la differēce des forces fermes, & debiles. En ceux, ausquelz est grand phlegmone pres de la veine incizee, il est bon dattendre la mutation du sang & en couleur, & en consistance, comme ha dit Hippocrates en son liure DE ACVTORVM VICTV, quand il parle de pleuritide. Car le sang, qui est au phlegmone, est autre que le naturel, pource quil est plus eschauffē. Car si au parauant il estoit plus crud, lors il est fait plus rouge, & plus flaue, & sil estoit rouge, ou flaue, par adustion il tire sus le noir. Parquoy Hippocrates ha escrit en ceste maniere des pleuritiques. La veine interieure du coude doit estre incizee: & ne fault point, que tu ays crainte de tirer beaucoup de sang, sil sort beaucoup plus rouge, ou plus flaue: ou pour pur, &

rouge il est liuide: car lun, & lautre aduient souuent. Il constitue pour signe du sang prins dun phlegmon, par phlebotomie, quand il y appert mutation audit sang. Toutefois il ne fault pas tousiours attendre ceste mutation: & fault aucunesfois cesser deuant quelle apparaisse: & ce pour deux raisons, cestasauoir pour limbecillité de la force, ou pour la malice du phlegmō: car souuent il nen sort rien, tant est le sang serré la dedens.

Mais si les forces ne sont point debilitées pour leuacuation (ce que congnoistras facilement par le pouls: & si celui, qui ha esté phlebotomé, est ieune, & en fleur daage) il fault attendre la mutation du sang: principalement si l'air enuironnant est temperé.

Il y ha deux choses, pour lesquelles la quantité de leuacuation est gradement coniecturale: cestasauoir, quelle est la nature du patiēt (laquelle nous ne pouuōs tousiours congnoître parfaitement) & quelle sera la temperie de l'air apres la phlebotomie. Car dautant que la chaleur de la fieure consume beaucoup de sang, & si le patient vit en grand abstinence, necessairemēt en peu de iours il nha pas grand nourrissement du sang: & par ainsi sa puissance est abbatue. Or est consommé le sang par la temperie du

du patient chaude, & humide, comme est celle des enfans: ou par l'air de la region chaude, & saison destée. Parquoy nous tirés moins de sang, que la repletion ne nous exorte. Quant à l'âge aux enfans, quant à l'habitude du corps, à tous gens blancs, qui ont la chair molle, & tendre, cōme sont les François: quant à la saison du temps, souz la canicule. Aussi fault il auoir esgard à la region, & habitation. Par autre raison (cōme nous auons dit ci deuant) les choses estant au cōtraire (cesta sauoir aux temps, & lieux froids) nous euitons large & copieuse euacuation: certainement à cause de la refrigeratiō, qui sensuit. Parquoy on nepeult constituer par escript, ny determiner certaine mesure de toutes les euacuatiōs dessusdites. Car iay souuenance auoir veu tirer du sang à aucuns iusques à six liures, de sorte que la fièvre leur passoit incontinent, & ne sensuiuoit debilitation de force. Ien ay veu tirer à d'autres vne liure, & demie seulement: & ce non sans grand detrimēt, & perte de leur force, tant que si on leur en eust tiré iusques à deux liures, ce ne fust pas esté sans mort. Pour cela ien ay tiré proufitablement à aucuns aucunes fois vne liure: & aucunes fois moins: & ce de la veine du coude, ou du iaret, ou du malleole.

*La chair
des François
molle
& tendre.*

*Six liures
de sang
tirés à
un homme.*

Car il ne sort point de sang en grand quantité des veines, qui sont aux grans anglets des yeux, ny de celles, qui sont souz la langue : & n'en sort point aussi en quantité notable, si on phlebotome de la main extreme, ou du pied : ce que pensent aucuns, qui disent la ratelle estre curee par section de veine situee pres le deuxieme petit doigt, de laquelle section nous parlerons plus amplement par ci apres.

Et si ie voulois escrire tout ce, qui ha esté dit par les Medecins de ceste speculation, il seroit besoin d'un liure bien grand dedié à eux. Mais tout ainsi que par ci deuant ie vous ay exposé mon opinion, & la vous ay prouuee par effect, & raisons: aussi feray ie maintenant, commençant aux choses, qui se voyent tous les iours aux maladies. Lesquelles choses ayant bien obseruees Hippocr. il les nous ha laissees par escrit. Et de toutes celles, y ha vn principal poinct : cest que l'eruption de sang qui aduient par rectitude, en Grec cata ixum, est fort proufitable aux malades.

Mais quand il vient autrement, il ne proufite rien, & souuent nuist: car namoin-drissant la maladie il debilité, & abbat la force. Quainfi soit: si la ratelle est enflée, & que le sang vienne par violence à sortir de la

la narille dextre ; cela ne fait aucun prouffit
& autant peu en fait au foye , quand l'eru-
ption se fait par la narille fenestre. Mais
quand la reuulsion est faite directemēt, elle
montre incontinent vne vtilité euidente.
Et si elle n'est ainsi faite , il aduient au con-
traire. Donques si le sang sort de la narille
dextre, en mettāt au dextre hypocondrion
vne ventouse, il est incontinent estanché: &
autant en est, si sort de la partie fenestre, &
que la ventouse soit mise à lhypocondrion
fenestre. Dauantage si à cause de reuulsion
tu incizes la veine aux eruptions de sang
droitement opposites , il se void inconti-
nent vne vtilité toute manifeste. Et si tu
incizes la veine autrement , il ne prouffitera
rien. Pareillement si la ratelle est vexee de
quelque affectiō mauuaise , la veine incizee
environ le doigt , qui est au milieu de la
main fenestre , ne donne pas si grand ayde,
comme la veine interieure du coude. Car
la detraction de sang faite au bras fenestre
ayde fort ceux qui sont malades de la ra-
telle. Mais il est bon de ne tirer pas tout à *Saignee*
vn coup le sang, qu'il faut, mais le cōpartir *est bonne*
en deux iours. Or ie ne puis conceuoir en *à la ma-*
mon cerueau, pour quelles raisons les Me- *ladic de*
decins ne veulent phlebotomer ceux, qui *la ratel-*
sont malades de la ratelle; car iay tousiours *le.*
veu,

veu, que grande vtilité leur en venoit, si seulement vne liure de sang leur estoit tirée. Toutefois la mesure de leuacuation se doit constituer selon les reigles dessusdites. Aussi quant aux pleuristiques si la saignée est faite directement du costé du mal, elle fait secours manifeste : & celle, qui se fait au bras opposite, n'est pas euidentement vtile, & ha son effect apres quelque intervalle.

Pareillemēt la section de la veine, que lon appelle humerale, faite directemēt, ha gueri dedens vne heure souuent grans douleurs d'yeux. Mais en tous affects il est bon de ne parfaire pas la saignée tout en vn coup, ains la reïterer : & ce aucunesfois en vn même iour, si est besoin : aucunesfois le lendemain, sinon quand il fault saigner iusques à euanoüissement, comme dessus ha esté dit. Donques la veine humerale, & celle qui est deriuee d'elle, incizee au coude donne manifeste, & soudain remede au mal des yeux. Et la veine, qui paruient par les aisselles à la iointure du coude, relieue fort la douleur du costé, du poulmon, du diaphragme, de la Ratelle, du Foye, ou ventricule. En ce cas la veine interieure doit estre incizee : si non ceste la, pour le moins celle, qui apparôit proceder dicelle, en la flexion de la iointure. Or auez vous cōgnu ci dessus ceste veine
proced

proceder de l'humerales, connectente icelle. Car trois lieux sont au coude, ou lon peult phlebotomer : cestasauoir, linterieur, lexterieur, & le milieu. Parquoy il est bon de phlebotomer en linterieur, quand les parties de dessouz le col souffrent mal. Et lexterieur est bon en ceux, ausquelz les parties superieures deulent : comme est la face, ou le chef. Quant au milieu, il ha aucunesfois les deux veines diuisees, tendentes en l'alterieure partie du bras, & puis se rassemblantes en ce mesme lieu. Et aucunesfois tout incontinent conuiennent ensemble, cestasauoir à la flexion de la iointure.

De ces deux veines lune est aucunesfois obscure, & difficile à voir : & lautre manifeste.

Parquoy quand la veine, qui est propre à la partie malade, est obscure, & tu viens à quelcune du milieu, tu te dois efforcer dincizer celle, qui est deriuee de la propre. Il nest point defendu aucunesfois dincizer les veines, qui sont au dessouz de la iointure du coude, cestasauoir celles, qui sont en Vl-na; quand celles, qui sont au coude, napparoissent point : mais il fault entendre celles qui viennent de droit à la partie vexee. Et ce remede est tant soudain, & tant cler, que les malades, & les familiers dicieux sen esbahissent souuent. Quelquefois ie fus prie par
hom

Pratique homme riche des fauxbourgs de Romme, faite par que ie visitasse le Gouverneur de sa maison, *Galienus* lequel estoit en danger (comme il disoit) de un, qui deuenir auueugle. Et certainement ia par estoit en vingt iours il auoit enduré grans douleurs. *dāger de* Or le medecin de la famille de cest homme perdre la riche estoit de la secte Erasistratienne, cui- neuz.

tant fort lincision de veine. Apres donques, que ieuz veu le patient, & que ie congus quil estoit ieune homme plein de sang, & quil nauoit encore les yeux vlcerez, mais en iceux estoit vn grand phlegmon, & fluxion grande, & aux deux palpebres vne densité, & en lune dicelles quelques asperitez, desquelles suruenant ceste ablation de veüe, le patient se douloit de plus en plus, & le phlegmon, & fluxion estoient reduites à plus grand malice. Ces choses considerees, & congnoissant la curation du Medecin de la maison, ie dis, que ie ne pouuois venir tous les iours aux fauxbourgs, mais, quil seroit bon, que par trois iours (pour le moins) par petis interualles ie visitasse, & regardasse laffaire du patient. Baillez le moy donques (dy ie lors) si bon vous semble pour trois iours. Mais ie vous prie, quainfi soit, respond le Maistre, & vous remercie grandement de ce bon vouloir; plus, ie suis content, que vous lēmeniez en vostre maison.

Le malade donques y vint enuirõ cinq heures, & pour la premiere detraction ie lui tiray trois liures de sang: & à neuf heures vne autre. Sen trouuant fort bien, ie le fis oindre le lendemain dun Collyre mol, ou il y auoit du vin meslé, comme nous auons de coutume de faire en telle chose: & laplication fut faite souz les palpebres, portant le medicament au hault par la pointe du Specille. Au commencement ie faisois cela le matin: en apres à trois heures: & depuis à neuf: apres lesquelles inonctions deuant le Soleil couché ie le faisois mener au baing. Le iour d'apres, ayant les palpebres rennersees il estoit oinct deux fois: & ce dun Collyre mol, ou il y auoit mistion grande de lautre Collyre, ou il y entre du vin. Et le soir il fut lauë. Le lendemain matin venant aut deuant de son maistre au lieu, ou il z ont accoutumé de descendre de leurs chariots, il le salua les yeux ouuers, & gueris du Phlegmon & la fluxion, lesquelz deux iours au parauant il ne pouoit ouurer à cause de la fluxion, & de la douleur extreme. Et lors la chose sembla estre vn enchantement, de sorte, que le Maistre, & ceux, qui estoient avec lui sesmerueillans de la soudaineté de la cure commencerent à s'escrier. Et si nauions pas fait grand chose autrement

ment, finon à la comparaiſon du Medecin domeſtique, qui par crainte d'incizer la veine, auoit porté grand dommage au malade. Au demeurant il reſtoit de nettoier les denſitez, & aſperitez : qui eſtoient aux palpebres: ce qui ne ſe pouuoit faire ſans médicament fort mordicāt. Mais le patient ne leuſt peu endurer, ſi deuant neuſt eſté purgé. Car auons ſouuent demonſtré, que tous medicamens mordicans, & corroſifs appliquez en aucune partie attirent fluxiō, & ſont vn Plegmon, ſi le corps neſt euacué, & purgé, & deſchargé de tout excrement. Donques ceſt homme riche ayant demandé à celui, qui eſtoit gueri, ſi ceſtoit enchantement, & ayant congnu la cure appelloit ſon gentil Medecin Eraſiſtratien ſanguifuge, en Grec Hæmaphobus: ceſt adire fuyant la ſaignee. Ceſte narration contient l'indication de deux choſes: ceſt, qu'en ces affections il faut incizer la veine: & ce directement aux parties vexees. plus, il neſt beſoin d'incizer les veines humerales, quand les parties plus haultes, que la poitrine ſont malades. Et tout ainſi, que leſdites parties ſont aydees par la veine incizee au coude: pareillement les parties qui ſont plus baiſſes, que icelles, ſont aydees par l'incifion des veines, qui ont leurs cours vers les poplites, & mal-

leoles. Or les parties plus basses, que les dessusdites, sont coxendix, & la matrice, & la vessie. Mais il est douteux, à quelle partie on doit attribuer les reins. Car ilz sont plus bas que les parties, que nous auons premierement dites : & sont plus haults, que celles, desquelles nous auons parlé secondement. Par ainsi aucuns trouuent bonne la saignée faite au coude, quand le Phlegmon est recent, & quil y ha abondance de sang. Mais en ceux, qui sont vexez de ceste paisiõ, que lon appelle proprement Nephritis, il est bon dincizer la veine, qui est au Poplite, ou au Malleoles. Dauantage, les inflammations de la Matrice sont plus aydees par lincizion des veines de la iambe, que les inflammations des reins. Car les euacuations, qui se font par le coude, ont vn mal avec elles: cest quelles compriment les purgations menstrues, & retirét le sang aux superieures parties du corps. Et celles qui se font aux iambes, non seulement elle ne retire pas le sang, *Remedes utiles à prouquer les menstrues.* mais aussi prouquent les menstrues aux femmes. Ce que si tu veulx faire, il le fault faire trois, ou quatre iours deuant, quelles doiuent auoir leur temps, ou par incizion de veine, ou par scarification des Malleoles dune iambe, en euacuant peu. Et le lendemain en feras autāt en lautte iambe, & qua-

tre ou cinq iours deuant cela il leur fault ordonner dufer de viandes extenuantes, & viure sobrement.

Du viure extenuant nous en auons escrit vn liure à part. Quant aux menstres des femmes la nepite & pulegie les prouoquent abondamment. Et les fault bailler cuites avec Melicrate : mais deuant que les mesler avec le Melicrate, il fault quelles soient seiches, pillees, & criblees en vn crible fort subtil : & derechef les fault piler, tât quelles semblent estre farine : & ainsi les mesler avec la Melicrate. Pour prendre ce bruuage le temps est bon, quand elles sortent du baing enueloppées en vn linceul. Et ces medicamens sont doux, & moderez. La Sanine, & le Di Etame sont de vertu plus puissante : mais elles se prennent toutes dune sorte, & ont vñage pareil. En ce mesme temps dessusdit, en baille vn medicament, qui est dit proprement; Amar, qui ha cent drachmes d'Aloes, & y entre de tous autres medicamens de chacun fix : & lors est fort bon quand il est meslé avec du Cinnamoine. Mais ie di ces choses en passant, combien quelles ne sont point hors de propos, car elles proufítent au flux de sang de la Matrice, avec euacuation faite aux iambes en scarifiant les Malleoles, ou incizant la veine au talõ, ou au Poplite.

Il me souuient dauoir curé les ischiades, ou
coxendices faisant en vn iour euacuatiõ de
la iabe: cestasauior, quand elles ne prouien-
nent point de froid, mais des veines rem-
plies de sang, lesquelles sont en coxendix,
ou ischion. Et à ceux, qui ont telle maladie,
il est meilleur dincizer la veine au Poplite,
que au Malleõle: & la scarificatiõ ny prou-
fite rien du tout. Dauantage pour dire en
somme, il fault euacuer par reuulsion les
phlegmons cõmençans: mais ceux, qui sont
inueterez il les fault curer par les parties ma-
lades, sil est possible, ou par leurs prochai-
nes. Car il est bon, quand ilz commencent,
de diuertir ce, qui influe: & quand ilz sont
inueterez, il fault euacuer ce, qui est adhé-
rant, & conioint à la partie malade. Et ceste
euacuatiõ se fera fort bien par les veines, qui
procedēt de celles, qui sont situées aux par-
ties vexées. Et de cela nous certifie lexpe-
rience. Parquoy pour guerir les grans phle-
gmons, ou inflammations, qui sont au Go-
zier, & à l'Artere, il fault au commencement
ouurir la veine au coude: & apres le com-
mencement en la langue, incizant les deux
veines, qui sont en ceste partie. En telle sor-
te est curé aux yeux le remanant des phle-
gmons endurci, en incizant la veine, qui va
au grand anglet. La veine aussi incizée au

front relieue fort les grauitez , & douleurs inueterées en la teste par trop grande repletion. Mais quand ces douleurs cōmencent, ou quand elles sont en leur grand vigueur, vne retractiō est bonne faite au col par vne ventouse seule , ou avec scarification. Et le meilleur est deuacuer deuant tout le corps. Par vne mesme raison il fault reprimer les douleurs, qui cōmencēt, ou sont en vigueur au derriere de la teste, par inciziō de la veine du front. Car on ne doit plus vser de reuulsions avec euacuation au cōmencement des fluxions. Mais quand les fluxions sont faites, lors on doit euacuer des parties malades, ou des prochaines dicelles, cōme aux phlegmōs qui approchent de la nature dun scirrhe. Il est bon pareillement deuacuer au Printemps les corps, qui ne sont encore mal disposez : ientens filz sont subietz tous les ans l'Esté à fieures : & en iceux toute partie est bonne à la saignee: cōme en vn arthretiq̃ malade de tous les articles de son corps. Mais si deuant que destre euacué , quelque partie viēt à estre malade, il n'est pas bon de faire euacuation en toute partie sans faire difference : & y fault proceder , comme en ceux , qui cōmencent à estre malades. Euacue donq par le coude les Podagriques: & ceux , qui sont subietz au mal comitial , &

vertig

vertigines, euacue les plustot par les iambes. Et si les hemorroïdes retenues requierent phlebotomie, si tu les veux reprimer dauantage, il fault saigner aux veines du bras: si tu les veux prouoquer, il fault incizer les veines qui sont aux iambes. Mais à celles qui nont leurs menstrues, tousiours fault phlebotomer aux iambes. Mais il y ha difference, quant aux hemorroïdes, & aux menstrues. Aucuns desirent estre gueris des hemorroïdes: les autres sont bien aises de les auoir. Il nest pas ainsi aux menstrues, car on craint leuacuation des hemorroïdes, de peur quelle ne vienne à fluxion si grande, quelle tue lhomme incontinent: ou quelle le rende hydropique, ou cachetique, cest à dire de mauuaise habitude. Mais il naduient rien de cela aux menstrues, car cest purgation naturelle. Toutefois il aduient aucunes fois, que par erosiō le sang sort de la matrice: & en cela il y ha diuerse raison de cure. Car il ny fault pas souffrir sortir le sang, cōme aux menstrues, mais il le fault estancher, & arrester du tout. Or en toutes ces maladies il est besoin, q̄ ceux, qui phlebotoment au Printēps, gardent vne maxime, cest quilz fassent euacuation par reuulsion, silz ont quelque partie à curer grandemēt debile, & infirme, sus laquelle la plenitude incline.

Mais si n'est rien de cela, il peuvent euacuer par partie telle, que bon leur semblera : excepté en retention d'hémorroïdes, ou menstrues, comme nous auons dit ci deuant. Mais il seroit bon de faire ici vn epilogue des choses, que nous auons ia traitees : & si y ha quelque point mal distingué, le distin-

Il ne faut guer plus apertement. Il fault donc, que
point ob- tu entendes en vniuersel, quen la phlebot-
seruer le mie il n'est point necessaire d'observer le
nombre des nombre des iours, come aucuns ont escrit :
iours en & autres follemēt ont dit de la reuolution
la phlebo du troisieme iour, quand on ha quelque
tomie. congnoissance (comme ilz disent) quel est
 le mal en sa forme, en ses manieres, & en
 toute sa nature. Les autres diffinissent pour
 le plus long terme de saigner le quatrieme
 iour : dedens lequel ilz permettent aussi la
 phlebotomie pouuoir estre baillee aux in-
 terualles des paroxysmes à tel iour que
 voudras. Les autres se hastent de phleboto-
 mer, quand ilz pensent, que la detraction de
 sang est bonne, ledit sang transluant en-
 core, & ne s'arrestant fermement en partie
 disposee pour receuoir superfluité. Et ces
 derniers ci considerent seulement vne cho-
 se, a sauoir mon, si y ha point de corruptiō
 de la viande, qui se doit cuire dedés le ven-
 tre : ou si la digestion est tardieue, ou si y
 ha

ha point de viande retenue dedens le ventre. Leur precepte est bon & les fault croire, que soudaine phlebotomie est bonne, si on ne congnoit, que la digestion ne se fait: ou quil y ayt quelque suc demi cuits retenus dedens les premieres veines. Mais pour ce que lon attend souuent le cinquieme, ou fixieme iour depuis le commencement de la maladie deuant que de nous appeller à la cure, nonobstant cela il sera bon de phlebotomer, encore que le temps en soit passé. Car en quelconque iour que tu verras les scopes de phlebotomer, ayde toy de ce remede, oui encore quil y eust vingt iours, que la maladie fust commencee. Mais qui serót les scopes, cest adire les fins, & raisons, qui nous induiront à ceste phlebotomie? La vehemence de la maladie, & la vigueur de la force, excepté le ieune aage, & lair fort chaud nous environnant. Aussi il adient, que par succession de temps en plusieurs maladies la vertu se resoult, & ainsi se perd loccasion de phlebotomer par le nombre des iours: non pas que cela se doive referer au temps, mais à quelque chose intercedente, comme est la diminution des forces. Parquoy si nous voyons, que deux iours ensuiuans le commencement de la maladie la force du patient est abbatue, nous

nous deuons garder d'incizer la veine. Pareillement nous nous deuons garder de phlebotomer le iour, que la fieure decline: ce que aucuns ne cōgnoissent pas, qui pensent, que la veine se doit incizer seulement au matin, ou pour le plus tard à cinq, ou à fix heures. Mais si aucun ha memoire de ce, que iay dit en tout ce liure, il ne sera point de ceste obseruation, & phlebotomera à toutes heures du iour, moyennant quil ayt esgard à la declination du recours de la fieure. Or en ceux, qui ont lippitude d'yeux, cestadire ophthalmie, ou quelque autre semblable sans fieure, si nous vsons du remede de phlebotomie, il ne fault pas seulement obseruer la declination de la fieure passée, mais il conuient considerer la vehemence de la douleur, ou du phlegmon, ou de toute l'affection, ou disposition, en laquelle il fault incizer la veine. Et si nul de tous ces accidens ne nous presse, ou fasse differer la saignee, il est bon d'incizer la veine le matin, non pas incontînēt que le malade est resueillé, mais enuiron vne heure apres. Iay aussi dit; quil est bon de vser en aucuns de baing. Et si cela est vray, il est bon aussi de se pourmener au parauant que estre phlebotomé. Pareillement si au Printemps nous incisons la veine à quelcun de

pour

Il nest pas bõ de saigner incōtinēt apres le dormir.

peur de fieure, ou autre maladie, ie say, que
 iay phlebotomé aucuns, apres quilz auoient
 vacqué à leurs affaires, & occupations ac-
 coutumees, soit à l'estude, ou à la boutique,
 ou au marché, ou en leur mesnage. Et si
 nous euacuons simplement, il fault que le
 temps de la detraction reïteree soit tout en
 vn iour : mais en ceux, ausquelz nous vsons
 de reuulsion, si nous vsons de detraction
 par deux iours diuers, ce sera le meilleur.
 Plus, en toute phlebotomie prenstoufiours
 garde à la force du patient, en lui tastant
 incessammét les arteres. Car il-y en ha dau-
 cuns tant faciles à souffrir, & tant delicats
 de nature, quilz ne peuuent porter grande
 euacuation. Et en tel cas il fault le premier
 iour de la saignée refociller le patient, & le
 lendemain le phlebotomer derechef. Quât
 à ce que les anciens appellét les arteres vei-
 nes, cela ha esté demontré par nous en au-
 tre lieu : & deuant nous autres l'ont sceu.
 Pour ceste cause, & pour l'affinité des disci-
 plines, pour le plus bref il me semble, que ie
 ne dois point composer vn liure de la se-
 ction de l'artere, mais i'oiindre cela au pro-
 pos de la phlebotomie, ou section de veine :
 & ce principalement en la partie, en laquel-
 le nous considerons, quelles veines se doi-
 uent incizer pour l'affection daucuns lieux.

*L'appella-
 tio des ar-
 teres &
 veines est
 souuēt in-
 differēte.*

Car tout ainsi que nous incizons aucunes veines pour aucunes parties vexees, aussi les Medecins ont de coutume d'incizer les arteres, qui sont aux temples, & derriere les oreilles. C'est a sauoir aux temples, quant aucunes fluxions chaudes, & spiritueuses infestent les yeux. Derriere les oreilles principalement à ceux, qui sont vertigineux, & qui sont affligez de longues douleurs de teste chaudes, & spiritueuses. Il y ha aucuns, qui incisent aussi l'artere derriere les oreilles à cause d'autres affects, qui demeurent long temps au chef: toutefois il n'en v'sent, quen cela: combien quen plusieurs il est plus besoin de ce remede, que de section de veine. Car quand il y ha du sang chaud, & spiritueux maling accumulé dedens les arteres, il fault incizer lesdites arteres communes à la partie vexee. Mais pour la difficile consolidation de l'artere, les Medecins craignent de l'incizer: pource que si en incizant la veine, l'artere est blessée, il est difficile de reprimer l'eruption du sang: & combien que la chose aille bien, & que la diuision soit reduite en cicatrice, toutefois on y void aneurisma. I'en ay aussi veu mourir aucuns pour la blessure de l'artere, qui est dessouz la veine interieure du coude. Aucuns soudainement à cause du lien mal
mis

mis par le Medecin, tant que l'eruption du sang deuenoit en gangrene. Les autres morts par apres, quant avec la main on venoit à leur curer leur aneurisme. Il fault ici estraindre vn petit vaisseau avec vn laqs. Donq les Medecins craingnēt d'incizer les grandes arteres; & laissent les petites, comme peu efficaces à l'incision: combien que quelquefois elles font grand secours: attendant mesmement, que avec cicatrice elles sont closes sans aucun aneurisme. Si aussi on incize quelque grande artere, elle se peult clore par cicatrice sans aneurisme, en estāt toute decoupee: & cela diuertit le danger, qui peult venir par trop grande fluxion de sang. Et est cler, que si la grande artere se diuise tout transversalement par la reuulsion des deux parties, l'une tend en hault, & l'autre en bas. Et cela aduiert aussi aux veines, mais plus souuent aux arteres. Mais ie veux dire ici l'ocasion, qui me esmu d'incizer l'artere. Estant admonnesté par quelques songes, desquelz ie vis les deux clere-
ment, ie vins à incizer l'artere de la main dextre, qui est entre l'index & le poulce, & il fut in-
laissay couler le sang iusques à ce quil sar-
resta de soy mesmes: car ainsi estois aduert-
ti de faire par mon songe. Quant au sang, il nen sortit pas totalement vne liure. Par
cela

*Le songe
de Galie
par lequel
il fut in-
duit à in-
cizer lar-
tere.*


cela fut appaisée la continuelle douleur, qui estoit principalement en ceste partie, par laquelle le foye est ioint au diaphragme. Et cela maduint en mon ieune aage. Le ministre, ou sacrificateur du Dieu de la ville de Pergame estant vexé dune longue douleur de costé fut guéri par lartere incizee au hault de la main. Et de ce faire fut aussi aduertí par vn songe.

A vn autre, auquel par vn coup receu au malleole lartere auoit esté decoupee, le flux de sang ne cessa onq, iusques à ce que estant appellé lui detaillay toute lartere, & que ieusse mis dessus vn medicament composé de aloë, manne, & blancs dœufs, estendu dessus les plus mols poils de lieure : & en ceste sorte sa playe fut curee, cest auoir apres que la chair fut regeneree sans aneurisma à lorifice de lartere. Et ce personnage, qui par petis intervalles auoit esté quatre ans vexé de douleur de la cuisse, par apres fut du tout guéri. Ces choses donq mont persuadé quen toutes douleurs ie incizerois souuent lartere aux extremittez des membres, oui en la teste mesmes : ientens aux douleurs, qui naissent dune substance chaude, & spiritueuse, principalement aux membranes : la douleur desquelles est semblable à vne piqueure, & peu à peu sespand.

Cesta

C'est auoir quand le sentiment poignant est fiché en vne partie comme au centre du lieu affligé, & tout le muscle reçoit le sentiment de la tension à lenuiron du centre.

P I N.



P E T I S T R A I T E Z

P R O P R E S A L A

Medecine.

*

Auteur Galien.

Des Sangsues.

AVeuns enferment les Sangsues apres les auoir prinſes : & en vſent en pluſieurs choſes. Car depuis quelles ſont gardees quelque temps, plus facilement ſattachent à la chair. Mais ſi nous voulons vſer toſt de celles, qui ſont prinſes depuis peu de temps il les faut garder vn iour en leur baillant vn peu de ſang pour leur nourriſſement. Car en ceſte ſorte elles iettent tout leur venin. Quant à luſage : la partie, ou les Sangsues doiuent eſtre appliquees, ſera premiere-
ment

rement fort frotée avec nitrum, & oincte, ou bien gratee avec les ongles. Cela fait, elles se prendront plus promptement à la chair. Elles doiuent aussi estre iettees dedens vn pur vaisseau deauue tiede ayant l'entree large. En apres nous les prédrons avec vne esponge, & la viscosité abstergee, les appliquerons avec la main en la partie que besoin sera. Apres quelles se seront prinles à la chair, il fault fomentier la partie avec huile-tiede: à fin quelle ne se refroidisse. Mais si les fault appliquer aux mains, ou aux pieds, il fault plonger lescdites mains, ou piedz en la partie de leauue, en laquelle sont les Sangsues. Et si lors elles ne succent assez, il leur fault couper la queue avec des cizeaux: car dautant que le sang leur sort tousiours par là, elles ne cesseront de sucer, iusques à ce que nous iettions du sel, ou des cendres au lieu, ou elles sont attachees. Et quand elles seront tombees, il fault attirer le venin avec vne ventouse: ou pour le moins avec esponge fomentier le lieu. Et si ledit lieu iettoit larmes, tu y espondras du Commin, ou farine, & lenueloperas avec de la laine trempee en huile. Mais sil sortoit tousiours sang, tu y mettras des drapeaux trempes en vinaigre, ou de la noix de galle brulee, ou de leponge trempée

pece en poix liquide, en Grec hygropissa, & puis apres brulee. Or il te fault sauoir, que les Sangsues ne tirent pas le sang, qui est au profond, mais seulement succent celui, duquel la chair est imbue. Et y sons delles, au lieu de vétonses. Apres que nous coniecturons, que la moitié du sang est tiree, nous les osons. Et les gardons de tomber deuant que ce, qui est necessaire, soit tiré. Car la partie, en laquelle elles sont attachees, est refroidie tant par elles de leur nature froides, que par l'air qui nous environne.

F I N.

Autre Opuscule.

De Reuulsion.

PAr remedes reuulsoires nous reprimons les vehementes influxiōs des humeurs, & les gardons de tomber, assemblees en quelque partie du corps. Les remedes reuulsoires sont, si, quand l'humeur tombe dedes la poitrine, ou dedens le vêtre, la retraction est faite aux mains. Vomissement aussi est vn remede reuulsoire, quand l'humeur descend plus bas : comme en vomissement, reuulsion faite par clysteres acres, & vehemens. La reuulsion de ces deux mouuemens,

mens, qui tendent au superieur, & inferieur ventre, sera par toy reduite en vrine, & sueur. Aussi lurine est retiree par sueur, & purgation de ventre. Cest aussi remede reuulsoire d'appliquer ventouse aux mamelles. Pareillement la ventouse appliquee aux hypochondres reprime le sang fluant aux narilles : & aussi le grand flux de la matrice. D'auantage medicamens acres, & forts appliquez aux seins retirent les humeurs inclinantes en la teste, ou aux entrailles. Bref, toute reuulsion se doit faire en la maniere qui sensuit : Si les humeurs fluent en hault, il les fault retirer en bas : si elles tendent en bas, il y fault proceder au contraire. Si elles prennent chemin vers le dedens, il les fault tirer hors : si elles sortent hors, le contraire doit estre fait. Si elles inclinent à dextre, il les fault destourner à la fenestre : & si à la fenestre, à la dextre. Si au derriere, retire les au deuant, & si elles tirent vers le deuant retire les au derriere.

FIN.

Autre Opuscule.

Des Ventouses.

LEs ventouses se doiuent appliquer sus ceux, qui ont esté euacuez au parauant :
car

car nous nen vsons point aux plethoriques. Nous nen vsons point aussi aux phlegmōs du cerueau, & des meninges: sus tout au commencement de leurs affects. Et nen vsons pareillement en aucune partie environnee de phlegmon. Mais bien en vsons, quand il ne influe plus rien en la partie, & quand tout le corps ha esté euacué, & quād il est besoin desmouoir, ou destourner, ou tirer hors ce, qui est arresté en la partie environnee de phlegmon. Dauantage, à cause de reuulsion on peult vser de ventouses aux affects, qui sont en leur generation: non pas aux parties, qui commencent à estre malades: mais aux parties continues à icelles, qui commencent à estre malades: & ce si elles sont continentes. Car au commencement on doit vser de repercussif. Or la vertu de la ventouse est telle. Elle peult euacuer la matiere, oster la douleur, diminuer le phlegmon, dissiper linflation, reuoquer lappetit, recouurer la force au ventricule debilité, deliurer deuanouissement, & default de cœur: diuertir les fluxions du profond, & les desseicher: repri- mer les eruptions de sang: oster ce, qui empesche les menstrues: & iecourir à la trop grande fluxion dic eux.

Autre Opuscule.

*

De Scarification.

Nous scarifions les parties du corps qui sont atteintes de phlegmon, ou scirrhe: ou qui sont estendues, & vexees de douleur: ou greues de fluxion (fluxion desia amassée, & arrestee) ou imbues de matiere mordicante, ou infectes de venin exterieurement, ou quand nous voulons faire aller la matiere dune partie en autre (comme nous scarifions les iambes, la teste estant malade) ou quand nous voulons diminuer la matiere abondante au corps, principalemēt quand ceste abondance vient dune matiere supprimee, qui auoit accoutumē destre purgee: comme quand les hemorroïdes sont supprimees, nous scarifions les iambes en vīant parauant de laue-ment, ou de fomentation deaue chaude avec vne esponge. Car dincizer la veine plusieursfois l'an, ie ne cuide point, que cela soit vtile: veu que avec le sang vne partie de lesprit vital sort ensemble. Et sil sort trop copieusement, il sensuit, que toute la
masse

masse du corps est rendue froide, & les operations, & actions naturelles ne se font plus parfaitement. Parquoy il fault faire detraction aux parties moins principales: comme sont les iambes. Or la scarification dōne secours aux yeux affligez de fluxion longue; & aux affects de la teste: & à ceux qui aduiennent à la poitrine, & au dos, & à l'angine, & aux humeurs estraintes, & serrees.

*

F I N.







DES
TUMEURS
OVTRE LE COV-
TUMIER DE
NATURE.

* *par p. Solien*
Auteur Galien.



Ar le nom, ou vocable de Tumeur, est signifiee vne chose, laquelle aduiuent es corps : cest a sauoir dimension en long, large, & profond. Item aussi par tumeur est signifie vn accroissement, ou augmentation, qui excède lestat, & habitude naturelle. laquelle chose aduiet non seulement aux malades, mais aussi aux sains : en chacune partie du corps. Car ceux, qui sont gras, & replets, sont distendus outre l'habitude naturelle, en largeur, & profondeur : toutefois ilz ne sont pas encores en disposition, ou habitude contre nature. Pource, que (ainsi que souuentefois nous auons dit) il y ha vne cōstitution de corps, lesquelz ne sont point selon nature, ou

l'estat, & habitude naturelle : laquelle constitution est moyenne entre les sains, & les malades. Et en ceste maniere ceux, qui sont gras, pleins, & replets, aussi ceux, qui sont maigres & extenués, n'ont pas encores excédé les limites de nature mais (pour le dire en simple parole) ceux, qui sont replets sont au dessus de l'habitude naturelle : tellement quilz ont excédé, & passé outre. Mais ceux, qui sont maigres, sont au dessous de l'habitude naturelle, & ny sont pas encores paruenus. Toutefois ne les vns, ne les autres, ne se portent point naturellement, ou si mieux tu aymes dire, ilz ne sont point en estat, & habitude naturelle, ou selon nature. Mais ceux, qui sont deuenus hydropiques, ou tabides, & grandement extenués, chacun d'eux ha du tout delaisé la disposition naturelle : tellement quilz sont venus en disposition contre nature. Or en ce present liure nous auons proposé de considerer les Tumeurs contre nature : lesquelles occupent tout le corps, & chacune particule dicelui : en distinguant tant seulement ce, cest auoir, que les exces des constitutions declinantes de nature, alors sont contre nature, quand l'action en est blessée. Voila la fin des exces contre nature. Or il ne fault plus parler de ces tumeurs non naturel

turelles, ou qui declinent de nature, sans que l'action en soit blessée: lesquelles selon l'opinion de tous, non seulement des Medecins, procedent d'une ametrie: cestadire incommoderation, ou superabondance de chair, & de graisse. Venons donq aux autres tumeurs, qui sont hors de nature, non seulement en qualité, mais aussi en habitude: en commençant à phlegmon. Certes phlegmon est vne tumeur cõtre nature, des particules charneuses, infestees, & molestees de plusieurs syмптомes, ou accidens: cestauoir tension, renitence, douleur pulsatile, chaleur, & rougeur. Toutefois la cause de ces accidens n'est pas congneue à tous Medecins: il sen fault tant, quelle soit notoire aux idiots, & vulgaires. Pource, que plusieurs Medecins ne la cherchent pas par methode, ou voye de raison: mais il prononcent, & dient simplement, tout ce, qui leur plaist, & qui leur vient en la fantasia. Or pour y proceder par methode, il fault que la consideration soit telle. Grande tumeur iamais n'aduendra en quelque corps, que ce soit, sinõ que lune de ces deux choses aduienne à la substance de ce corps: cestauoir, ou quelle soit fondue par grande chaleur, ou quelle acquiere quelque substance estrange. Or si elle est fondue, elle est

z 4 plus

plus facile à respiration : mais apres quelle est refroidie, facilement elle retourne à son premier estat, & premiere tumeur. Toutefois on ne void point, que aucū esprit soit cōtenu es parties inflammees, ou molestees de phlegmon: comme en beaucoup dautres tumeurs. Et aussi apres, que icelles parties sont refrigerées, elles ne retournent pas incontinent, ne entierement, en leur premier estat. Or quil ny ayt nul esprit contenu en icelles parties, il est notoire, quand on fait lincizion. Car si la partie inflammee, ou phlegmonique, est incizee, il appert, quil en flue beaucoup de sang : & que tout le lieu est fort plein de sang, en maniere despōges arrosees en icelle partie. Toutefois il nappert point, que lesprit en exhale, & expire, ne incontinent, ny long temps apres : ains seulement la couleur propre au sang, & inseparable se change. Car il ny ha partie du corps, ny humeur, qui soit rouge, sinon la chair, & le sang. Neantmoins phlegmone nest point corpulence : laquelle est appellee en Grec polyfarcia. Et si quelquefois il y ha corpulence seule, sans abondāce de sang, adonq la tumeur excède l'estat, & habitude de nature: mais la couleur demeure entre les fins, & termes de santé : sans estre hors de la premiere nature. Car à quelque chose, que

ce soit, si la substance est augmentee, il ne
sensuit pas, que la premiere couleur soit
plus intense, ou augmentee pour cela. Autre-
ment la neige augmentee en substance, de-
uiendroit plus blâche: & la poix plus noire,
& lor plus iaune. Parquoy l'accroissement
de la substance, & l'alteration, ce sont deux
choses diuerses. Car la substance croit selon
la quantité, mais elle est alteree selon la
qualité. Et certes la couleur est signe, & in-
dice de la qualité: & non pas de la quantité
de la substance. Donques par ces raisons,
corpulêce, & phlegmon, ce sont deux cho-
ses differentes. Pour ces mesmes causes il
faut estimer, quil y ha abondance de sang
en phlegmon. Car pour certain il aduient
de bien grans phlegmons avec vlceres: tel-
lement qu'on void fluer des vlceres quelque
sanie subtile, comme eue: mais le lieu, qui
est tout à lentour, est sanglant. Parquoy en
ce cas il est necessaire, que la densité de la
chair (laquelle ha esté acquise es labies, ou
extremitez des playes, ou vlceres) viene en
telle symmetrie, cestadire commodatiō,
que la sanie en flue: & que le sang y soit
cōtenu dedens. Certainemēt dautant que la
sanie est plus subtile que le sang, dautant est
elle plus grosse que lesperit, & dauantage.
Parquoy si en vne playe la chair permet,

z s que

que la sanie en sorte, certes aussi elle permettra l'esprit en iſſir : lequel esprit ſil eſt vne fois euacué, tout incontinent la tumeur du phlegmon ſabaiffe, & diminue. Laquelle choſe nous voyons aduenir es particules, ou l'esprit eſt totalement recueilli, & aſſemblé. Car i celles diuiſées, toute la tumeur ſen va. Semblablement le phlegmon, qui aduient es playes, atteste ceſte choſe : pource que dune playe encores recéte, des le commencement en ſtue grande quantité de ſang : mais puis apres le ſang ſarreſte : ou à cauſe, que nous ſommes refrigeré, ou pource, que le ſang eſt refrigeré par l'air, ou pource, quil eſt conſtipé par noz mains : ou pource, que par ligatures il eſt prohibé de ſtuer. En apres quād il eſt retenu, & cōſtipé aux orifices des vaiſſeaux naurez, il ſe coagule, & congele, comme grumus : excepté que en grumus il y ha ſoudaine & ſenſible cōcré- tion de ſang. Mais le ſang ne ſe congele pas ſi ſoudain aux vlceres : ains peu à peu eſt arreſté, & ſengroſſit en pluſieurs orifices de vaiſſeaux. Quand donq ce ſang ſengroſſit aux orifices des vaiſſeaux, il y eſt retenu : mais la ſanie en ſort. Toutes ces choſes ſont grans ſignes, & indices, que les parties affligées de phlegmon, ont abondance de ſang. Parquoy en telles diſpoſitions, le
ſang

sang est plus chaud, que selon nature : toutefois il n'est pas si chaud, qu'il puisse exciter si grande tumeur, par seule fusion. Or il est loisible de trouver plusieurs signes de ce. Et premierement les fieures ardentes: car d'autant qu'en icelles la chaleur est plus vehemete, que celle, qui est aux phlegmōs, il faut aussi, que la tumeur soit plus grande. Le second signe, & indice, est prins de l'essence du sang. Car le sang ne se coagule pas par froidure: ainsi que fait la poix, la resine, & la cire: ains il est toujours de sa nature chaud. Mais quand la poix, la resine, & la cire, sont eschauffees, la transmutation se fait au contraire. Et au sang chaud selon nature, aduient tumeur plus grande aucunement: non pas toutefois si grande, comme les phlegmons esleuent les parties enflamees. Et iacoit, que la poix, la resine, & la cire, paruiennent en si grande chaleur, cōme les parties affligees de phlegmō, toutefois si ne sont elles pas beaucoup plus esleuees en tumeur, que au parauant. Laquelle chose seruira d'un autre signe, outre les dessusdits: pour demontrer, que la tumeur des parties enflamees n'aduient pas pour la seule fusion. Car l'alteration du sang en chaleur est petite: mais la tumeur est beaucoup plus grande. Semblablement aussi leuidence, & experience manifeste,

sera vn argument assez de grande efficace : cest auoir, que le sang ne se fond pas beaucoup, cōme fait la Resine, la Poix, & la Cire quand elles sont eschauffees grandement. Car le sang garde sa premiere tumeur iusqu'il soit cuit au feu : sans se esleuer en aucune magnitude, ou certes elle est bien petite. Or nous auons dit dessus, que les Phlegmons refrigerez ne sabbaissent pas tousiours : car combien, que tu refrigeres grandement les grans plegmons, dont la fluxion est reprimée, ou arrestee, toutefois pour cela tu nen osteras pas la tumeur : ains tu rendras la partie liuide, & froide : & consequemment tu engendreras vn scirrhe. Neantmoins la fluxion est facilement arrestee, denant que vser de medicamens refrigeratifs, & astringens : & principalement si ladite fluxion est petite. Mais si le sang est impacte, & affiché grandement, les medicamens refrigeratifs, & astringens, ne luy aydent en rien : car il demande estre euacué. Parquoy les Medecins, non seulement ilz le resoluent par medicamens chauds, mais aussi ilz leuacuent sensiblement, par scarifications. Il appert donq par tous ces signes, que les parties mollestees de phlegmon, sont remplies de sang. Lesquelles deuiennent chaudes immoderement : non pas des le premier commencement

ment, mais par succession de temps: d'autant que la transpiration est retenue: à cause de l'obstruction de tous les cōduits. Il est doncq nécessaire, que le sang retenu par l'ōg espace de temps, se putresce. Car tous corps chauds, & humides; retenus, & assemblez en vn lieu chaud, facilement se putrescent: silz ne sont enuacuez, ou refrigeriez. Parquoy chaleur procede de putrefaction. Or lon peult conjecturer, quil y ha beaucoup de sang amassé es vaisseaux des parties inflāmées: & ce par les tumeurs dicelles. Aussi pource, que les reines, lesquelles parauant estoient si petites, quelle estoient inuisibles, sont esleuees ch si grande magnitude (à cause de la repletion de sang) quon les void sensiblement. Et si ne fault pas dire, que ce soient veines nouvellement regenerees. Laquelle chose aduient aux yeux principalemēt, & au prepuce, & aux mamelles. Outreplus, que toute la chair (dont phlegmon est la principale affection; & maladie) soit remplie de fluxion de sang, la couleur le montre: aussi fait la tumeur. Dōt il appert, que toute la chair est humide, & moite, comme vne laine, ou vne esponge. Laquelle chose est attestee par la sanie effluente par l'orifice du phlegmon. Ce n'est pas aussi sans cause, si le cuir est esleué en tumeur, & tensiō, avec les parties subiettes

iettes : & si par succession de temps il reçoit fluxion. Or tout ainsi, que les tuniques des vaisseaux reçoivent phlegmon, ainsi sont les membranes de la partie inflammee : & aussi les nerfs, & les tendons, par succession de temps. Aucunefois quād ilz sont nauez, ou affligez en quelque autre maniere, aduient le commencement du mal. En somme, si le phlegmon dure long temps, il n'est possible, que aucune partie demeure du tout en son habitude naturelle, avec la partie inflammee : ains toutes les autres parties reçoivent fluxion, avec la chair. Parquoy aussi l'inflammation aduient aucunefois aux os : & aucunefois cōmence premierement à iceux. Certes quād le cuir est selon nature, il est lasché en ceux qui ne sont pas replets, & corpulens : & le lieu, qui est entre deux, est vuide. Semblablement en la chair, tous les lieux (desquelz plus amplement nous auons parlé aux Anatomiques institutions) sont vuides : principalement enuiron les arteres : lesquelz lieux sont conuenables aux esleuations dicelles arteres. Or es phlegmōs, tous ces lieux sont remplis de sang : lequel resude, & flue des vaisseaux, iusques aux tuniques : toutefois ce sang est meslé en chacune particule de la chair, comme rosée. Mais apres, que nature est deuenue plus forte par succession de temps

temps , & que toute la fluxion est cuite , & digeste , en sorte qu'elle represente quelque pus , ou matiere purulente , adonques Nature la dechasse , & expellit hors de la chair , par sa vertu expultrice : laquelle dechasse les choses estranges. Quand donques le conduit naturel est manifeste (lequel est prepare , comme vn ruisseau pour recevoir la fluxion) ou que le lieu , & la region est rare , lors vne partie du Pus transpire insensiblement : & lautre partie est euacuee sensiblement. Mais quand le cuir circoniacent est dense , & dur , comme le cuir exterieur , le Pus est là retenu , & s'eslongne de la chair subiacente audit cuir. Et en apres il vlcere par son acrimonie : & sort dehors : sinon que incontinent on lui donne issue , par scarification. Mais si nature est vaincue par la fluxion , le sang ne parvient plus en Pus : mais en quelque autre mutation estrange : maintenant vne , maintenant autre. Toutes ces dispositions sont appelees par vn vocable commun abscessus en Latin , en Grec , apostemata : & principalement quand elles sont occultes , & profondes. Aucuns ne les veulent pas ainsi appeller : mais seulement quand elles viennent en corruption : & que elles ne sont pas muees en bon , & louable Pus. Ainsi que les Grecs appellent toutes
supp

suppurations empyemata, ou dyapnemata: dun verbe Grec ecpyesin, ou dyapnisein: cestadire suppurer. Aucuns ne les appellent pas ainsi: mais seulement quand il y ha suppuration aux visceres. Et ceux qui sont ainsi affligez, ilz les appellent Purulens, cestadire remplis de Pus: lequel Pus est amassé entre le Thorax, & le Poulmon. Or comme iay tousiours dit, il ne fault pas estre si curieux des noms: sinon entant, quil souffit, pour manifestement exposer les choses, dont il est question: desquelles il se fault efforcer den auoir linuention, en sorte que nous nobmettions rien. Toutes les choses dessusdites sont preparees, pour entendre la Methode therapeutique, ou curative: en laquelle nous guerissons les maladies, & non pas les vocables, ou noms dicelles. En ayant donq tousiours memoire des choses dessusdites, nous viendrons au reste, qui sensuit. Quand le Pus excorie, ou exulcere la particule, & quil separe les parties contenant des parties subiettes, & contenues, & en apres quand il est euacué, en quelque maniere que ce soit, les parties distantes, & separees lune de lautre, ne peuvent recouurer leur premier estat: telle affection est nommee Sinus. Lequel sinns, si tantost on ne le cure, il deuiet calleux, & dur tout à leuir.

leuiron, par succession de temps: tellement quil nest possible de le conglutiner, & ioindre avec les parties subiettes. Toutefois par medicamens, & par bon regime & raison de viure, il se desseiche & vnit: en sorte, que la partie semble estre restituee en pleine & entiere sante. Car si tu observes tousiours bon regime, & exacte diete, tu auras le corps du tout sain, & sans excremens: tellement que le Sinus sera vni & conioint. Mais si les excremens croissent au corps, incontinent le corps en est replet. Et laposteme qui estoit des le commencement, se fait, & renouelle derechef. Et puis derechef il est necessaire de leuacuer, & de le desseicher, & puis vnir. Lesquelles choses sont tousiours plus faciles, que des le premier commencement. Pource, que les parties ia separees ne deulent plus: mais alors que le Sinus facilement recoit la fluxion, les douleurs se font. Et aussi lescdites parties sont plustot euacuees, à cause des fluxions faisans la voye au Sinus. Car quand les labies sont vnies ensemble, & derechef laposteme est rompu, adonques les parties sentent douleur. Or laposteme est engendré, non seulement dun phlegmon, mais aussi incontinent, & des le commencement il se peult engendrer aposteme de quelque

autre humeur, qui fait excoriation peu à peu : & qui separe les parties contenues, ou subiettes. Et pour ceste cause, quand on incize les apostemes avec vn Razoïr, ou Scalpelle, lon y trouue beaucoup de certaines proprietéz : non seulement dhumeurs, mais aussi de corps solides: comme boue, ou fange, vrine, sang caillé : quon appelle en Grec *Thrombus*, & en Latin *Grumus*. Item on y trouue vne humeur semblable à Miel, & à mucosité, ou Morue. Item comme os, pierres, fragmens de poreaux, ongles, poils, & semblables corps sont trouuez en telz apostemes. Item lon y trouue souuent de petites bestes, semblables à celles qui sont engendrees de putrefaction. En apres fistule (que les Grecs appellent *Syrinx*) nest antre chose, sinon vn Sinus estroit, & long, dilaté, & de rechef separe, en la maniere des autres Sinus: à cause de la fluxion des excremens. Item *atheromata*, *steatomata*, *melicerides*, & autres semblables affections, sont nōbrees entre les absces: les autres nō. Or la nature desdits absces est declairee par leurs noms. Car es apostemes appelez *atheromata*, on trouue vne matiere semblable à bouillie, ou pulte: & en *melicerides*, la matiere est semblable à Miel : & en *steatomata* la matiere ressemble à Suif. Toutefois tous ces apostemes sont enuolop

enveloppez d'une certaine tunique membraneuse. Et sont toutes tumeurs contre nature. Item sensuiuent autres tumeurs contre nature: cōme carboucle, ou charbō, gangrene, herpes, erysipelas, scirrhe, cedema, chācre, dit cancer en Latin. Item aussi les inflations, ou ventositez, q̄ les Grecs nōment pneumatoses. Lesquelles tumeurs le Medecin ne doit pas ignorer: ains doit diligēment perscruter & enquerir la generatiō & essence d'un chacun. Car gangrenes, & carboucles se font, quand le sang est seruēt & bouillant: en sorte, quil brule le cuir quasi comme vn phlegmon. Aussi il en procede vne eschare, ou eroute: & plusieurs pustules precedēt l'ulcere, semblables aux pustules, qui sont faites de feu. Lesquelles dispositiōs causent vne fièvre trefague, & danger de vie imminent. Or l'eschare de l'ulcere des carboucles represente vne couleur noire, & aucunes fois semblable à la cendre. Toutefois la couleur du phlegmon, qui est à l'entour de l'ulcere, n'est pas si rouge, comme aux autres phlegmons: mais plus noire & autre quil n'appert en ecchymosis, ou en cōgelation. Or la tumeur n'est pas si liuide en carbouclé, comme en ecchymosis, ou en cōgelation. Car le carboucle ha quelque splendeur, comme le bitumen, & la Poix. Aussi telle est l'humour

exa^{te}ment melancolique, dite nigrabilis exacta: dont procede la malignité des vlceres es carboucles. Car le sang aduste, des le cōmencement, ou en la ferueur, deuient melancolique. Mais lhumeur melancolique sans ebullition, fait les chancres sans ylcere: & si ladite humeur est acte, elle fait les chancres avec ylcere. Lesquelz chācres apparoissent tousiours plus noirs, que les inflammations, & sans chaleur. Es chancres les veines sont replettes, & tendues plus, que es phlegmons. Pource, que lhumeur, qui engendre les chancres, ne peult pas si bien sortir hors des vaisseaux, iusques en la chair, qui est à lenuirō: à cause que cest vne grosse humeur. Toutefois es chācres, les veines ne sont pas rouges, cōme es phlegmons: ains ensuiuent la propriété de lhumeur peccante. Apres grans phlegmōs sensuit gangrene, qui nest autre chose, sinon mortification de la partie malade: laquelle gangrene si bien tost elle nest curee, le membre facilement vient à mort, & corruption: & consequemment la gāgrene inuahit, & occupe les parties prochaines: tant que finablemēt elle tue lhomme. Et quand la gangrene est impacte, & fort affichee aux grandes veines, alors les orifices des vaisseaux, & tous les conduits: ou pores du cuir demeurerēt sans trāspiratiō:
en

en sorte que les parties malades sont promptement mortifiées : & la premiere fleur de la couleur, qui auoit esté aux phlegmós, est éteinte en icelles parties. En apres la douleur, & la pulsation sen vont (combien, que la gangrene ne soit pas encores finie) à cause du sentimēt, qui est mort, & du tout perdu. Laquelle pulsation, ou poulx est vn symptome inseparable de grand phlegmon. Les Anciens ont accoutumé dainsi appeller vn mouuement darteres, sensible au malade : soit quil aduienne sans douleur, ou avec douleur. Parquoy aucuns adioutēt aux accidens du phlegmon, poulx, ou pulsation sensible, avec douleur. Ceste disceptation est du nō : mais il vault mieux congnoitre lorigne desdits symptomes, sans estre si curieux des noms. Certes en habitude naturelle, nous napperceuons pas le mouuement des arteres avec douleur : mais nous le voyons bien es phlegmons. Car lartere frappe, quand elle esleue les parties circomiacētes : & du coup dicelle, à cause du phlegmon, nous sentons douleur. Et quād aussi la tunique de lartere est affligee de phlegmon, frappant, & receuant le coup, elle augmente la douleur. Or cest assez dit de telles matieres. Reste en apres de parler des fluxions bilieuses, ou coleriques. La coutume, & vsage des Medecins

est telle. Je ne say pour quelle raison, que quand nous parlons de ce nom Bilis, ou humeur colerique simplemēt, nous entendons l'humeur palle, & amere: non pas celle, qui est acre, & noire: laquelle on appelle tousiours avec adiection, en adioutant la couleur au nom de l'humeur: cest adire en l'appellant Bilis nigra, ou atra, cest tout vn. Quand donc la fluxion bilieuse, ou colerique, descend en quelque partie, si elle est exacte, & acre, cest adire simple, & sans mixtion, elle exulcere le cuir. Mais si elle est meslee avec sanie, ou sang, elle est moins acre: & elle esliue la partie en plus grande tumeur, quelle ne l'ulcere pas. La premiere tumeur est appelée Herpes: & la seconde Erysipelas. Or la couleur, & la chaleur, montrent l'humeur, qui fait telles tumeurs. Et pource, que entre les humeurs acres, & mordicatives il y ha difference, selon le plus, & le moins, il fault entendre, que de la colere, ou humeur bilieuse, plus acre, est engendré Herpes exedens; ou depascens, en Grec Esthiomenus: ainsi la nōme Hippocrates. Et de l'autre colere moins acre, est faite l'autre espeece d'Herpes, qu'on appelle Herpes miliaris, en Grec cenchria: comme aucuns l'ont appellé, apres laage de Hippocrates: pource qu'il engendre de petites pustules semblables à Millet: à
cause

cause que telle fluxion colerique est meslee avec phlegme. La tierce espece d'Herpes est faite de colere, ou bile exacte, & exquise. Et pource aduiét avec erosion : tellement que la continuité du cuir en est exulcerée. Dont ladite tumeur prend le nom de Herpes simplement. Mais quand le sang, & la cholere sont egalemét meslez ensemble, telle tumeur doit estre nommée moyenne en espece & nature, entre phlegmō, & erysipelas. Mais si lun des deux surmonte, alors le nom sera donné à celui, qui surmonte. Exemple : si la colere, ou bile flave excède, la tumeur sera nōmée erysipelas phlegmonosum. Et si le sang surmōte, on l'appellera phlegmone erysipelatosā. Or l'interpretation des autres mixtiōs est semblable : comme phlegmone scirrhusa, & scirrhus phlegmonosus, cedema phlegmonosum, & phlegmone cedematosa. Certes ces quatre affections, ou dispositiōs, sont faites de fluxion dhumeurs : cest a sauoir erysipelas, cedema, phlegmone, & scirrhus. Mais erysipelas est fait de fluxion colerique, ou bilieuse, qui excède, & surmonte : comme dit est. Et phlegmone de fluxion de sang. Oedema de phlegme subtil. Ainsi que vn genre de scirrhus est fait de phlegme grosse, & visqueuse. Car lautre genre de scirrhus est fait

du lymon du sang : lequel sang est de deux especes. Dont Hippocrates appelle l'une melancolie, ou sang melancolique. L'autre ha son propre nom : car elle est nommee atra bilis : de laquelle les châctres sont engendrez. Et de l'autre est faite vne autre espece de scirrhe : car la premiere espece de scirrhe, qui est faite de phlegme, est distinctement congnee à la couleur. Toutefois vne tumeur contre nature, sans douleur, & dure, est commune à toutes les deux especes de scirrhe. Lesquelles aucunesfois commencent des le premier commencement : & aucunesfois aduiennét par coincidence, cest-à-sauoir en refrigerant trop vn phlegmon, ou erysipelas, ou œdema. Item ecchymomata, & melasmata, sont tumeurs prochaines aux scirrhes : lesquelles aduiennent aux vieilles gens : à cause de quelque contusion de veines. Dont les vnes sont noires : & aduiennent aux vieilles gens (comme dit est) pour petite occasion. Les autres sont entre rouge, & noir, qu'on appelle liuides. Toutefois elles prouiennent toutes deffusion de sang dehors des veines : aucunesfois pour la contusion des tuniques : autrefois pour la pertion des orifices, & extremes parties de dites veines, dite anastomosis. Mais l'affection de l'artere ouuerte est nommee Aneurysma.

ryfma : lequel eft fait, quand le cuir, qui eft à l'entour de l'artere nauree, vient à cicatrice : toutefois la playe demoure en l'artere, laquelle neft ne conglutinee, ne couverte de chair. Or telles paffions d'arteres font congnues, quand il y ha pulsation. Mais quand il y ha contufion aux arteres, toute la tumeur fe perd : à caufe que la fubftance, qui fait la tumeur, retourne dedens les arteres : laquelle fubftance neft autre chofe que vn fang fubtil, & flauc meflé avec vn efprit fubtil, & copieux : ainfi que nous auons montré en autre lieu. Lequel fang arterial eft beaucoup plus chaud, que celui, qui eft contenu dedens les veines : & quand il y aduient aneuryfma, à grand peine peult il eftre arrefté. Mais en cedema, lhumeur cede : & obeit au doigt, qui preffe : tellement, que la particule fe caue comme vne foffe : & ny ha nulle pulsation. Quand à la couleur elle eft blanche. Dauantage cedema eft beaucoup plus large, & plus grand que aneuryfma : finon quand il y ha vn grumus, qui procede d'aneurysma, lequel foit caufe de sphacelos. Or iappelle sphacelos toute corruptiõ des parties folides : en forte quelle aduiet ainfi aux os, non feulemēt à la chair, & aux vaiſſeaux. Pareillement gangrena eft mortification des corps folides : toutefois elle

· nadiuent point aux os : mais elle ensuit les grans phlegmons : & est vne espee de sphacelos, ayant vn nom propre & singulier, outre le nom commun. Ces tumeurs sont assez distinctes, & declairees. Maintenant il est temps, que nous parlions des fluxions melancoliques. Quand atra bilis occupe la chair, si elle est acree, & mordicâte, elle ronge le cuir, qui est à lenuiron, & fait vlcere. Mais si elle est sans acrimonie, elle fait vn cancer sans vlceration : auquel cancer nous auons parauant démontré, que les veines sont plus enleuees. en tumeur, quelles ne sont aux phlegmons : nous auons aussi démontré, de quelle couleur sont lesdites veines. Or non seulement vlcere chancreux, mais aussi plusieurs autres, avec les tumeurs des corps contenâs lesdits vlceres, sont produits de cacochymie (cest adire de mauvais suc, ou humeur) soit colerique ou melancolique, ou quelque autre humeur erugineuse, & maligne, engendré de grande corruption. Item les vlceres, qui mangent les parties malades, en touchant, & degastant les prochaines, & en rongeât le corps sain, qui est alentour, sont appellees vlcera phagedænica. Mais quand il y ha vlcere corrosif, avec tumeur à lenuiron, on appelle cela phagedæna. Quant à Herpes, vray est, quil

quil mange, & ronge les parties prochaines: toutefois ce n'est que vlcération du cuir tant seulement. Mais phagedæna non seulement touche au cuir, mais aussi aux parties subiacentes, & situées au dessous du cuir. Or cest chose superflue de nommer vlcera Chironia, & Telephia: car il suffit de les nommer tous, par vn vocable commun, caccethie: cest adire malins. Item pfora, & lepra, sont dispositions melancoliques, du cuir seulement. Car les dispositions melancoliques, qui aduiennent aux veines, & en la chair, sont appellees cancri. Item elephas, ou elephantia, ou elephantiasis, vulgairement ladrerie, ou lepre est vice melancolique, procedant de sang melancolique. Mais par succession de tēps, bilis atra abonde plus, que le sang, quand ceux, qui sont subietz à telle maladie, sont fort puans: & quand ilz ont vn regard terrible, & mal agreable: & à plusieurs diceux aussi aduiennēt vlcères. Quand ceste maladie commence, on lappelle satyriasmus: pource quelle rend les malades semblables de face aux Satyres. Aucuns appellent ainsi les excres, & eminēces des os iouxte les temples: lesquelles eminences, & tubercules des os, aduiennent aussi es autres parties: mais les Grecs les appellent exostoses. Aucuns appellent
satyr

satyriasmus vne tension continuelle de la verge virile : les autres l'appellent priapismus. Item achor est vn petit vlcere au cuir de la teste : lequel tu peux coniecturer estre fait de phlegme falsé, & alumineuse. Car de lui en sort vne sanie, non pas du tout aqueuse, ne aussi tant grosse, comme vne substance semblable au miel. Laquelle est trouuee es tumeurs appellees ceria, ou faui. Lesquelles tumeurs aduiennent avec plusieurs trouz dont efflue vne humeur semblable à miel. Vray est, que leur tumeur est petite, non pas tant toutefois, comme en achor. Outreplus il y ha dautres tumeurs cõtre nature, au cuir : moindre encores, que les dessusdites, qu'on appelle myrmecia, acrochordones, psyraces, & epmyctides : lesquelles sont cõgnues à tous. Semblablement vn fronce est notoire à tous : les Grecs l'appellent dothien, & les Latins furunculus : lequel nest pas maling, quand il consiste au cuir seulement : mais il est maling, quand il est enraciné plus profond. Car alors il est semblable à vn tubercule : toutefois il y ha difference seulement, à cause de la dureste. Neantmoins tous deux sont affections phlegmoniques. Sensuit en apres bubo. Item phygethon, lequelz sont differens, & dissemblables aux autres tubercules,

les, tant en chaleur, comme en leur generation subite. Aucuns toutefois disent, que phygethon s'engendre aux inguines, & aux aisselles seulement : & que cest inflammation des glandes. Item choeras, en Latin struma, cest quād icelles parties deviennent scirrheuses. Comme sarcocœle, en Latin ramex, cest quand il y ha scirrhe aux testicules. Cômé aussi hydrocœle, cest quand vne humidité aqueuse est amassée aux tuniques des testicules. Item epiplocœle, quand epiploon, ou zirbus descend. Et enterocœle, quand lintestin descend. Item entercepiplocœle, quand tous deux descendent : lequel nom est aussi composé des deux, & est plus impliqué, quil ne conuient. Il y ha aucuns des Medecins recés, lesquelz appellent toutes tumeurs de testicules cœle. Or tout ainsi, que chacun des noms desdits demontre la maladie de la partie, dont il est dit : ainsi est ce de cirsoceclæ, cestadire varicosus ramex : quand les veines des testicules sont remplies outre mesure. Toutefois les Anciens appellēt cirso toutes autre veine, qui est dilatée, en Latin varix : aussi font les modernes. Outreplus es iambes, à cause dimbecillité, aduient des varices : & principalement quand il y ha abondance de gros sang au corps. Item quand

quand le peritoine est nauré, ou rompu, & que apres il n'est plus agglutiné, il y aduient vne tumeur molle. Si elle aduient iourte languine, on lappelle bubonicele. Si cest à lombilic, on appelle ceux, qui sont ainsi affligez exomphali. Toutefois telles affections ne sont pas seulement maladies du peritoine, mais is fault aussi, que la nerueuse subtilité du muscle transuersal: laquelle nous auons declairee, quelle est es liures Anatomiques. Donc ces affections appartiennent aux muscles transuersaux. Mais les tumeurs de languine appartiennent aux muscles obliques, ou à leur tenuité nerueuse, quand elle est rompue, ou dissolue, avec le peritoine, en ce lieu. Autres tumeurs se font esdits lieux: à cause de quelque viscere subiet, ou subiacent, lequel se s'lieue en hault. Mais les dispositiōs, qui causent telles tumeurs, sont comme phlegmons, scirrhes, apostemes, ou absces, & semblables. Item les trois especes d'hydropisie sont nombrez entre les tumeurs contre nature: cest auoir ascites, ou il y ha abondance daquosité: tympanites, ou il y ha abondance desprit flatueux, cest adire ventosité. Et leucophlegmatia, ou il y ha abondance de phlegme. Item il y ha d'autres tumeurs, qui ont receu leurs propres noms, dequoy on ne fait pas grand cas:

comme

comme epulides, parulides, thymi, & autres semblables : ou il y ha supercrescence, ou superfluité de chair. Item vuar, ou vuulæ, en Grec staphylæ paristhmia, & tonsillæ, ce ne sont autres choses, sinon phlegmons, ou inflammations. Cest auoir vuar sont inflammations du gurgulio, ou columella. Tonsillæ sont inflammations des glandules, qui sont au commencement des parties dites fauces : lesquelles glandules vulgairement sont appellees amygdalæ. Et paristhmia, sont inflammations des corps, qui consistent en pharynx. Il semble toutefois, que Hippocrates n'appelle pas vuar toute inflammation des dites parties dites fauces, mais seulement vne espee d'inflammation, en laquelle l'extremité de gurgulio est semblable à vn grain de raisin. Item polypus est engendré ou de phlegmon, ou de quelque tubercule, ou quelque excrescence, prouenât aux narilles. Toutefois les humeurs sont phlegmoniques, à cause de la nature du lieu. Item acanthis est vne tumeur du tout contre nature : qui aduient es grans angles des yeux. Item prerygion est vne excrescence en la tunique des yeux, dite adnata, ou coniunctiua : laquelle commence à los, qui est à l'environ, & paraient iusques à la pupille, ou prunelle de loeil.

Item

Item staphylomata sont contre nature, les vns en situation, les autres en disposition. Or nous auons traité en autre lieu de toutes ces affections, & maladies des yeux.

Parquoy il est temps de mettre fin à ce présent liure : veu que nous nauons omis nulle espee de tumeurs contre nature, ou hors de lestat & habitude naturelle.

Fin des Tumeurs contre Nature.



D V M O V V E
M E N T D E S
M V S C L E S.



Auteur Galien.

IOANNES CA:

NAPEVS GVLIELMO

Rondeleto Monspessulano

Medico S.



Also queruntur nonnulli no-
stra etatis medici Rondelete
chariss. quod libros aliquot
Galenī Gallicitate (si ut alijs
suā Latinitatē, aut Patavini-
tatem, Hispanitatem'ue: ita nobis vocabulam
hoc innouare liceat) donauerimus. Cuius ego
laboris primus author nō extui, quādo prio-
res me viri nō indocti hoc praestiterunt, neq;
citra successum: quorū alter secundū artis cu-
ratoriae librū ad Glauconem, alter tertiū me-
thodi therapeuticae ad Hieronem Gallicē iam
reddiderat. Nam cōtrā reputādo, neq; cōmo-
dius aliud neq; praestabilius inuenies, quā si
eo sermone utamur, qui nobis notus est. Cur
enim alienam, ac peregrinam sectabimur lin-
guam, ut nostram deseramus? Siquidem per-
multos noni (ut ingenuē fatear) qui vbi vix-
tria vocabula aut Gracē aut Latine didice-
rant, Demosthenem ipsum, vel Ciceronem sibi
posthabendos (nescio qua temeritate) censerēt:

eo demū obstrepentes, ac fastum aucupantes, quod maximè ignorant: musice artis imperitorum persimiles, qui vel peritissimos antevertere nunquā cessant, rudētes potius, quàm incūdīs modulis canentes. Sed quid Graculo cū fidibus? quid uē asino cum lyra? ut est in veteri proverbio. Non sum tamē adeo hebeti, stupidōve ingenio, ut Gracē, aut Latīnē doctos infamare velim: sed hortari potius, ut, quam quisque linguam exactē norit, in ea se exerceat. Quis enim credat Dioscoridem, atq; Galenū Latīnæ linguæ imperitos fuisse? quorū vterq; Romæ diutius egit; hic sub Antonino medicans, ille sub M. Antonio militans: neuter tamē Latīnē quicquam scriptū reliquit. Quis item M. Tullium Græci sermonis rudē fuisse putet? Latīnē tamē omnia scripsit, ac in primis sapiētia studiū Latīnis literis illustrandū curauit: nō quòd philosophia Græcis & literis, & doctōribus percipi non posset, sed quia eo semper iudicio fuit, omnia Romanos aut inuenisse per se sapientius, quàm Græcos, aut accepta ab illis fecisse meliora. Doctrina (inquit) Græcia nos, & omni literarū genere superabat. In quo erat facile vinctere nō repugnantes. Iisdē argumētis pro gēte Gallica cōcederim, cōplures esse ex nostris hoc seculo, quā

in omni disciplinarū genere exteris nō ceda: a
 (quòd citra patriæ affectū, ac gratiā dictum
 existimari velim) qui, quod sentiunt, sua lin-
 gua politè eloqui possint, mādare literis, dispo-
 nere, illustrare, & mira delectatione vel au-
 ditores, vel lectores allicere: non minus certè
 quàm exterae nationes. Cuius generis hominū
 percelebris est copia cū in senatu Parisiensi, tū
 in alijs Galliaē urbibus. Neq; tamē id me con-
 tendere putes: vt à Græcis, Latinis ve literis
 quēquā dehortari studeā: vt qui in his à par-
 uulo hactenus insudo, in illis verò utcunq; in-
 stitutus succisuius horis versor. Sed vt semel
 demonstrē nihil esse, quod nostra lingua apie,
 distinctè, & ornate enuntiari nō possit. Atqui
 Græcè, aut Latine (obiciet litigiosus quidam
 vitiligator) logè facili⁹, quæ vertis (ne dicā,
 quæ peruertis) & tradi, & percipi possit. Ego
 tibi nō verti, neq; doctis omnibus (in quorum
 albo te esse desiderarē) sed linguæ utriusq; im-
 peritis, cuiusmodi est bana pars chirurgorum
 huiusce tēpestatis: quibus maiore eruditionem
 bene precor. Quòd aliorū opera perueriā non
 est quod causeris, tamen si nunquā ballacinari
 esse supra captū humane mētis nō diffiteor: si
 quid tamen erratū deprehendatur (vt tum in
 Græcis, tū Latinis exēplaribus sepe cōtingit)

est quidē id modeste castigādum, non canina
quadā rabie mordicādum. At, quibus vertis
discāt prius in scholis bonas literas. Si p̄ otīū,
& facultates (neq; enim illis deest vis īgeny)
hoc eis liceret, certē medicorū obirēt tūq; tem-
poris munera, nō chirurgorū. Atqui eorū ple-
riq; medicorū officio abutūtur, victus ratio-
nē & omnis generis pharmaca agrotis pra-
scribētes. Et id nō inficior: verūm hoc illis non
suasimus, si medicum nācisci queāt: alioqui in
agro id praeſtare poterūt, ac vbiubi medicorū
est penuria. Melius enim est, autore Celſo, an-
teps auxilium, quā nullū. Sed interim pa-
nem ē manibus nostris extorquēt. Et tu panis
micas de mensa decidētes (quod impium est,
& ab homine Christiano alienum) illis sub-
trahere conaris, adeo vt probro cuiquam eo-
rum obijci possit Martialis hoc distichon,

Chirurgus fuerat, nunc est vespillo Dianus:

Cæpit quo poterat Clinicus esse modo.

Quod si tandē eos ab omni questu & vëtura
senectutis viatico excludere nō pudeat, vt gē-
ma bibas, et Sarrano ostro dormias (adeo in-
explebilis est cupiditatis sitis) quid superest?
nisi vt viceribus sarcotica, colletica, et epulo-
tica, emplastra, vnguēta, cerata, atq; id genus
remedia istis manibus tā nitidis, suffulcis, gem-

matis, astinū, atq; hibernū aurū vtilitatib; ,
 admoucas, abscessus modò secas, modò vras
 ramices, luxationes, fracturas cures, barbas
 etiā, si libet, tōdeas, & eiusmodi (quæ pleriq;
 medicorū dedignātur) tractes. Sed hac ab in-
 eunte quidē atate ex chirurgiæ magistris, ac
 tōsoribus didicisse oportuit. Neq; enim quē-
 quā ex libro nauclerū, aut militiæ ducē eva-
 dere, aut alterius artis magisteriū, seu profes-
 sionē adipisci nos docet Gal. alimentorum.
 Proinde sua chirurgiæ, sua tonsoribus munia
 relinquamus, Galenū imitātes, quē licet vul-
 nera, abscessus, et huiusmodi vitia curasse nō
 nesciā, ex sexto methodi satis cōstat, quū Ro-
 ma ageret, ciuitatis morē sequutum esse, per-
 missa ijs, quos chirurgos vocāt, maxima eius-
 modi operū parte. Quæ vt felicius obire pos-
 sint, anatomicis institutionib; adiutādi sunt.
 Ea ī re vt vis, ita potes maximo illis vsui so-
 re, quippe qui si quis alius, ī corporū dissec-
 tione sis exercitatisissimus, vt cætera omittam, in
 quibus excellis, et philosophiæ, et medicæ artis
 studia: quibus linguarū cū Latine, tū Græcè
 peritia nō mediocris (præter reliquas animi
 dotes) accedit. Quāobrē magnopere te hortor,
 vt puinciæ huius partē excipias, atq; nos hoc
 fasce leues. Quo nomine mihi, ac chirurgi
 omnib;

omnibus plurimū gratificaberis. Nec est, quòd molestè feras superioribus diebus Gallicè à nobis versum Galeni libellū de ossibus ī lucē prodūsse: quē (vt posthac audini) lōgè felicius Gallicū feceras. Equidem hoc me præsuiſſe oportuit: quod si rescuiſſe, nūquā certè ī manus hominū venisset. Verūm nihil hoc labore nostro fama tua præceptum est. Habes enim, quæ pro ingenij tui præstātia, & eruditionis magnitudine vel tractādo, vel explicādo maiore tibi gloriā, existimationēq; cōciliare possint. In ea vt incumbas, non faciā, vt te diligentius incitē. Satis enim p te bono publico studes, et aliquid semper in cōmune pferre conaris. Quod ipsum tū tue naturæ bonitatē testatur, tū vt ab obliuionis iniuria nomē tuum asseras, in posterum efficiet. Quo quid hominī optādū, aut expectādū magis? Brevis est vitæ cursus, vix nati, mox morimur: at quæ magno studio quæsita, & præstanti ingenij felicitate cōposita, dū vita frui licet, posteris cōparamus, ea sola breuitatē vitæ supplet, & ab interitu nos vindicāt. Plura, inquā, in eā rationē non addā, ne p se satis currētē, quod dicitur ī citare videar. Hoc tamē ad extremum addā: qui tue dignitati, & existimationi ī genuē magis, quàm ego, faueat, esse prorsus neminē. In eam

me voluntatē adducit tū studiorū similitudo,
 tū laboris nostri ad bonū publicū promouēdū
 suscepti societas. In qua re tametsi nonnullis
 fortē parū noster p̄batur, aut placet conatus,
 nihilo secius institutū, p̄positūq; nobis vrgēdū
 est. Ego, quod ad me attinet, nullo labore de-
 fatigabor, quin, quos Galeni libros Chirurgi
 cōducere cognouero, eos quā diligētissimē se-
 ligā, & Gallicos breni reddā. Iam verò ad rē
 aliā diuertā. Vix credas, mi Rōdele, quātā
 doctis, & literatis omnibus molestiā, dolorēq;
 attulerit proximus tuus casus, ut ille cerne
 quidem grauissimus, atq; acerbissimus, ita te
 omnium minimē dignus. Ecquid enim indi-
 gnus, quā homini & natura mihi, & in
 nullū cōuitioso vim à temerarijs afferri? Gra-
 uissimū illud hercle tibi, id est, integra vita,
 & doctrina singularis viro bene volentibus,
 & cupiētib; accidit, perculitq; omniū ani-
 mos, quòd te ex acceptis vulneribus in peri-
 culum vitæ incidisse, passim dissiparetur. At
 tuo casui opē tulit Deus Opt. Max. neq; per-
 misit, ut te itā subito careremus. Magna pro-
 fectò sanè fuit illa Dei in te charitas: quā ut
 tibi in perpetuū presto sit, Deum eundē ipsum
 illū Opt. Max. omni supplicatione rogamus.
 Bene vale, nosq; (ut soles) ama, Lugduni. Cal.
 Mart. an. à salute Mortalibus restituta, 1541.



D V M O V V E M E N T D E S M V S C L E S.



L I V R E I.



Es instrumens du mou-
uemēt volūtaire ce sont
les muscles : desquelz la
multitude est si grande,
quil est bien difficile de
les nombrer. Car mes-
mement aucuns sont de nature tellement
conioints ensemble, quilz ne semblent estre
qu'un. Et dailleurs pource qu'un muscle, qui
est terminē en plusieurs tendons, ne semble
plus estre seul, & vnique, mais plusieurs, &
autant quil y ha de tendons : pource aussi,
que les muscles sont de diuersē figure, &
quilz sont implantez en diuerses & dis-
semblables parties: pour icelles causes la ma-
niere de leur mouuement est difficile à
comprendre. Or ce ne sera pas petite chose
de demontrer, que les muscles naissent es
parties

parties, lesquelles se mouuent en diuers lieux, & souuentefois contraires. Car aucuns sont implantez en bas, les autres en hault, les vns deuant, les autres derriere, les vns à dextre, les autres à fenestre. Dauantage tout muscle tréché transuersalemēt par incizion non pas petite, & superficielle, ains grande, & profonde, nuit totalemēt à aucuns mouuemens de la partie, en laquelle ledit muscle estoit implanté. Mais pource quil y ha plusieurs manieres de nuisances, & lésions de muscles, pour ceste cause ainsi la maniere de leur mouuemēt est difficile à comprendre. Car les muscles des iambes, quand ilz sont incizez çà, ou là, incontinent ilz ne peuvent ou fleschir le membre, ou lesterdre, ou le leuer, ou le baïsser, ou le tourner. Telz accidés viennent à cause des phlegmōs, calles (cest adire duresces) putrefactions, contusions diceux muscles, & dures cicatrices : es iambes, & es mains principalement. Car à cause des muscles patiens en chaque main, aucuns ne la peuvent plus estendre, ou fleschir, ne esleuer, ou baïsser, ne mouoir de costé, ou dautre, ne deuant, ne derriere. Ces memes cas aduiennēt aux tendons paties, & blessez. Les modernes Medecins les appellent aponeuroseis, quasi enervations des muscles: pource (comme ie pense) quilz voient

voient les muscles finir en tendons : desquelz la nature est mixte, & moyenne entre le ligament, & le nerf. Car syndesmos (ceſt-à-dire ligament, ainſi appelle proprement, & non communement) eſt vn corps nerueux ayant totalemēt ſon origine de los : toutefois il ſimplāte en los ou au muscle. Auſſi il ha ce nō à cauſe de ſon vtilité. Mais le nerf en Grec Neuron, & Tonos, ont leur origine du cerueau, ou de la ſpinale medulle. Lequel instrument ha ces deux noms, à cauſe de deux opérations, pource quil eſt nay à tendre, & à flechir. La ſubſtance du corps des nerfs eſt telle, cōme ſi tu entens vn cerueau conſtipé, & cōdēſé, & par conſequent vn peu dur. Semblablement le corps de la Spinale medulle eſt ſemblable à vn cerueau compacté, & conſtipé, & par conſequēt endurci. Car auſſi la partie poſteriēre du cerueau (dite parencephalis) laquelle eſt continue à la Spinale medulle, eſt plus dure, que neſt la partie anterieure. Et tous les nerfs, qui ſont mols, te ſemblerōt ne differer point de la Spinale medulle. Mais la medulle, ou moelle, qui eſt dedens les autres os, neſt pas telle, ains eſt humide, & quaſi fluxile: & principalement ſa ſubſtance molle eſt ſemblable à la greſſe. Parquoy tu ne trouueras aucun nerf ne mol, ne dur, ayant ſa naiſſance dīcelle

celle moelle. Outreplus elle n'est pas cou-
uerte des membranes du cerueau, ne de la Spi-
nale medulle. Dailleurs elle n'est point rissée
d'arteres, ny de veines : par ainsi elle n'est au-
cunement semblable au cerueau, ny à la Spi-
nale medulle : aussi elle n'a aucune commu-
nication avec les muscles : lesquelz tous ont
grande communication avec le cerueau &
la Spinale medulle. Car il est necessaire, que
tous muscles prennent nerf du cerueau, ou
de la Spinale medulle : lequel nerf com-
bien quil soit petit à le voir, neantmoins il
est grand quant à sa vertu. Laquelle chose
tu congnoistras des passions, qui lui aduen-
nent. Car sil est incisé, oppressé, contuze,
 prins dun lacs, blessé de quelque callus, ou
putresié, il oste tout mouuement, & senti-
ment au muscle. Ioint, que plusieurs affliges
de phlegmon, sont tombez en spasme, & a-
lienation dentendement. Dont aucuns ayant
trouué quelque sauant Medecin, apres auoir
incisé le nerf, incontinent ont esté deliurez
desdites passions : mais depuis le muscle, au-
quel ce nerf estoit implanté, est tousiours
demouré insensible, & inutile à mouuement.
Certes il y ha vne si grãde vertu aux nerfs,
laquelle influe denhaut du grãd principe,
qui est le cerueau : car ilz ne lont pas deux
mesmes, ne naïue. Tu pourras aussi cognoi-
tre

ne ceste chose, principalemēt si tu trenches
un de ces nerfs, ou la Spinale medulle. Car
tout ce qui sera au dessus de l'inciziō, à cau-
se quil sera contenu avec le cerueau, gardera
les vertus dudit principe. Mais tout ce qui
sera au dessous, ne pourra plus donner ne
sentement, ne mouvement à quelque partie
que ce soit. Sēluit donc, que les nerfs en ma-
niere daucuns ruisseaux, portent du cerueau
cōme de quelque fontaine, vertus aux mus-
cles. Et tout incontinent quilz sont con-
joins avec eux, ilz se diuisent en plusieurs,
& diuerses parties, tant que finablemēt eux
ainsi dissolus, & diuisez totalement en fie-
ures subtiles, & membraneuses, tirēt tout le
corps du muscle. Mais les ligamens, par les-
quelz les muscles ont colligance, & coale-
scent avec les os, engendrent des membra-
nes à lentour des muscles, & enuoyent au-
cuns rameaux en la chair des muscles. Or tu
dois entendre, que la chair des muscles est
comme vne region arrosee de plusieurs
ruisseaux, cest auoir du nerf, & de deux au-
tres dont lun porte le sang chaud, & subtil,
& vaporeux, & sappelle artere. Lautre porte
le sang froid, & gros au regard de lautre, &
sappelle veine. Donc ces ruisseaux (par ma-
niere de dire) ayans leur principe du cœur,
& du foye, arrosent le corps du muscle, & à
cause

cause d'eux le muscle n'est plus vne region
 seulement, mais quasi comme vne plante.
 Dauantage à cause du troisieme ruisseau, qui
 est deduit, & deriué du grand principe, le
 muscle n'est plus planté, ains est quelque au-
 tre chose plus noble, & plus excellente, que
 vne plante, à raison du sentimēt, & mouue-
 ment volontaire, quil ha receu du nerf: par
 le moyen desquelz, il y ha difference entre
 animant, & nō animant. Il sensuit donc, que
 par icelles vertus le muscle est fait instru-
 ment animal, tout ainsi que par l'artere, & la
 veine, il est fait instrument naturel. Car les
 mouuemens qui procedent de l'artere, & de
 la veine, sont naturelz, & non volontaires.
 Mais les mouuemens des muscles sont ani-
 maux, & volontaires. Si tu veux dire, que les
 mouuemens des muscles soient faits par con-
 seil, & election, ou spontanees, ou par vo-
 lunté, cest tout vn. Toutefois il fault consi-
 derer, & coniecturer vne chose: cest auoir
 la maniere de discerner le mouuement des
 muscles, dauec le mouuement des arteres, &
 veines. Car combien que tu ne puisses mon-
 trer la difference es poins, neantmoins tu si-
 gnifieras suffisamment ce que tu veux en-
 tendre. Pourquoy est ce dōq, que nous ne di-
 sons pas, que le muscle est instrumēt du sen-
 timent, mais seulement du mouuement, le-
 quel

quei toutefois participe autant de lun, que de lautre? Est ce pource, que nul mouuement volũtaire ne pourroit estre fait es animaux sans muscle? Parquoy le propre instrument du mouuement volontaire cest le muscle. Mais le sentiment est en toutes particules sensibles, iacõit quil nayt point de muscles. Car toute particule participante de nerf est sensible. Donq nous auons dit clerement que cest, que muscle, cestasauoir quil est instrument du mouuement volontaire. Nous auons dit aussi, dont lui vient le principe de son mouuement: & par quelles parties: cestasauoir du cerueau, & par les nerfs. Item ha este dit, cõme les nerfs sont diuisez en lui, & aussi les ligamens. Reste encores de faire mention de la nature des tendons, à celle fin que ci apres nous ne laissions rien sans declarer. Or nous auons deuant dit, que la nature des tendons est meslee de ligamens, & nerfs: mais la consideration dicelle nature ha este obmise, laquelle sera maintenant adioutee. Le tendon est plus dur, que le nerf, dautant quil est plus mol, que le ligament. Semblablement de magnitude de corps il est plus grand, cõme celui, qui est cõposè de tous deux. Et tout ligamēt est insensible, & tout nerf est sensible, mais le tēdon nest pas insensible, car il participe du nerf, aussi nest il pas

pas si sensible, que le nerf, car il n'est pas tant seulement nerf. Donq d'autant quil participe de la nature du ligament, d'autant sa vehemence, & acrimonie de sentiment est hebetee. D'auantage pource, que le tendon ha la naissance de la fin du muscle, & que au chef du muscle sont implantez nerfs, & ligamés, & puis sont dispersez, & distribuez en tout le muscle, pour telles causes il est raisonnable, que le tendon soit fait des deux. Laquelle chose tu pourras sauoir plus clèrement par lanatomie. Car tu verras euidentement le commencement du muscle (qu'on appelle le chef) estre plus nerueux, & le milieu plus charnu, illec ou sont les ventricules des muscles cōme on les appelle. Et en apres selon ceste mesme proportiō, il deuient tousiours beaucoup plus nerueux. Et finalement la fin se monstre plus nerueuse, que le chef, & commencement, d'autant que le nerf qui paruiet au muscle, en sa premiere implantation est diuisé en peu de portiōs, lesquelles derechef se diuisent en autres, & derechef celles ci en autres: tellement que la diuision procede finalement iusques à estre finie en fibres membraneuses, & fort subtiles. Derechef ces particules se rassemblēt, & conuiennēt ensemble, & font des nerfs plus grans, que les premiers: toutefois il ny en ha pas si grand nombre.

bré. Lesquelz à la fin du muscle sont semblables & en nombre, & en grandeur, à ceux, qui sont situez au premier commencement.

Et pource que le tendon à sa naissance est beaucoup plus grand que le nerf, qui deseéd au muscle, il est manifeste, que nō seulement il est fait du nerf, mais aussi quil ha prins quelque chose de la nature des ligamens, & non pas peu. Car en beaucoup de lieux le tendon se montre six fois plus grād, & plus gros, que le nerf, & souuent dix fois plus. Et non sans cause il ha esté fait si grand, & tel, dautant quil doit auoir lutilité du ligamēt, & du nerf. Car il lie le muscle avec les os subiets, esquelz il est implanté, & en ceste partie il ne differe en rien du ligamēt. Item il est sensible, & mobile : & ainsi il participe du nerf. Toutefois il est plus grand, que le nerf, pource ql doit mouuoir l'os. Car tout tendon se plante en la fin de l'os, vni, & ioint par cartilage, toutefois ceste fin est certaine, aussi est le nerf : car le tendon se dilate, & envelope à lentour de la supérieure partie de l'os, laquelle est appelée caput, cest-à-dire chef, ou teste. Et ainsi quand le tendon est tiré du muscle, il retire l'os, qui git au dessouz. Car le muscle auoit besoin de quelque lien seur, à celle fin quil peust mouuoir l'os : & ny auoit chose plus conuenable à ce,

c que

que le ligamēt, Mais le nerf, qui procede du cerueau estant vne voye de la vertu motiue, à celle fin quil la communique, il est estendu, & mēlé avec le ligament: & ainsi le tendon est fait de nerf, & du ligament. Donc tout tendon est implanté en quelque os, toutefois tout muscle ne se termine pas tousiours en tendon. Car en tous les muscles mouuans la langue il ny ha point de tendon, pource q̄ la langue ne requeroit mouuement daucun os, mais deuoit former la voix articulée, & iuger des saueurs, & donner ayde, & vtilité à la mastication, & deglutition. Et si sembloit aduis à quelquun, que le cœur fust tel, il monstreroit qu'il n'auroit pas diligemment considéré le corps du muscle. Car sil auoit bien considéré, il congnoitroit, que le cœur differe grandement dauec le muscle, en grosseur, formation, contexture, & dureté. Aussi ne conuiennent ilz pas en œures, & actions. Car le cœur pour faire mouuement double, & composé, lequel est perpetuel, par diastole, cestadire eleuation, ou dilatation, & systole, cestadire depresseion, ou contraction, n'a pas besoin de mouuement volontaire. Mais les muscles nont pas mouuemēts semblables au cœur, & sans volonté ne se pourroient jamais faire. Dauantage aux ventricules du

cœur il y ha des ligamens fort semblables à tendons: de l'utilité desquelz nous parlerons en autre lieu: pour maintenant il fault entendre le nom du ligament selon la commune signification. Mais les leures de la bouche, lesquelles sont faites de la cōpaction, & exacte adherence du cuir, & du muscle, ont ensemble leur mouvement sans os. Semblablement les yeux ont mouvement volontaire des muscles: & toutefois nul os ne meult avec eux. Outre plus le cuir, qui est au frōt, & aux sourcils, aussi plusieurs parties de la face, sont meues par mouvement volūtaire, iacoit que les os soient en repos. Toutefois il y ha ~~entre le cuir & le muscle~~ entre ce cuir, & entre les yeux, & les leures: pource que au dessouz de ce cuir en lieu de muscle il y ha vne nature musculēse subtile, & les muscles mouuent plus les yeux, mais la nature des leures est faite du cuir mēlé avec le muscle. Et si le mery (que les Grecs appellent stomachus, ou œsophagus: & les Latins gula) est muscle, & quil administre lofficē du muscle, certes il sera muscle sans tēdō, & sans mouuoir l'os avec soy. Pareillemēt au col de la vessie receuant l'urine, il y ha vne substance du tout semblable à vn muscle, & de telle action. Sēblablement au siege il y ha vn muscle, iacoit que tu ne le vueilles estimer que vn, ou plusieurs con-

joints ensemble, toute fois aucuns os ne se meu-
 par eux. Ainsi est il des muscles, lesquels
 descendent aux testicules, & à la partie hon-
 teuse. Et somme il conuient dire de tous
 muscles, quilz sont instrumens du mouue-
 ment volontaire. Entre lesquels les vns se
 meuuent d'eux mesmes, tant seulement par
 contraction, comme les muscles du siege,
 & de la vessie: les autres attirent avec soy le
 cuir, quand ilz se retirent à leur commen-
 cement: comment ceux qui sont aux leures,
 & au front, & en toute la face: desquelz ne
 procede aucun tendon. Tous les autres mus-
 cles, quiconques mouuent les os sont ter-
 minez en tendons, les vns plus grans, les au-
 tres plus petis. Mais tous muscles, qui mou-
 uent autre chose, que les os, les vns ont des
 tendons, les autres non. Or ceux, qui mou-
 uent autre chose, que les os, sont comme les
 muscles des yeux, de la langue, des testicules,
 & de la partie honteuse. Item de Pharynx,
 & principalement ceux de Larynx, cest la
 superieure fin de la tracheie artere, qu'on
 appelle caput Bronchi, & Fauces, ou Pha-
 rynx. Donq les muscles des yeux par textu-
 res membraneuse (en Grec aponeuroses)
 toute fois fortes, & nerveuses, paruiennent
 à la dure, & nerveuse tunique (dite cornea)
 situee pres de Rhagoïdes, cest adire Vnea.

Mais

Mais les muscles de la partie honteuse, & des Testicules, sans faire aucune texture nerveuse prennent leur naissance aux particules charnues d'eux. Quand aux muscles de Pharynx, & de Larynx, les uns ont de petites textures nerveuses (dites aponeuroses) les autres non. Or la maniere du mouvement des muscles est diversifiée selon la difference des parties. Côme en la langue il ny ha mouuemēt, qu'on ne puisse bien voir manifestement : cest a sauoir en hault, en bas, deuant, derriere, à dextre, & à senestre. Aussi la langue est en partie quasi reflexe, & re-ployee, & en partie doublee, & aucunement ployee : & aussi aucunes fois elle ha mouvement circulaire, tellement quelle est menée de toute part. Mais aux yeux, il y ha quatre mouuemens droitz : cest a sauoir en hault, en bas, à dextre, & à senestre. Item deux autres circulaires. Semblablement il y ha deux mouuemens des muscles, qui sont aux téples. Car quand on serre les dens ensemble, ilz sont rédus, & courbez, mais quand on ouure la bouche, ilz se lachent. Pareillement le mouuemēt du grād muscle, au bras est assez manifeste leq̃l en flechissant cubitus, se courbe, & se retire en soy mesme : mais en l'extension, il se relache. Semblablement le grād muscle de cubit⁹ en la partie interieure

ha ces mesmes mouuémés, qui apparoissent manifestement. Lequel en la flexion des doigts se courbe, & fait vne contraction mais en l'extension des doigts, il s'estend, & relasche. Pareillemét les muscles des extremitéz, quasi tous ont deux mouuémés manifestes, si tu les descouure leur cuir : car les muscles dessusdits apparoissent assez sans les descouurir, à cause de leur magnitude. Pareillement es corps maigres, & musculieux le mouuement de plusieurs muscles appert euidentment, deuant que le cuir soit osté. Mais le muscle du siege ha son propre mouuement, pource quil ha aussi sa propre figure, semblable à vne bourse retraite, & fermee. Aussi le diaphragme est semblable, sinon quil nest pas percé : duquel tu verras le mouuement euidentment, en diuisant le peritoine, & en retirant les visceres situez au dessouz. Quant aux autres muscles, qui sont au thorax, & en tout labdomen, il suffit d'oster le cuir tant seulement. Toutefois les muscles d'abdomen ont quelque difference avec les muscles des extremitéz, & de la face. Car à l'extension, & quand ilz se retirent à leur chef, & commencement, ilz se courbent. Mais les muscles des extremitéz, & de la face, à l'extension ilz se dressent : & à la laxation ilz se courbent.

A sauoir

Aſavoir donq (comme nous auons propoſé à conſiderer des le commencement) ſil y ha autant de manieres de mouuemens aux muſcles, & en tel membre, comme ilz apparoïſſent tant en diuiſant les particules, que deuant que les deſcouurir. Ou ſil y en ha beaucoup moins, quilz napparoïſſent. Certes ceſt vne choſe abſurde, & de peu deſprit, de dire, que tous muſcles nayent pas vn mouuement : comme ſi quelcun diſoit, que les arteres ont autre mouuement, que les muſcles. Car nature œeuure ſemblablement par ſemblables inſtrumens. Parquoy de dire que tous muſcles ont fix mouuemēs (ce que aucūſ ont deſia dit) cela eſt reprouué euidentement. Car premieremēt il ny ha point de muſcle aux pieds, ny aux mains, qui ayt vn tiers mouuement, autre que extension, & contraction. Ainſi eſt il des muſcles temporelz, dont chacun ha deux mouuemens manifeſtes. Mais ſi les muſcles transportent tout le membre en fix lieux, il ny ha point de doute, que chacū d'eux aura double mouuement. Car ſi vn muſcle mouuoit tout le membre, il ſeroit neceſſaire, quil y euſt autant de mouuemens de ce muſcle, quil y auoit de mouuemens dudit mēbre. Mais pource quen vn chacun membre il y ha non ſeulement fix muſcles, ainſi

beaucoup plus, ce n'est point de merueille, si ce membre ha diuers mouuemens de diuers muscles. Mais ie pense, que la langue ha deceu ceux, qui ont esté de cest opinion, cuidans, quelle ne fust composée, que dun seul muscle. Car si ainsi estoit, on démontreroit euidentement, que dun seul muscle seroient plusieurs mouuemens. Mais pource que la langue n'est pas vn muscle seul, & que plusieurs la mouuent, il est facile de conclure le contraire : cest auoir que dun chacun muscle ny ha pas plusieurs mouuemens. Autrement la multitude des muscles seroit faite en vain, sil estoit possible de faire tous mouuemens par vn seul muscle. Mais ilz disent que vn chacun des deux yeux ha quatre mouuemens droits. O bon homme! cest tresbien dit à toy : ausi y ha il quatre muscles droits : & de fait il ny en auroit qu'un, sil estoit idoine à les mouuoir tous deux. Donq tout ainsi que sil ny auoit que vn muscle, on concludroit, que dun seul muscle il y auroit quatre mouuemens, semblablement pource quil y ha autant de muscles en nombre, comme il y ha de mouuemens, on conclura, que dun chacun muscle sera fait vn mouuement. Comme ausi dun chacun des deux muscles, qui tournent loeil circulairement, il se fait vn mouuement. Mais
ilz

itz repliquent derechef, disans quil ny ha celui, qui ne confesse, quun chacun muscle fait pour le moins deux mouuemens, sil nen fait plusieurs, comme lon void par experience. Comment donq raison veut elle, quil ny ayt quun mouuement à vn muscle? Pour responce, cela nest point absurde, & contre raison. Cest auoir quen vn muscle seul ny ayt quun mouuement, non plus quune action (ie di de par soy) mais ie confesse bien, quil y ha vn autre mouuement contraire, lequel est par accident. Car le muscle fait son operation, ou action, quand il attire à soy la particule: mais quand il est attiré en lieu contraire par vn autre muscle, lors il nopere plus. Et pource nulle particule, qui est meüe, ne vse pas dun seul muscle: car sil y ha vn muscle en bas, il est necessaire, quil y en ayt vn en hault au contraire. Et sil y en ha vn à la dextre, aussi y en aura il vn à la fenestre. Pource que chacune particule meüe par muscles, distraite au contraire, comme (par maniere de parler) par aucunes brides, à lun diceux muscles tendu, & puis lautre lasché par vicissitude, cest adire lun apres lautre. Donq le muscle, qui est tendu, attire à soy: & le muscle qui est lasché, est attiré avec la partie. Et pource chacun des deux muscles est meu par ces

deux mouuemens. Or celui opere, & fait son action, lequel est estendu : & non pas celui, qui est lasché, & ensuit : car icelui est oisif, & sans action : vray est, quil est transporté comme quelque autre particule de quelque membre. Oferions nous donq dire que tous muscles nont quun mouuement ou non, deuant quauoir veu toutes choses, lesquelles apparoiſſent en iceux? il me semble, que cest le meilleur de les voir. Or il fault ſauoir, qui ſont les choses, lesquelles apparoiſſent en iceux muscles ſans rien omettre. Cest que premierement ſi les muscles ſont totalement coupez tranſuerſalement, le mouuement des parties ſubiettes eſt du tout perdu : mais ſi leſdits muscles ne ſont que incisees aucunement, le mouuement eſt ſeulement bleſſé. Voila ce, quil fault ſauoir principalement, dont yne partie ha deſia eſté aucunement dite, & declairee au commencement de ce liure. Or la quantité de la leſion du mouuement eſt ſelon la quantité de lincifion. Car en grande incifion le mouuement eſt plus bleſſé, & en petite incifion, moins. Autant en veûx ie dire des tendons, ceſta ſauoir ſilz ſont du tout coupez, les mouuemens des particules ſont perduz : mais ſilz ſont ſeulement incizez aucunement, ſelon lincifion le mouuement eſt

est blessé. Or sil estoit ainsi, que tous les
mouuemés de la partie fussent perdus, quâd
vn seul muscle est incizé, lon pourroit con-
dure, que ce muscle seroit autheur, & con-
ducteur de tous les mouuemens. Aussi sil
ne se perdoit quun seul mouuement, il fau-
droit dire que le muscle incizé estoit seu-
lement cause de ce seul mouuement. Mais
pource quil nadiuent pas quun seul mou-
uement perisse ne aussi tous, mais deux tant
seulement, il semble, quil fault conclure, que
dun muscle soient faits deux mouuemens.
Toutefois pource quun muscle constitué
de parties contraires, ou vn tendon, quand
il est incizé, perd ces deux mouuemens, de-
rechef il semble, que nous deuôs dire (pour
cette mesme raison) que ce muscle, ou ten-
don, est cause de ces deux mouuemens.
Parquoy si vn muscle, quel qui soit, perit,
aussi son mouuement ensemble perira. Le-
quel mouuemēt ne peult estre fait par deux
muscles semblablement, mais chacun en fait
vn tant seulement. Or il est necessaire, que
lune de ces deux choses soit vraye. Mais la-
quelle est ce? Nous nous efforcerons de le
demontrer, apres auoir premierement de-
clairé ce poinct digne de noter. Cest auoir
quand il y ha aucuns mouuemens, qui suc-
cedent lun apres lautre, si lun se perd, il est
necess

necessaire aussi, que lautre se perde. Car mets le cas, que le mouuement, qui est pour estendre la partie, soit corrompu, vray est, que premieremēt la partie sera flechie, mais elle demourera perpetuellemēt en cest estat: pource, que iamais ne se pourra estendre dautant quelle est priuee du mouuement extensif. Et pource, quil nest possible, que plus elle soit estendue, aussi nest il possible que plus elle soit flechie. Car vne partie ne peult receuoir flexion, sinon que parauant elle fust estendue. Pareillement sil aduient, que le mouuement, qui est pour flechir la partie, perisse, premierement la partie sera estendue, mais en apres elle demourera immobile, & du tout sans mouuement: car elle ne pourra plus venir à flexion: apres laquelle sensuit lextension. Donc il nest chose plus veritable: cest auoir, que tous mouuemens contraires succedans lun apres lautre, sont corrompus ensemble. Parquoy la question est bien proposee. Auoir si deux mouuemens sont faits par vn muscle, ou si chacun muscle ne fait quun mouuement, à celle fin, que lun ne perisse quand & lautre. Comment donc la chose sera elle distinctement declairee? Certes en diuers cas, & symptomes. Car tout ainsi, que les choses communes estoient demonstratiues dune

d'une chose commune quant est à elles : & pourtant ce, qui estoit propre à lun, & à l'autre, estoit incertain, semblablement les choses particulieres, & propres feront la propre demonstration, & manifeste verité de l'operatiō des deux muscles. Or les choses propres aux muscles sont telles. C'est-à-savoir, que quand vn muscle interieur est coupé, incontinent la partie se flend, & demeure perpetuellement en ceste figure. Et quand cest vn muscle exterieur, qui est coupé, la partie se flechit, & iamaïs plus ne se peult estendre. Et si tu prens icelle partie avec les mains, & que tu la flechisses, quand elle est estendue, ou que tu l'estendes, quand elle est flechie, tu feras lun, & l'autre facilement : mais apres que tu auras laissée ladite partie, incontinent elle retournera en son premier estat. Quest ce donq, que nous auons démontré par ce cas, & exemple ? Certes nous auons démontré, que la flexion vient des muscles interieurs : & l'extension, des muscles exterieurs. Parquoy si le muscle exterieur est nauré, en sorte quil ayt perdu son operation, & que le muscle interieur demeure encores entier, & faisant son operation, adonq la partie se flechit : car le muscle, qui est nay pour la flechir, est sain, & entier. Mais si le muscle inter.

interieur est coupé, il aduient tout au contraire : car le membre s'estéd, & iamaïs plus ne se flechit. Mais pourquoy est ce, que la partie demeure immobile en chacune de ces deux figures ? Est ce pource, que les mouuemens succedans lun à l'autre le corrompent, & perissent ? Car le muscle, qui est pour flechir, si est sain, premierement il flechit, mais derechef il ne peult plus flechir ny deux, ny trois fois, sinon que derechef la partie soit estendue, veu que flexion est deüe à la partie estendue. Semblablement le muscle, qui est nay pour estendre, par ceste mesme raison il lestend vne fois, mais derechef il ne peult plus estendre ne deux, ne trois fois, sinon que la partie soit derechef flechie : car extension est deüe à la partie flechie. Et si tu veux adonq imiter l'operatiõ perdue du muscle naturel, en estendant avec tes mains la partie, laquelle estoit demeuree flechie tu verras puis apres, que le mouuemēt idoine à la flechir, sera demeuré saue, & entier : car sans auoir besoin de ton ayde, la partie se flechira de soy mesmes par le muscle interieur, faisant son operation, & attraction : toutefois iamaïs ladite partie ne se pourra estédre par aucun muscle, mais tousiours aura besoin de ton ayde à son extension. Pareillement si le muscle

inter

interieur est nauré, la partie demeurera
toufiours estédue, sans auoir besoin de ton
ayde: toutefois iamais plus ne se flechira
par aucun muscle, ains aura besoin du mou-
uement fait par ton ayde. Il est donq ma-
nifeste par les choses dessusdites, que fle-
ction est l'office, & action des muscles inte-
rieurs: & extension est des muscles exte-
rieurs. Aussi il est certain, que tension, &
contraction en soy mesmes est la propre, &
nauue operation des muscles: & que rela-
xation lors appartient aux muscles opposi-
tes. Laquelle chose tu pourras sauoir par
plusieurs autres choses apparentes, & mani-
festes, comme tu las sceu de ce premier cas,
est sa uoir, si tu ostes les iambes de quel-
ques oiseaux en les maniât, & que tu teffor-
ces destendre avec tes doigts les tendons,
premierement les interieurs, & puis exte-
rieurs: & tu verras euidentement si tu tires
les interieurs quilz font la flexion: & les
exterieurs font l'extension. Outreplus si tu
prens vne iambe tenant, & iointe encore à
tout le corps, & que tu vueilles estendre les
deux tendons ou muscles tu pourras voir
en ceste maniere comme le membre est fle-
chi par les interieurs, & estendu par les ex-
terieurs. Dauantage si tu veux couper tout
le muscle transuersalement, soit en vn corps
mort

mort, ou encores viuant, tu verras euident-
ment, que lune des parties se retirera en
hault, & lautre en bas : cest auoir chacune
à son terme, & extremité, en quelque partie
que ce soit, que tout le muscle soit coupé
transuersalement. Dont il est manifeste, que
chacune partie du muscle ha son mouue-
ment propre, & naif : cest auoir vn retour
en soy mesmes. Car si tu coupes seulement
le principe, & chef du muscle, tout le mus-
cle se retirera au bout dembas. Et si tu cou-
pes seulement le bout dembas, tout le mus-
cle se retirera à son principe, & chef. Mais si
tu le coupes en hault, & en bas, tu le verras
quasi conglobé, & rond, & concurrent au
milieu, tant dun bout, que dautre. Il est
donq notoire, que ce propos est assez de-
monstré par les exemples dessus alleguez.
Aussi les Medecins exercez es ceure, &
les Philosophes ont ainsi entendu. Mais à
cause de ceux qui doutent de toute inuen-
tion dœure, & action, non seulement nous
auons allegué les propos dessusdits, mais
aussi tous ceux, que ci apres ensuiuent, se-
ront alleguez à cause d'eux. Pour certain,
quand il y ha callus, ou scirrhe cest tout vn,
en vn muscle, ou tendon, quel que ce soit : si
cest lun des interieurs, la partie demeure
flechie, & plus ne sestend. Mais si cest vn
muscle

muscle, ou tendon exterieur, la partie demeurant estendue, & plus ne se flechit: tout au contraire des playes. Car es playes, la partie se retire au contraire du lieu nauré, mais en callus la partie patiente se retire vers soy-mesme. Laquelle chose ne repugne point à ce que deuant ha esté dit, mais l'atteste; & confirme merueilleusement. Car toute partie, ou il y ha scirrhe, est estendue par vne tumeur contre nature, tellement que la maladie fait autant comme vn fort mouuement volontaire, excepté, que le mouuement, lequel est fait à cause de la maladie, n'est pas mouuement volontaire. Parquoy il ne seroit possible de retirer au contraire avec les mains aucune partie ainsi patiente: laquelle chose auoit accoustumé de ce faire es playes. Car le scirrhe téd au cōtraire, lequel sert de ligament au muscle. Par ainsi si estoit possible de retirer la partie au lieu opposite avec noz mains, rien n'empescheroit, que ladite partie ne fust aussi retirée par les muscles opposites, pource quilz ont leur propre mouuement. Or ce qui aduient aux scirrhes, aduient aussi aux phlegmons. Car les muscles, & tendons affliges de phlegmon, estendans souuēt à soy le membre, l'empeschent de son mouuement. Item vne duresse de cicatrice souuentefois em-

pesche le membre autant , que les passions
 dessusdites , comme il appert. Donq il est
 manifeste , que toutes ces choses leur ad-
 uiennent, & aussi ce, qui sensuit. Et que en-
 semble plusieurs arteres se dissoluent. Or ce
 semble estre chose merueilleuse, & quasi
 impossible, ven que tous muscles ont vne
 seule maniere de mouuement, que vn membre
 (cōme la main par maniere d'exemple) fut
 aucunefois estendue, & aucunefois flechie,
 & aucunefois fut meue à dextre, & à senes-
 tre, & quelquefois en hault & en bas, & au-
 cunefois en arriere vers la spine. Mais la
 chose ne semble plus estre merueilleuse à
 nous, qui sauons que le mouuement de la
 main en hault, & en bas, est l'action de l'arti-
 cule, lequel est en humerus, & des muscles,
 qui le meuuent. Mais l'extension, & la flexion
 de la main, cest l'action du bras à cubitus
 ou ulna. Et la reuolution de la main, en fi-
 gure prone, ou supine, est le mouuement du
 bras, à radius. Mais le mouuement de la
 main, en arriere vers la spine, est fait par les
 quatre articles meuz ensemble en telle ma-
 niere : cest auoir en baissant le bras, & en
 flechissant cubitus, & en retournant radius
 en figure prone, & derechef en retournant
 la iointure de la main dite carpus. Mais
 tous ces mouuemens se font par les muscles
 fait

faisans leurs operations. Toutefois ce n'est pas à present le temps de declarer, quel muscle fait tel mouuement, ou tel. Car cela sera declaré aux liures de la dissection des muscles. Item de l'utilité des parties, ité des anatomiques administratiōs: esquelz liures nous dirons le nombre de tous les muscles, & le mouuemēt de chacune partie. Quant à ce, qui sert à nostre propos, nous l'auons repeté à cause d'en auoir memoire. Ne sois point dōq esmerueillé, si y ha vne maniere de mouuement aux muscles, & toutefois que les membres soient figurez en tant de diuerses formes. Car cest pource que chacū muscle attire vers soy la partie, en laquelle il est implauté, cest auoir lun à la dextre, & l'autre à la senestre, lun flechit, & l'autre estend. Est ce donc chose merueilleuse, quād plusieurs muscles operēt tous ensemble, selon plusieurs articles, si à cause de ce les membres reçoīēt diuerses figures? Car les muscles, qui sont implantez dedens le chef du bras, eslieuent le bras en hault. Et ceux, qui sont en cubitus, exterieurs, finissant en la partie dite ancon, l'estendēt. Mais ceux qui sont interieurs en cubitus, mouuēt radius en figure prone, quasi comme oblique. Et ceux, qui sont en cubitus exterieurs, finissant en lui, estendent carpus. Et chacun

des doigts est flechi par tendons interieurs. Or si ainsi est, que vn chacun des doigts est flechi par lesdits tendons interieurs, toute la figure de la main est faite semblable à ceux, qui luctent, que les Grecs appellent pancratiaſtæ. Mais si le bras est esleué en hault mediocrement, & que cubitus soit exactement en figure ſupine, & que radius soit flechi par les muſcles extérieurs de cubitus, & que carpus soit eſtendu avec les doigts, adonq la figure de toute la main ſera faite ſemblable à ceux, qui leſtendent pour receuoir quelque choſe. Et quand la main eſt ainſi figurée, ſans riē changer, ſinō ſeulement la figure ſupine, & en la conſtituer moyenne entre exactement ſupine, & prone, lors tu feras toute la forme, & figure de la main telle, comme ſont les archiers, quād ils tirēt, comme dit Hippocrates. En telle maniere, en toutes figures de toute la main, il eſt facile de trouuer la conſtitution de chacun article, pourueu que tu ayes memoire, que tout muſcle, quād il eſt tendū, attire à ſoy la partie, en laquelle il eſt implāté. Car en ceſte maniere tu trouueras que tous les offices, & actions de la main, ſont parfaites par les muſcles dicelle, ceſta ſauoir de ceux qui luctent, de ceux qui tirent de l'arc, & de ceux qui fabriquent, ou qui font quelque
autre

autre chose. Or cela me semble si clair, & si
euidēt, quil n'est plus besoin den tenir pro-
pos. Mais de ce qui n'ha pas encores esté
dit, & pource est obscur, il en conuient par-
ler conséquemment. C'estasauoir que tout
mouuement de la main n'est pas fait par
loperatiō des muscles, aussi toute immobi-
lisē n'est pas faite par le repos diceux mus-
cles. Car il est bien possible de trouver
quelque mouuement, iacoit que tous les
muscles cessent de leur operation. Aussi il
est possible de trouver quelque repos, ia-
coit que plusieurs muscles fassent leur ope-
ration. Or parlons premierement du mou-
uement: mais à celle fin, que la matiere soit
plus clere, il fault tout premier auoir me-
moire de ces deux mouuemens en tout
corps, lesquelz sont prochains lun de lau-
tre: toutefois ne sont pas semblables. Dont
l'un sappelle decubitus, cestadire reclinatiō:
& lautre, decidētia, cest chente. Reclinatiō
se fait volontairement, mais decidētia non
volontairemēt. Item reclinatiō se fait par
operatiō des muscles, & pource cest ceuvre
volontaire: mais decidētia, ou choir n'est
pas ceuvre, ains vn cas contraint, & nō vo-
lontaire, n'ayant besoin daucun muscle fai-
sant son operation. Car il suffit seulement,
que tous les muscles de tension attirant, &

que le corps permette à la grauité, & pesanteur, estre portee là ou elle incline. Par ceste raison il y ha difference entre decubentia, & decubitus: semblablement entre delation de la main, & demission. Car delation de la main se fait, quand tous les muscles qui sont en icelle, cessent, & que la grauité naïue est ostee des corps. Mais demission de la main est faite, quand les muscles, qui sont en laisselle, tirēt à soy le bras. Donq ce tiers mouvement des muscles ha esté trouuē, outre les deux autres dessusdits desquelz lun, selon lequel les muscles operent, estoit yne contraction, & retout en eux mesmes. Et lautre, selon lequel les muscles cessent, quand ilz sont estendus par les muscles opposites & contraires, ne leur estoit pas naïf, ains estoit fait par aucun accident. Mais ce tiers mouvement, lequel maintenant ha esté trouuē n'est en nulle chose semblable aux deux autres dessusdites. Car nul muscle n'est par lui retiré, ny estendu, & par consequent n'est aucunement meū. Or n'est possible quād tout le membre est porté en bas, que le muscle estant partie du membre, demeure immobile. Parquoy sensuit quil est meū, toutefois alors n'est ne estendu, ne retiré. Quelle maniere donq de mouvement ha il? Certes il ha tel mouvement comme
les

les os. Car les os sont portez avec les membres, & sans quilz soient estéduez, ne retirez: mais ilz sont menz, tout ainsi comme si tu lyois quelque corps sans ame, avec iceux. Pourtāt dōq, que entre les mouuemēs, contraction appartiēt au muscle, comme à linstrument de lame, & extēsiō appartient au muscle comme instrument: toutefois elle nest pas operation, mais simplement elle est mouuement. Le tiers mouuement, lequel maintenāt ha esté adioutē, ne conuient pas aux muscles cōme viuās, mais cōme inanīmēz, & du tout immobiles de soy. En apres venons au quart mouuement, qui reste, & considerōs la maniere, laquelle est aucunemēt opposite au troisieme mouuement. Car en la troisieme maniere du mouuement nous auons demōstrē, comment les muscles cessent de leur operatiō iāçoit quilz soient menz. Mais au quart mouuement nous demonstrerons, commēt les muscles font leur operatiō, iāçoit quon ne les voye mouuoir aucunemēt. Or mettons le cas, que la main soit tendue en hault, & que puis apres elle demeure en ceste figure. En apres interrogon, pourquoy cest que la main nest portee en bas, veu quelle y incline par sa grauitē, & pesanteur? Nous rēpondrons que la tension des muscles esleuant icelle main, est

permanente : parquoy donq il n'est pas possible, que la main soit transportee par autre mouuement, iusques à ce que les muscles cessent du tout de leur operation. Mais quand ilz sont totalement ceflez de leur tension, en sorte, que nul autre muscle ne soit tendu, ains que tous demeurent sans operation adōq la main sera portee là, ou sa pesanteur la menera. Mais sil y ha quelque autre muscle tēdu, alors la main se mouuera là, ou ce muscle l'attirera. Il est donq manifeste, quād la main demeure tendue, que la tension des muscles, lesquelz l'ont ainsi constituee, est aussi cōseruee, & gardee. Fault il donq dire, que les muscles operēt, & soient tenduz, & toutefois quilz soient sans mouuement? Cettes si nous craingnōs de le dire ainsi, il faudra dire, que les muscles ne operent point. Car cest chose absurde, & contre raison, de confesser, que les muscles operent, selon leur naïue & propre operation: & de nier, quilz ayent mouuement. Mais tu pourras dire, quil n'appert point, que les muscles ayent mouuement. Car pourquoy ne fault il pas opposer les choses contraires? Iacoit que leur contrariété soit fort ardue, & difficile, à distinguer: toutefois si nous desirās quelque doute, faisons argumens au contraire, certes nous ferions mal.

Mais

Mais dautant, que nous ne sommes pas du nombre de ceux, qui meuent des doutes, & questions, non pas à celle fin, que la verité soit trouuee, ains plustot sommes du nombre diceux, qui considerent diligemment, & de toute part, pour exactemēt la trouuer. Il fault donq demonstrier alaiement tout ce, qui vient en controuersie, & doute, san rien celer. Or dautant, que les muscles operent, pour ceste cause nous disons, quilz ont mouuement. Mais pource, quil nappert point, que tout le membre, duquel les muscles sont partie, soit meur, ne aussi les muscles, derechef pour icelle cause nous ne osons confesser, que les muscles ayent mouuement. Donq quelle solution trouuerons nous à ce doute, & question? Auaoir si nous trouuerons la solution, laquelle alleguent ceux, qui presupposent les mouuemens toniques, ainsi par eux appellez, ou quelque autre meilleure solution? Certes il me semble, quil sera beaucoup mieux, que nous ne prononçons rien de ceste chose temerairement, & follement deuant, que ayans diligemment consideré ce quilz disent. Cōmençons donq nostre propos en ceste maniere. Mettons le cas, que quelque corps sans ame, comme vne pierre ou vne busche, soit tiré par quelcun. Dere-

chef considerons, que ce mesme corps soit
 retiré au cōtraire, par quelque autre: en for-
 te toutefois, que la premiere attractiō soit
 la plus forte, tellemēt, que pour ceste cause
 le corps lensuiue, mais beaucoup moins,
 que sil nestoit tiré au contraire. Dauantage
 donnōs vne tierce cōstitution à ce mesme
 corps, cest auoir, quil soit tendu, & tiré au
 contraire, aussi fort dun costé, que dautre.
 N'est il pas vray, que la premiere cōstitutiō
 ha meu ledit corps autāt quil ha esté possi-
 ble à la puissance du moteur le mouoir,
 & quil lha contraint de venir en si grande
 distance, autāt quil ha esté possible au mo-
 teur lamener? Mais la secōde cōstitution
 ha fait vne distance, dautāt moindre que la
 premiere, dautant, que lun des moteurs ha
 retiré au cōtraire ledit corps. La tierce cōn-
 stitution, dautāt que lun des mouuemes ti-
 roit dun costé autant, que lantre retir oit au
 cōtraire, ha cōtraint ledit corps demourer
 en vn mesme lieu, nō pas toutefois cōme vn
 corps du tout immobile: lequel iacoit quil
 demeure tousiours en vn mesme lieu, neant-
 moins il y ha differēce. Car le corps immo-
 bile iamais nest meu, mais ce corps ici, de-
 quoy nous faisons mētiō, cest auoir, qui
 est en la tierce cōstitution, est meu en deux
 manieres, tout ainsi comme celui qui nage

contre

contre le cours & flux de quelque fleuve.
Car si la force est egale à la violéce du flux,
il demeure tousiours en vn mesme lieu, non
pas toutefois comme celui, qui n'a nul
mouuement, ains est porté de son propre
mouuemēt, autāt en auant, cōme il est reti-
ré en arriere, par l'autre mouuemēt externe,
cest aauoir par le flux, & cours du fleuve.
Or ny ha point de mal de declairer vne
chose si obscure par plusieurs exemples.
Mettons donq le cas, quil y ayt vn oiseau si
haut en l'air, quil semble demeurer en vn
mesme lieu. Aauoir sil fault dire, que cest
oiseau soit immobile, comme sil estoit sus-
pendu en l'air, ou quil ayt mouuement en
hault, autant que la pesanteur de son corps
leust mené en bas. Pour certain il me sem-
ble, quil est ainsi: cest que loiseau n'est pas
immobile. Car si tu mets le cas, quil soit
mort, ou privé de la vigueur des muscles,
tu le verras incōtinent tomber à terre. Par-
quoy il est manifeste, que le mouuement
d'en bas naturel à la pesanteur du corps, est
egal au mouuement d'en hault, fait par la
vertu animale. Or aauoir en toutes ces
cōstitutiōs si le corps est porté maintenāt
en bas, maintenāt en hault, ayāt, & souffrāt
mouuemens contraires, lun apres l'autre, &
toutefois d'autāt, que les mutations se font
soudaines, & en vn moment, & que les

mouuemens sont faits en briefz, & petis espaces : aſauoir ſi pour vray le corps demeure touſiours en vn meſme lieu, ce neſt pas à preſent le temps den parler. Pource que la choſe eſt plus conuenable deſſus enquiſe es naturelles diſputations, ou il eſt traité du mouuement. Mais il ſuffit pour le preſent dauoir trouuë, quil ſe fait vne telle eſpece doperation, laquelle tu peux appeller tonique, ou autrement, ainſi quil te plaira. Or il eſt plus vtile de congnoître, quelle eſt telle operation, à celle fin, quil ne ſemble, que les muscles ne ſoient oſiſs, quand la main eſt tendue en hault. Donc toutes les differences des mouuemens des muscles ſont quatre : car ou les muscles ſont flechis, ou eſtendus, ou ſont tranſportez, ou demeurent tendus. Or la quarte difference eſt du meſme genre avec la premiere. Car toutes deux ſont operations de muscle. Et pource que quand nous incizons tranſverſalement vn muscle mort, lequel neſt plus participant de viguetir, & vertu animale, nous voyons, quil ſe retire tout à les extremittez, il ſenſuit donc, (& non ſans raiſon) que ceſt loſſice de la conſtitution du corps du muscle. Et ſil eſt ainſi, que le corps du muscle ſe retire en ſoy meſme, quelle ſera lutilité de la vertu animale mouuant le muscle, ſinon, que auancement icelle vertu animale ſoit vtile à

cette fin? cest que les muscles cedent, & donnent lieu l'un à l'autre à leurs mouuemens. Car si chacun des deux muscles faisoit tousiours ce, quil estoit nay pour faire, certes il ny auroit nul empeschement, que le corps ne fust subiet à vne passion, qu'on appelle tetanus. Car quest ce autre chose tetanus, sinõ quand les parties sont retirees en contraires mouuemens, maugrè elles, par muscles opposites? Iacoit que aucun pourroit dire, que cela ne se fait pas ainsi, allegant, que la vertu animale commanderait aux muscles cesser de leur operatiõ, veu, quil fault, quilz soient opposites pour la faire. Mais si nous le confessons ainsi estre, premierement nous contredirons à ce, quauons dit deuant: car nous concederons, que les muscles nont plus leur mouuement de la vertu animale, mais plustot, quilz sont sans mouuement. Item plusieurs autres choses contraires lune à lautre, lesquelles apparoißent veritablement en iceux muscles. Et premierement, que si le nerf, qui paruiet au muscle interieur, est couppe, incontinent ce muscle apparoitra estre estendu, & demeurera tousiours en extension. Car il fault, puisque la flexion est naïue à ce muscle, & que lexension se fait par le commandement de lame, que lexension se perde plustot, que la flexion, veu que le
le

le muscle incizé est séparé de la communication, quil auoit avec son principe. Mais maintenant la chose est au contraire, Car le nerf, leql nest pas incizé, se retire : & lautre au contraire sestend. Or il failloit, que non seulement lextension du muscle, duquel le nerf ha esté coupé, fust destruite, mais aussi que lextension, & contraction dicelui, qui nua pas esté coupé, fust gardée, si ainsi est, que les muscles ont leur extension du nerf, & leur contraction d'eux mesmes. Comment donc aurons nous la solution de ce doute? Certes nous laurons de la diuersité des choses. Or il faut ici trouuer la diuersité du mouuemēt des muscles, & de la vertu viant d'eux. Quelle est donc la difference? Certes quand le muscle exterieur est coupé, ou le tendon, incontinent la partie se flechit : iacoit quelle ne soit point flechie par electiō, & volonté. Car il ne faut point ignorer, que les muscles interieurs ont recours en eux mesmes de leur propre substance, & corps. Et si ainsi estoit, que la flexion de quelque partie ne fust volontaire, comment seroit elle faite par la vertu animale? Donc à celle fin, que tu cōgnoisses, qui est le propre mouuemēt de la vertu, commande à quelquun ayant aucune partie blessée, quil sefforce de la flechir. Certes tu la ver-

ras flechir euidentement. Derechef comman-
de lui, quil delaisse le mouuement volun-
taire de flechir, lors tu verras derechef, que
icelle partie se estendra, iusques à ce, quelle
reprenne sa premiere flexion, à laquelle a-
uoit esté amenee sans mouuement volun-
taire. Certes on peult entendre par ces cho-
ses apparentes, que le corps du muscle ia-
mais ne pourroit paruenir de soy mesmes
en exacte, & parfaite flexion, sil nestoit ay-
dè de la vertu animale. Donc en vain quel-
cun pourroit dire, le corps des muscles a-
uoit esté fait de telle nature à celle fin, quil
puisse estre retrait, veu, que par la vertu de
lame il fait cela beaucoup plus parfaitement,
& mieux. Mais celui, qui dira ainsi, sera du
nombre, diceux qui sont amateurs de dou-
tes, & de choses indefinies, à celle fin, que ie
vie de leurs termes. Or ie lui demanderoye
voluntiers, sil estime, que la partie née à
estre estendue soit instrument bien apte, &
conuenable à la vertu, de laquelle l'office est
de contraindre, ou le contraire? Certes ne
puis penser comment aucun eust ordonné
vn instrument plus inepte, selon nature pour
le mouuement, que sil leust fait enclin au
contraire de la volonté du moteur. Puisque
donc vn tel instrument est inepte à nature,
il sen suit, que le contraire sera tresapte, se-
lon

lon nature, lequel de soy-mêmes incline, là ou le moteur veut. Quelle est donc la plus apte structure, & composition à la vertu animale, attirante soudainement le muscle à son propre principe, & commencement? Certes elle est telle. Mais quelqu'un pourra demander, & douter, ayant encore plus de raison. Pourquoi est ce, que nous auons dit, que extreme contraction est vn mouvement totalemēt propre au corps du muscle, veu, que apres la parfaite extension, il se retire, & apres l'extreme contraction il s'estend? Pour vray fault dire, ou que ne l'un ne l'autre de ces deux mouvements n'est propre au muscle: mais quilz sont faits par cas de fortune: ou que tous deux sont également propres. Parquoy il fault estimer, que le propre mouvement des muscles est fort distant de la parfaite extension: pourtant la contraction est plus propre à iceux. Car dautant, quil y ha deux figures excessiues, cest à auoir extreme extension, & extreme contraction, si contraction n'estoit plus propre au corps du muscle, que n'est extension, il prendroit vne figure exactement moyenne entre deux, & tousiours paruiendroit en icelle figure, sil estoit delaisé. Mais lon void du contraire, car il approche plus pres de la parfaite flexion du membre

bre

bre, que de l'extension. Toutefois si l'on dit, & concede cela, ainsi quil est iuste de le dire, & conceder (car il est manifeste, quil est ainsi) encores me semble il quil fault considerer vne autre chose. Cest auoir apres, que l'extreme flexion du membre est faite volontairement, & que nous la laissons la, pourquoy cest, que le muscle ne se eslongne pas beaucoup, mais sestend peu à peu aucunement? laquelle chose n'estoit pas necessaire. Car la nature du corps du muscle est encline à contraction. Quelles raisons doncq alleguerôs nous sus ce propos? Certes nous proposerons aux amateurs de verité, de penser, que tout ce propos est desia inuenté, pourueu, que noz demonstrations soient vraies, & scientifiques, & quil apparaisse, quilz ne se veulent point laisser abuser. Ou sinon, apres que plusieurs propos ont desia en partie esté inuentez, & en partie enquis, à tout le moins que quelcun d'eux inuente ce qui reste, sil y ha default. Or à celle fin, que nostre propos soit cler, il est besoin de quelque similitude, laquelle non seulement est à toy possible de entendre, mais aussi de auoir, si tu veux. Cest, que tu prennes deux os de quelque homme, ou quelque beste, que tu voudras, lesquelz os soient articulez ensemble. Item tu prendras deux chaî-

nes, ou ceintures liees de plusieurs nerfs, dequoy tu lieras ces deux os bien ferme ensemble es parties, ou ie te commanderay. Or ie te commande, que tu les conglutines, ou lies ensemble, là ou les muscles ont leur origine, & naissance avec les os. Et pource, que tous muscles ont deux manieres d'implantation, il ny ha rien, qui empesche de les imiter, & ensuire toutes deux par imagination. Il se fault doncq efforcer de les interpreter clerement, car il seroit impossible les bien imiter, qui ne le connoitroit exactement. Or nous commencerons à declarer ce propos, ainsi quil se suit: Pour articuler deux os ensemble, il fault, que lun soit meu, & que lautre soit au dessouz de lui, comme vn siege par maniere de dire, ainsi que tu vois les gorges des huis, ou portes, appelez en Latins cardines. Pourquoi necessairement les os, qui demeurent sans mouvement, ha cavitè: mais celui, qui est meu, est gibbeux, courbez. Or lune de ces cavitèz est appelee Pupilla, en Grec gleuè: lautre Cotyle, mais la gibbosité, ou curuité est appelee Caput, ou Condylus. Item Cotyle est d'autant plus profonde, que nest Gleuè, ou Pupilla, d'autant que Caput est plus long, que Condylus: lesquelz deux Nature ha préparé

paré à Cotyle, & Glene, cōme vn lieu apte, & commode par maniere de dire à vn Gondhuis, cestafauoir Caput à Cotyle, Condylus à Glene. Et pource que les os, lesquelz doiuent estre meuz, estoient ainsi bien ordonnez de Nature, encore beaucoup mieux & plus artificiellement, Nature leur ha conioint les parties, qui les doiuent mouuoir. Car eile ha produit les muscles, lesquelz sont instrumens des mouuemens, des os situés au dessus, esquelz os sont lesdites cauités profondes, nommees Cotyle. Et les lia ligamens au chef des os substituez, lesquelz doiuent estre meuz. Et par ces chefs, qui sont tendus, & retirez en hault, tout le membre se retire en hault. Or dautant, que lun des muscles doit mouuoir le plus grand os, & lautre le plus petit, nature ha crée la magnitude des muscles, lesquelz deuoient mouuoir, de semblable proportion, selon la magnitude des os, lesquelz doiuent estre meuz. Parquoy cest bien raison que de ces muscles les vns ayent leur naissance des chefs, ou testes, ou nodositez, des os superieures, & que les autres naissent vn peu au dessous, iouxte la cauité dite Cotyle, ou Glene. Car autrement ilz eussent esté trop petits, & deussent pas eu assez de puissance, pour mouuoir los subiet. Voila la nature

des os cōioints ensemble par articles, & des muscles mouuanis lesdits os. Laq̃lle tu pourras imiter bien, & deuëment, si tu lies vne chaine à lun des os, la ou le muscle prenoit sa naissance, en appliquant lautre bout de la chaine, au chef de lautre os, là ou le muscle estoit implanté, en obseruant ces deux choses, cestasauoir que la grosseur de la chaine, soit suffisante pour mouuoir, & porter los subiet. Autre chose est, que aux excès des figures, la chaine ne soit pas tendue, mais quelle soit en telle sorte, comme si elle estoit ietree sus terre, sans rien lier. Mettōs dōq̃ le cas, quil y ayt deux chaines, lesquelles ayēt occupé les regiōs des muscles opposites, qui sont nayz à estendre, & flechir le membre. Toutes deux soient du tout sans tension, quand le membre ha figure extreme, cestasauoir la chaine externe, quand le membre est exactement estendu & lautre qui est interne, quād le membre est flechi. Ces choses ainsi establies, & ordonnees, il est manifeste, que toutes ces deux chaines tirees par nos mains, ameinent la construction des os, en extreme extension, ou flexion. Mais si on les laisse là, elles font vne moyenne figure de la compositiō des os, & puis demeurent en repos. Or il fault principalement considerer ceste figure. Car elle est exactement
moyen

moyenne entre extension, & contraction. Car si tu coupes l'une des chaines en quelque part, non pas du tout entieremēt, la construction des os ne sera gueres trāsportee à l'une des parties de la figure moyēne. Mais si tu coupes la chaine du tout, ladite construction des os y approchera plus, nō pas tant toutefois, quelle parviene à la dernière, & extreme figure. Car les extremes figures ne se font point autremēt, sinō ainśi cōme si tu tirois lescdites chaines, avec tes mains, vers leur propre principe. Ces mesmes accidens sont veuz aduenir euidentement aux muscles. Car le muscle est correspondant à la chaine en proportiō, & similitude: & lame ressemble à la main mouuant icelle chaine. Car ne l'une ne lautre des chaines ne peult demener la constructiō des os à l'extreme figure, sans la main: ainśi le muscle ne peult faire extreme flexion, ou extension, sans la vertu animale. Mais si les muscles sont priuez de la vertu animale, & q̃ les chaines soiēt priuees de la main, lors tu verras la figure moyēne de la construction des os estre faite. Et si tu incize le muscle exterior, tu verras le mēbre estre flechi outre la moyēne figure, tout ne plus ne moins, q̃ si tu auois incizé la chaine, laquelle est par dehors. Pareillemēt si tu incizes le muscle interieur, adonq tu verras la

partie estre estédue outre la figure moyenne. Quelles sont donc les causes de ces accidens, & toutes autres passions, qui aduiennent aux muscles ? pour certain il y ha vn principe, & commencement de toutes ces choses : cest auoir, que les muscles ont vne parfaite contraction aux figures excessiues, ainsi quil estoit loisible de voir aux chaînes dessus mentionnées. Mais toutes les autres ensuiuent celle, qui est extreme, & parfaite. Or nous demontrerons ce principe en telle maniere. Car il ne le faut pas prendre d'une hypothese, cest adire supposition à nous incertaine, mais dun certain symptome, lequel apparoit euidentemēt en tous muscles. Mais quel est ce symptome ? Certes cest celui, duquel dessus auons fait mention, cest auoir que le muscle ha autant de contraction, quand le tendon est coupé du chef du membre, d'autāt quil amaine le membre en extreme flexion, quand il est meu volontairemēt. Ceste chose est demontree apparoir manifestement, cest auoir que le muscle deuient en contraction extreme, autant quil est licite à la structure, ou composition du corps. Car quand le muscle sera séparé de la continuité, quil ha avec los, alors ledit muscle quasi deslié, & parfaitement deliuré de son lien, montrera sa pro-

pre

pre nature. Mais tout le temps que la partie est retirée par le muscle opposite, veu quil haue mesme nature, de sorte quil paruiet desia à extreme contraction, lautre muscle est priué également de la conuention, & retraite en soy mesmes. Et par consequent il aduient quun chacun des muscles opposites est bleisé à la moitié de la contraction: & pour ce, que tous sont faits pour estre tousiours amenez en extreme contraction, ainsi pource quilz sont liez au chef dun os des parties opposites, totalement il estoit necessaire que le mouuement entrepris par mouuemens equiualens, cestadire également forts, nensuiuit ne lun ne lautre. Or nensuite ne lun, ne lautre, y vult autāt à dire comme auoir figure moyenne entre les deux extremittez. Car chacune des deux extremittez ce faisoit, quand lun des muscles estoit plus fort que lautre. Cest auoir extension estoit faite, quand le muscle exterior estoit le plus fort: & flexion, quand le muscle interieur auoit plus de force. Il sensuit donq, que le mouuement egal, ou equiualent, du corps des muscles, est fait quand ne lun ne lautre nba aucune ayde de la vertu animale: & que le mouuement inegal est fait, quand lun des deux seul domine. Parquoy il est necessaire, que la contraction du muscle,

cle, lequel est aydé de la vertu animale, domine, & surmonte. Nous auons doncq trouué les causes de trois choses manifestes, par vn principe, lequel auons prins non pas de nostre hypotese, mais dune chose, laquelle appert euidentemēt. Car dautant quon void que les muscles prennent extreme contraction, quand ilz sont desliez, & deliurez du ligament, lequel les lioit aux cheffz des membres, par cela il nous est manifeste, quilz sont nayz à parfaite contraction, en tant quil appartient à leur structure, ou construction : iacoit quilz soient empeschez pour quelque autre cause. Or comme nous enquerions, qui estoit la cause, laquelle pouuoit empescher, nous auons trouué, que cestoit le ligament, comme prochainement ci-dessus ha esté demonsté. Car la chose, par le moyen de laquelle, quand elle est incizee, les muscles auoient extreme contraction, estoit cause pourquoy parauāt ilz perdoient leur contraction. Toutefois nous nauons pas trouué, que le ligament simplement, & en tant quil est ligamēt, empeschast les muscles dauoir leur contraction : mais à cause quil est implanté au chef de los, lequel os est tendu en parties contraires. Et pourtant nous auons trouué la cause de ce qui appert au secōd lieu, cest auoir que les membres

bres reçoivent figure moyenne, quand ne lun ne lautre des muscles nest meu par la vertu animale. Outreplus le troisieme lieu evident estoit tel, cestasavoir que le membre ha flexion, ou contraction, ou extésion, alors que la volonté, ou election meult tant seulement lun des muscles, par lequel lautre est vaincu, & violentemét contraint, destre ensemble estendu avec tout le membre. Or sus donq; outre les lieux, & points dessusdits, parlôs des causes de toutes autres choses evidentes, à celle fin si elles consentent, & accordent ensemble, que nous croyons les raisons, & demonstrations dicelles estre vrayes. Mais si lescdites causes sont aucunement diuerfes, & contraires, & ne fust ce, que en vn seul poinct, que nous les tenions toutes pour suspectes également. Or donq; ainsi soit premierement (outre les choses dessusdites) que ceci soit evident, cestasavoir quand le muscle exterior est coupé, que le membre est flechi outre la figure moyenne, non pas toutefois iusques à la figure extreme. Neantmoins cest argument semblera estre conforme à raison, cest, dautant quil ny ha plus de muscle, qui retire au contraire le muscle interieur, il fault donq; quil vienne en extreme contraction. Mais quiconque est de ceste opinion, faisant cest


argument, il ha oublié la pesanteur, & gravité du membre, laquelle resiste à la parfaite cōtraction du muscle. Comme il appert semblable chose estre faite par la similitude des chaines. Car quand la chaine exterieure est coupee, la cōtraction ne pouvoit parvenir en extremité, que premierement los, lequel estoit meu par icelle chaine, ne fust coupé. Car tant quil estoit continué, il reti-roit à soy la chaine. Aussi quand quelcon ha du tout incizé le muscle interieur, le membre consiste, & demeure en ceste situa-tion, laquelle est entre la figure moyenne, & lextreme extension. Car le muscle exte-rieur nha pas la puissance destendre totale-ment le membre, sans la vertu animale. Pourquoi ces choses apparentes consentent ensemble, & avec les choses dessusdictes: item tout ce, que Hippocrates ha iadis es-crit de toutes les figures des parties, est tel comme nous voyons à present. Ces choses n'accordent elles pas merueilleusemēt bien? Premieremēt, que quand nous flechissons, ou que nous estendons totalemēt, & extre-mement quelque partie, nous sentons dou-leur. Secondement que la figure moyenne nest point douloureuse. Tiercement, que aux figures extremes nous desirons sou-daine mutation. Quartement, que nous
gard

gardons long temps la figure moyēne sans desirer aucune mutation. Quintemēt, que nous desirons aucunesfois changer icelle figure moyenne. Sextement, que toute figure moleste est extremement debile. Car ce n'est pas sans raison si les exces des figures causent douleur, veu que lun des muscles opere, & que lautre est estendu outre nature. Mais la figure moyenne relevant ces deux muscles lun de trop grāde operation, & lautre de trop grande tension non sans cause est plaisante, & agreable. Parquoy nous auons besoin de soudainement changer les figures, lesquelles causent tristesse, & couleur. Mais la mutation de la figure sans douleur doit estre tardieue. Pourquoy est ce donq, que nous desirons changer la figure moyēne, veu quelle est sans douleur? Pource que aussi en icelle figure les muscles souffrent quelque tension, moins toutefois que en toutes autres figures. Nonobstant ce nous disons, que ceste figure moyenne est sans douceur, non pas quelle soit du tout sans estre participante daucune douleur, mais pource que la douleur est fort petite, & quasi insensible. Et lors nous la desirons changer, pource qu'une douleur peu à peu amassée, deuiet sensible. Dauantage nous nauons plus besoin de demōtrer
que

que les muscles ont quelque tension en ceste figure, si nous auons memoire des propos dessusdits. Certes nous auons dit, que les muscles son tendus par les membres, esquelz sont implantez. & pource, quād ilz sont deliurez de ceste tension, ilz recourent promptemēt contraction selon nature, si le tendon est incizé. Parquoy iamais vn muscle n'est sans tension, & fust il en figure moyenne. Mais dautant que nous la mesprisons comme petite, n'en faisons pas grand conte, & que nous ne pouons supporter les autres figures, comme vehementes, & violentes, pour ceste cause nous eslisons la figure moyenne, & fuyons les autres. Mais quand nous deuions en vne extreme imbecillité, & foiblesse, comme es syncopes stomachiques, & cardiaques, adonq il n'est possible de souffrir la tension de la figure moyēne, quelque brieue quelle soit. Et combien que pour icelle extreme imbecillité nous nauons pas puissance de nous mouuoir, toutefois nous iettons noz membres, maintenant çà, maintenant là, desirans auoir quelque figure sans douleur : i'açoit, que ne la puissions parfaitement trouuer. Tout ainsi donq si quelcun de nous auoit vne petite pierre pendue au col, il la pourroit porter en tous lieux
sans

sans estre moleste, tant quil est fort, & robuste : mais sil deuenoit infirme, & debile, incontinent desireroit loster, comme vne charge grieue, & moleste. Semblablement chacun muscle portant los annexé avec lui, comme si cestoit quelque pierre, tant quil est fort & puissant, il nen fait conte, comme sil ne sentoit point la pesanteur de los, ou bien peu : mais quand il deuient infirme, & debile lors il la sent, & porte griueusement, desirant sen descharger, & maintenant appete vne figure, & puis vne autre. Parquoy tous accidens aduenans aux muscles sont veuz conuenir à tous & ensuiure vn commun principe, selon lequel nous auons demonsté que de leur nature ilz desirent tousiours paruenir en extreme contraction : iacoit, quilz ne la puissent obtenir, pource, quil y ha dautres muscles opposites, lesquelz retirent au contraire : & aussi la gravité, & pesanteur des os annexee aux muscles y empesche.

FIN DV PREMIER
LIVRE.



LE SECOND LIVRE.



Pres, que nous auons de-
montré les premiers princi-
pes, & quasi comme ellem
du mouuement des parties,
il faut adioyter ce qui reste
à celle fin, que rien plus lo-
forte que quiconque aura lea diligemmen
toutes ces choses, puisse s'entendre
tout ce, qui aura esté proposé de muscles.
Commençons donc d'abord à la figure
qui sont aux parties. Lesquelles figures
premier liure ha esté fait. Et pour ce
proposons la figure moyennant disant qu'
est necessaire en ceste figure, que les mus-
cles ayent double constitution; l'une de-
nant dite, cest a sçavoir en laquelle nul des
deux muscles opposites n'ha action: l'autre
que nous dirons maintenant, en laquelle
deux muscles opposites operent semblable-
ment, & autant l'un que l'autre. Or la pre-
miere figure est ad ce que les muscles se
repo

reposent, ainsi que dit Hippocrates. Mais laulie est quand nous ne permettons à quelcun ne estendre, ne flechir le membre, quelcun grande violence, quil y ayt. Et icelle figure se fait par l'action des muscles opposites, laquelle est appelée tonique. Semblablement si tu constitues le membre dune part, & dautre, pres de la figure moyenne, tu pourras faire action également par les deux muscles. Mais si tu meines le muscle à l'une des figures excessives, lun des muscles pourra estre suffisant pour telle action. Or il est manifeste en toutes les figures dessusdites, que les muscles font l'action tonique, trois fois plus, autrefois moins : & davantage en la figure moyenne avec telle action, que pas moins en aucune des figures excessives. Il y a donc point, que la moyenne figure est simplement, & totalement saine, mais que cest celle qui est douloureuse, laquelle se fait en repos. Car la figure moyenne avec tension de deux muscles est aussi douloureuse, comme les figures extremes. Or la figure moyenne est en repos de deux manieres, cest asavoir en partie simplement, & en partie non simplement. Simplement, cest quand elle est moyenne entre toutes les figures excessives du membre. Non simplement, quand elle est seulement dune

opposit

opposition. Celle, qui est simplement moyenne, Hippocrates la nommée acamatos, cestadire, sans defatigation : mais nulle des autres n'est exactement acamatos. La demonstration de ce, que nous disons, pourroit estre manifeste, d'autant, que parauant nous auons constitué vne figure moyenne simplement, & vne autre non simplement. Toutefois nous en parlerons en la main par maniere d'exemple, à celle fin, que la maniere soit plus clere. Or en la main il y ha quatre figures extremes, cestasauior prone, supine, extreme extension, & extreme flexion. Celle, qui est simplement moyenne, est au milieu d'icelles : mais celle, qui n'est pas simplement moyenne, est seulement au milieu de l'une des oppositions : cestasauior l'une est moyenne entre extreme extension, & extreme flexion : & l'autre est moyenne entre la figure prone, & la figure supine. La figure supine de la main, cest quand sa partie concaue est en hault, & sa partie gibbeuse est en bas. La figure prone est au contraire. Mais la figure moyenne entre ces deux, cest quand la partie concaue de la main est intrinsequement, & la partie gibbeuse est extrinsequement : d'auantage quand le petit doigt est au dessouz des autres, & que l'os de cubitus (autrement dit

dit ylna) est au deffouz de radius. Certes ceste figure moyenne. peult demeurer, la main estant parfaitement estendue, ou parfaitement flechie. Semblablement la figure moyenne entre l'autre oppositiō peult persister, quand la main est supine, ou quād elle est prone. Or la fin de la figure moyenne entre flexion, & extension cest ylna, faisant vn angle droit au bras : & pource on l'appelle angulaire. Et ainsi la figure moyenne simplement est faite par la concurrence des deux figures moyennes desia dites. Mais les autres moyennes sont quatre yniuerselles : toutefois nulle dicelles ne sera simplement moyenne figure de tout le membre, ains seulement d'une opposition. Car ou elle sera seulement moyenne entre extension, & contraction, ou entre figure supine, & prone. Mais pource que chacune dicelles est double, quand elle est jointe l'une apres l'autre avec les excès de l'autre opposition, pourtant il est necessaire, quil y en ayt quatre en tout. Et en chacune d'elles, il y ha yne chose commune à toutes figures, & yne propre à chacune. La commune, cest pource, que vn genre de maseles fait son action, & les autres trois sont tenduz, ientens, par accident : toutefois ne font point d'action. La chose propre

pre à chacune figure, cest auoir angulaire, & prone ensemble, cest, que ces muscles, lesquelz conuertissent au dedens l'os de radius, facent leur action: & que tous les autres estans en repos, soient tendus. Mais la chose propre à la figure angulaire, & supine ensemble, cest, que les muscles, qui font la circonduction de radius au dehors, facent leur action: & que les autres estans en repos, soient tendus. Pareillement en la figure moyenne entre la prone, & supine, la chose propre cest, que les muscles, qui font l'extension, estendent seulz, par vne action extreme, & non autres. Et que ceux, qui font la flexion, flechissent seulz: veu, que tous les autres sont oiseux: iacoit, quilz soient tendus. Or à celle fin, que ce propos soit cler, il fault deuant sauoir par quels muscles sont parfaits ces quatre mouuemens de la main, & en quelle maniere sont les muscles, & quel article ilz meuent. Et premierement il fault sauoir, que le bras (lequel tant en Grec, comme en Latin est appelé brachium) cest la plus grande partie de toute la main. Et ha deux bords, ou extremittez: cest auoir en bas l'article, qui est en la curuature de vlna: lequel article est nommé ancon, ou autrement cubitus: sur lequel nous appuions, ainsi que dit Hippocrates.

crates. L'autre extremité denhault cest l'articulation de humerus. Il y ha vne autre partie de toute la main, laquelle partie n'est pas petite: & est apres les bras, les Grecs l'appellent *pechy*, & les Latins *vlua*. Ceste partie est terminée, entant quelle est continue avec le bras, par l'articulation, qui est en la curuature de *cubitus*: mais entant qu'est continue avec *carpus*, derechef elle est terminée par *carpus* mesme. Au bras il ny ha, qu'un os, grand, & rond, nommé par vn mesme nom comme la partie. Mais en *vlua* il y ha deux os dont l'un est du mesme nom avec toute la partie: & l'autre est appelé en Grèce *cercis*, en Latin *radius*. Ces deux os sont articulez à l'extremité inferieure du bras. C'est auoir *vlua* est articulée illec, ou est le milieu des *côdyles*, cest adire *nodosités* du bras. Mais *radius* embrasse l'extreme *condyle* du bras: & se termine en *glene*, cest adire, cavitè superficielle. Autour duquel (comme à la similitude d'un aixeau, quand il se tourne) il gouuerne les conuersions, & tours de la main. C'est auoir quand il se tourne intrinsequement, adonc sensuit la figure prone de la main: & quand il se tourne extrinsequement, sensuit la figure supine. Mais estendre, & flechir la main, cest l'action de l'articulation de *cubitus*, avec *brachium*.

Or ceste composition d'os est tant exacte. Je ne say si elle est telle, & si grande aux autres articles. Car l'extremité inferieure du bras, si elle est dilatee, est finie par nodositez. Mais vlna au cōtraire faisant deux apophyses, cestadire explantation flechies, & opposites lune à l'autre, faisant aussi la moyenne cavitè dicelles apophyses semblable à ceste lettre Grecque σ . par ceste cavitè elle embrasse le milieu des condyles du bras, lequel milieu est semblable aux poulies. Quand donq la concavitè de vlna est portee tout à l'entour de la gibbosité du bras, alors tout le membre est estèdu, & flechi. Or les sourcilz, cestadire eminences de la cōcavitè moyenne, sont cause, que toute l'articulation ne incline ne çà, ne là, & que tousiours elle demeure exacte: lesquels sourcilz estraingnent, & ferrèt les apophyses de vlna. Quand donq l'apophyse anterieure meine le mouuement, alors le membre est flechi: mais quād cest la posterieure, adonq le membre est estèdu. Et la fin de la flexiō, cest pour tenir ferme l'apophyse anterieure iouxte l'os du bras, mais la fin de l'extension, cest pour tenir ferme l'apophyse posterieure. Or d'autant, que l'os du bras est courbe, & que les deux apophyses de vlna sont longues, & que pour ceste cause il y

auroit

auroit danger si les os se rencontroient
plustot quil ne seroit de besoin , que le
mouuement du membre ne fust empesché,
nature ha fait dune part & dautre l'os du
bras caue: aux cautez duquel tant seulemēt
les apophyses agues de vlua (dites en Grec
coronce) descendent, en tant, que la main
deuoit auoir extreme extēsiō , & flexiō.
Et pource que la posterieure apophyse de
vlua estoit la plus grande , aussi nature ha
fait en ce lieu la cauité du bras beaucoup
plus profonde : à celle fin, que en ce lieu, l'os
du bras soit bien subtil , à cause de la pro-
fondité, lequel os est entre les cautez: tou-
tesfois nature ne lha point pertuisé iacoit
quil fust subtil, de peur , que l'article ne fust
lasche de toute part, & moins ferme: & aus-
si, que les mouuemens des muscles ne fus-
sent immoderez. Car sil eust esté persé,
vray est quil seroit loisible de flechir la
main en arriere, mais toutes les actions fer-
mes que nous faisons , quand la main est
estendue, ce feroient beaucoup plus mal : &
les tensions des deux manieres de muscles
seroient faites avec grande douleur. Car les
posterieurs muscles seroient estendus , par
la vertu animale plus que leur contraction
naturelle ne porte. Et les anterieurs se-
roient si fort estendus quil y auroit danger

de conuulsion. Tel est l'art de nature, à faire exacte, & parfaite dearticulation. Or quelle est la situation des muscles mouuans icelle dearticulation (à cause desquelz nous en auons fait mention) nous la declarerons ci apres. Il y ha deux muscles, qui ont leur origine, & explantation aux parties anterieures du bras, & deux autres aux parties posterieures : lesquelz sont implantez à vlna, par fors tendons, ou aponeuroses en Grec. Dont les deux plus grans commencent au chef du bras, & les deux autres moindres, commencent beaucoup plus bas. Et tous quatre sen vont tout droit à vlna, & sont implantez principalement au lieu, dou les apophyses, dites coronce, commencent auoir leur naissance. Car la partie posterieure de vlna cest la curuature du coude, laquelle les Atheniens appellent olecranon, & les Doriques l'appellent cybitus, ou cubitus, cestadire gibbeux. Mais la partie anterieure est illec, ou est l'origine de la couronne anterieure, comme il ha esté dit. Donq extension, & flexion est faite par ces muscles situez en la partie tant anterieure, que posterieure du bras, lesquelz attirent vlna. Quatre autres muscles ont leur commencement de vlna, de chacune partie de la curuature pres du coude, cest a-
uoir

noir deux extérieurs, & deux intérieurs. Et pource quilz sont tous quatre obliques, ilz sont implantez à l'os de radius. Et sont grans à l'extremité inferieure dudit os de radius, illec ou est la dearticulation au carpus mais au milieu ilz sont petis. Lesquelz aussi, quand sont tendus, attirent ensemble radius à leur commencement. Et par icelui radius les muscles intérieurs font toute la main prone, & les extérieurs la font supine. Or puisque ainsi est, que la nature des muscles mouuans les dearticulations, qui sont au coude, est telle, demonstons maintenant nostre propos : cest auoir, que es quatre differences des figures, non simplement moyennes, vn genre de muscles fait toujours son action : & l'autre se deporté de son action : & est en repos : toutefois il est estendu. Premièrement doncq proposons la figure, laquelle ha esté dite la premiere que nous nommions angulaire, & prone. En laquelle il n'est pas besoin de faire plus long propos des muscles mouuans radius : cest auoir, que ceux qui sont intérieurs operent, & ceux qui sont extérieurs sont oisieux : toutefois sont estendus. Mais il est besoin de tenir l'og propos des muscles mouuans vlna. Car de premiere face, & imagination il semblera quilz ayent vne constitut

stitution, ou figure exactement moyenne, pource que la figure angulaire est moyenne. Mais il n'est pas ainsi. Car si toute la main auoit figure moyenne entre supine, & prone, ainsi quelle ha figure angulaire, certes les muscles auroient lors vne constitution vraiment moyenne. Mais d'autant que la chose n'est pas ainsi, il est necessaire que ces muscles, & tous les autres soient peruertis autant, comme toute la main est eslongnee de la figure naturelle. Car d'autant que les muscles sont distorts autāt (comme iestime quasi rompus, & flechis, sont ilz tendus, & molestez enuiron les cōuexittez des os. Car la figure simplement moyenne, outre ce quelle n'ha aucun muscle faisant son action, ne qui soit meu violement, elle ne distorque rien de ce qui est es membres. Laquelle chose Hippocrates lui ha attestee, comme chose principale outre les autres. Mais en toutes les autres figures tous les muscles, & tendons, & nerfs, sont inserlez, aussi les veines, & arteres, les vnes plus, les autres moins. Car toutes ces choses sont en partie hors des mēbres & en partie dedēs. Ainsi donq, que icelles parties (quand elles sont selon leur nature) gardent la figure moyenne entre supine, & prone: toutefois chacune dicelles deux peruertit tout. Car

la figure prone (de laquelle premierement nous auons proposé de parler) laquelle est faite supine, quād les muscles exterieurs de vlna font leur action, elle fait si grāde tension, que les testes des muscles sont hors du mēbre, & les vêtres en hault, & les implantations dedés. Et si encores tu rēuerse plus violement la main, tu verras lun desdits muscles, cestasauoir le plus grand, lequel est implanté en la fin de radius, estre flechi enuiron le membre : en telle sorte, que aucunes parties dicelui muscle apparoiroūt dehors, les autres dedens, les autres en hault, & les autres en bas. Cestasauoir la teste dehors, & le vêtre en hault, & la partie outre le vêtre dedés, & implantation en bas, tant est violement rōpu, & flechi ledit muscle. Mais les autres muscles, qui sont au bras, par lesquels nous pouuons estendre, ou flechir la main, sont moins distors, que les dessusdits, ne que tous les autres, qui sont en vlna, toutefois si ont ilz quelque contorsion. Ces mesmes choses se font es figures supines, pource qu'en icelles figures, les muscles de vlna sont en grād labeur, ceux du bras sont aussi en labeur. Mais quand nous estendōs, ou flechissons parfaitement la main, en faisant la figure moyenne entre supine, & prone, lors les muscles du bras sont en grand labeur.

labeur:& ensemble avec eux les muscles de vlna. Il sensuit, dōq que la seule figure, simplement moyenne, laquelle ne participe daucun excès, ne en l'une opposition, ne en l'autre, est exactement, & du tout sans douleur. Mais toutes les autres quatre sont dolo-
 reuses, les vnes plus, les autres moins. Mais dautant que tu meines le membre de l'extreme cōstitution à la moyenne, dantāt feras tu chacune dicelles figures moins dolo-
 reuse. Toutefois nulle dicelles ne sera sans douleur, iusques à ce quelle soit du tout paruenue à la figure moyenne. Par-
 quoy des choses dessusdites, il est mani-
 feste, que entre toutes figures, la seule moyenne fait, que tous les muscles se repo-
 sent parfaitement. Mais toutes les autres ont quelque gêre de muscles faisant son action, les vnes plus, les autres moins. Donc tous
 ceux, qui dorment nont pas tout leurs mus-
 cles, du tout oisifs: mais seulement iceux, qui
 à cause debriété, ou yurōgnérie, ou à cause
 de grāde lassitude, & fatigue, ou à cause
 de l'infirmité de la vertu (lesquelles choses
 debitēt toutes les parties du corps) ont per-
 mis aux muscles de reduire icellès parties
 en la figure moyenne, ceux là tāt seulemēt
 ont leurs muscles parfaitement oisifs, & en
 repos. Toutefois nul ne peult auoir aucune
 modal 7 1 partie

particule en figure extreme, quand il dort. Car pour ce faire nous auons besoin de l'ac-tion des muscles, forte, & bié intése. Mais le plussouuét nous dormons es figures, les-quelles sont entre les extremes, & la moyé-ne. Car en quelque de ces figures, que tu cōstitues le membre, le cōmettant aux mu-scles, lesquels font leur action tonique en icelui, ilz gardét ainsi la figure: en sorte que souuét aucūs dormét assis, les autres en che-mināt. Ce que ie ne pouuoie croire para-uant. Mais quelquefois quil me fust neces-saire daller toute la nuict, ie lay sceu par experience: tellemēt que iay esté contraint de le croire. Or ie fis quasi vn stade entier en dormāt, cestadire cent & vingtcing pas, voyant aucūs songes, & ne mesucillay iuf-ques à ce que ie rencontray vne pierre. La-quelle chose empesche les dormans de che-miner loing; pource quil nest possible de trouuer vn chemin totalemēt plein, & vni. Cela donq est seulement credible à ceux qui lont experimenté. Mais les autres cho-ses, lesquelles aduiennent à ceux, qui dor-ment assiz, sont manifestes à tous de iour en iour. Et aussi bien peu y en ha de ceux, qui sont assiz à table, qui ayent figure exa-cte en chacune particule. Mais ceux qui gardent quelque chose en leurs mains, ilz montrēt vne action fort tonique. Car leurs

doigts demeurent souuentefois exactement
 flechis enuiron vn petit corps, comme or,
 ou pierre, ou quelque piece de monnoye.
 Quant à ce qui aduient à la mandibule in-
 férieure, n'est il pas manifeste? C'est auoir
 quelle n'est point eslongnee de la superieu-
 re, sinon que aucun qui est yure, ou fort oi-
 sif, & niais, ou grandemēt las, s'endorme. Pa-
 reillemēt le ronfler aduient pour telle cau-
 se : c'est auoir, quand la machoire inférieu-
 re est relachée : & quand lon dort à la ren-
 uerse, ce que nous appellons figure supine.
 Car dormir en ceste figure, & maniere, est
 signe de résolutiō. Et pour ceste cause Hip-
 pocrates reprouue ces deux figures, c'est auoir
 de se coucher à la renuerse, & de dor-
 mir la bouche ouuerte. Mais il loue gisir
 sus lun des costez. Or tu pourras cōgnoître
 combien grande est l'actiō en telles ma-
 nieres de gisir, si tu inclines ainsi le corps
 dun homme mort. Car il ne sauroit demeu-
 rer sus les costez, le moindre espace de tēps
 que ce soit, mais sera fait supin, ou prone
 tout incōtinent, selon que la gravité, & pe-
 santeur du corps inclinera. Et ainsi gisir su-
 pin, & dormir la bouche ouuerte, ce sont si-
 gnes de ronfler, ou de exolution, cest adire
 imbecillité de vertu, ou diuōgnerie, ou de
 lâcheté de courage, dite en Latin ignavia.

Parquoy derechef Hippocrates commande, que toutes parties luxees, & concuſſees, ou brisees, ſoient traitees par operation manuelle, en figures non doloſeuſes, telles cōme en la machoire inferieure dun homme, qui baaille, & ouvre la bouche mediocrement. Car quelle est la figure angulaire en la main, telle elle est en la machoire inferieure, quād on baaille mediocrement: pour ce que cest vne figure moyēne entre les extremes. Donq les figures extremes de la machoire inferieure ſont ceſtes: Cest a ſauoir, quand on baaille grandement. Item quand on ſerre les dens lune cōtre lautre. Deſquelles deux figures extremes la premiere ce fait par les muſcles qui ſont au mēton, & au col, attirans en bas. Lautre ce fait par les muſcles, qui naiſſent du palais dedens la machoire, & auſſi par les muſcles temporaux: ſi non poſſible que les muſcles maſticatoires leſquelz ſont aux coſtez de la ioue inferieure, aydent à laction. De laquelle choſe nous parlerons en autre lieu. Mais la figure moyenne ne ce fait en baaillant mediocrement, alors que tous leſdits muſcles ſont en repos. Pareillement en ceux qui ſe meu-
rent, la machoire inferieure vient de ſoy-
meſme en ceſte figure moyenne: & non ſans
cauſe, car tous les muſcles alors ſont priuez
de

de leur action. Il est donc manifeste, que quand on dort la bouche cloze l'action des muscles retirans la ioue est gardée. Mais plusieurs ayans les mains estendues, ou flechies exactement, ou les iambes, dormét: lesquelz aussi gardent l'action tonique. Mais possible ie marreste trop longuement à demonstrier ceci, veu quil est loisible de reuoyer en memoire ce, qui est manifeste à tous. Car qui est celui là qui niera, que prohiber le fluxion des excremens, ou superfluitez, par les muscles ce ne soit notre action? Pour certain il y ha de fors muscles aux fins, & par maniere de dire aux portes des meats, ou voyes excretoires, cest adiré des côduits des excremens, lesquelz muscles, comme gardes, ne permettent rien sortir, deuant que raison lait cômmandé. Outreplus nous voyons iceux muscles parfaire leur office sans vice, en ceux qui dorment. Pareillement si lecretion de quelque superfluité est faite maugré nous, cest ou à cause que ces muscles sont resouls, ou que la raison est deprauée (comme nous voyons en ceux qui sont phrenetiques) ou quand la raison, & les muscles ensemble sont greuez: comme il appert es iurongnes. Car il fault, ou que raison soit deprauée, ou que les muscles ne puissent faire leur action, ou que tous deux ensemb

ensemble soient blessez. Parquoy la sentēce
diceux est temeraire & folle, qui afferment,
que l'ame des dormans repose sans rien fai-
re si on quilz dient, que ceste cessation n'est
pas vn parfait repos, mais quasi vne inter-
mission de vigueur. Car silz dient cela, ilz
dient bien : & aussi nous sommes de ceste
opinion, veu que ceux qui dorment, ne sont
pas du tout sans sentimēt : vray est quilz ont
difficulté de sentir. Certes ilz entendent au-
cunemēt, quand on les appelle, & se lieuent
debout, quand on leur apporte de la lumie-
re, & ainsi ilz sentent ceux qui les touchent.
Et si tu mallegues quelque iurongne, lequel
ne sçet ou il est, ou quelq̄ autre, lequel dort
dun sommeil plus profond, que ne fit onq
Epimenides : ie te respons, que ceux que tu
mallegues, estoient quasi sans sentiment, de-
uant que dormir, tellement que tu permet-
trois plustot la garde de quelque chose que
ce soit à vn homme prudent & desprit, ia-
çoit quil fust endormi, que tu ne ferois à
telle maniere de gens, combien quilz veil-
lassent. Neantmoins encores iceux gardent
beaucoup doperatiō animales. Il ne fault pas
donq adionter foy à ceux q̄ diēt, que toutes
les actiōs, lesquelles se font en dormāt, sont
naturelles. Car cela n'est pas vniuersellemēt
vray : dautant que ceux qui dorment, trans-
portent

portent, & mouuent leur membres en di-
uerſes manieres en dormant: ainſi ilz par-
lent leſquelles ceuures ne ſont pas naturel-
les, ains volontaires. Mais à l'auenture quel-
cun dira, nous ne pouuons entendre com-
ment celà ſe fait: car nous ne penſons pas
touſiours, quand nous mouuons les pau-
pieres, ne ainſi quād nous faiſons vne orai-
ſon: ou quand nous diſputons, nous ne
penſons pas aux mouuemens de toutes les
parties. Auſſi quand nous allons depuis le
port, dit Peiræus, iuſques en Athenes, nous
ne penſons pas à toutes les particulieres
actions des iambes. Car ceux qui ſont fort
penſifs, & en quelque vehemente cogita-
tion, ſouuentefois on fait vn chemin ſans y
penſer: ou auſſi ont paſſé outre le lieu, au-
quel des le commencement ilz deliberoient
aller. Fault il donq; dire pour cela, que le
cheminer ne ſoit pas action animale, & que
cela ne ſe fait par mouuement volontaire?
Pour certain vn cheminer preſent nous eſt
autant incongn ſans y penſer, comme le
mouuement des parties; qui ſe meuent en
dormant, & cōme l'action tonique des par-
ties, qui ſont ſans mouuement. Parquoy il
eſt licite de rendre telle cauſe & raiſon de
ceux qui dorment, cōme de ceux qui veil-
lent, pourquoy celt, que ſouuentefois ilz

ne pensent aux particulieres actions? Et ne se fault plus esmeruiller, pourquoy en dormant se font plusieurs operations volontaires. Car de dire, que telles operations ne sont pas volontaires (pourcee, qu'on ignore la cause) cest vne response folle & temeraire. Or si telles choses ne se pouuoient iuger par certain iugement, cest auoir si ce sont actions de volunté, ou de nature, que conclud on autre chose, sinon qu'on nen doit rien dire: Et quil vault mieux douter, que solement iuger de telles choses? Mais aussi si nous auons euidentissime iugement des actions volontaires (ainsi que nous auons pour vray) disons hardiment, & sans douter, que non seulement toutes les actions desuicdites, mais aussi dauantage, que la respiratiõ est faite par mouuement volontaire, dautant qu'on la void estre subiette au iugement, & à raison. Qui est donq lexamen pour iuger les operations volontaires? Je suis asseuré de ten donner plusieurs tous consentans, & bien accordans ensemble. Et premierement si tu peux faire cesser ce, qui se fait, quand tu veux: & de faire ce, qui ne se fait pas, ie iuge, que cest vn mouuement volontaire. Outreplus si tu as le pouuoir de ce faire, ou plustot, ou plus tard, ou plus souuent, ou moins, nest il pas du tout manifeste

nifeste , que telles actions seruent à la volonté? Mais quand est du mouuement des arteres , & du cœur , certes il n'est possible à la volonté de le retenir , ne de le exciter , ne de le faire plus frequent , ou plus rare , ne plus tardif , ou plus leger. Parquoy telles operations ne sont point de l'ame , ains de nature. Mais quand au mouuement des iambes , raison le gouuerne. Car elle le peut arrester , quand il le fait : & derechef exciter quand il est sedé. Item le peut faire plus leger , & plus tardif : plus rare , & plus frequent. Ainsi est il du mouuement de respiration , qui est action du diaphragme (dit Phrenes) & des muscles du Thorax ; ainsi que nous lauons démontré au liure des causes de respiration : toutefois cest action de l'ame , & non pas de nature. Car mouuoir les muscles , cest l'office de l'ame. Neantmoins ce n'est pas chose iuste , es choses ou nous ne trouuons pas la cause , de laisser des choses apparentes & manifestes , comme sont les iugemens des actions voluntaires ; or nous ne trouuons point de cause es choses , dont nous ne pouuons sauoir les particulieres actions. Celui donc , qui ne croid aux choses euidentes , n'ha du tout point de sens. Et celui , qui prononce promptemēt des choses douteuses , est temeraire.

Mais

Mais celui, qui tient les choses cleres, & euidentes comme suspectes, il est du nombre de ceux, qui se delectent en doutes, lesquels sont nommez Sceptici. Dauantage celui, qui non seulement tient les choses cleres pour suspectes, mais aussi sefforce de les destruire, & reprouuer à cause de l'obscurité des doutes, est extremement fol. Ne nous oston pas donq le sens à notre eicient, ne soyons point aussi curieux de doutes, ou folz, ou autre chose semblable, mais receuons promptement, & confessons ce, qui est vray, & conuenable à gens modestes, & euident : & enquerons tout à loisir ce, qui est douteux. Or il est euident, que la volunté domine sus la respiration. Mais il y ha doute, pourquoy cest que nous ne pensons pas à plusieurs actions volontaires. Et ainsi apres auoir supposé ce, qui est euident, venons à enquerir la cause : sans rien contredire, ne débatre en icelle : & sans affermer que nous ayons encores trouué la vraye cause. Iacoit que par ces propos deuantdits, elle soit beaucoup plus probable. Or comme ie pense, nul n'ha encores dit la cause : mais en proposant seulement le doute, dont iay desia fait mention, ilz euident auoir trouué la cause. Desquelz le propos doit estre loué, soit quilz ayét trouué icelle

cause, ou quilz ayent estudié de la trouver, Mais aussi il ne fault pas que nous soyons paresseux à trouver ce, qui reste. Or nostre commencement de le trouver sera tel: Cestasavoir, que plusieurs ont aucunesfois fait quelques actions, lesquelles incontinent apres ilz ont du tout oubliees. Comme ceux, qui par crainte, ou ebriété, ou autre cas semblable, ont fait quelque chose, ilz ne se souviennent de ce, quilz ont fait quand ilz estoient en telles constitutions. Dont la cause est (ainsi, quil me semble) pource quilz nont pas esté attentifs de toute leur pensee à icelles actions. Car la partie imaginative de lame, quelconque elle soit, icelle mesme est veüe aussi auoir recordation. Parquoy si elle reçoit quelques insignes impressions daucunes choses en ses imaginations, elle les garde perpetuellement: laquelle chose nous appellons auoir memoire. Mais si ladite vertu imaginative reçoit quelques impressions obscures, & totalement superficielles, elle ne les garde pas: laquelle chose nous appellons oublier. Et pour ceste cause en ire, cures, ebriété, craintes, phrenesies, & en toutes vehementes affections de lame, on nha plus de memoire le lendemain, de tout ce quon ha fait. Quest il donq de merueilles, si aucunes

nes obscures imaginations sont faites en dormant, quand l'ame fait obscurément ses actions? & pourtant icelles ne sont pas fermes, ne stables. Quest il aussi de merueilles quand on veille, ou quand la raison pense à aucune chose, & est quasi du tout attentive à quelque cogitation, si vne petite partie dicelle raison estant occupee à cheminer, fait l'impresion de telle action obscure? Et pource incontinent elle l'oublie, & n'a plus memoire si l'operation ha esté faite par mouvement volontaire. Certes tout ainsi, que si nous n'auions aucune recordation, nous ne pourrions considerer aucune chose passee: semblablement nous ne saurions, quelles estoient les choses, desquelles nous n'auons aucune memoire. Car il les faillloit premierement conseruer en la memoire, pour considerer puis apres, de quelle nature elles sont. Ce ne me semble donc pas estre chose merueilleuse, apres que le mouvement volontaire ha fait respiration en dormant, si lors que nous sommes resueillez, nous ne pouuons dire, si nous respirons selon la volonté. Pour certain il aduient chose semblable, comme quand quelcun faisant aucun mouvement des pieds, & des mains, en dormant, lequel parle aussi, & puis il ne s'en souuient plus,

fil disoit , que le mouuement des membres, & la voix fussent faits sans volûté. Car aussi ceux, qui delirent, ou resuent, ilz parlent & cheminent, & font tous autres mouuemens volontaires , toutefois apres quilz sont reueniz à leur bon sens , & entendement, ilz ne se souuiennent plus de ce quilz ont fait. Certes iay connu homme, lequel ha esté en ce delire ; & resuerie, l'espace de treize iours , cest, quil pensoit gesir en Athenes , & non pas à Rome. Or souuentefois il appelloit vn sien familier seruiteur ; luy commandant quil luy apportast ce, qui appartenoit à la chose gymnastique, cestadire exercitatoire . Apres vn peu de intermission faite , il fescria disant : Je t'appelle Ptolomee, car iay deliberé destrelaue long temps. Et aucunesfois il se leuoit hors du liât , & tout habillé alloit droit à lhuis de la salle. Et quand ceux, qui estoient leans le retenoient ; & le gardoient de sortir dehors, il leur demandoit pourquoy ilz faisoient cela. Lesquelz lui disoient, quil auoit eu fieuë, & encores lauoit : car ilz ne pouuoient dire autre chose ; sinon ce qui estoit vray. Et il respondoit fort modestement à ce propos , disant quil sauoit bien qui lui restoit encores quelque reliqua de fieuë : mais que ce n'estoit pas grand

grand chose, & quil ne failloit point auoir peur, que le bain luy fist mal : veu, que toute sa fièvre lui estoit aduenue à cause du chemin. Et en soy retournant vers son seruiteur, il lui dit: Ne te recordes tu pas, que nous fismes hier vn grand chemin, & avec grand labour, depuis la ville dite Megaræ, iusques en Athenes? Et en disant ces paroles, & faisant les choses dessusdites, lui est aduenu tout incontinent vn grand flux de sang, par les narilles, & apres le flux de sang vne sueur : & tout soudain il fut gueri. Mais toutefois il ne lui souuenoit plus de tout ce, qui lui estoit parauant aduenu. A sauoir donq si son leuer, parler, aller à selle, pisser (car tous les iours il faisoit toutes ces choses là) ne sont pas actiōs volontaires? Et cest cela, que nous auons proposé à demontrer des le commencement. Car si telles actions ne sont volontaires, certes il ne sera possible den trouuer dautres. Toutefois le patient dessusdit n'auoit aucune memoire des choses desia mentionnees, tout ainsi, que les iurōgues, apres quilz ont reposé leur vin, ne se recordent plus de ce, quilz ont fait durāt leur ebriété. Quest il dōq de merueilles, sil est ainsi de la respiratiō? cest quelle se fait volontairemēt. Mais dautant, que aucunes fois nous pensons

plus diligemment à quelque chose, & d'autrefois plus negligemment, pour ceste cause nous auons memoire de la chose, à laquelle nous auons diligemment pensé : & au contraire nous oublions la chose, à laquelle nous auons negligemment pensé. Mais pource que la chose, que nous auons du tout oubliee, nous pensons quelle ne fust iamais faite, il sensuit par consequent que nous n'ayons aucune souuenance, si la dite chose ha esté faite volontairement. Or que toute l'operation de respirer soit faite volontairement par l'ame, cela ha esté declairé antrefois par l'histoire d'un serf barbare : lequel concité, & esmu d'une grande ire deliberoit de se tuer soy mesme. Et en se iettant, & prosternant par terre, il retenoit aussi sa respiration, de sorte, quil demoura long temps immobile : & vn peu apres en se tournant rendit lesprit en ceste maniere. Et quand il ne seroit possible aucunement de retenir son alaine encores ne faudroit il pas nier, que la respiration ne se fist volontairement. Car des operations, qui se font par mouuement volontaire, il appert, que les vnes sont libres, & les autres seruent aux affections du corps. Les premieres se font tousiours sans aucun empeschement. Mais les dernieres non pas tousiours, ains en au-

cun

un & certain temps, & avec mesure. Car
daller vers quelcun, de parler, de prendre
quelque chose, ou receuoir, ce sont opera-
tions du tout, & absolument libres : mais
daller à selle, ou de pisser, ce sont remedes
des affections du corps. Car aucuns se font
teuz sans parler aucunement lespace dun an
entier, ou plus, & ce de leur bon gré, &
propre vouloir : mais de retenir les excre-
mens du ventre, ou lurine, lespace dun an
ou dun mois, il nest pas possible, non pas
seulement plusieurs iours. Car ilz pressent
si fort, & si souuent font angoisse, ou ag-
grauans par leur quantité, ou mordicâs par
leurs acrimonies : tellement, que aucuns
nont peu aller au lieu accoutumé. Sembla-
blement est loperation de respirer, & enco-
res presse beaucoup plus, & ha plus soudai-
ne necessité. Car il y ha danger de mourir,
si on ne respire : & cest vne chose extreme-
ment moleste, & grieve destre suffoqué. Ce
nest donq pas merueille, si cest chose ardue,
& difficile de retenir totalement la respira-
tion. Pource que aucuns ne sont pas prôpts
à mourir, iacoit, quilz endurent des maux
infinis : & ceux qui paruiennent iusques là
veulent mourir avec grande douleur. Il ne
faut pas donq estimer, que la voix soit
operation volontaire, & que la respiration
soit

soit naturelle, & non volontaire, pourtant que toutefois, & quantes, que nous voulons taire, cela nous est possible, & non pas de retenir nostre respiration. Laquelle chose nous auons à mon aduis cleremēt demonstree. Or il est expedient dadiouter ci apres ce, qui reste de tout le propos des figures moyennes. Car ainsi comme aux mains la figure appellee angulaire (laquelle est exactemēt moyenne entre lextreme extension & flexion) est totalement sans douleur, il sembleroit aussi aduis, que la chose fust semblable aux iambes: toutefois il n'est pas ainsi, mais en icelles iambes, la figure, laquelle est du tout sans douleur, consiste entre la moyenne figure, & lextreme extension. La cause cest coutume: car le plus souuent nous estendons les iambes, & telle est leur vtilité. Et pour ceste cause elles sont faites, à celle fin, que tout le corps fust soutenu par icelles, en nous tenans debout, & en cheminant. Et aussi deuant que nous vsions de noz iambes, elles sont estendues, & formees avec bandes, & ligatures. Et pource, quand nous dormons, ou que nous sommes à table, noz iambes sont plus estendues, que flechies. Dautant que nous auons beaucoup plus de travail & labeur, & flexions extremes, que aux extensions

extre

extremes. Or communemēt nous ne pou-
uons reduire du tout la iambe en extreme
flexion, sans layde des mains : mais nous
auons la iambe quasi mutilée, & claudican-
te, à telle action, à cause que nous ne lauōs
pas ainsi accoutumē. Car seulemēt les dan-
seurs & lucteurs, la flechissent facilement, &
ceux qui ont accoutumē de la flechir par-
faitement. Il sensuit donq, que la figure, la-
quelle est du tout sans douleur, ha dautant
procedē depuis la figure moyenne, iusques
à extension, comme elle ha esté contrainte
par la longue accoutumance des membres.
Parquoy en considerant ces deux choses
en tous articles, cest auoir nature, & cou-
tume, tu trouueras la figure moyenne, &
sans douleur. Or lon void en toutes choses,
comment coutume, & nature cōuiennent,
& accordent ensemble (& pource cest tres-
bien dit, que coutume est vne nature acqui-
se) semblablement la figure laquelle est sans
douleur, conuient, & accorde avec la figu-
re moyenne. Certainement aussi, quād aux
iambes, la figure, qui est sans douleur, &
qui est moyēne, cest vne mesme chose. Car
tu ne constitueras pas le mouuemēt qui est
parfaitement moyen entre extension, & fle-
xion, comme moyen entre tous les mou-
uemens des membres. Pource que tu trou-
ueras,

ueras, que la figure laquelle est sans douleur, s'approche aussi pres de l'extension, comme nous retirons loing de l'extreme flexion. Somme toute donq, en tous articles, si tu consideres les mouuements extremes, tu trouueras le milieu, & la figure, qui est sans douleur. Exemple. Comme en l'article du coude la figure angulaire cest la figure moyenne & sans douleur. Mais en l'article du genoil, cest la figure laquelle approche plus à extension. Semblablement en la spine, la figure qui est plus prochaine à flexion. Mais en l'article de carpus, cest la figure exquisemēt droite: car nous pouuons faire la spine plus courbe, ou flechie: mais nous reflexifflons, & flechifflons le carpus, ou brachiale (cest tout vn.) Parquoy par droite raison, pource que le carpus est exactement droit (laquelle figure est totalement moyenne entre les mouuements extremes) pour ceste cause il est du tout sans douleur. Mais la figure droite n'est pas la moyenne figure de la spine, ains celle laquelle est aucunement courbe, car elle ha plus de mouuement à cela. Parquoy, quand nous sommes droits, nous trauiillons plus des parties de la spine, que quād nous sommes assis, ou couchez. Car quād nous sommes debout, il fault que la spine soit es-

due

due : mais quand nous sommes couchez, ou assis, rien ne prohibe, quelle ne soit courbe. Si tu consideres diligemment ces raisons en tous articles, tu trouueras quelles sont consonantes ensemble. Car en tous muscles, lesquels sont sans articles, la constitution moyenne est sans douleur, comme au siege, en la vessie, & en la langue. Car trop estraindre le siege, ou trop le dilater, est cause de douleur. Item estendre, ou tirer trop la langue, ou la flechir, ou la mouuoir autrement, en quelque maniere, que ce soit outre mesure, il n'est possible sans douleur. Il est donq facile en telz mouuemens, de trouuer le milieu des exces, lequel aussi est sans douleur. Et tous homes, quand ilz cessent d'actions necessaires à la vie, ont la figure moyenne, & sans douleur, en toutes parties, ainsi contrains par nature, laquelle est iuste, comme dit Hippocrates. Quant à la langue, tous les muscles ont leur origine par coniugation, tant en hault, quen bas, tant à dextre, que à senestre. Parquoy ce n'est rien de merueilles, si ceste particule est menee en mouuemens contraires, par muscles opposites, ou contraires. Mais quand au muscle du siege, ou de la vessie, ou du diaphragme, cest tout autrement : car il ny ha qu'un seul muscle
en

en chacune de ses parties, lequel est rond, sans aucun autre muscle opposé. Parquoy il est manifeste, que ce n'est pas chose si facile, ne si prompte, de mouuoir icelles parties en contraires mouuemens. Mais il fault que tu entêdes, que l'office du muscle, lequel est en la vésie, & au siege, ce n'est pas d'excerner ou d'expeller les superfluitez du nourrissement, mais de retenir lescdites superfluitez. Enquoy plusieurs ont esté deceuz, cuidans que ces muscles eussent esté faits à cause d'excerner lescdites superfluitez. Et nont peu entendre, que quand ces muscles sont resolus, cestadire, relaxez, ou paralitiques, lors les superfluitez s'excernent ou enaquent, mais cest malgré nous. Pareillemēt, quand par quelque mauuaise chirurgie, cestadire operation manuelle faite indeuement, le muscle du siege est incizé outre mesure, la matiere fecale souuent en sort malgré nous : à cause que les instrumens, qui prohibent leffluxion de ladite matiere ny sont plus. Il fault doncq dire, que ce muscle n'est pas instrument de l'excretion simplement, ne principalemēt aussi l'accident, par ce que quand ce muscle est incizé, il n'aduient pas tousiours quil soit resolu. Mais nature la commis, comme garde : à celle fin que les excremens ne issent point, sinon quand il est

est temps. Parquoy le dit muscle ne fait rien à l'excretion : mais davantage ne permet faire l'excretion aux instrumens deputez pour la faire. Qui sont donc les instrumens des actions ? Plusieurs y en ha, qui sont particuliers, mais en general ilz sont de deux manieres. Car les uns sont instrumens de l'ame, les autres de nature. Les instrumens de l'ame font tousiours leurs actions par mouuement volontaire. Mais les instrumens de nature operent sans mouuement volontaire. Exemple. Le diaphragme, autrement appellé phrenes, aussi tous les muscles de l'epigastre, sont instrumens de l'ame : mais tous les intestins, avec le ventricule, sont instrumens de nature. Nous auons traité de l'action d'iceux en autre lieu. Maintenant nous parlerons des muscles, pource que le present propos est de declairer leur mouuement. Or tous les muscles de l'epigastre, quand en leur action ilz sont tendus, lors ilz pressent par dedens les instrumens de nature : lesquelz instrumens de nature, si le diaphragme leur donne lieu, s'en vont au lieu du diaphragme, & diminuent la violence des muscles. Mais si le diaphragme leur resiste, lors lesdits instrumens, comme presséz (par maniere de dire, de deux mains, cest auoir extrinsequeuement par les muscles,

& intrinsequement par le diaphragme) expriment ce qui est contenu en leur concavité. Et à ce ayde moult lobliquité du diaphragme, ayant l'une de ses extremittez en la partie anterieure, à la cartilage pectorale, dite xiphœides : & l'autre extremité est à la spine lumbale, cestadire des reins. Donq que les excremens des intestins soient exprimez, cela aduient par les muscles faisans leur action de costé, & d'autre, cestasavoir extrinsequement par les muscles de l'epigastre, & intrinsequement par le diaphragme. Mais que ce, qui est pressé, descende en bas, lobliquité du diaphragme en est cause, lors que le muscle du siege est oisif. Et combien quil y ayt plusieurs muscles au ventre, & que tous soient tendus en allât à selle, toutefois ceux qui sont aux hypochondres, sont les plus tendus, & moins ceux qui sont en bas. Mais cest au contraire, quand on vrine: car les muscles qui sont en bas, font plus grande action : & ceux qui sont aux hypochondres, la font moindre. Aussi les muscles, qui seruent à la respiration, ensemble sont estendus avec les muscles dessusdits, non pas quilz soient instrumens de pisser, ou d'aller à selle (car cela seroit fort estrange à raison) mais pource quil failloit, que la tension du diaphragme fust egale à la
la

la tension des muscles du ventre, & quil est dit impossible, que le Diaphragme (lequel nest quun muscle) soit egal à plusieurs, & grans muscles, & que en cela il y auoit danger, que le diaphragme vaincu en tel combat, ne fust renuersé en la capacité, ou ample espace du thorax. Pour ceste cause les muscles, qui sont entre les costes, sont ensemble estendus contraingnans le thorax de toute part. Car quand le thorax est lâché, il obeit promptement au diaphragme, u le diaphragme est poussé : comme lon peut faciement congnoitre. Et lesdits muscles intercostaux, estendent les muscles du ventre, & principalement les inferieurs: & lâchent tous ceux, qui sont au thorax. Car presque tout le ventre en telles constitutions est poussé, iusques en la capacité du thorax; avec le diaphragme. A celle fin donc, que cela naduint, & que legestion (cest adire excretiõ de la matiere fecale) ne fust perdue, tout le thorax est fort estraint de toute part. Or de toutes les raisons devant dites, il est notoire, que les muscles ordonnez à linfluxion des excremens, peuvent bien de leur propre nature retenir iceux excremens, & est leur propre office: mais ilz ne peuvent faire lexcretion, ou expulsion, sinon par accidēt: cest asauoir, quād

leur

leur action est cessée. Tout ainsi donc, que en toutes autres parties, aux mouvemens contraires, il y ha muscles contraires, ainsi est il à ce propos. Car la retention des superfluitez, est action des muscles dessusdits. Mais l'excretion, est action des muscles, qui sont en l'epigastre, & du diaphragme. Certainement ces muscles correspondent par proportion aux muscles des autres parties, lesquelz sont opposites. Mais il n'est pas licite de dire simplement, quil y ha des muscles opposites au diaphragme. Car en tant quil est instrumēt pour excerner les superfluitez, il ha premierement les muscles retenans icelles superfluitez, pour opposites; & par vne autre maniere d'opposition il ha ceux qui sont en l'epigastre. Mais en tant que le diaphragme sert à la respiration, il ha en partie muscles opposites & en partie non. Car il ny ha nul muscle, qui soit du tout instrument despiration, ains telle operation, ou plustot affection, est semblable à ce, que nous auons deuant appellé dedence. Mais efflation est vn mouuement desperit, tout à vne fois exterieurement fait par les muscles intercostaux. Car tous les muscles interieurs des costes sont instrumens defflation. Et derechef ceste operation du thorax, est semblable à ce, que nous auons

ans deuant appellé en tout le corps , re-
clination, & en chacune partie, deposition.
Or veu que inspiration est contraire à ex-
piration, & vehemente inspiration est con-
traire à efflation (laquelle n'a point de
propre nom) la premiere opposition est
faite par le seul diaphragme. Et l'autre est
faite par les muscles intercostaux , avec
ceux qui parviennent depuis les scapules, &
le col , iusques au thorax. De laquelle les
joueurs de flustes, & trôpettes, & criers, ont
principalement besoin , quand ilz doiuent
chanter quelque hymne , & mesmement
ceux, qui enflent les cornemuses , ou quel-
que autre instrument semblable : & pour le
dire absolument , ceux qui veulent gran-
dement transmuier le thorax, en le dilatant,
& retirant : parquoy on dira mieux & plus
veritablement , que les muscles extérieurs
du thorax sont opposites à ceux , qui sont
en la partie intérieure des costes, & non pas
au diaphragme. Car grande inspiration est
faite par les extérieurs muscles intercostaux:
mais grande expiration est faite par les in-
térieurs. Or ces matieres, & autres, dequoy
nous dirôs ci après des muscles du thorax,
sont en partie démontrées es liures des cau-
ses de respiration , & en partie es liures de
la voix. Mais à present il fault parfaire ce

qui reste. Cest que le diaphragme ha quelque propriété outre les autres muscles, tant en sa situation, quen sa figure: quand il cesse de son action, & quil se relasche. Car maintenant sa gibbosité, ou conuexité, incline vers la spine, maintenant vers le ventre, mais plustot vers la spine. Et en toutes les figures de lhomme (exceptee la figure prone) le diaphragme est superieur, & la spine est inferieure. Parquoy le diaphragme incline vers la spine, & non sans cause: pource quil est greué du foye, & du ventricule, lesquelz en la partie anterieure sont au dessus. Et en la partie posterieure il ha le poulmon, lequel est le plus mol, & le plus leger de tous les visceres. Toutefois la gibbosité du diaphragme sort aucunesfois vers les parties anterieures, cōme en figure prone, & aussi, quand les muscles intercostaux font leurs actions, & ceux du ventre se reposent. Parce il est manifeste, que alors le ventre est enleué: laquelle chose souuentefois aduient aux gymnastiques, ou athletes, apres les exercices. Et si les muscles du ventre font leur operation, ainsi que les muscles intercostaux, on appelle cela catalepsis en Grec, cestadire retention, ou cohibition dalcine. Or il est necessaire en telle operatiō, que la superieure extremité de lurine soit cloze:

car si elle estoit ouuerte, quand les muscles dessusdits operent, cela s'appelleroit efflation. Mais si avec lesdits muscles, aussi ceux des parties dites fauces, & du gozier, sont ensemble tendus, ce ne sera plus efflation, ains desia ce sera voix. Veu donc, quil y ha double tension à tous muscles, cest-à-lavoir lune, quand en faisant leur operation ilz conuiennent, & sont concurrens en soy-mesmes : & lautre est, quand ilz sont estendus par muscles opposites: la premiere est au diaphragme, quand on fait inspirations non violentes: lautre ce fait en deux manieres (comme nous auons desia dit) cest-à-lavoir quand les muscles du ventre font leur action : & aussi quand les muscles intercostaux seulz font leur operation. Pareillement aux expirations non violentes (lesquelles principalement nous appellons expirations) les separans des efflations, les muscles nont ne lune ne lautre tension : mais quelle est la constitution de tous les autres muscles (comme nous auons dit) laquelle consiste au milieu des mouuemens extremes, le diaphragme seulement reçoit telle constitution, & est double. Lequel diaphragme incline vers la spine aux autres figures (excepté la figure prone) car en icelle

seule il incline vers le ventre. Mais les muscles des costes, & du ventre, sont toujours gibbeux: veu quilz sont faits semblables aux figures des instrumens subiets, cest-adire situez au dessouz. Et quand ilz sont en repos, ilz sont fort gibbeux: mais quand ilz operent, ilz obeïssent, & cedent intérieurement, & sont moins courbez au contraire quasi de tous les autres muscles qui meuuent les autres parties: lesquels quand ilz se reposent, sont droits, mais quand ilz operent, sont courbez. Or la cause de la difference diceux muscles est manifeste. Car dautant, que aucuns ont vne substance d'os, dure & renitente, au dessouz, & que les autres ont vn large & ample espace, qui leur cede, il sensuit par iuste cause, que tous muscles gifans sus les os, quand ilz sont retraits, dautant quilz saugmentent en latitude, & profondeur, comme ilz perdent en longitude, quilz ont plus grande eminance, & tumeur de corps. Mais ceux à qui la molle situation donne lieu, quand ilz sont tendus vers leur principe, sont occultez, & cachez, pour la plus grande partie de leur corps. Ce nest donq point chose merueilleuse, si quasi tous les muscles, qui sont aux membres, deuiennent gibbeux

en faisant leur action : & que seulement ceux du thorax , & de l'epigastre soient compulsez interieurement : car seulement iceux ont leurs espaces subiets laxez , & obeïssans. Certes quand le ventre est si replet , quil en est distendu avec douleur, lesdits muscles ne cedent plus interieurement. Car ce qui aduient tousiours aux autres muscles , cest auoir la renitence du lieu subiet , aduient aux muscles de l'epigastre, quand le ventre est replet. Or le ventre est replet à ceux , qui sont replets outre mesure, comme à ceux, qui sont hydropiques, & aux femmes enceintes. Mais à ceux qui ont le ventre vuide , les muscles sont courbes, deuant que faire leur action : ainsi que sont les instrumens subiets. Car selon les cautez diceux instrumens, les muscles se estendent. Mais quand ilz font leur action , ilz cedent interieurement : car ilz pressent facilement les cautez subiettes. Semblablement les muscles du thorax , qui sont entre les costes, deuant que faire leur action, ont figure semblable aux costes : car ilz sont courbez par dehors , & caues par dedens. Mais quand ilz font leur action , pressans premierement, principalement la membrane subiette , nommee hypezocos, cest adire

succingente , pressans secondement par icelle membrane , le poulmon , lequel est mol , & laxé , ilz cedent autant dedens , comme la substance des instrumens subiets cede , & obeit. Or quiconque entendra bien vniuersellement ce , que nous auons dit du mouuement des muscles , pour certain il pourra bien inuenter tout ce , qui est particulier.

F I N.



Le Translateur au Lecteur,

S A L V T .

*



Mi Lecteur, Galien au second liure des anatomiques administrations dit, quil est bon den-
tremesler la contemplation de

lanatomie avec les autres liures de medecine: esquelz on décrit la congnoissance des maladies, ou les presages, ou la curation dicelles, ainsi que faisoit Hippocrates. Et pource quil y ha danger, que icelles speculations ne perissent, tant à cause de la negligence des hommes enuiron les arts, & sciences, que aussi à cause quilz nont pas accoutumé dy estre exercez de ieunesse, il est expedientaire des liures, & commentaires. Car si nous pouuions garder, & maintenir ce, que noz predecesseurs nous ont laissé, quasi de main à main, que seroit il besoin de les escrire? Item consequemment dit ledit Galien, quil ha departi, & communiqué avec vne candeur, & franc vouloir, tout ce quil sauoit, à ceux qui len requeroient: desirant, que tout homme en eust congnoissance, tât que possible seroit. Iasoit quil entendist bien, que plusieurs de ses disciples ne vouloient pas cōmuniquer

leur ſauoir aux autres:laquelle choſe (comme il dit) ne procedoit , que denuie : leſquelz ſi venoient à mourir ſoudainement, leur ſauoir ſeroit perdu. Parquoy il loue Marinus de ce quil nha point douté de compoſer des adminiſtrations anatomiques. Mais dautant , que ledit Marinus ne les ha pas parfait entierement, ne cleremēt, pource auſſi , que pluſieurs anatomiſtes, & quaſi tous, nont pas pleinement, ny entierement traité la plus vtile partie dicelles, Galien ha eſté contraint de compoſer autres commentaires. Car quelle choſe pourroit eſtre plus vtile à vn Medecin pour guerir playes,tirer fleſches,dards, ou boulets , excizer les os , reduire les luxations, curer les fractures faites avec vlcere: item fiſtules , apoſtemes , & ſemblables choſes, que de parfaitement congnoitre toutes les particules des mains, & des iambes ? & encores plus les exterieures , que les interieures, comme des eſpaules, du dos,de la poitrine, des coſtes , du penil, du col , & de la teſte. Deſquelles parties, comme dit eſt, nous ſommes ſouuentefois contrains den tirer fleſches , & autres choſes ſemblables, den faire incizionis , excizionis , ou autres diſſections & operations manuelles, ſelon que la choſe le requiert. Eſquelles opera-

nions, si tu ne congnois la situation du nerf, ou muscle principal, de la grãde Artere, ou Veine, tu seras aucunesfois attheur, & cause plustot de la mort, que de la santè des malades. Et aucunesfois tu en seras les vns manchets, les autres boiteux. Or ce nest pas de maintenant, que regne ceste enuie, ou plustot (si iõzoye dire) ceste Auarice, & insatiable cupidité daucuns. Je croy quilz ont peur quon ne sache trop, ou autant, & plus que eux: ou plustot que terre ne leur deffaille. Je ne sauroye (à mon aduis) mieux comparer telle maniere de gens, que à celui, qui auoit receu le talèt de son maistre, & puis le cacha dens terre, sans en faire aucũ profit. Ou à celui, qui ha vne lumiere, laquelle il va cacher deffouz vn muy, à celle fin, que les autres ny voyent rien. Ou finalement à celui, qui ha la clef pour entrer en quelque lieu, toutefois il ny veult entrer, ne laisser entrer les autres. Dien scet quel recompense ilz auront de leur grand tresor de lauoir ainsi caché. Toutefois ie suis desplaisant, quilz nont bien entendu, & retenu la sentence du diuin Platon: laquelle Cicero recite au premier liure des Offices. Cest, que nous ne sommes pas seulement naiz pour nous, mais que nostre païs, & noz amis doiuent auoir quelque partie de nostre naissance

sance: cest adire quelque fruit de nous. Voila loccazion laquelle niha induit (selon ma promesse) de donner quelque entree, & intelligence en l'Anatomie, tant des Os, que des Muscles, & de leur mouvement, à ceux qui ne sont aucunement instituez es langues, Grecque, ou Latine. Considerant, que l'art de Medecine, & Chirurgie ne gist pas du tout aux langues. Car cest tout vn de l'entendre en Grec, ou Latin, ou Arabe, ou François, ou (si tu veux) en Breton bretonnant, pourueu qu'on l'entende bien. Iuxte la sentence de Cornelius Celsus, lequel dit que les maladies ne sont pas guerries par eloquence, mais par remedes. Te suppliant Lecteur ne te vouloir facher de nostre labeur, iusques à ce que tu te repentes, & estimes peu de chose de proufiter en ton Art.



LE
LIVRE DES
PRESAGES DV
DIVIN HIPPO-
CRATES,



Divisé en trois parties.

LA VIE D'HIP- POCRATES.



HIPPOCRAS fut filz de Era-
clides, comme tesmoigné Ga-
lien au premier liure du Regi-
me des maladies agues: com-
bien que aucuns disent, quil fut filz d'Ascle-
pius. Et fut engendré, & né en isle dite
Cos: & eut pour recteur, & maistre le grand
Pythagoras. Quāt à sa propriété naturelle,
il auoit en hayne & horreur toutes pom-
pes, & voluptez mondaines, & venerē-
ques charnalitez: & contraingnoit ses di-
sciples par iurement destre taciturnes, & de
garder silence, aussi modestie, & mansue-
tude, ou humilité tant en mœurs, quen ha-
bits: & ce tesmoigne S. Hierome. Et restau-
ra la science de Médecine perdue pres de
cinq cens ans, asauoir depuis Esculapius.
Ledit Hippocras fut petit de corps, & sta-
ture, mais beau, & elegant de forme: &
auoit bonne, & puissante teste, & marchoit
tardiuement, & tout beau, fort pensif, & de
peu de parole, & tardiue, & nestoit grand
mangeur, ny gourmand. Il vesquit x c v.
ans, & ce dit on estoit souuent en sa bouche:
asauoir

asauoir, Qui veult viure en liberté, ne desfire
ce, quil ne peult auoir. Et qui veult auoir
ce, quil desfire & conuoite, desfire tant seule-
ment ce, quil peult auoir. Dauantage, qui
veult viure pacifiquemēt en ceste vie mor-
telle, soit fait semblable à celui, qui est inui-
té à vn conuiue & banquet: lequel rend gra-
ces de tout ce, que lon met deuant lui, & ne
murmure des deffauts, & omissions. Et
fut du temps de Eliachin, de Ma-
lachias Prophete, de Zeno, &
Socrates: lesquelz ont
vescu plus de qua-
tre cens ans
auant

IESV CHRIST.

*





LA PROTESTATION

*& iurement du Diuin, &
maistre des Medecins*

Hippocrates.



O Y Hippocras proteste, iure, & fais promesse au grand Dieu Apollo, Medecin, & à Esculapius, & à les deux filles, asauoir, Hyginé, & Panacie : dauantage à tous Dieux, & Deesses d'observer au mieux quil me sera possible, & tant que mon esprit pourra, le contenu de ce iurement, ou tablettes, esquelles est insculpé, graué, ou escrit ledit iurement. Asauoir que ie me rends obligé, tributaire, & debteur au Precepteur, & Docteur, qui m'a enseigné, & montré ceste science, & doctrine : non moins, mais autant, ou plus, que au pere qui m'a engendré : & deuoir avec lui viure & communiquer, & suruenir en toutes les necessitez, que le congnoitray auoir, autant que ma force, & biens se pourront estendre. Aussi, que auray en amour, & charité ses enfans, comme mes freres, &

la progenie comme la mienne. Dauantage que i enseigneray, demontreray, & endoctrineray ladite science gratis, sans pris, ny paction. Et que donneray tous les canons, reigles, & preceptes sans rien cacher, ou celer liberalement & fidelement aux enfans de nostredit Maistre, cōme aux miens propres. Et à tous autres disciples, lesquelz auront, ou voudront faire tel serment, & iurement, & non à autres. En outre, que en pratiquant, & vsant de ma science enuers les malades vseray seulement de choses necessaires autant, quil me sera possible, & que mon esprit, & entendement se pourra estendre, & que le plustot, que pourray, & le plus briuement, sans dilater, ny retarder la maladie gueriray les malades. Et que ne feray chose cōtre droit par hayne, courroux, iniure, ou mal talent à personne qui soit. Dauantage, que ne donneray poizon: ne conseilleray, ou apprendray à nullui la poizon, ny la maniere: aussi que ne bailley ou feray bailler, ne consentiray estre donnee chose à femme pregnante, ou enceinte pour tuer, ou faire vuidier le fruit. Mais proteste de garder ma vie, & ma science purement, nettement, & inuiolablement sans tromper, defrauder, ou faire tort à personne: & que ne tailleray, ou incizeray personne

sonne ayant la Pierre, mais laisseray la cure aux experts de ce. Et dauantage promets, que ne entreray en maison de malade sinon en intention de le guerir, et que patiemment souffriray des malades iniures, abominations, et vomissemens, & toutes autres pouretez, & que euitray de mon pouuoir toute chose venereique, soit que iaye entre mes mains femme ou homme, maistre, ou seruiteur, riche ou poure, pour donner guérison. Item de toutes choses, que pourray voir, ou ouir, soit en la cure, ou hors la cure, & que sera bon de celer, & taire, nen ouuray ma bouche : mais à tousiours tairay, & à creature ne reueley pour mourir. Et pource ie prie à noz Dieux, que à moy ceste Protestation, promesse, & iuremēt obseruant integralement, & inuolablement, que toutes choses en ma vie, & en mon art, & science heureusement, salubremēt, & bonnemēt aduiennent : & en la fin gloire eternelle. Et à celui, qui contredra, transgressera, & sera pariure, tout le contraire lui aduienne, asauoir, infelicité, improspérité, malencontre, & malediction eternelle.

FIN DE LA PROTE-
STATION.

LE PREMIER

LIVRE DES PRE-

*sages du Divin Hip-
pocrates.*

*

PROLOGVE.



VN Medecin desirât acquerir gloire, & honneur par sa science : & l'amour des gens, & amasser quelque bien, se doit montrer sçavant, & expert. Et ce, en annonçant aux malades les accidens preterits, presens, & futurs de leurs maladies, & declairant choses omises par iceux malades, & aduertissant, ou reduizant à memoire choses oubliees : ce que congnoissans les malades plus hardiment se mettront entre ses mains, presumans, & estimans, quil ha totale congnoissance de toutes maladies, & que bien tost seront gueris. Ce qui est vray : car ayant congnoissance telle des choses preterites, presentes, & futures peult plus facil

facilement remedier aux maladies. Combien quil soit impossible au Medecin de restituer la santé, & guerir tous malades: ce qui seroit chose plus grande, que predire les accidens futurs. Car il aduient aucunesfois, que les malades meurent par la violence, & malignité de la maladie, auant que le Medecin soit appellé: aucuns meurent tost après, que le Medecin est arriué: le iour mesme. Aussi vn, ou deux iours après, auant que par sa science, & diligence puisse corriger, & tollir le peril, & telz terribles accidens. Parquoy se doit exercer, & efforcer de congnoitre la nature, & peruersité de telles infirmitéz: aussi la vertu du malade, à fin de euitier calumnie, opprobres, & reproches.

Ce quil fera, & se montrera admirable, & plus diuin, que humain, predisant la mort à lun: la santé à lautre, ayant aussi esgard à la qualité, bonté, & malignité de lair tant particulier: asauoir celui, qui est circonuant le malade, quen luniuersel: & le temps en ses qualitez, & lan aussi, les bons & mauvais aspects des corps celestes: ce prenoyant euitera deshonneur, & acquerra bruit & amis.

*Ici commence à presagir par
signes de la face.*

OR donq pour bien predire, preuoir, ou presagir, signamment en maladies perilleuses & agues, est requis de considerer & speculer la face du malade. Premierement asauoir si elle est telle, que en santé, ou que peu sen fault. Et si ainsi est, pourra le Medecin en auoir bon presage, & estimation salutubre. Mais aussi si elle est grandement differente, & changee, comme sensuit, estimera peril, & danger de mort. Quand le nez, & narines sont agues, & extenuées par icelle maladie : & les yeux cōcaues, & les temples, asauoir les parties entre les oreilles, & front sont descharnées, & la peau du front est dure, seiche, & tēdue, & les oreilles froides, & restraintes, ou quasi renuersees, & toute la face appert noire, paille, liuide, ou plombeuse, & grandement difforme à celle du temps de santé. Quand les choses predites apparoissent en la face, ou la plus part au commencement, ou premiers iours de la maladie, il se fault enquerir (si par autre indice lon ne peut) si prouiennent point par trop veiller, asauoir que le patient n'ha eu temps, ny opportunité de dormir, ou quil ha eu flux de ventre naturel, ou les dites choses

choſes ſont aduenues par famines : car ſi ainſi eſtoit , lon ne doit craindre peril. A loppoſite, ſi telle face precede, & perſeuerre, & le patient dit, que leſdites choſes nadiennent par vigile, flux de ventre, ny par famine, le Medecin peult aſſeurement preſagit mort prochaine. Et ſi la maladie ia auoit duré trois ou quatre iours , apres auoir conſideré ce, que deſſus, il fault quil ſpecule par autres ſignes, comme des yeux, & autres parties du corps.

Les ſignes par les yeux, & leures.

CAr ſi les yeux ne peuuent voir le iour, ou clarté, & larmoyent, ou pleurent cõtre nature, & malgré le perſonnage: auſſi quand ſemble, quilz veulent ſortir hors de la teſte, ou que lun eſt euidentement moindre, & diminué, ou que le blanc des yeux eſt rouge, & apparoillent veines rouges, ou liuides, ou qui ſont lippeux, & chafſieux, ou tremblans, & fort mobiles, ou enfoncez, & parfonds. Auſſi quand le malade deuient louche, & regarde de trauers, & ha terrible regard, & obſcur : & quil ha la face toute cõtrefaite, & eſpouentable. Tous ces ſignes ci ſont pernicioeux & mortelz. Danantage quand le patient dort quaſi les yeux ouuerts, & nha ce de coutume, & le

blanc des yeux se montre, seulement les paupieres entrecloses, & ce nauient par flux de ventre, ou par medecine solutine, cest signe de mort. Item quand les paupieres, aussi les leures, ou babines, & le nez semblēt estre tortus, ou renuersez, aussi mortifiez, ou liuides, ces signes avec les precedens ingent le malade à mort. Item quand les leures sont descharnees pendentes, froides, & pasles cōtre la nature du malade, pourra le Medecin presagir, & prenostiquer la mort prochaine.

*De la maniere de gesir, ou
coucher.*

Q Vant au coucher, cest tresbon signe quand le patient repose, & dort sus le costē dextre, ou senestre, à son aise les mains sus son estomach, ou ailleurs, non roides, ne les iambes aussi : mais flexibles, ce gesir, comme en santé, est singulier. Car gesir le col, les mains, & piedz roides, & estendus, non flexibles, n'est louable, ne bon. Item quand le malade se tourne, vire, renuerse souuent en sursault en veillant, ou dormant, & des piedz du liēt fait le cheuet se deiettant, & ne scēt quil fait, est mauvais signe. Dauantage si se descouure sou-
uent

uent nayant grande chaleur aux extremitez, & qui deiette les bras, iambes, piedz, & teste tantost çà, tantost là, cest signe, quil est en grosse angoisse, & destresse. Item est pernieieux signe dormir la bouche ouuerte contre nature. Aussi dormir la face en hault ayant les iambes entrelasées, & entortillees quasi comme chordes, & ce par la force, & violence de la maladie, est mauuais signe, ou aussi contre raison fort eslargies. Item celui, qui contre nature, & non de coutume dort le ventre en bas contre le liët serré, note, & signifie permixtion dentendement & alienation, ou grosse rage, & douleur de ventre. Dauantage quiconque au iour de crétication, & force de la maladie se contraint, & efforce de soy leuer, & tenir droit, & nest pacifique, se met en danger, & est mauuais signe en toutes agues, & grosses maladies : mais pire en pulmoniques passions.

Des signes par les Dents.

Q Vand lon grinsé les Dets (non point comme vn homme, qui ha grosse froideur, mais par collision) en la fieure, & que lon ne lha de ieunesse, ou de coutume, ce signifie tremblemēt desprit, & de raison, aussi mort : & si tantost est desraisonné, &

aliené, signifie mort prochaine.

Du signe de Mort par Vlcere.

Sil suruiuent au malade vlcere, atrax, ou charbon, soit quil precede la maladie, ou quil vienne avec la maladie. Si vlcere desseiche, et deuienne verd, liuide, ou noir, & aperçois le malade empirer, pourras pronostiquer mort prochaine.

Des signes par les Mains.

Quand le febricitant de fieuue ague, ou en maladie du poulmon. dite peripneumonie, ou en frenesie bastarde, & non vraye, ou en grosse douleur de chef cherche çà & là, en hault, en bas, & sus le liect comme poilz, & cheueux de la face, aussi plumes, ou ordures des couuertes, aussi paille, festus, & autre chose, pése prendre contre les parois, & murs, sont tout signes mortelz.

Les signes par l'aleine, ou aspiration.

LAleine, ou respiration frequente signifie douleurs, ou inflammation, & ardeurs aux membres spirituelz, comme du cœur, & poulmon. Mais quand elle est grande,

de, & rare, quil y ha grande espace entre les respirations, signifie alienation d'entendement, & de raison, & quand l'aleine sort de la bouche, & des narines fort froide, note gros perilz, & mort. Mais la facile aspiration, & respiration, en ague maladie la fièvre concomitante, & iointe, est signe salutaire: en celles qui se terminēt dedens quarante iours.

Prenostique par la sueur.

LA salubre, louable, & bonne sueur en toute maladie ague est celle, qui vient en iour de cretication, ou iudiciaire, & si guamment quand est vniuerselle, & le patient sen trouue allegé, & plus fort. Et si naduient ausdits iours, & ne soit vniuerselle, nest bon signe: mais la mortelle sueur est particuliere, & froide, comme au front seulement, chef, ou face: & ce en fièvre ague, & en autre maladie denote diurnité, & prolixité de maladie.

Du costé droit, & gauche.

QUand le patient ne sent aucune douleur, tumeur, durté, ou inflammation souz les costez, cest bon signe, & que lun des costez est aussi mol que lautre sans doul

douleur. A l'opposite, si y ha douleur, tumeur, durté, ou inflammatio es deux costez ou en lun, plus que en l'autre, lon peut presumer mal. Car si lon sent grand debatemēt ou pulsatiō en lun des costez, lon peut pronostiquer grosse destresse, & douleur, ou alienation & permixtion de raison. Et si avec ceste pulsation les yeux sont fort mobiles, le patient est en danger de rage, & deuenir enragé, ou demoniacle, ou de soy destruire.

*Des signes par Apostumes souz
les costez.*

LA collection, ou apostume en ague maladie souz les deux costez avec tumeur, & douleur est plus dangereuse, que souz lun des costez seulement : & principalement moins perilleuse souz le costé gauche, que souz le dextre. Et si le patient ne meurt es premiers iours, & quil dure iusque à vingt iours, & la fièvre ne cesse, ny lapostume diminue, cest signe, quil viendra à maturation. Et si l'aduiēt au septieme iour, ou enuiron flux de sang par le nez, ce allegē bonnemēt. Ce, pourra pronostiquer le Medecin, quand le patient dir, que le front lui fait mal, ou chef, & ha les yeux caligineux, &

& chafvieux, & principalement quand le patient ne paffe trente, ou trentecinq ans. Et quand la collection, ou apostume est molle, & sans douleur, & se meult, ou varie, quand on touche sus elle, met plus long temps à guerir, que la precedente : mais n'est si dangereuse. Et si elle dure, & persevere iusques à soixante iours, & la fièvre ne cesse, ny la tumeur ne diminue, elle viendra à maturation, & purgation : autant en pronostiqueras des apostumes du vêtre. Donc l'apostume qui est grãde & dure, avec grosse douleur, est dangereuse, & mortelle : la molle, & sans douleur, & voluble de lieu en autre est plus tardive, mais sans comparaison moins dangereuse.

Des Apostumes du bas Ventre.

Les apostumes du ventre iamaïs ne deviennent si grandes, ne si grosses, que celles, qui se congregent souz diaphragme. Et encores moindre sont celles, qui se congregent souz le lombril, & peu souvent viennent à suppuration, ou putrefaction. Mais cest bon signe, quand se purgent par flux de sang de la narine de la part de l'apostume. Item toutes telles apostumes par laps de temps, & à la fin pourroient parvenir à putrefaction, & purgation par la maniere,

niere, qui sensuit : Il est donc conuenable de considerer, que les prenommees collections, ou apostumes par diuerses manieres viennent à putrefaction, & purgation. Car les vnes se purgent par dehors totalement. Et sont petites, rondes & agues, ou pyramidales : icelles sont les plus salubres, & moins letales. Les larges, grosses, & plates, spacieuses, & non rondes, ny agues, dangereuses. Et celles, qui se creuent, & purgent par dedens le ventre, combien que aucument facent tumeurs par dehors, sont pernicieuses, & dangereuses plus que celles, qui ne font eminence par dehors, & que la peau n'ha descolorée.

Quelle doit estre la matiere, qui sort des Apostumes.

LA saniosité, & matiere, qui sort des apostumes blanche totalement, & non de diuerses couleurs, & non puante, est louable & salubre. Celle, qui est autrement, de tant plus quelle est differente à la blanche, de tant est elle plus vicieuse & mau-
uaise.

LE II. LIVRE
DES PRESAGES
D'HIPPOCRATES.



Et premierement d'Hydropisie.



Oute maniere d'hydropisie avec maladie ague est perilleuse, & letale : car le patient est affligé, & molesté par fièvre vehemente & angoisseuse douleur : parquoy il meurt. Ceste maladie souuent aduient par passion epatique, qui est maladie du foye. Aussi il survient des passions aux intestins, boyaux, & entrailles, & veines mezeraiques, ou parties internes, & ratte. Celle qui vient des entrailles, ou mezeraiques, & inferieures parties est congneue par inflation des piedz, & flux de ventre diurne, & long : neantmoins les douleurs ne sont pacifiees, ou appaisees du ventre, ne le ventre desenfle, ni amoindri. Celle, qui prouient du foye, est congneue par signes sequens : a sçavoir, le patient ha vne toux seiche, & quasi ne crache

che rien, & ha le ventre dur & serré, tellement quil ne sort rien de son ventre, sinon à grosse peine & travail : aussi ha les piedz enfléz. Dauantage sont tumeurs, & inflations maintenant au costé droit, tantost au senestre, puis se departent, & euanouissent: cestadire, quilz vont & viennent.

*Les signes de vie & de mort, en
maladies agues.*

QVand le patient ha la teste froide, les mains & piedz froids, & que le ventre, & costez sont ardens, & bouillans, cest signe de mauuaise maladie & perilleuse. Mais quand le malade facilement se retourne de costé à autre, & sans moleste : ainsi quand tout le corps est également chaud & suaué, est signe de salubrité, & securité. A lopposite quand tous les membres sont pesans, comme les bras, iambes, & tout le corps, est à craindre. Et si avec ce les ongles sont liuides, ou plombeux, lon peut prenotiquer mort vicine. Et si les ongles, doigts & piedz sont totalement noirs, nest signe si dangereux, signammét quand apparoiſſent aucuns bons signes, comme si le patient ne sent grosse douleur, & legerement porte, & souffre son mal sans anguisse : toutefois ce,
qui

qui est noir, tombera, & le mal se euacuera par apostume.

*Signes prins des Genitoires,
& Verges.*

Q Vand les genitoires, & verges viriles sont retraites, & apparentemēt diminuees contre nature, cest signe de grosse douleur, & mort sequente.

*Signes prins par le dormir,
& somme.*

Q Vant au dormir, & sommeil lun est naturel, & salubre, lautre innaturel & vicieux. Lenaturel se fait de nuit, & veille de iour : & combien, que dormir des le poinct du iour iusques à huit, ou neuf heures du matin ne soit du tout salubre, toutefois si est il plus proufitable, que de dormir au reste du iour : & si lon ne dort de iour, ni de nuit, est perilleux, & signe de grosse douleur, de folie, & alienation de sens, raison, & d'entendement presente, ou future.

De vuider le Ventre, & matiere fecale.

Quant à la maniere de descharger le ventre, & l'allegger de superfluitez, & excremens, la meilleure est, quand en maladies le personnage ensuit la coutume, & heure, quil auoit en santé, & principalement selon la quantité, & qualité des viandes prinſes. Car de tant plus y ha dissonance, & difference, d'autant est pire. La naturelle egestion ne doit estre trop liquide, ni aduste : mais liee, & proportionnee en couleur des viandes, & que le patient aille à selle sans peine, & sans douleur. Et si la matiere est liquide, nest du tout à blasmer, quand vient sans grosse ventosité, & sans impetuosité, & non souuent en peu dheure. Car rendroit la personne lasſe, debile, fachee, & en danger de choir en syncope, & default. Item sus la fin de la maladie est louable, que legestion, & matiere fecale deuienne eſpeſſe, non trop seiche, & de bonne couleur, comme tirant sus roux, brun, & ne soit fort puante. Si aussi sortent vers sus la fin du mal, nest, que bon signe avec la matiere. Item en toute maladie doit estre le ventre charnu, & non roide, ni
plein

plein de vent : l'opposite n'est bon signe. Davantage legestion, & matiere fecale liquide, & aqueuse, blanche, ou pallide, ou grandement rousse, & spumeuse, est dangereuse. La mortelle est noire, & liuide, ou verte, puante, & visqueuse. Et si elle est de plusieurs couleurs ensemble des predites, n'est moins dangereuse, mais plus lointaine. Aussi, ou il y ha comme raclures de boyaux, ou caruncules, & pellicules, toutes telles sont mortelles.

Du Vent intestinal, & Vterin.

LA ventosité enclosé au ventre sortant doucement, & volontairement sans mener bruit, neson, & sans restraindre le bas; & pertuis infernal, est la meilleure, & plus salubre. Celui vent, qui avec son volontairement sort, vault mieux, que le retenir. Mais sil sort avec son & bruit malgré le personnage, signifie douleur, & tortion au ventre, ou alienation, & permixtion de raison.

*De la Ventosité causante
inflation.*

LEs douleurs recentes du ventre par inflation, & tumeur, & ny ha inflation,

ardeur, ny chaleur, sont resolues, & guerries graillant, brulant, & menant bruit par le ventre, signamment par benefice de ventre, ou par expulsion de vent, par bas, ou par vrine, ou que changent de place, & descendent tout bas.

La indicature de l'vrine.

L'Vrine salubre en toute maladie doit auoir au fond residence blanche, pineale; ou pyramidale ayant figure d'une poire, ou pomme de pin legere, & continue: lors signifie breuite de maladie, & de tant plus quelle perseuere, de tant plus est elle louable, & seure. Et si aucunesfois, & par aucuns iours en la maladie est telle, en aucuns sans residence signifie prolixite de maladie, & moins de securite. Et de tant plus, quelle est differente à la premiere; de tant elle est pire. Lurine rouge, ou trop rousse avec semblable hyppostase, ou residence legere, & egale signifie la maladie plus longue que la precedente, ou ny ha hyppostase: mais moins dangereuse.

Item quand au fond de lurine sont resolutions grosses, comme bran; ou son, est mauuais signe: & pire, quand sont comme
escaille

escaille de poisson. Lurine blanche, & subtile est tres mauuaise: toutefois la predite est pire, ou sont grosses resolutions.

La nuee pendente en lurine signifie securité, si elle est blanche: car la noire est dangereuse. Dauantage lurine citrine tresclere, & trop subtile en maladie signifie diurnité de maladie, & grosse indigestion, & crudité. Parquoy est à craindre, que le malade ne defaille auant, que les humeurs viennent à parfaite concoction, & que meure le patient. Lurine de mort significatrice certaine, & fidele, est la puante, & aqueuse, & luteuse comme boue, & fange, & tannée, brune, & la noire, & espesse.

Dauantage la noire tant en homme, que femme est tresmauuaise: & la subtile, & clere comme eau en petis enfans aussi letale.

Lurine crue, & clere, & indigeste longuement telle perseuerant en maladie sans autre mauuais signes, mais bons, & salubres, denote apostume future, plus bas, que le diaphragme, & costez.

Lurine ayant comme la toile d'araigne supernatante, signifie que le personnage mourra sec, & ethique, & liquefaction de tout son corps. Fault aussi considerer le lieu, & couleur de la nuee; car si elle est pres

du fond de lurine, nest que bon signe ayant couleur tirant sus le blanc. Et si elle est supernatante, & en hault, & noire, elle est dangereuse, & infidele. Finalement quant au iugement des vrines garde toy sus tout, que tu ne sois deceu par la vésie: car par maladies dicelle peuent telles apparoir. Et si la vésie nest malade, assésuré sera ton iugement: parquoy pense à ce.

Du Vomissement bon, & mauvais.

Quant au vomissement, le plus salubre & louable est mixtionné, & composé de flegme, & colere, non trop espais, ni trop visqueux, ou superflu. Le colérique seul, ou flegmatique seul est vituperable: le vomissement verd, linide, ou noir est trop plus dangereux. Et sil est meslé de verd, linide, & noir ensemble, il est mortel.

Item sil est puant avec vne des couleurs prenommees, signifie mort prochaine: car la puanteur en tout vomissement est vicieuse, & en tous excremens.

De spuition, & crachat.

Quant à spuition, & crachat, est dit louable en toutes maladies pulmoniques,

niques, & souz les costez, de le ietter incontinent, & au commencement de la maladie: & quand le crachat apparoit en couleur rougissant, ou meslé de sang, & bien digeste, non visqueux. Et si tel nadiant es premiers iours, & puis, que vienne avec laborieuse toux, nest bon signe. Aufilors le rouge, non meslé avec le salubre, ou louable, est pernicieux. La spuition blanche, visqueuse & globeuse, est pernicieuse: mais la pure rouge, pire. La verte, & spumeuse porte tesmoignage de dangereuse, & mauuaise maladie. La noire sus toutes est mortelle.

Dauantage quand la matiere, qui se doit purger par spuition, demeure sus le Poulmō, & par la multitude & plenitude, empesche & moleste le gozier, nest chose seure.

Item la spuition clere, & rouge, ou sanguinolente en apostume, & inflammation pulmonique venant au commencement de la maladie, es premiers iours promet securité, & adiutoire au patient. Mais si telle eiection cōtinne iusques au septieme iour, ou plus, est suspecte, & non seure.

Item toute spuition, par laquelle la douleur ne cesse, mais perseuere, nest louable, mais vicieuse. Et combien que la noire

(comme auons predit) soit mortelle, toutefois si la douleur cesse, par icelle est moins dangereuse, & plus salubre.

*De sternuation seule, & avec
coriſe dite eumormire.*

LA sternuation en toutes maladies agues, & autres quelque perilleuses quelles soient (fors, que du poulmon) & en quel temps, que ce soit, est louable, & profitable. Mais avec le catarre, & distillation, par le nez en maladies pulmoniques, soit quelle vienne auant la maladie, soit quant & quant, est dangereuse.

De Suppuration.

LA douleur predite, laquelle ne cesse par spuition, ny par benefice de ventre, ny par phlebotomie, ny par medecine laxative, ou bon regime, signifie, que lapostume vient à suppuration, & matiere. Et quand lapostume se rompt, & purge (la spuition estant colerique) soit que la matiere de lapostume vienne avec la spuition, soit quelle sorte seule, cest chose pernicieuse, signamment quand ce aduient, & commence au septieme iour, ou apres, & est

est à craindre, que le patient ne meure le quatorzieme iour. Sil ny suruient autre signe salubre, & louable.

Les signes de bon espoir, & louables, aux predites maladies, & autres.

Q Vand le malade soustient virilement le mal, si alegrement, & à son aise ha son aleine, si facilement, & sans douleur aspire, & respire: sil ne sent aucune douleur, si sans grosse difficulté crache, sil remue tout le corps, & tous les membres à son plaisir sans greuance, ou fascherie: & quil ny ha chaleur exuperante, ou superflue en lui, sans grosse soif, ou alteration: dauantage, que lurine, & tous excremens par tous conduits sont en due quantité, & qualité de louable couleur, & substance, comme matiere fecale liee, coniointe, non trop dure, mais comme en santé, la sueur vniuersale, & tepide avec allevation. Item spuition facile, & louable le somme nocturnal, & ainsi des autres, comme auons predict au long.

*Les signes opposites de
desespoir.*

SI le mal est intolérable, & importable
douleur, chaleur adurâte, soif extreme,
toux continue, rigueur de membres, aspiration
languide, spuitiō fetide, & puante vrin-
ne en petite quantité, matiere fecale, liuide,
liquide, ou aqueuse, & spumeuse, & frequē-
te sueur particuliere, & froide sans repos de
iour, ny de nuict: les mains, pieds, & front
froids, se deiettant çà, & là. Et tous autres
signes mauuais prins en la face: par lesquelz
tous, ou plusieurs prenoſtiqeras la mort
subite, ou tardieue sans pouuoir tomber en
diffamation, & deshonneur: mais estre en
grosse reputation, & sublimité.

*Les signes du temps, & iours de
la rupture des Apostumes.*

AVcunes apostumes se rompent, &
persent le x x. iour. Les autres diffé-
rent iusques à x l. iours. autres attendent
le l x. Parquoy pour bien presagir en-
querras le premier iour, & principe de la
maladie: aſauoir quand ha premierement
senti le patient chaleur, & fieure, aussi
rigueur,

rigueur, ou horripilation & pesanteur, & ainsi la douleur & punction. Lors commenceras à conter les iours, & par ce moyen pourras indubitablement prenostiquer.

Item prediras, si y ha apostume en lun des costez, ou aux deux par ce moyen. Interroge le patient, si sent douleur, & chaleur en lun plus, que en lautre: puis fais, quil se couche sus le sain costé, & si sent gravité & ponderosité, sensuit que ledit costé, ou est la ponderosité, est apostumé: & là est la collection, & saniosité: & si sent aux deux douleur, chaleur, & gravité, sensuiroit, les deux estre apostumez.

Tu congnoistras, lapostume, & collection estre meure, & rompue, & la matiere retenue au membre apostumé, quand la fièvre ne cesse, & que de iour est moindre, que de nuict, & que le patient sue abondamment, & ne cesse de toussir, mais ne iette comme rien.

Item les yeux lui parfondent en la teste, & ha les ioues rouges, & les ongles deviennent courbes, & les sommitez, & extremitez des doigts lui brulent, & ha perdu lappetit, & les pieds enflent, & ha quasi par tout le corps vessies, ou pustules, ces signes se demontrent, quand la saniosité,

& apostume est diurne, & sont signes fideles de santé future. Pour donques prenostiquer, si tost, ou tard se rompra lapostume, considere le deuant dit: car si des le commencement, & premiers iours la toux presse le malade avec douleur, & excretion frequente, ou spuition avec difficulté daleine, iuge, que lapostume se rompra dedens vingt iours.

Et si lopposite aduient, que les signes soient retardez, sera prolongee la ruption. Et dautant, que les signes sont fors, ou foibles, de tant la ruption est acceleree, ou retardee.

Et pour sauoir sil y ha danger & peril, ou probabilité de santé, considere, si au iour, que lapostume est rompue, la fieure cesse, & la soif, & lappetit reuient, & que la matiere fecale est liee. Et la matiere de lapostume est blanche, & molle egalement, & sort sans douleur, & sans forte toux, ces choses ci sont signes fideles de santé.

A lopposite, quand la fieure ne cesse, ou tantost reuient avec grosse soif sans appetit, & la matiere fecale aqueuse la spuition liuide verte, & spumeuse, & en partie flegmatique, pourras prenostiquer la mort.

Et si aucuns bons signes aduiennent, &
autres

autres mauuais, compare les vns aux autres, & diligemment ruminé auant que prenoſtiquer à fin deuiter infamie. Car les vns meurent tantost, les autres ſont prolongez: puis à la fin meurent, les autres puis à la fin retournent à ſanté.

*Des Apoſtumes qui viennent
Vers les Oreilles en poulmo-
nique paſſion.*

Q Vand ſuruient apoſtume derriere, ou ſouz loreille au malade de peripleu-
monie, & que ladite apoſtume vient à ma-
turation, & ſe purge & engendre fiſtule,
ſauue le patiét. Et pour prenoſtiquer, quand
ce aduiendra, note ce, qui ſenſuit: Quand
en ladite maladie la fieure continue, & eſt
permanente douleur, & la ſpuition imperti-
nente, & non louable, & le ventre ne fait
ſon deuoir, euacuant la colere ou liquide
matiere. Et lurine eſt en petite quantité
avec abondante reſidence, mais tous autres
bon ſignes demonſtrans ſecurité ſont pre-
ſens, alors prediras apoſtumes futures au
pres de loreille. Et vient ladite apoſtume
ſouz loreille ſignamment quand y ha in-
ſtam

flammation souz les costez, & diaphragme. Et si ny ha audit lieu inflammation, ny douleurs, mais le patient ha difficulté d'aleine, laquelle sans cause manifeste, & de par elle sen va : lors lapostume vient dessus l'oreille.

*Des Pustules, ou Apostumes,
qui viennent aux
Piedz.*

EN vehementes, & perilleuses peripleumonies, pour le proufit & santé du patient suruiennent pustules, & vessies aux piedz : & principalement, quand est tost muee la spuition de rouge en blanc, est tres certain signe de santé: car par telle spuition la Pustule, & douleur cesse : mais si la spuition ne tourne de rouge en blanc, & que en l'urine ne soit bonne, & louable residence, le patient sera en danger de deuenir boiteux par contraction de nerfs & iointure, ou est ladite Pustule, & vessie.

Si ladite pustule, ou petite Apostume du pied se occulte & euanouisse, ou quelle voize & vienne sans purgation, ou maturation : ou bien que lapostume du costé dite

Perip

Peripleumonie (car elle est au Poulmon) n'est purgée par louable spuition , & que la fièvre demeure , le patient est en danger de perdre son entendement , puis mourir. En outre, des predites maladies pulmoniques, ceux, qui approchent de vieillesse non extreme (comme de cinquante ans) meurent plus souvent, que les plus ieunes. Et les ieunes gens meurent plus souvent d'autre maniere d'apostume. D'auantage le personnage ayant grosse douleur plus bas , que le lombil au ventre , ou tirant sus la cuisse avec fièvre, si la douleur laissant son lieu monte souz les costes , est fort dangereuse : car lors vn, ou deux signes mauuais le iugent à mort. Mais si sont plusieurs bons comme spuition facile, blanche, & non puante, est signe de euasion. La rouge, & puante est mortelle : & si ny ha aucun mauuais signe, y ha esperance, que le cas viendra à suppuration, & sanation.

Des signes par la Vessie.

LA dureté, & grosse douleur de la Vessie est mortelle : signamment avec fièvre indeficiente. Et souvent est avec constipation

pation de ventre, parquoy est mortelle sans remissiō. Mais si l'urine est comme matiere d'apostume avec residēce blāche, & pineale, & par ce la douleur cesse, y ha espoir : mais si la douleur nest pacifiee, & la Vessie mollifiee, & la fieure ostee, par telle vrine iuge mort proxime. Et ce aduient plus aux enfans de sept à quinze ans, que à autres.



FIN DV SECOND
LIVRE.



LE III. LIVRE
DES PRESAGES
D'HIPPOCRATES.



Et premierement des Fieures.



A fin de la fieure aduiuent à
lun (& ce à la mort) à l'autre
à la vie en vn mesme iour.
Et si elle est à la vie, tous
bons signes se demōtreront
aux premiers iours, par lesquelz prenostti-
queras la fin, au quatrieme iour, ou deuant:
& si la fieure est à la mort, tous mauuais si-
gnes donneront tesmoignage de la mort
au quatrieme iour, ou auant. Le premier pe-
riode, & iour de iudicature, ou de cretica-
tion & fin, ou terme de la fieure est (com-
me auōs dit) au quatrieme iour. Le second
au septieme, le sizieme au vingtieme. Le-
quel nombre par quaternaires se augmēte,
& est produit iusques au vingtieme en la
fieure, & autre maladie ague. Et se doit con-

ter, par quaternaires entiers, car l'année & mois ne peuvent estre contez par nombre de iours complets & entiers, comme en ceste cōputation faisons trois semaines de vingt iours, qui est dit mois, ou an lunaire.

Ainsi selon ceste computatiō, & augmentation la premiere sera le vingtieme iour, la seconde le quarantieme, le tiers le soixantieme iour. Et est asauoir, que les maladies croniques, & de longue duree sont de plus difficile indication, congnoissance, & prenostique. Parquoy fault il regarder de plus pres: car leur principes sont occultes, & ne demontrent signe de digestion. Si ainsi specules de pres, pourras prenostiquer, à quelle fin paruiendra la fieure.

Item la fieure quarte obserue la matiere predite en ses cretications, & indications: ou semaines iudiciaires: car ce qui est fait aux autres, par nombre de iours, en ceste ce fait par nombre de periodes, & acces.

Les courtes, & brieues maladies sont de plus facile presage, & congnoissance. Car tost, & es premiers iours se changent de bien en mieux, ou de mal en pis: les salubres sont congnes, par ce, que le patient ha bonne, & facile aleine, & ne sent douleurs, & dort de nuit, & autres telz signes salutaires: les mortelles ou dangereuses lon
cong

congnoit , quand le patient ha difficulté d'aleine , grosse douleur , & ne repose de nuict , avec autres signes vicieux , par lesquels lon prenostique la mort.

A fin donques de bien presagir , consideras tous les signes de digestion, le temps, heures , & iours , que sont plus affligez les malades.

Et si surviét maladie aux femmes en leur enfantement , ou tost apres que seront accouchees , commence de conter aux iours de lenfantement , & non au iour, que commence la fieure.

Item à generallement parler, quand lon sent douleur vehemète en la teste continue avec la fieure, sil survient quelque mauvais signe avec les predits , cest signe de mort: mais si la douleur , & fieure dure , & persevere iusque au vingtieme iour , tu pourras presagir flux de sang par le nez, ou apostume aux parties inferieures du corps , sil ny ha autre signe mortel. Auncunesfois aussi des le commencement , ou es premiers iours aduiet flux de sang par le nez , ou apostume: principalement quand la douleur est au front, & parties circonvoisines. Et est à noter , que ledit flux de sang plus souuent aduiet aux gens sus laage de tren-

te ans, ou trente cinq : & aux plus vieilz, apostume, & collection.

Item quand en la fieure continue le patient ha grosse douleur, & apostume en loreille, est dangereux signe, car souuent le personnage perd son entendemēt, & meurt. Et pource lon doit bien speculer les bons & mauuais signes des le principe, & commencement de la maladie : car souuent dedens sept iours ieunes gés malades de ceste maladie meurent : mais les vieux ne meurent si tost : car en eux ne peult estre la fieure si ardente, ny alienation de lesperit. Parquoy lapostume vient à maturation, & supuration, & santé : mais silz recidiuent, souuent meurent vieilles gens. Et les ieunes meurent auant, que lapostume de loreille vienne à maturation, sinon quand ce, qui en sort, est blanc, & digeste avec autres bons signes : parquoy retournent à santé.

Item si en fieure continue, & ague maladie suruiēt vlceration de gozier, ou gorge, est tres perilleuse, & mauuaise : signamment quand suruiennent autres signes malins, & mortelz.

*De la Quinance, ou
Quilance.*

Toute

Toute maniere de Quilance est perilleuse : car elle tue tost le personnage : sus tout quand il ny ha apparence d'apostume , ou tumeur sus le col , ny au gozier , & quil souffre angoisseuse douleur , & ne peult aspirer , ne respirer , ou auoir son aleine : lors elle tue le patient , au premier iour , second , tiers , ou quart au plus tard .

Aussi celle , ou appert eminence , & grosse rougeur , avec vehemente douleur nest moins dangereuse , mais est plus tardive , & lointaine . Mais celle ou il y ha eminence , & rougeur sus le col , & au gozier , & signamment à la poitrine , est plus tardive , & moins dangereuse , que les deux superieures especes . Et si elle ne se cache , & remet au dedens , cest bon signe . Mais si ladite Quilance , & tumeur se musse , & non en iour de cretication , & quelle ne se purge par dehors , ou par la bouche , & crachat , combien que se sente allegé le malade , & sans grosse douleur , cest mauuais signe , & mortel , ou signe de recheute .

Cest donques meilleur signe , & chose moins dangereuse , quand la tumeur , & rougeur se demontrent par dehors . Car si elle descend au Poulmon le patient est en danger de perdre son entendement , combien

que aucunesfois ladite collection vienne à suppuration, matiere, & purgation.

*De l'Yuule, Gargasson, ou
Garguette.*

CEst chose d'agereuse, & mortelle d'incizer, & ouurir l'yuule, gargasson, ou garguette enflée, ou grosse, & rouge: car ou elle se tourne en apostume, & inflammation, ou sensuit gros flux de sang. Pource que lon labeure par autre voye de curer, & guerir le patient. Et si lon ne peult, & que soit liuide, ou passe, & la partie superieure soit petite, & non tumide, ou enflée, mais la partie inferieure tumide, & ronde; sans danger la pourras incizer, & ouurir, & ainsi guerir. Et si tu congnois, que le patient ne soit en danger de tomber en suffocation, & mourir, le principal sera de purger le vêtre, si tu as l'opportunité, & temps de ce faire.

*Hippocras retourne à parler
des Fieures.*

QVand la fieure ague ne cesse, ny donne repos au patient à lun, ou plusieurs iours de cretication sans autres bons

bons signes, pourras prenostiquer reciduation, & recheute. Et en fieure avec signes salutaires comme quād le patient nest molesté par grosse douleur, ny labeur, & ny ha autre cause manifeste, pourras prenostiquer apostume, & grosse inflammation aux iointures, & parties inferieures, & principalement à ceux, qui ne passent trente, ou trente cinq ans. Toutefois peu souuēt aduient ledit apostume dedens le vingtieme iour de la fieure : signamment aux plus aagez, combien que la fieure dure plus longuement, & est plus longue aux vieux, que aux ieunes. Coutumierement aussi aduient telle apostume en fieures continues, & aussi aux fieures, lesquelles ne tiennent ordre, ny maniere dexces, ou paroxisme, dites errabondes, ou vagabondes, asauoir affligeant deux, ou trois fois le iour : puis cessent autant, puis elles retournent sans tenir aucun ordre, souuent se transmuient en fieures quartes, signamment sus Automne. Et tout ainsi, que plus souuent aduient la predite apostume aux ieunes gens, aussi aux vieux aduient la fieure quarte. Et quand à la nature des apostumes, coutumierement aduiennent plus en yuer, que autre temps, mais sont plus diurnes, & prolixes, & moins retournent, ou recidiuent.

*Signes de Vomissement en
fieures.*

Q Vand il semble au febricitant, que mousches volent, & choses noires apparoissent deuant ses yeux avec douleur de teste sans autre signes mauuais, ny mortelz, pourras presagir vomissement de colere citrine, signamment quand le patient sent douleur à la bouche de lestomach, ou orifice. Et si sent avec ce rigueur, ou frisson, & froidure aux parties basses souz les hypocondres, de tant plus sera accelere le vomissement. Et si le patient lors mange, & prend refection, il vomira incontinent. Et pour le plus apertement presagir, quand la douleur de la teste moleste la personne des le premier iour de la fieure, & est augmentee le quatrieme, ou cinquieme iour, au septieme finira la fieure, & sera guerie la personne. Et si la douleur commence le tiers iour, & est augmentee au cinquieme, ou septieme, la fieure finira le neuvieme, ou onzieme iour : & si la douleur commence le cinquieme iour, avec vrine conuenable, & autres bons signes finira le quatorzieme iour : & ce aduient tant en femmes, que en hommes, & signamment en fieures tierces à gens aagez de trente ans. Et aux plus ieunes

nes en fieures continues, & vrayes tierces. Et quand en la fieure avec douleur de teste napparoissent mousches, ne choses noires, mais coruscantes, & resplédisantes, ou luisantes comme lampes, & coruscation, ou esclaire, & que le patient sent tortion, & tumeur, ou inflation souz lun des costez en lieu de douleur dinflammation, & de vomissement aura flux de sang par le nez : & ce aduient principalement aux ieunes gens souz trente ans : & aux plus vieux plus souvent vomissement : & les ieunes enfans iusques à sept ans par fieures agues tombent en spasme, signamment quand sont constipez, & durs de ventre, & ne dorment, mais espouuentent & pleurent, & changent de couleur, maintenant en palle, tost en rouge, ou verd liuide : mais ceux qui passent sept ou huit ans, peu souuét tombent en spasme, sil ny suruient quelque signe perilleux, ou dangereux, comme de phrenesie.

La conclusion de tout le Liure.

OR donq pour finale conclusion, que le Medecin labeure de congnoitre les malades, & maladies, aussi les accidens d'icelles, bons & salubres, mauuais & mortelz, tant en enfans ieunes que vieux, & en toutes infirmittez signamment agues, à fin

de prenommer à lun la vie, & à lautre la mort, aussi la breuité, ou prolixité dune chacune maladie, & les transmutations, & autres inconueniens, accumulant, & congregeant tous signes bons & mauuais, & considerant, & comparant les superieures & inferieures, pouuant prosterner, ou sauuer le patient. Et ce par lurine, matiere fecale, spuition, sueur, & autres extremeus, & superfluitez sortans du corps. Dauantage soit exercité à considerer, & speculer, ou noter tant le temps des iours preterits, que presens. Asauoir la variation du temps par vents, froidure, chaleur, seicheresse, & humidité. Et condition de lan total, & de ses quatre parries, cestasauoir lyuer, leste, lautomme, & printemps. Car combié, que toutes maladies peuent aduenir en tout tēps, toutefois les vnes plus specialemēt aduiennent en lun des temps, que en autre, & aucuns signes bons, ou mauuais en vn iour, ou heure, que en autre. Et à fin que ne doubtés, ou craingnes de presagir, & prenostiquer selon la doctrine & enseignemēs prescrits, sache, quauons ces choses ici experimenté en Ethiopie, en Moretanie, en Lybie, en lisle de Delos, en Esparie, en Sithie, bres en Orient, Occident, Midi, & Septentrion. Et auons trouué la verité comme la-

uons

vous escrit : & pource ne te despere point,
mais prens courage, & te exercite à con-
gnoitre les choses dites. Et facilement par-
viendras à plus grande congnoissance des
signes, que tu ne penses, & tesmerueilleras,
comment ces choses peuuent si bien quadrer,
& si vrayement aduenir : & si bien rumines
mes documens, finablement ne doute, quil
te suruiennent aucunes maladies, desquelles
tu ne doiues, ne peuues auoir la congnois-
sance, & ce par lesdits enseignemens. Si bien
les entens, & signamment de celles, qui
obseruent iours d'affliction, & ma-
niere de paroxime, & qui se
finent en certain nōbre de
iours, & certaine espa-
ce, comme auons
dit, si pres tu
veux spe-
culer,
&
prendre garde.

F I N.



*Indice du Prologue & chapitre
singulier de Guidon.*



A ccident separable	35
Accident inseparable	35
Accidens sont en deux manieres	121
Accidens, qui suruiennēt à vn nerf piqué	68
Aēte, id est sambucus	58
Aesculapius	79
Affection plus vrgente doit estre curée la premiere, & aucunesfois seule	68
Antidotaire quest ce	135. 136
Apollo	79
Arrogance de ceux qui nestimēt rien le sa- uoir des autres, & pésent tout sauoir	37. 38
l'Art pourquoy il est long	112
Arts necessaires aux Medecins	124
Asauoir si les quatre humeurs sont humi- des	97
Ascites quest ce	75
Ascites requiert seulement l'operation ma- nuel	75
Atra bilis est faite en deux manieres	42. 43
Aucunesfois on est cōtraint de faire nouvel- le maladie pour suruenir à l'accident	69
Auc	

Aucunefois on loue pour mieux dissimuler l'enuie	84
l'autorité d'Hippocrates	111
B	
Breueté est obscure	20
C	
Cancer	42
Cancres occultes	44
Cause d'hydropisie	46
Causes des hemorrhoides	46
Cause des heresies & sectes en Medecine	113
Cause antecedente	120
Cause de phthisis, ou tabes	46
Cause de maladie	118
Cause procatartique ou primitive, ou extrinseque	119
Cause antecedente, ou intrinseque, en grec proëgomene	119
Cautere actuel	98
Chirurgie	26. 27
Chirurgie theorique & pratique	32
Chirurgie est la plus ancienne partie de la Medecine	79
Chirurgie de Paul. Aegineta au 6. liure est singuliere	86
Le Chirurgien doit sçavoir les choses naturelles, non naturelles, & cõtre nature	118
Choses trois contre nature	13
Choses	

T A B L E.

Choses plus manifestes à tous	23
Choses plus manifestes à nature	23
Chose définie est comme vniuerselle au regard de la définition	23
Choses trois que considere le Medecin	62
Choses contre nature sont trois	62. 63
Choses naturelles sont sept	62. 63
Choses annexees aux naturelles sont quatre	63
Choses non naturelles sont six	63
Choses annexees aux non naturelles sont cinq	63
Choses non neutres ou neutres	63
Choses cinq, qui empeschent la congnoissance de verité	106
Choux, en Latin Brassica, en Grec Crambe	101
Commencer fault à la définition	25
Commencemēt de la methode curative	61
Comment est acquise aucune science	22
Comparaison dun Medecin, & dun Aduocat	40
Conditions du Chirurgien	127
Conditions trois de curer	48
Conditions trois pour curer seuremēt	48
Conditions requises pour congnoître exactement les choses	109
Conuulsion est plus vrgente que la piquure dun muscle	68

Curation vraye	44
Curation palliative	44
Cyclaminus vulgò panis porcinus	58
D	
Demonstration quest ce	40. 119
Dialectique est. necessaire aux Medecins	26
Diete	26. 27
Difference propre	33
Difference plus propre on specifique	34
Difference commune	33
Difference entre maladie & action blesee	120
Diffinition quest ce	25
Diffinition essentielle	ead.
Diffinition accidentale	ead.
Diffinition premiere de chirurgie	29
seconde, ead.	
Dogmatiques	93
E	
Elephantie	42
Elephantie rouge est curable	43
Elephantie incurable	43
Empiriques nont point dindication	60
Empiriques	93
Engin	126
Entre la cause & la maladie il ny ha rien	120
Ennie des Medecins	128
	Euac

T A B L E.

Euacuation subite & vniuerselle est dangereuse 77

Euacuation moderee allegé la vertu 77

Experience perilleuse 112. & pourquoy 113

Experiéce est necessaire aux Medecins 124

F

Fin de sauoir 14

Fin pretendue en Chirurgie 134

la fin de therapeutique 61

Fistules 55

G

Galien rend trois causes pourquoy il ha fait des liures 20

Galénomastiques 84. 91

General ou vniuersel est cōme vn tout 23

Guidon ne peult estre bien entendu sans

Galien 93

Guidon loué fort Galien 107

H

Halyabbas finge de Galien 88

Hemorrhagie, cest adire flux de sang 69

Hippocrates Cous 80

Hippocrates est difficile à entendre sans

Galien 83

Lhomme peult errer 21

I

Idiots se veulent mesler de medecine 124

Ignorance de dialectique est cause des er-

reurs en toutes sciences 26

T A B L E.

Il est difficile de nier aucunes fois	137
Il fault aymer verité sus tout	109
Il ne fault point tant promettre aux malades	48
Il ny ha point de cause coniointe, quoy que dient les Arabes	119
Il ne fault pas disputer des noms, ne aussi les ignorer	107
Incizion faite au milieu du ventre	76
Incizion à la partie fenestre 76. à la dextre, ead.	
Indication quest ce	60
Indications curatiues	116
Instrumens des Chirurgiens	53
Instrumens pour paruenir à la fin	134
Jugement pourquoy est il difficile	113

L

Leçon certaine est proufitable	17
Les lieux du subiet	134
Les liures de Galien ne sont sinon pour ceux qui sont bien naiz, & bien instituez	109
Louenge de Galien	82
Louenge de Paulus Aegineta	86

M

Machaon	79
Maladie quest ce	12. 63. 119
Manieres trois pour iuger selon verité	111

T A B L E.

Manieres deux de curation	42. 44
vn Medecin qui nha les trois parties est imparfait	122
Medecins premiers sont les Grecs	79
Medicament quest ce , & dou il est prins	26
Medicamens acres	98
Medicamens toxiques	136
Medicamens suppuratifs §3. Sarcotiques, cad. Epulotiques §4. Malactiques, cad.	
Mediocrité est difficile à garder	20
Memoire	126
Methode & ordre de proceder en toutes doctrines	23
Methode therapeutique est separee d'exe- rience	61
Methode therapeutique procede par indi- cation	61
Methodiques	44. 94
Miel	97
Mobilité desprit	126
Moyens trois pour estre parfait en quel- que science	20. 21
N	
Nature est plus que art	126
Nature, art, & exercitation rendent l'hom- me parfait	126
Neutralité	63
Nourrissement quest ce	26
	Nous

T A B L E.

Nous voyons des choses, que les anciens
nont point veües 18

Nul nest Medecin, sil nest Philosophe

80

O

Occasion est tost perdue 112

Lordre de Guidon en chacun chapitre

137

Lordre de guerir vn vlcere caue 67

Office du Medecin 12

Office & condition dun Chirurgien 115

On ne doit point incizer vn hydropique
qui est debile 75

les Operations de Chirurgie selon Ioan-
nice 50

Operations manuelles en general sont
trois 51

Orme, en Latin Vlmus, en Grec Ptelea
101

P

Paracentesis quest ce 77

Parties deux de Medecine 50

Pergame ville en Asie, dou estoit Galien
83

Pharmacie 26.27

Peritoine en Arabe Siphac 76

Podalirius 79

Potion de palma Christi 99

T A B L E.

Proceder fault des choses vniuerselles aux
particuliers 23

Prolixité fascheuse 20

Propriété occulte inuentée par seule expe-
rience 101

Q

Qui edifie sans fondemens sabuse, aussi
fait celui qui estude sans entendre les
termes 16

Qui sont les accidens qui peruertissent
lordre de curation 111

R

Racine de Pœonia 99

les Racines des cancrs sont les veines plei-
nes de sang melancolique 45

Remedes à hydropisie 77

vn Remede ne peult estre prouitable à
toutes maladies 101

Remedes medicinaux dou ilz sont prins
102.

S

Santé quest ce 12 63

Sauoir de Guidon est fondé en raison &
experience 92

Science quest ce 31

Sciences sont faites par additions 17

Scrofules 55

Secte hippocratique 94

Sectes

Señtes trois des Medecins du temps de Ga-
lien 93

Signe pour congnoitre la vertu 76

Souuent la maladie demeure, iacoit que la
cause soit ostee 120

Subiet quest ce 49

T

Temerité de Theffalus 123

Theffalus 94

Theorique 118

Theorique doit preceder pratique 135

Therapeutique ha trois parties 26.27

Therapeutique consiste en trois confide-
rations 64.72

Tout bien de Dieu 11

Toute maladie donne indication de son
contraire 99

Tout se fait pour quelque fin 7

Tout vlcere demande desiccation 98

Tout doit estre attribué à Dieu, en faisant
nostre deuoir 104

V

Vergne, en Latin Aluus 101

Vertu quest ce selon les Medecins 12

Vertu animale 12

Vertu vitale 12

Vertu naturelle 12

la Vie pourquoy elle est breue 112

Vin 97

T A B L E.

Vlcere malin & putride	98
Voix cinq, ou predicables	35
Vnguentum basilicum maius	54
Vnguentum basilicum minus	54
Vnguentum album	55
Vnguentum aureum Mesue	56
Vnguentum dialthea	57
Vn remede ne peut estre proufitable à toutes maladies	101

F I N.



*Indice de l'Epitome sus les trois li-
ures de Galien de la Compo-
sition des medicamens
en general.*

*

A Lum à quoy sert en medicamens	170
Amphora	276
Aphronitrum	245
A quoy est bon lemplatre diachalcitis	155
Arsenicum	246
Art & maniere de cuire medicamens	180
Art & maniere de faire emplatres cepha- liques	219. 220

B

Bes	274
-----	-----

C

Catagma pour les hydropiques	223
Catagma de Oenantes	217
Catagma de Pithion	214
Catagma par moschion	214
Catagma que signifie	213
Catagmatice de Andromachus	225
Catagmes par Asclepiades	213
Cerat 148. dequoy il est composé	184

M 4

Ce

Ce quil fault faire quand les accidens sont aux vlcres	196
Ce quil fault faire à laugmentation du pblegmon	196
Ce quil fault sauoir à la cure des nerfs blessez	246
Chalcitis	163
Chaud & humide cause putrefaction & corruption	130
Chaux viue & esteinte	246
Chœnix	277
Cire, & sa faculté	183
Colopho	187. 242
Comment il fault preparer les metaux	250
Comme on doit preparer tous onguens	267
Comme il fault temperer medicamens	185
Comment on doit appliquer medicamens aux hydropiques	224
Comment & dequoy est gardee la san- té de lhomme, & comment il devient malade	140
Comment on fait huile rosat	190
Comment on diuersifie le medicament se- lon la variation des vlcres	190
Compositions des medicamens faites des metaux, pour les playes des nerfs	249
Côpositions pour les playes des nerfs	264
	Conf

Confection de lemplatre verd d'Andromachus	185
Congius	276
Couleurs des simples	195
Cyathus	277

D

Denarius	275. 277
Denarius Romanus	278
Deunx	274
Dextans	274
Diachalcitis est bon aux vlceres des parties honteuses 157. aux contusions du corps cacochyme 158. au sang meurtri 159. aux Erysipelats phlegmonodes, & aux phlegmons Erysipelatodes	159
Difference demplatre & cerat	182
Difference entre les medicamens absterfifs	196
Difference entre Sinus & vlceres caues	197
Difference entre les glutinatifs, sarcotiques, & epulotiques, & leurs particulieres facultez & vertus	226. 227
Difference entre les tendons & membranes	248. 249
Difference des poids entre le vin, le miel, & l'huile	276

T A B L E.

Dodrans	274
Drachma	277
Dysepulota	177

E

Emplastrum ceratodes	242
Emplatre de diachalcitis ou diapalma	152
Emplatre hydrelæon	162
Emplatre composé de litarge & oxelæon	164
Emplatre composé de litarge & Oene- læum	165
Emplatres blancs qui sont faits de litarge & cerusse	168
Emplatre blanc nommé diapipereos	169
Emplatre blanc anodyn	171
Emplatre blanc de Andromachus	172
autre emplatre blanc dudit	174
Emplatre blanc de heras	174
Emplatre blanc de Asclepiades	176
Emplatre de même vertu	176
Emplatre autre de Asclepiades	177
Emplatre autre blanc	179
Emplatre verd de Galien	186
Emplatre verd nommé lite	193
Emplatre verd nommé heratondrachmon	194
Emplatre verd de Épigonus nommé Isis	195

T A B L E.

Emplatre iaune de Andromachus composé avec Erugo 198. en autre sorte 199	
Emplatre pour les vlceres exedens	200
Emplatre de Heraclides par Andromachus	200
Emplatre de Menoëtus	201
Emplatre melin de serapion	202
Emplatre de heras	203
Emplatre de Menoëtus de couleur dor	204
Emplatre melin ou iaune de heras	205
Emplatre diachamæleontos	206
Emplatre roux nommé dichroma	206
Emplatre roux de Galien	207
Emplatre cicatrizatif nommé en Grec Sinulotiques ou epulotiques	208
Emplatre epulotique d'Asclepiades	209
Emplatre dialadamum	210
Emplatre de pompholix	210
Emplatre de Thelamon	211
Emplatre de Thelamon blanc	211
Emplatre de Moschion	212
Emplastres catagmatiques & cephaliq.	213
Emplatre dit apelonum	217
Emplatre polychreston	221
Emplatre aphlegmanton, par heras	222
Emplatre verd cephalique par Aphrodres	225
Emplatre glutinatif	226
	Empl

T A B L E.

Emplatre dit Barbarum	228.	autre pour les petites playes & vlceres	228.229
Emplatre de Galien			244
Erreur des anciens taxee en la curation des playes des nerfs			230
Eſpece deux de Reſine			187
Euphorbe, & comment on congnoit ſil eſt vieil ou recent			240

F

Façon doſter la mordication des me- taux			189
Faculté & couleur des medicamens			185
Farine pour faire cataplaſ;			238
Fermentum, ceſt adire leuain			245
Fient ou merde de Pigeons			262
Fin des medicamens ſarcotiques			186
Friſſa			242
Froides choſes contraires aux playes des nerfs			236.237

G

Graiſſe de Porc			262
Graiſſes vieilles			262

H

Hemina			277
Histoire pour exemple de la curation de contuſion & tenſion aux articles			233
Histoire pour exemple que le froid eſt con- traire aux playes des nerfs			237
Histoire dun gladiateur guerri			247
			Hift

T A B L E

Histoire dune cure faite par Galien dun vl-
cere malin 269

Huile rosat est de deux effects 193

Huile, & comment il en fault vser 197

I

Indication curative est triple 151. 152

L

Larix, & sa faculté & quantité 253

Libra 273. 274. 275. Romana 278

Litarge, & sa qualité 163

M

Maniere de preparer le bruuage de lesqui-
ne 280

Maniere comme on doit prendre le brua-
ge de lesquine, & en vser 281

Maniere de faire les couleurs aux emplatres
verds, jaunes, roux 198

Maniere deux de preparer le Catagma par
Moschion 215. 216

Maniere de dissoudre l'Euphorbe, & sa na-
ture & qualité 240

Maniere duzer de l'Euphorbe, quand il est
vieil, & quand il est recent 241

Maniere de bruler les huitres 181

Maniere de liquesfier lemplatre Diachalci-
tis 157. & de le preparer pour les parties
honteuses 158

Maniere de lanier la Litarge, & autres me-
taux 167

Manier

T A B L E.

Manieres deux de medicamens desicca- tifs	163
Medicamens qui se font de Molybde- na	168
Medicamens faciles à trouuer & prepa- rer	239
Medicamens pour les corps fors & robu- stes	251
Medicamens pour les corps tendres, deli- cats, & foibles	252
Medicamens pour les corps moyens	252
Medicament d'Euphorbion	256
Medicament fait de simples, qui se peu- uent liquesfier 259. Autre de mesme effect	260
Medicament nommé Diabotanium	261
Medicamens pour les playes, dautres que de Galien 268. autre Dandromachus pour les playes 269. autre par Claude Phi- loxenus	270
Medicament roux, de Halienus	270
Medicament catagmatique, par Moschion	271
Melinon andromachi sine erugine	199
Metaux & leurs qualitez	255
Metaux de quelle substance	188
Methode vraye de composer les medica- mens, & vser diceux	151
Methode & canon pour les fluxions	161
Meth	

T A B L E.

Methode vraye pour composer emplatre blanc, selon Galien pour les vlceres dyspnotiques	180
Methode pour faire lemplatre verd	190
Methode necessaire d'uzer des medicamens	191
Methode de curer les nerfs	231
Methode pour la congnoissance de la qualite & faculte des simples, & comment il en fault vser	232
Methode pour les playes des nerfs, & quelz medicamens, ou de quelle faculte y conuient appliquer	236
Mina d'Alexandrie	216. 273.
Mina attica & Aegyptia	278. Romana
Misy	163
Moelle de cerfs	175
Myrrhe	175

N

Nature, vertu & faculte de la racine appelee lesquine	280
---	-----

O

Obolus	275. Romanus	278.
Office du bon & diligent Medecin vers les malades		141
Oleum sinapinum		261

P

Pastille cephalique	220
Past	

T A B L E.

Pastilles excellens	250
Parotide	164
Pityinon physenia	242
Pix	187
Poinre à quoy sert en medicamens	170
Pourquoy on vse de medicamens compo- sez	152
Pour faire le medicament fort astrictif	156
Pour faire emplatre blanc	178
Pourquoy sont nommez les Cephaliques, & leur vertu & difference des Catig.	218. 219
Propolis & sa commodité, & vsage	245
Propolis recent	259
Q	
Quadrans	274
Qualité & nature de leaue	163
Qualité du vin necessaire à lemplatre	156
Qualitez & facultez des Resines selon leur ordre & degré	243
Qualitez differentes de Resines	242
Qualitez & facultez des simples entrans aux medicamens	231
Quartarius	276
Quatre degrez des facultez & qualitez des simples, tant chauds, que froids, secs, & humides	149
Quelles choses doit sauoir celuy qui veut bien composer les medicamens	149
Quelles	

T A B L E.

Quelles sont les meilleures graisses	255
Quelz corps sont les plus forts, & quelz les plus foibles	184
Quelz medicamens composez sont les meilleurs	192
R.	
Resine Abietine & Picee	187
Resines sont chaudes	150. 187
S.	
Sapa, & dequoy elle est faite	250
Scop des medicamens sarcotiques	196
Scrupule	275. 278
Sel, & sa vertu	198
Selibra	274
Selon la temperature du corps fault composer, preparer, & appliquer les medicamens	251
Sextans	274
Sextarius	276
Sextula	275
Sextunx	274
Siliqua	275
Signes pour congnoître si le medicament est trop fort	257
Simples commodes aux medicamens pour les nerfs blesez	245
Sortes diuerſes & facultez dhuiles	189
Souffre	245
Strobilus	187
	Subst

T A B L E.

Substance des metaux	240
Tendons & leur espece , forme & situation	247
Tendons, & leur situation	234
Terebinthe principale de toutes les autres Resines	244
Tertiarius	276
Thus à quoy sert en medicamens	178
Thus & sa vertu	183
Triens	274

V

Vertu de la Ceruse	175
Vertu du medicament diapipereos	171
Vinaigre	255
Vlceres malins	177
Vncia 274. 275. Romana	278
Vnguenta acopa	257
Vsage & experience	183
Vsage de Litarge crud	166
Vtilité de lemplatre heras	205
Vtilité du medicament hydrelæon	163
Vtilité du medicament composé de Litarge & Oxolæon	165
Vtilité de lemplatre composé de Litarge & Oenelæon	166
Vtilité de lemplatre verd de Galien	189

F I N.

La raison de curer par euacuation de sang

287	
Des Sangsues	349
De Remulsion	351
Des Ventouses	352-353
De Scarification	354

F I N.



*Indice du liure des Tumeurs
contre Nature.*

*

A Abscessus, en Grec Apostema	367
Achantis	383
Accidens dun Carboucle	371
Accidens de Phlegmon	359
Achor	380
Acrochordones	380
Alteration de substance	361
Anastomosis	376
Aneurysma	376
Aposteme	369
Apostemes diuerfes	370
Ascites	382
Atheromata	370
Augmentation de substance	361
B	
Bilis ou humeur cholerique	374
Bilis nigra	374
Bubo	380
Bubonicœle	382
C	
Cacochymie	378
Cancer	379
Cancer vlcéré	372-378
	Canc

T A B L E.

Cancer non vlcéré	378
Carboucle	371
Cause de putrefaction	365
Cause des tumeurs non naturelles	359
Cause de grande tumeur	359
Cause de mortification	373
Cerion, ou Fauns	380
Chancre	376
Chancre sans vlcere	372
Chancre avec vlcere	372
Cirfos	381
Cirrocœle	381
Cœle	381

D

Diapnema	368
Difference entre augmentation de substance, & intention de qualité	361
Difference du Carboucle & Phlegmon,	
Enchymosis; & Congelation par la couleur	371
Difference entre le Sang des Arteres, & le sang des Veines	377
Douleur pulsatile	373

E

Ecchymomata	376
Elephantiasis	379
Empyema	368
Enterocœle	381
Enteropiplocœle	381

T A B L E.

Epiplocœle	381
Epulides	383
Erysipelas	374
Erysipelas phlegmonosum	375
Espaces ou capacitez vuides	366
Especies deux de Scirrhus	376
Exces contre nature	358
Exomphalos	382
Exostosis	379

F

Fieures ardentes ou caufoniques	363
Fistules	370
Fluxions bilieuses ou colerique	373
Furunculus	380

G

Gangrene	371.372.377
Grumus en Grec, Thrombus	362

H

Herpes simplement & sans addition	375
Herpes	374.375.378
Herpes esthiomenos ou exedens	374
Herpes miliaris	374
Hydropisie & ses especes	382
Hydropiques	358
Hydrocœle	381

I

Inflations	371
------------	-----

L

Lepra	379
Leuc	

T A B L E.

Leucophlegmatia	382
Liuidité	378
M	
Maniere d'arrester le sang	362
Melasmata	376
Melicerides	370
Myrmeciaæ	380
N	
Neutralité entre santé & maladie	358
O	
Oedema	377
Oedema phlegmonosum	376
P	
Parulides	383
Paristhmia	833
Partie du corps rouge	360
Phagedena	378
Phlegmon	359
Phlegmone œdematosa	375
Phlegmon est fait d'abondance de sang	361
Phlegmon aduient en toutes les parties du corps	366
Phlegmone erysipelatosa	375
Phlegmone scirrhusa	375
Phygethon	381
Polypus	383
Polyfarchia	360
Pouls	373
Priapismus	380
	N 4
	Pfora

T A B L E.

Pfora	379
Psydraces	380
Pterygion	383
Pulsation	373
Purulens	368
S	
Sang ne se fond pas	364
Sanie est de substance moyenne entre le sang & l'esprit	364
Sarcocœle	381
Satyriasmus	379
Scirrhe	364. 376
Scirchus phlegmonosus	375
Sinus	368
Sphacelos	377
Staphylomata.	384
Stenomata	370
Struma seu scrophula	371
Suppuration que signifie	367
T	
Tabides	358
Telephia vlcera	379
Thrombus en Latin Grumus	370
Thymi	383
Tonsillæ	383
Tumeurs se préd en plusieurs manieres	357
Tumeurs contre nature	358
Tumeurs diuerfes contre nature	374
Tumeurs melancoliques	378
Tump	

T A B L E.

Tympanites	381
V	
Varices	381
Veines fort petites & quasi insensibles	365
Vlcres phagedæniques	378
Vlcres malins	379
Vuæ	383

E I N T R O D U C T I O N.



*Indice des deux livres des mou-
uemens des muscles.*



A Mouuemens contraires, il y ha mus- cles contraires	482	
Action du muscle du siege : item du mus- cle de la vessie	478	
Action des muscles intercostaux	481	
Action des huit muscles de l'epigastre	483	
Action des muscles téporelz est quasi tou- jours tonique	460	
Action & vtilité de la langue	402	
Action des tendons est semblable aux mus- cles	411	
Action propre de muscle se fait par con- traction	428	
Action du muscle interieur	414. & de lex- terieur	413
Action tonique est en figure moyène	447	
Action tonique	462	
Apophise posterieure de vlna	453	
Aristotie des Medecins Sceptiques	431	
Artere	397	
Aucuns dorment en cheminant	459	
Brach		

T A B L E.

B

Brachium, cubitus ou ancon cest tout vn 450

C

Caput 434

Cardines 434

Cause doubliance 468

Cause daller à selle ou pisser outre la volonté 462

Cause dexcretion non volontaire 478

Cause de ronfler 460

Cause du sentiment 398

Cause du mouuement perdu 410

Cause des diuerses figures des parties 445

Cause de la figure moyenne 441

Causes deux empeschantes la contraction 445

Cause pourquoy le bras est caué en bas ayant deux cautez 452. 453

Chair des muscles 327

Cheminant dormir 459

Cheminer est vne operation animale, iacoit que nous ny pensons point aucunes fois 464

Chose propre aux muscles 327

Chose commune à toutes figures 449

Chose propre à chacune figure 450

Chose propre à figure angulaire & supine ensemble 450

Chose

T A B L E.

Chose propre à figure moyenne entre prone & supine	450
Le cœur differe dauec le muscle en cinq chofes	402
Comment on congnoit si le mouuement est fort bleffé, ou non	410
Communication des muscles	396
Comparaiſon des muscles	409
Composition des muscles	397
Composition du tendon	401
Condylus ou nodus	434. 435. 451
Conſtitution premiere 426. ſeconde, tier- ce, cad.	
Contraction	415. 423
Contraction eſt le propre mouuement du muscle	432
Contraction des muscles en ſoy meſmes	439
Coutume eſt vne nature acquiſe	473
Cotyle	434

D

Diaphragme ha quelque proprieté outre les autres muscles	484
Diaphragme neſt qu'un muscle	480
Diaphragme & les huit muscles de lepi- ſtre ſont inſtrumens de ſaſſe	479
De ſemblables inſtrumens ſemblables ope- rations	407
Difference entre mouuement tonique & immob	

T A B L E.

immobilité	426
Differéce entre delation & demission	422
Difference des parties du muscle	400
Difference des muscles	394
Difference entre la spinale medulle, & l'autre moelle	395
Difference entre ligament & nerf	399
Difference entre le nerf & le tendon	401
Difference entre reclination & decidence	421
Difference de la figure moyenne aux autres	456
Differéce entre la spine & de carpus, quant à la figure moyenne	474
Differences quatre des mouuemens des muscles	428
Diffinition du muscle	399
Distortion ou inuersion de muscles	456
Dormir à la renuerse quel signe est-ce?	460
Dormir la bouche ouuerte quel signe	460
Dureffe de cicatrice	417

E

Efflation	482. 485
Efflation est contraire à vehemenie inspiration	483
Empelchement à cause dun scirrhe	416
Empelchement à cause de playe	416
En dormant l'ame n'est totalement en repos	463
En	

T A B L E.

En dormant on garde plusieurs operations animales	463
Exemple de similitude	433
Exemple premier 425. second 426. le tiers eadem	
Exemple premier du mouuement tonique 427. Second, ead.	
Exemple des actions volontaires	471
Excretion de matiere fecale	480
Excretion darine	480
Expiration grande	481
Extension 413. 414. 423. 452	
Extension & flexion de toute la main	452
Figure moyenne 436. 473	
Figure moyenne est plaifante	443
Figure de la main quand on lucte	420
Figure de la main quand on veut receuoir quelque chose	ead.
Figure de la main quand on tire de larc	410
Figure extreme est douloureuse	442
Figure simplement moyenne, en Grec est dite, asamatos	448
Figure moyenne est en repos en deux manieres	447
Figure moyenne n'est pas toujours sans douleur	447
Figure moyenne est sans douleur pour quelque temps	443. 457
Figure	

T A B L E.

Figure simplement moyenne & non simplement	448
Figure moyenne entre supine & prone	448
Figure moyenne entre extreme extension, & extreme flexion	449
Figure supine	448. 451. 457
Figure prone	ead.
Figure moyenne simplement	449
Figure extreme nest point en dormant	458
Figure de ceux qui gardent quelque chose en leurs mains	459
Figure naturel de gesir	460
Figure moyenne de la main	461
Figure moyenne de la maschoire inferieure 461. comment elle se fait	462
Figure des muscles de l'epigastre, quand le ventre est replet	487
Figure des huit muscles de l'epigastre, quand le ventre est vuide, deuant leur action, & en l'action	487
Figure des muscles de thorax deuant l'action, & en l'action	487
Figure angulaire es mains est sans douleur, & moyenne entre flexion & extension	473
Figure sans douleur es iambes	473
Figure moyenne es iambes	473
Figure moyenne en l'article du col du genoil, & de la spine, cad. en carp ^e cad.	474.
	Figures

T A B L E.

Figures 2. extremes de la maschoire	461
Figure 2. extremes, & vne moyenne	432
Figures 4. moyennes non simplement	449
Figures 4. extremes de la main	447
Fin de flexion & dextension	452
Flexion	413. 415
Flexion de toute la main	452
Foiblesse extreme	444

G

Galien amateur de verité	425
Glenc, ou pupilla	434. 451

H

Habitude de repos	446
Habitude tonique	447
Habitude des muscles est de deux manieres en figure moyenne	446
Histoire de Epimenides Creteens	463
Histoire de Galien, qui fait vn stade (ce sont 125. pas) en dormant	459
Histoire dun resueur	470
Homme mort ne demeure sus les costez	460
Humerus	451

I

Il fault croire à l'experience quand on ne trouue la cause	466
Imaginatiōs plusieurs se font en dormant, deiqueselles on nha point de memoire apres	469
	Impl

T A B L E.

Implantation du nerf au muscle	400
Implantation du tendon	401
Implantations deux des muscles, avec les os	434
Incizion du muscle interieur 413. & de l'exterieur ead. & 414. Item 437. 438	
Incizion transuersale du muscle	415
Incizion du muscle ou tendon exterieur	430
Inspiration est contraire à expiration	483
Inspiration grande	483
Intestins & vefie sont molestez à capse des excremens	472
Instrumens de l'ame & de nature	478
Immersion de muscles	457

L

Larynx quest ce	404
Ligament	395

M

Manieres deux d'operations volutaires	472
Medulle spinale	395
Memoire	468
Memoire precede la consideration	469
Mouement des leures	403
Mouuemens deux du coeur	402
Mouement des muscles est empesché en plusieurs manieres	394
Mouuemens des veines, arteres & muscles	398

O

Mouuem

T A B L E.

Mouuement des yeux	403. 405
Mouuement de œsophagus	403
Mouuement de la langue	405
Mouuement des muscles temporelz	405
Mouuement des muscles est manifeste	406
Mouuemens deux qui sensuiuent quand lun se perd, aussi fait lautre	412
Mouuemens de la main	418
Mouuemens diuers & figures de toute la main	419
Mouuement premier des muscles	422. se-
cond, tiers, ead. le quart	423
Mouuement tonique	425. 428
Mouuement equiualent des muscles oppo- sites	439
Muscle peult auoir plusieurs tendons	393
Muscle est instrumēt animal & naturel	398
Muscle ne se finit pas tousiours en ten- don	402
Muscle de la langue	402
Muscle du col de la vessie	403
Muscle du siege	404
Muscle des yeux	404. 408
Muscle grand interieur du bras	405
Muscle grand de cubitus	405
Muscle du siege de sphincter	406
Muscle de thorax, & du ventre	406
Muscles des extremittez de la face	407
	Muscl

T A B L E.

Muscles des extremitéz	407
Muscles temporelz	407
Muscle ha vn seul mouuement de soy, & vn autre par accident	409
Muscle ha deux mouuemens	410
Muscle empesché par tumeur contre natu- re, ou par conuulsion, attire vers soy la partie par force: mais sil est incizé, il permet attirer à lautre muscle oppo- site	416. 417
Muscle attire à soy la partie, en laquelle il est implanté	420
Muscle interieur est cause de flexion	430
Muscles ont parfaite contraction aux figu- res extremes	438
Muscles appetent naturellement contra- ction	445
Muscles 4. mouuans vlna	453
Muscles estendans & flechissans vlna sont au bras	454
Muscles 2. interieurs sont la main prone, & 2. exterieurs la sont supine	454. 455
Muscles mouuans vlna non point consti- tution moyenne exactement	456
Muscles sont en repos en la seule figure moyenne	458
Muscles tous ne sont en repos en dor- mant	458
	6 2 Muscl

T A B L E.

Muscles intercostaux, quand ilz font leur action pressent le membre succingente, & le poulmon	488
Muscles masticatories	462
Muscles huit de l'epigastre avec le diaphragme font aller à selle	480
Muscles dits Sphincteres retiennent les excremens	481
Muscles contraires au diaphragme	482
Muscles opposites du thorax	483
Muscles sans articles	477
Muscles des costez & du ventre	485
Muscles situez sus le dos	486
Muscles situez sus les parties molles	486
Muscles tous deuiennent courbes en faisant leur action exceptez ceux du thorax, & de l'epigastre	486
Muscles de la langue sont opposite l'un à l'autre	477
Muscle vn au siege qui retient, item en la vessie, & au diaphragme	477
N	
Naissance du tendon	400
Nature des tendons	399
Nature est iuste	477
Nerf	395, 398
Nerfs ont vertu influente du cerueau	396
Nombre des muscles en general	408
	Olecr

T A B L E.

O

Olecranon ou cubitus cest tout vn	454
Operation du muscle	410
Operations du tout libres	472
Operations non pas du tout libres sont remedes des affections du corps	472
Os vn au bras	451
Os deux en vlna	451
Os du bras descendant, qui entre es cauitez de vlna, est subtil & non persé	453

P

Parancephalis	395
Passions des nerfs	396
Plusieurs operations sont volontaires, des- quelz on ignore la cause	465
Playe transuersale des muscles	394
Poulmon est entre tous les visceres le plus mol, & le plus leger	484
Pourquoy nous dilons que le muscle est instrument du mouuement, & non du sen- timent	398
Pourquoy est ce, que quand le muscle exte- rieur est coupé, le membre ne se flechit pas en extreme contraction	441.442
Le poulx est mouuement naturel, & non volontaire	466
Principe du mouuement	399
Proportion des muscles avec les os	435

T A B L E.

Q

Quel mouvement ont les muscles de la vertu animale 430.431

Question du mouvement des muscles 406.412

R

Radius en Grec cerus 451

Relaxation 415

Remede contre spasme, & alienation 396

Respiration est faite par mouvement volontaire. 465.466.471.472

Respiration plus necessaire que l'excretion des excremens 473

Retenir les superfluitez cest operation des muscles 462

Refueurs & yuonngnes perdent la memoire 471

S

Signe du mouvement volontaire 465

Similitude 444.445

Similitude des chaisnes aux muscles 436. & de la main à l'ame 437

Situation du diaphragme 480.484

Spinale medulle 395

T

Tendons en Grec aponeurosis 394.453

Tetanus quest ce 429

Thorax lasche obeit au diaphragme 481

Tout

T A B L E.


Tout mouuement nest pas fait par l'operation des muscles, ne toute mobilité par les repos d'eux	421
Touté chose pesante naturellement descend	424

V

Veine	397
Ventricule & les intestins sont instrumens de nature	479
Vlna en Grec pechy	451
Vlna ha deux apophyses	452
Voix	485
Volunté domine sus la respiration	467
Voix est operation volontaire comme la respiration	473
Vtilité des ligamens	397
Vtilité de la memoire	469
Vtilité des sourcilz	452
Vtilité des iambes	473

64

F I N.



Indice des presages d'Hippocrates.



La vie d'Hippocrates.	495
Protestation & iurement d'Hippocrates	497
Signes de la face	502
Signes par les yeux & leures	503
De la maniere de gesir ou coucher	504
Des signes par les Dents	505
Du signe de mort par vlcere	506
Des signes par les mains	506
Par laleine,ou aspiration	506
Prenostique par la sueur	507
Du costé droit,& gauche	507
Par apostumes souz les costez	508
Des apostumes du bas ventre	509
Quelle doit estre la matiere, qui sort des apostumes	510
D'hydropisie	511
Signes de vie & de mort en maladies agues	512
Signes prins des genitoires,& verges	513
Signes prins par le dormir,& somme	513
De vuider le ventre,& matiere fecale	514
Du	

T A B L E.

Du vent intestinal, & vterin	§15
De la ventofité caufante inflation	§15
La indicature de l'urine	§16
Du vomiffement bon, & mauuais	§18
De fpuition & crachat	§18
De fternuation feule, & avec corize dite eumormire	§20
De fupputation	§20
Les fignes de bon efpoir, & louables aux predites maladies, & autres	§21
Les fignes opposites de defefpoir	§22
Les fignes du temps, & iours de la rupture des apoftumes	§22
Des apoftumes, qui viennent vers les oreilles en pulmonique paffion	§25
Des pufcules, ou apoftumes qui viennent aux piedz	§26
Des fignes de la vefsie	§27
Des Fieures	§29. §34
De la Quinance ou quilance	§32. §33
De l'uuile, gargaffon, ou garguette	§34
Du vomiffement en fleurs	§36

F I N.

